

**Վ. Բ. ԲԱՐԽՈՒԴԱՐՅԱՆ**

---

**ՖԵՆՈԴԱԿԱՆ ՆՈՂԱՏԻՐՈՒԹՅՈՒՆԸ  
ՆԱՅԱՍՏԱՆՈՒՄ 9-11-ՐԴ ԴԱՐԵՐՈՒՄ**



**ԵՐԵՎԱՆ - 2017**



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱ  
ՊԱՏՄՈՒԹՅԱՆ ԻՆՍՏԻՏՈՒՏ

ԳՐԱԴԱՐԱՆ

Վ. Բ. ԲԱՐԻՈՒԴԱՐՅԱՆ

ՖԵՈՒԱԼԱԿԱՆ ՀՈՂԱՏԻՐՈՒԹՅՈՒՆԸ  
ՀԱՅԱՍՏԱՆՈՒՄ 9-11-ՐԴ ԴԱՐԵՐՈՒՄ

4106902



ՍԵՍՐՈՊ ԱՐՔ. ԱՇԿԵԱՆ  
ՄԱՏԵՆԱՇԱՐ  
162



ARCH. MESROB ASHJAN  
BOOK SERIES  
162

**ՀՐԱՏԱՐԱԿՎՈՒՄ Է ՀՀ ԳԱԱ ՊԱՏՄՈՒԹՅԱՆ ԻՆՍՏԻՏՈՒՏԻ  
ԳԻՏԱԿԱՆ ԽՈՐՀՐԴԻ ՈՐՈՇՄԱՄԲ**

**Խմբագիր՝ Ա.Ա. Մելքոնյան**  
**Գրախոս՝ Ա.Բ. Շահնազարյան**

**Բարխուդարյան Վ. Բ.**

Բ 358 Ֆեոդալական հողատիրությունը Հայաստանում 9-11-րդ դարերում / Վ.

Բ. Բարխուդարյան.- Եր.:

Պատմության ինստիտուտ, 2017.- 230 էջ:

*Աշխատությունը նվիրված է Հայաստանում զարգացած ավատատիրությունից շրջանի առաջին փուլի սոցիալ-տնտեսական ու մասամբ քաղաքական պատմության կարևոր հիմնախնդիրներին: Համապարփակ անդրադարձ է կատարվել քննվող ժամանակահատվածում Հայաստանի անկախացման գործընթացի փորձերին ու պետականության վերականգնմանը, նախարարական համակարգի քայքայմանը, աշխարհիկ և եկեղեցական հողատիրության զարգացմանն ու բնույթին, ինչպես նաև հասարակության դասային բաժանմանը:*

*Հատուկ ուշադրություն է դարձվել երկրի տնտեսության վերելքի, հարկային համակարգի քննությանը, ինչպես նաև տարբեր խավերի իրավական ու սոցիալական վիճակին և X-XI դդ. Հայաստանում ծավալված գյուղացիական շարժումներին:*

*Հացեագրված է պատմաբաններին և հայոց միջնադարյան պատմությանը հետաքրքրվողներին:*

## ԽՄԲԱԳՐԻ ԿՈՂՄԻՑ

Սույն մենագրությունը պայմանական գիտությունների դոկտոր, պրոֆեսոր, ՀՀ գիտության վաստակավոր գործիչ, ակադեմիկոս Վլադիմիր Բահշիի Բարխուդարյանի (1927–2017) գիտական հարուստ և արժեքավոր ժառանգության երախայրիքն է: Այն դեռ 1954 թ. ակադեմիկոս Ս. Երեմյանի ղեկավարությամբ երիտասարդ պարմաբանի հաջողության պաշտպանած թեկնածուական արեւնախոսությունն է: Հայ և ընդհանրապես խորհրդային պարմագիտության նվաճումների հաշվառմամբ շարադրված այս աշխատությունը նա կյանքի վերջին շրջանում մրադրվել էր լրանշակել ու հրատարակել: Սակայն, առողջական վիճակի վայրթարացումն ու վերահաս մահը խանգարեցին դրա իրականացմանը:

Չնայած այսօրվա համեմատ սուղ գրչագիր և, հարկապես, վիճագիր աղբյուրագիտական նյութի հիման վրա շարադրված լինելուն, այն չի կորցրել ոչ միայն գիտական արժեքը, այլև արդիականությունը:

Եվ, իրոք, հերազայում սույն մենագրության բուն հիմնախնդրի և դրան աղերավող այլ հարցերի շուրջ աղբյուրագիտական անհամեմատ հարուստ ու վստահելի հենքի վրա հեղինակված աշխատությունները եկան հաստատելու Վ. Բարխուդարյանի առաջադրած մի շարք տեսակետների ճշմարտացիությունը: Ավաճի վկայություններն են երկրում նախարարական համակարգի քայքայման, աշխարհիկ ու հոգևոր հողափրության և սոցիալ-տնտեսական հարաբերությունների զարգացման, հասարակության դասային բաժանման ու դասերի իրավական

վիճակի, հարկային համակարգի, արաբական տիրապետության ժամանակ Հայաստանի իրավական կարգավիճակի և անկախացման նախադրյալների, Բագրատունիների օրոք կենտրոնացված միասնական պետություն չստեղծվելու, հայոց պետականության կործանման ներքին պայժամների և այլ հարցերի շուրջ Վ. Բարխուդարյանի եզրահանգումները:

Հենց այդ իրողություններով և մասնագետին ու լայն ընթերցողին անվանի ու վաստակաշատ հայագետի գիտական ժառանգությունն ամբողջական ներկայացնելու անհրաժեշտությամբ է պայմանավորված այս աշխատության՝ գիտախմբագրական և լեզվաոճական որոշ միջամտություններով հրատարակումը: Դա նաև կնպաստի զարգացած ավարտարիության շրջանի առաջին փուլի վերաբերյալ հայագիտության նվաճումներն ավելի լիարժեք ընկալելուն և արժևորելուն:

## ՆԵՐԱԾՈՒԹՅՈՒՆ

Միջին դարերում հողագործութունը հասարակական արտադրութեան հիմնական բնագավառն է եղել: Այդ պատճառով էլ հողը Ֆեոդալական հասարակարգի արտադրութեան գլխավոր միջոցն էր, իսկ դրա Ֆեոդալական սեփականութունը՝ այդ հասարակարգի հիմքը:

Ֆեոդալական հողատիրութեան աճի ու զարգացման պրոցեսը սերտորեն կապված է անմիջական արտադրող կախյալ բնակչութեան վիճակի և նրա հետագա կացութեան հետ: Ամենից առաջ այդ է Ֆեոդալական հողատիրութեան նշանակութունը, որպէս Ֆեոդալիզմի հիմքի, այսինքն՝ արտադրական հարաբերութեանների մի այնպիսի սիստեմի, որը հիմնված է հողատիրոջ կողմից դուրս դրած բնակչութեան շահագործման վրա: Եթէ կապիտալիստական հասարակարգի օրինաչափութեանների բացահայտման համար կարևոր է կապիտալի կառուցվածքն ու դրա շրջանառութունը, ապա Ֆեոդալական հասարակարգի տնտեսութեան օրինաչափութեանների ուսումնասիրութեան համար նույնչափ կարևոր է Ֆեոդալական հողային սեփականութեան ձևավորումն ու դրա էվոլյուցիան: Ինչպէս կապիտալիզմի էպոխայում կապիտալը հավելյալ արժեքի ստեղծման աղբյուր է, այնպէս էլ Ֆեոդալիզմի ժամանակաշրջանում հողի մասնավոր սեփականութունը Ֆեոդալական հողային ռենտայի ստեղծման հիմքն է: Ֆեոդալական հողային ռենտայի, մասնավորապէս նրա առաջին երկու ձևերի փոփոխութեան, դուրս դրած բնակչութեան շահագործման հետագա ուժեղացման և դրանց անմիջական հետևանք դասակարգային պայքարի հարցերը հնարավոր է ճիշտ լուսաբանել միայն հողի Ֆեոդալական սեփականութեան խոր ու բազմակողմանի ուսումնասիրութեան միջոցով: Ավելին, տիրող դասակարգի ներսում ստանձին դասերի դոյացման և դրանց ռազմա-քաղաքական դիրքի ու փոխհարաբերութեան հիմքում նույնպէս ընկած է Ֆեոդա-

լական հողային սեփականութիւնը: Առանց չսփառանցութեան կարելի է պնդել, որ Ֆետրալական հողատիրութիւնն այն կարևոր պրոբլեմներէ մեկն է, որի մեջ համակենտրոնանում են ֆետրալական հասարակութեան զարգացման հանգուցային մոմենտները: Չուսումնասիրել այդ հարցը՝ նշանակում է սովերի տակ թողնել կամ շատ աղտոտ ու մակերեսային պատկերացում ունենալ ֆետրալական էպոխայի սոցիալ-տնտեսական, իրավատնտեսական և իրավաքաղաքական հարցերի դերակշռող մասի վերաբերյալ:

Փորձենք ելնելով այս բնագավառում սովետական, մասնավորապէս ուսական պատմագիտութեան ձեռք բերած նվաճումներից, անդրադառնալ Հայաստանի հարուստ պատմութեան կարևորագույն շրջաններից մեկի՝ Բաղրատունյաց ժամանակի հողատիրութեան մի քանի կարևոր հարցերի:

Այս խնդիրների կապակցութեամբ միջնադարյան հեղինակները բավարարվում են թուղցիկ ակնարկներով: Դրա հետևանքով, ինչպէս հողատիրութեան, այնպէս էլ տնտեսական կամ սոցիալական մյուս հարցերով հետաքրքրվողը հարկադրված է ուշադիր ուսումնասիրել բոլոր աղբյուրները, որպեսզի դրանց մեջ պահանջված կցկտուր փաստերն ի մի բերելով կարողանա որոշ հետևութիւնների հանգել:

ա) 9–11-րդ դդ. հողային հարաբերութիւնների ուսումնասիրութեան ամենազլխավոր աղբյուրը ժամանակի մատենադիրների երկերն են:

Արաբական տիրապետութեան շրջանի պատմութիւնը տվել է Ղևոնդ վարդապետը, սկսելով նրանց առաջին արշավանքներից և հասցնելով մինչև 788 թ.: Ղևոնդն իր «Պատմութեան»<sup>1</sup> մեջ մասնաւորապէս պատմում է արաբների հարկային ծանր քաղաքականութեան, երկրում արաբական էմիրութիւնների հաստատման, նրանց և հայ նախարարական տների փոխհարաբերութեան և մասնավանդ 8-րդ դ. Սալիֆայութեան տիրապետութեան դեմ հայ ժողովրդի մղած հերոսական պայքարի մասին: Նա եղել է 774–775 թթ. ժողովրդական ասպատամբութեան ժամանակակիցը և ատույզ

<sup>1</sup> Պատմութիւն Ղևոնդեայ մեծի վարդապետի Հայոց, Ս. Պետերբուրգ, 1887 (այսուհետև՝ Ղևոնդ):

ու հասկանալի տվյալներ է տալիս դրա վերաբերյալ: Ղևոնդի պատմութեան միջոցով հնարավորութիւն ենք ստանում հետեւելու հայ նախարարական տների կրած փոփոխութիւններին, հետեւաբար, այս կամ այն չափով նաև Ֆետդալական ժառանգական հողատիրութեան մեջ 7-8-րդ դդ. կատարված տեղաշարժերին:

Հովհաննես Դրասխանակերտցին ապրել է 9-րդ դ. կեսերից մինչև 929 թ.: Նա իր «Հայոց պատմութիւնը»<sup>2</sup> սկսել է համաշխարհային ջրհեղեղից և հասցրել մինչև 925 թ.: Աշխատութեան առաջին մասը նախընթաց շրջանի հայոց պատմութեան համառոտ շարադրանք է և շատ քիչ արժեք է ներկայացնում: Պատմիչը որքան մոտենում է իր ապրած շրջանին, այնքան շարադրում է ընդարձակ ու հետաքրքիր, սակայն 8-րդ դ. վերջի և 9-րդ դ. առաջին կեսի պատմութեան վրա նա նույնպես հանգամանորեն կանգ չի առնում, պատճառաբանելով, թի այդ մասին գրել է Շապուհ Բագրատունին, որի պատմութիւնը դժբախտաբար ցարդ չի հայտնաբերված: Դրասխանակերտցու պատմութիւնը հետաքրքիր և արժեքավոր է հատկապես 9-րդ դ. վերջերի – 10-րդ դ. առաջին քառորդի՝ Բագրատունի առաջին երեք թագավորների (Աշոտ Ա, Սմբատ Ա, Աշոտ Բ) ժամանակաշրջանի վերաբերյալ: Այսինքն, նա փաստորեն տվել է Հայաստանի 35–40 տարիների, իր ապրած շրջանի պատմութիւնը, մանրամասն կանգ առնելով քաղաքական դեպքերի, Ատրպատականի էմիրների արշավանքների և դրա հետևանքով երկրում ստեղծված ծանր ու խառնաշփոթ դրութեան վրա: Դրասխանակերտցին 897–929 թթ. հանդիսանալով երկրի հույճուր առաջնորդը, կողմնակից էր Հայաստանի անկախութեան ամրապնդմանը և Բագրատունիների հզորացման միջոցով նրա կենտրոնացմանը: Այդ իսկ պատճառով նա պաշտպանում է վերջիններիս և հայ իշխաններին խարազանում անմիաբանութեան ու երկիրը թշնամու ձեռքը հանձնելու համար: Նրա Հայոց պատմութեան մեջ արժեքավոր վկայութիւններ կան նաև երկրի սոցիալ-տնտեսական կյանքի առանձին հարցերի մասին:

<sup>2</sup> Յովհաննէս Կարողիկոսի Դրասխանակերտցոյ Պատմութիւն Հայոց, Թիֆլիս, 1912 (այսուհետև՝ Հովհաննէս Դրասխանակերտցի):

Թովմա Արծրունին գրել է Արծրունյաց տան պատմությունը<sup>3</sup> Հնագույն շրջանից մինչև 850 թ., իսկ մի Անանուն Հեղինակ շարունակել է նրա պատմությունը և հասցրել մինչև 10-րդ դ. կեսերը: Թովմա Արծրունու աշխատությունը նվիրված լինելով Արծրունյաց նախարարական տան պատմությանը, բնականաբար դավաբանում ու չափազանցրած ձևով է ներկայացնում Արծրունի իշխաններին: Այդուհանդերձ, նա արժևաբավոր տեղեկություններ է պահպանել արաբական էմիրությունների, Վասպուրականի մյուս նախարարական տների ու Արծրունիների փոխհարաբերությունների, ինչպես նաև հողատիրությունների համար նրանց միջև տեղի ունեցող պայքարի մասին: Թովմա Արծրունու պատմության միջոցով մանրամասն տեղեկություններ ենք ստանում Վասպուրականի տնտեսական կյանքի ու այդ երկրամասում ծավալված կուլտուրական շինարարություն մասին:

Մովսես Կաղանկատվացին գրել է Աղվանքի պատմությունը՝ սկզբից մինչև իր ապրած շրջանը՝ 10-րդ դ. կեսերը<sup>4</sup>: Նա մեծ չափով օգտվել է այլ մատենագիրներից և իր պատմության մեջ հաճախ քաղվածորեն մեջ է բերում նրանց: Ավելի արժևաբավոր են նրա աշխատության երկրորդ և երրորդ գրքերը, որտեղ նա ուշագրավ փաստեր է հաղորդում քաղաքական և մանավանդ եկեղեցական դեպքերի ու հարաբերությունների մասին:

Ստեփանոս Տարոնեցին կամ Ասողիկը ապրել է 10-րդ դ. երեսունական թվականներից մինչև 11-րդ դ. առաջին տասնամյակը: Նրա «Տիեզերական պատմությունը», բաղկացած է երեք մասից կամ հանգեսից<sup>5</sup>: Առաջին երկու մասը տարբեր Հեղինակներից քաղված Հայաստանի ու նրա հարևան երկրների պատմության համառոտ շարադրանքն է, ուստի և առանձին արժևաբար չի ներկայացնում: Կարևոր է երրորդ մասը, որն Ասողիկը սկսում է Աշոտ Ա Բագրատունու թագավորությունից և հասցնում Գագիկ Ա-ի յա-

<sup>3</sup> Թովմայի վարդապետի Արծրունույ Պատմութիւն տանն Արծրունեաց, Թիֆլիս, 1917 (այսուհետև՝ Թովմա Արծրունի):

<sup>4</sup> Մովսեսի Կաղանկատուացոյ Պատմութիւն Աղուանից աշխարհի, Թիֆլիս, 1912 (այսուհետև՝ Մովսես Կաղանկատվացի):

<sup>5</sup> Ստեփանոսի Տարոնեցոյ Ասողկան Պատմութիւն տիեզերական Ս. Պետերբուրգ, 1885 (այսուհետև՝ Ասողիկ):

մանակը՝ 1004 թ., այսինքն տալիս է 117 տարվա պատմություն: Երբորդ մասի Բագրատունի առաջին երեք թագավորների պատմությունը նույնպես քաղված է նախորդ մատենագիրներից, իսկ մնացած մասն ինքնուրույն գործ է և առավել մեծ արժեք ունի: Ասողիկը Բագրատունյաց Հայաստանի իազադ ժամանակաշրջանի ինչպիսի քաղաքական, այնպես էլ տնտեսական ու մշակութային կյանքի պատմության կարևոր աղբյուր է:

Արիստակես Լաստիվերտցին գրել է Հայաստանի 1001–1072 թթ. պատմությունը՝ կանգ առնելով դիտավորապես բյուզանդական նվաճումների և սելջուկյան սփերիչ արշավանքների վրա<sup>6</sup>: Ինքն էլ ապրել է 11-րդ դարում, քանի որ 1049 թ. սելջուկների կողմից Արծն քաղաքի սփերման և մի քանի այլ դեպքերի ականատեսն է եղել: Լաստիվերտցու պատմությունն, օտարերկրյա արշավանքներին և քաղաքական անցքերին նվիրված լինելով հանգերձ, ուշագրավ փաստեր է պահպանել Հայաստանի արևմտյան շրջանների պատմության վերաբերյալ: Նա միաժամանակ թողդրակյան գյուղացիական շարժման ամենակարևոր աղբյուրն է:

Ազրարային հարաբերությունների ուսումնասիրության համար առանձնահատուկ կարևոր աղբյուր է Ստեփանոս Օրբելյանի «Պատմութիւն նահանգին Սիսական» աշխատությունը<sup>7</sup>: Պատմիչն իր ժամանակի (ապրել է 13-րդ դարի երկրորդ կեսում, մահացել 1305 թվականին), կրթված ու բանիմաց անձնավորություններից է եղել: Նա իր պատմությունը գրել է նախորդ մատենագիրների, վրոնական արձանագրությունների, ղանազան վավերագրերի, կալվածագրերի, հրովարտակների ու կաթողիկոսական շրջաբերականների հիման վրա՝ հաճախ բառացիորեն մեջ բերելով դրանք: Իր աղբյուրների նկատմամբ նա քննական վերաբերմունք է ցուցաբերել: Մյու առավելությունների շնորհիվ նրա աշխատությունը ոչ միայն իր ապրած ժամանակի, այլև նախորդ շրջանների և, առաջին հերթին, մեզ հետաքրքրողի ամբողջ Հայաստանի պատմութ-

<sup>6</sup> Պատմության Արիստակեսի վարդապետի Լաստիվերտցու, Թիֆլիս, 1912 (այսուհետև՝ Արիստակես Լաստիվերտցի)։

<sup>7</sup> Պատմության և սահմանի Սիսական արարելու Ստեփանոսի Օրբելյանի այսպիսի կապուսի Սիսնուց, Թիֆլիս, 1910 (այսուհետև՝ Ստեփանոս Օրբելյան)։

յան կարևոր աղբյուր է: Օրբելյանը Հանդամանորեն անդրադառնում է Տաթևի վանքի խոշոր կալվածատեր դառնալուն, նշանավոր ֆեոդալներից տարբեր ժամանակներում նրան նվիրած դյուղեր նվիրելուն, սեփական միջոցներով վանքի դնած հողերին ու այգիներին, ինչպես նաև Սյունիքի իշխանների և եպիսկոպոսների գործունեությանը: Այս բոլորի հետևանքով նա տարբերվում է մեր մյուս մատենագիրներից, դառնում ավելի վստահելի ու յուրօրինակ պատմիչ: Օրբելյանի աշխատությունը միևնույն ժամանակ Սյունիքի գյուղացիական ապստամբության միակ աղբյուրն է:

Օգտագործել ենք նաև 12–13-րդ դդ. մատենագիրներ Մատթեոս ՈւռՀայեցու, Սամվել Անեցու, Ներսես Շնորհալու, Կիրակոս Գանձակեցու և Վարդան վարդապետի աշխատությունները, որոնք երբեմն շատ արժեքավոր, նոր փաստեր են պարունակում Բագրատունյաց ժամանակաշրջանի պատմության վերաբերյալ:

Ն. Կարաուլովի, Պ. Ժուզեի և Բ. Սալաթյանի թարգմանությունների միջոցով<sup>8</sup> օգտվել ենք նաև արարական պատմիչների երկերից: Պետք է ասել, որ արար Հեղինակները շատ արժեքավոր վկայություններ են հաղորդում Հայաստանի քաղաքների, արհեստների ու առևտրի մասին, սակայն հողային հարաբերությունների մասին գրեթե ոչինչ չեն հայտնում:

բ) Բագրատունյաց շրջանի տնտեսական պատմության ուսումնասիրության կարևոր աղբյուր են նաև հայկական դատաստանագրքերը: Դրանց մեջ առանձնապես արժեքավոր է Մխիթար Գոշի 12-րդ դ. հեղինակած դատաստանագիրքը<sup>9</sup>, որի մեջ որոշակիորեն արտացոլվել է տիրապետող և շահագործվող Դատակարգերի իրավասոցիալական վիճակը: Ճիշտ է, ինչպես Գոշի, այնպես էլ

<sup>8</sup> Н.А. Караулов, Сведения арабских писателей о Кавказе, Армении и Азербайджане (Сборник материалов для описания местностей и племень Кавказа, выпуск XXIX, Тифлис, 1901, выпуск XXXI, Тифлис, 1902, выпуск XXXII, Тифлис, 1903, выпуск XXXVIII, Тифлис, 1908, (այստիեսուն՝ СМОМПК), Արաբացի մատենագրերը Հայաստանի մասին հարաբեր և թարգմանեց Բագրատ խալաթանցի, Վիեննա, 1919: П.К. Жузе, Муттагалибы в Закавказье в IX–XI вв. (К истории феодализма в Закавказьи), материалы по истории Грузии и Кавказа, выпуск III, Тбилиси, 1937.

<sup>9</sup> Մխիթարայ Գօշի Դատաստանագիրք Հայոց, հրատ. Վ. Բաստանեանցի, Վսղարշապատ, 1880 (այստիեսուն՝ Մխիթար Գոշ, Դատաստանագիրք):

մյուս դատաստանադրքերն ուչ են հանդես եկել, սակայն կազմված լինելով դերագանցապես սովորույթային իրավունքի հիման վրա, արտացոլել են նաև նախորդ էպոխան, մանավանդ որ միջին դարերում սովորույթներն ու տրադիցիաները կարևոր դեր էին խաղում և երկար պահպանում իրենց ուժը: Մասնավորապես Գոշի Դատաստանագրքում մեծ չափով տեղ է գտել նաև Բագրատունյաց թագավորության էպոխան, ուստի այն, որոշ վերապահումներով հանդերձ, նաև այդ շրջանի սոցիալ-տնտեսական հարաբերությունների ուսումնասիրության արժեքավոր աղբյուր է:

Սատեհագարանում պահվող №№ 839, 8459, 5607 ձեռագրերի միջոցով օգտագործել ենք նաև Դավիթ Ալավկա որդու Դատաստանագիրքը կամ Կանոնական դատաստանագիրքը: Դավիթ Ալավկա որդին ապրել է ավելի մոտ ժամանակ՝ 12-րդ դ. առաջին կեսին, իսկ նրա դատաստանագիրքը հանդես է եկել նույն դարի 30-ական թվականներին: Սակայն այն ամբողջովին կենցաղային-բարոյական բովանդակություներն ունի, որի պատճառով էլ շատ քիչ բան է տալիս մեզ հետաքրքրող հարցի կապակցությամբ: Այս դատաստանագիրքը վերջերս հրատարակվեց Ա. Աբրահամյանի կողմից: Ամբատ Գունդստաբլի Դատաստանագիրքը<sup>10</sup> կազմվել է 13-րդ դ. Կիլիկիայի հայկական թագավորության տնտեսական ու քաղաքական կյանքի պատմության ազդեցության պայմաններում, ուստի այն տողերիս հեղինակի կողմերից առավել զգուշացված է օգտագործվել:

զ) 9-11-րդ դդ. ագրարային հարաբերությունների ուսումնասիրության շատ կարևոր աղբյուր են վիճական արածանագրությունները: Դրանք սովորաբար փորագրվել են վանքերի կամ եկեղեցիների պատերի, պարիսպների, գերեզմանաքարերի, ամանների և այլ իրերի վրա: Արձանագրությունները կազմվել են գյուղեր, այգիներ, ջրաղացներ նվիրելու, դնելու կամ փոխանակելու, հարկեր հավաքելու, խոշոր շենքեր կառուցելու և նման այլ առիթներով, նշելով գրություն ժամանակը: Այլ խոսքով ասած՝ դրանք տվյալ

<sup>10</sup> Սմբատ իշխան (Գունդստաբլի) Դատաստանագիրք, հրատ. Ա. Գլուճեան, Վաղարշապատ, 1918 (այսուհետև՝ Սմբատ Գունդստաբլի Դատաստանագիրք):

ժամանակի սոցիալ-տնտեսական պատմության համար շատ արժեքավոր նյութեր են պարունակում:

Հայկական արձանագրությունների ղերակշռող մասը տարբեր ժամանակներում հրատարակվել են պատմագիտական, բանասիրական և աշխարհագրական աշխատություններում ու պարբերականներում: Դժբախտաբար մինչ այժմ վիճական արձանագրությունների ամբողջական գիտական ժողովածու չկա: Հրատարակի վրա է Կ. Կոստանյանի կազմած ժողովածուն<sup>11</sup>, որը թերի է և հրատարակման որակի տեսակետից շատ հեռու է գիտությունների կազմակերպչներից Կոստանյանի կազմած ժողովածուից՝ հարկավոր եղած փաստերը համեմատելով նրա մատնանշած աղբյուրների հետ:

Օգտագործել ենք նաև Կ. Բասմաջյանի հրատարակած Անիի, Բագնայրի և Մարմաշենի արձանագրությունները<sup>12</sup>, ինչպես և Կ. Ղաֆաղարյանի հավաքած արձանագրությունների անտիպ ժողովածուն:

դ) Հնագիտական պեղումների հետևանքով հայտնաբերված նյութական կուլտուրայի մնացորդները շատ արժեքավոր նյութեր են տալիս՝ մասնավորապես հողագործության տեխնիկայի ու նրա զարգացման աստիճանի մասին: Հնարավորին չափով օգտագործել ենք Անիի և Դվինի պեղումներից հայտնաբերված նյութերը՝

և) Պատմության ուսումնասիրությունների կարևոր ու արժանահավատ աղբյուր են նաև հայերեն ձեռագրերի հիշատակարանները, որոնցում խոսվում է ժամանակի կարևոր դեպքերի ու անցքերի, ինչպես նաև սոցիալ-տնտեսական պատմության առանձին ու շաղկապով փաստերի մասին: Բարեբախտաբար վերջերս հրատարակվեց Գ. Հովսեփյանի «Հիշատակարանք ձեռագրաց» ժողովածուի առաջին հատորը, որն ընդգրկում է 5-13-րդ դդ.<sup>13</sup>: Մինչև 12-րդ դ. հի-

<sup>11</sup> Վիճական տարեգիր, Յուդակ ժողովածոյ արձանագրութեանց իսյոց, կազմեաց Կ. Կ. Կոստանյանց, Ս. Պետերբուգ, 1913 (այսուհետև՝ Վիճական տարեգիր):

<sup>12</sup> Կ. Բասմաջեան, Հայերէն արձանագրութիւնը (Անույ, Բագնայրի և Մարմաշենու), Պարիս, 1931:

<sup>13</sup> Յիշատակարանք ձեռագրաց (Ե դարից մինչև 1250 թ.): Անթիլիաս, Ի. Ա., կազմեց Գարեգին Ա կաթողիկոս Յովսէփեան, Անթիլիաս, 1951 (այսուհետև՝ Հիշատակարանք ձեռագրաց):

շատակարարանները համեմատաբար սակավ են, իսկ 12–13-րդ դդ. դառնում են ավելի առատ ու բովանդակալից:

\*

\* \*

« Կղերաֆեոդալական պատմագիտությունը, հասկանալի պատճառով, չի անդրադարձել ինչպես սոցիալ-տնտեսական պատմության շատ հարցերի, այնպես էլ ֆեոդալական հողատիրությանը: Այդ պատմագրության ներկայացուցիչները հիմնականում տվել են եկեղեցու, քաղաքական անցքերի պատմությունը, նկարագրել սոսկ երևույթների արտաքին կողմը՝ չխորանալով այդ երևույթներին ծնունդ ավող ներքին պատճառների մեջ:

Այսպես, օրինակ, Մ. Չամչյանը «Հայոց պատմություն» եռահատոր, իր ժամանակի համար ամփոփիչ բնույթով ունեցող աշխատության երկրորդ հատորի չորրորդ գիրքը նվիրել է Հայաստանի 856–1080 թթ. պատմությանը<sup>14</sup>: Նա մանրամասնորեն շարադրել է միայն Բագրատունի թագավորների, հայոց կաթողիկոսների և նրանց օրոք կատարված անցքերի, մանավանդ Բյուզանդիայի և իտալիֆոյսության հետ նրանց հարաբերության պատմությունը: Այլ խոսքով՝ Մ. Չամչյանը տվել է Բագրատունյաց նախարարական տան ու եկեղեցու պատմությունը:

Բուրժուական պատմագիտությունը, չնայած մի քանի քայլ առաջ է գնացել կղերաֆեոդալական պատմագրությունից, սակայն նա էլ չի կարողացել երևույթներին ճիշտ, սոցիալ-դասակարգային մեկնաբանություն տալ:

Լեոն իր «Հայոց պատմության» երկրորդ հատորում ընդարձակ տեղ է հատկացրել Բագրատունյաց շրջանի պատմությանը<sup>15</sup>: Հեղինակը մի քայլ առաջ է գնացել կղերական պատմագրությունից և սկզբնաղբյուրների հիման վրա Հայաստանի 9–11-րդ դդ. պատմությունը շարադրելիս աշխատել է փաստերն իմաստավորել, բացատրել այս կամ այն երևույթի պատճառները: Սակայն նա նախ գերազանցապես ներկայացրել է երկրի քաղաքական ու կուլ-

<sup>14</sup> Մ Չամչյանց, Պատմություն Հայոց, II, Բ, Վենետիկ, 1785, էջ 673–1048:

<sup>15</sup> Լեո, Հայոց պատմություն, II, երկրորդ, Երևան, 1947, էջ 497–173:

տուրական պատմութիւնը և երևույթները բացատրել սուբյեկտիվ իդեալիստական դիրքերից: Այսպես, օրինակ, նա Բաղրատունյաց անկախ թագավորութեան առաջացումը հիմնականում բացատրում է Աշոտ Բաղրատունու վարչաքաղաքական ընդունակութիւններով: Լեոն նույն կերպ սխալ է մեկնաբանում նաև երկրի ֆեոդալական մասնատմածութիւնը՝ Հայաստանի տարբեր մասերում ինքնուրույն թագավորութիւնների ու իշխանութիւնների առաջացումը, դասակարգային պայքարի հարցերը, ինչպես նաև Բագրատունի, Սյունյաց և Արծրունյաց իշխանական տների հարաբերութիւններն ու ներքին կռիւլները: Լեոնի մոտ երևույթների ներքին, սոցիալ-տնտեսական բացատրութիւնը բացակայում է:

Ակադեմիկոս Հ. Մանանդյանը հիմնականում զբաղվել է հին շրջանի ագրարային հարաբերութիւնների պատմութեան հարցերով: Նա նախ ուսումնասիրել է Բագրատունյաց շրջանի հարկերի առանձին տեսակները և, բացի այդ, «Ֆեոդալիզմը հին Հայաստանում» արժեքավոր մեկնութեան մեջ<sup>16</sup>, առանձին գլխով քննել է մանր հողատիրութեան հարցն ինչպես հին, այնպես էլ մեզ հետաքրքրող ժամանակաշրջանում: Ֆեոդալական հողատիրութեան հարցերը բավական ընդարձակ չափով տեղ են գտել և քննվել Խ. Սամուելյանի «Հին հայ իրավունքի պատմութիւն» աշխատութեան մեջ<sup>17</sup>: Ծիշտ է, հեղինակին հետաքրքրում են հայ իրավունքի պատմութեան հարցերը, սակայն այդ կապակցութեամբ նա «Պետական և վարչական իրավունք» բաժնում քննում է 4—13-րդ դդ. հողատիրութեան, ֆեոդալական ծառայութեան, կառավարչութեան և անմիջական արտադրողների իրավունքի հարցերը: Հողատիրութեան և ընդհանրապես սոցիալական կյանքի վերաբերյալ արժեքավոր փաստեր բերելով և համապատասխան բացատրութիւններ տալով հանդերձ, Խ. Սամուելյանը սխալ տեսակետ է դարձացնում հողի պետական սեփականութիւնը գոյութեան և մի քանի այլ հարցերի վերաբերյալ:

9—11-րդ դդ. ֆեոդալական հողատիրութեան, ինչպես նաև սոցիալ-տնտեսական պատմութեան հարցերն ամբողջական տրվել է

<sup>16</sup> Հ. Սամուելյան, Ֆեոդալիզմը հին Հայաստանում, Յերևան, 1934:

<sup>17</sup> Խ. Սամուելյան, Հին հայ իրավունքի պատմությունը, Խ. 1, Յերևան, 1939:

1953 թ. լույս տեսած «Очерки истории СССР» ձեռնարկի առաջին հատորի Ս. Երևմյանի գրած «Армения в IX – первой четверти XIII в.» ենթագլխում (էջ 589–641): Այդ ժամանակաշրջանի հոդատիրության խնդիրներն այս կամ այն չափով շոշափվել են նաև Ս. Երևմյանի «Опыт периодизации истории Армении эпохи феодализма» (Вопросы истории 1951, № 7), Ս. Հակոբյանի «Հայ ժողովրդի Ֆեոդալական շրջանի պատմության պերիոդիզացիայի հարցի շուրջը» («Տեղեկագիր» ՀՍՄՌ ԳԱ հասարակագիտական բաժանմունքի, 1951, № 8) հոդվածներում: Ֆեոդալական հոդատիրության և ընդհանրապես ուսումնասիրվող շրջանի ազդարային հարցերն ավիլի հանգամանորեն քննվել են Բ. Հարությունյանի «Социально-экономическое положение в Армернии XII в. по Судебнику Мхитара Гоша (Вопросы истории, 1952, № 3)», և «Крестьянские волнения Сюнии в X веке» (Ученые записки Ереванского государственного русского педагогического института или. А.А. Жданова, Ереван, 1950, т. II) արժեքավոր հոդվածներում: Ի դեպ, վերջին հոդվածը, որտեղ բավարար չափով վեր է հանված Սյունիքի գյուղացիության պայքարը, մեզ համար արժեքավոր է հատկապես այն տեսակետից, որ հեղինակը գյուղացիության պայքարը կապել է հոդատիրության մեջ կատարվող տեղաշարժերի՝ գյուղական համայնքների հաշվին խոշոր ֆեոդալական հոդատիրության աճի հետ և մանրամասն կանգ է առել այդ խնդրի վրա:

Ֆեոդալական հոդատիրության հարցերն ավելի մեծ չափով տեղ են գտել դիսերտացիոն, ղեռն անտիպ աշխատություններում:

Ս. Հակոբյանի դոկտորական դիսերտացիան<sup>18</sup>, նվիրված է Հայ գյուղացիության պատմությանը 4–13-րդ դ.: Հեղինակն այս ստվարածավալ մենագրության մեջ գյուղացիության պատմությանը զուգահեռ բավական հանգամանորեն կանգ է առնում նաև

<sup>18</sup> Ս. Ե. Հակոբյան, Հայ գյուղացիության պատմություն (4–13-րդ դարեր), (դիսերտացիոն աշխատանք), անտիպ, Երևան, 1951:

հողային հարաբերությունների վրա: Նա իր թեմայի պահանջներից ելնելով՝ զարգացած ֆեոդալիզմի ողջ ժամանակաշրջանի՝ 9–13-րդ դդ. գյուղացիութայան և նրա հետ կապված հողատիրություն հարցերը միասին է քննում և միանգամայն ճիշտ ընդգծում 9-րդ դ. սկսած հողատիրություն մեջ կատարված տեղաշարժերը:

Ը. Ութմազյանի թեկնածուական դիսերտացիան նվիրված է պատմական Հայաստանի նահանգներից մեկի՝ Սյունիքի 9–10-րդ դդ. տնտեսական և քաղաքական պատմությանը<sup>19</sup>: Սակայն հեղինակն իրավացիորեն այդ երկրամասի պատմությունը շարադրել է Հայաստանի ընդհանուր պատմության հետ կապակցված և զգալի տեղ է հատկացրել ոչ միայն Սյունիքի, այլև ամբողջ Հայաստանի հողային հարաբերություններին:

Ը. Նալբանդյանի դիսերտացիոն աշխատանքը վերաբերվում է 8-րդ դ. սկզբից մինչև 9-րդ դ. կեսը Հայաստանում արաբների վարած հարկային և վարչական քաղաքականությանը<sup>20</sup>: Այս ուշագրավ աշխատանքը կարևոր է Բագրատունյաց ժամանակաշրջանին անմիջապես նախորդող գրեթե չուսումնասիրված էպոխայի սոցիալ-տնտեսական հարաբերությունները թեկուզ ընդհանուր պնդումով պարզաբանելու տեսակետից:

<sup>19</sup> Ը. Ութմազյան, Սյունիքը 9–10-րդ դարերում, (Պիսերտացիոն աշխատանք) անտիպ, Երևան, 1948:

<sup>20</sup> Ը. Նալբանդյան, Արաբների վարչական և հարկային քաղաքականությունը Հայաստանում (8-րդ դ. սկզբից մինչև 9-րդ դ. կեսը), (Պիսերտացիոն աշխատանք) անտիպ, Երևան, 1950:

# ԳԼՈՒԽ ԱՌԱՋԻՆ

## ՀԱՅԱՍՏԱՆԻ ՏՆՏԵՍԱԿԱՆ ԵՎ ՔԱՂԱՔԱԿԱՆ ԴՐՈՒԹՅՈՒՆԸ 9-11-ԻՆ ԴԴ.

### 1 Երկրի անկախության վերականգնումը.

8-րդ դ. կեսերին Խալիֆայության ներսում Օմայյանների և Աբբասյանների միջև մղվող պայքարը վերջացավ վերջիններիս հաղթանակով: 750 թ. Աբբասյաններն անցան իշխանության գլուխ: Այդ նույն ժամանակ Հայաստանում ճնշվեց արաբական տիրապետության դեմ ուղղված 747-750 թթ., համաժողովրդական ապստամբությունը:

Աբբասյանների դինաստիան ոչ միայն թեթևաբեկ չէր, այլև ավելի դժվար ու խիստ հարկային քաղաքականություն սկսեց վարել, քան Օմայյանները: Խալիֆայությունն արքունիքի աճող հսկայական ծախսերն ու շռայլությունները հոգալու համար անընդհատ եկամտի նորանոր աղբյուրներ էր փնտրում և հաճախ էր դիմում հարկերը ծանրացնելու միջոցին<sup>21</sup>: Ղևոնդը հարկային այդ ծանր քաղաքականության և դրա պատճառով Հայաստան եկած արաբ հարկահանի մասին գրում է. «... նախ ելեալ յաշխարհս Հայոց՝ բազում վշտօք և և նեղութեամբ վտանգէր գամենեսին և հասուցանէր ի չքաւորութիւն տնանկութեան, մինչև պահանջել հարկս և ի մեւեկոցն: ... Խոշտանգէր և զընակիչս աշխարհիս բռնագոյն և դառն հարկապահանջութեամբ, առնուլ ըստ գլխոյ բազում գուղէս արծաթոյ, և գնել կնիք կապարեայ յամենեկուն պարանոցս»<sup>22</sup>: Այսպիսով, արաբները Հայերից պահանջում էին ոչ միայն ապստամբության երեք տարիների

<sup>21</sup> Б.Н. Заходер, История средневековья (Халифат и Ближний Восток), Москва, 1944, էջ 40:

<sup>22</sup> Ղևոնդ, էջ 127:



հարկերը, այլև անգամ ստիպում էին այդ տարիներին մեռածների փոխարեն գլխահարկ վճարել: Աբբասյանները հրաժարվեցին հայոց հեծելազորի պահպանման համար դեռևս 652 թ. սահմանված 100.000 դահեկանը վճարելուց<sup>23</sup>, որի ծանրութունը ևս հարկերի ձևով ընկավ ժողովրդի վրա, ավելի ծանրացնելով նրա վիճակը: Որոշ նախարարներ հալածանքների պատճառով թողնում էին իրենց հողերը և անցնում Բյուզանդիայի սահմանները: «էին ոմանք ի նախարարացն Հայոց,— գրում է Ղևոնդը,— որք մերժեալ լքին զժառանգութիւնս իւրեանց և փախստեսայ անկան յաշխարհն Յունաց, ապաւինեալք առ կայսրն Կոստանդին»<sup>24</sup>:

Ավելի շատ ծանրանում է գյուղացիների դրութունը, մանավանդ, որ առևտրի ու դրամաշրջանառության թույլ զարգացման և բնատնտեսության գերիշխանության պայմաններում նրանց ստիպում էին հարկերի մի զգալի մասը դրամով վճարել, որի հետևից ավանքով գյուղացին ծայրահեղ աղքատացման և գրեթե ստրկական վիճակի մեջ էր ընկնում: Աբբասյանների այս քաղաքականութունը, հասկանալի է, որ տարածվում էր ոչ միայն Հայաստանի, այլև Նալիֆայության կազմի մեջ մտնող մյուս երկրների ու ժողովուրդների վրա: Այդ է պատճառը, որ Աբբասյան ղրնաստիայի գոյության հենց սկզբնական շրջանից Նալիֆայության ներսում պարարտ հող ու նպաստավոր պայմաններ ստեղծվեցին ապստամբական շարժումների համար:

Խորասանում 755 թ. մեծ ապստամբութուն է բռնկվում, որը դժվարությամբ է ճնշվում: Մոսուլում 765 թ. խոշոր ապստամբութուն է սկսվում, որը քրդական ցեղերի աջակցության պայմաններում տարածվում է ամբողջ Հյուսիս-արևմտյան Իրանում: Միայն 786 թ. Նալիֆայությանը հաջողվեց ճնշել այդ ապստամբութունը: Նալիֆայության դեմ բռնկած ապստամբութունների մեջ առանձնահատուկ տեղ է զբաղում Մուկաննայի գլխավորած միջինասիական ժողովրդական ապստամբութունը (776–783): Մուկանան տարիներ շարունակ կատաղի դիմադրում էր, արարա-

<sup>23</sup> Տե՛ս Բ. Առաքելյան, Ժամանակագրական դիտողություններ, ՍՍՌՄ ԳԱ հայկական ֆիլիալի «Տեղեկագիր», 1941, № 1, էջ 61–64:

<sup>24</sup> Ղևոնդ, էջ 133:

կան բանակին և Խալիֆայությունն ուժերի մեծ լարումով միայն կարողացավ ճնշել նրա դեկավարած ապստամբությունը: Մուկաննան շրջապատման մեջ ընկնելով վերջ տվեց կյանքին՝ չցանկանալով գերի ընկնել<sup>25</sup>:

Ց-րդ դ. երկրորդ կեսին Խալիֆայության դեմ բռնկված ընդհանուր ապստամբությունների մեջ կարևոր տեղ է գրավում նաև 774–775 թթ. համաժողովրդական ապստամբությունը Հայաստանում: Այդ ապստամբության ազդանշանը տվեց Արտավազդ Մամիկոնյանը՝ սպանելով արաբ հարկահաններին ու ոչնչացնելով իր դեմ շարժվող արաբական պատժիչ զորքը<sup>26</sup>: Ապստամբությունն արագորեն տարածվեց Հայաստանի մյուս նահանգներում՝ ընդգրկելով երկրի մեծ մասը: Ապստամբներն ամենուրեք դատաստան էին տեսնում արաբ հարկահանների հետ, հարձակվում և գրավում այն ամրոցներն ու քաղաքները, ուր կենտրոնացված էին արտրական կայազորները: Սակայն 775 թ. վաղ գարնանը խալիֆալ-Մանսուրը (754–775) Ամիրի գլխավորությամբ 30 հազարանոց բանակ ուղարկեց Հայաստան: Արաբական զորքը Արճնչի մոտ 775 թ. ապրիլի 15-ին կատաղի մարտում հաղթեց հայերին: Ղևոնդի խոսքերով ասած՝ արաբները «կոտորեցին զմեծ մասն հետևակ զօրուն որ յաշխարհաբնակ մարդկանէն էին քանզի էին մերկք և առանց զինուց և անհմուտք պատերազմի»<sup>27</sup>:

Այնուհետև արաբական բանակը շարժվեց Կարինը պաշարող ապստամբների վրա, իսկ վերջիններս իմանալով այդ մասին՝ թողեցին քաղաքի պաշարումը և աշխատեցին փակել արաբական զորքի առաջընթացի ուղին: Հակառակորդ զորքերն իրար հանդիպեցին 775 թ. ապրիլի 24-ին՝ Բադրևանդ գավառի Արճնի գյուղի մոտ: Հայերը չնայած ճակատամարտի սկզբում գերակշռություն ունեին, այնուամենայնիվ, չկարողացան մինչև վերջ դիմադրել արաբական կանոնավոր բանակին և մեծ զոհեր տալով պարտվեցին<sup>28</sup>:

<sup>25</sup> Ե. Ի. Заходер, նշվ. աշխ. էջ 44:

<sup>26</sup> Ղևոնդ, էջ 138–139:

<sup>27</sup> Նոյն տեղում, էջ 147:

<sup>28</sup> Նոյն տեղում, էջ 149:

Խալիֆայությունն ապստամբների հետ խիստ դատաստան տեսնելով հանդերձ համոզվելով, որ անհնար է Հայաստանը բռնի միջոցներով հնազանդ պահել, գործնական քայլերի դիմեց արաբական սարքը երկրի ներսում ուժեղացնելու համար: Այսպիսով, Խալիֆայությունն իր տիրապետությունը Հայաստանում պահպանելու համար հարկադրված նոր մեթոդների էր դիմում:

Արաբները, ինչպես իրենց զբաղված մյուս երկրներում. այնպես էլ Հայաստանում հողային տարածություններն իրենց փաստական սեփականությունը չէին զարձնում: Նրանք հողի իրավական տնօրինումն էին վերցրել իրենց ձեռքը: Խալիֆին էր պատկանում բոլոր հայկական հողերի նկատմամբ գերադույն իրավունքը: Նա լավագույն հողերը նվիրում էր արաբական էմիրներին ու գլխավորներին, որը վարձատրություն էր նրանց զինվորական ծառայության դիմաց և ուներ պայմանական բնույթ: Նման նպատակներով տնօրինելու համար խալիֆի ձեռքում հողային մշտական ֆոնդ էր լինում՝ պետության հանդեպ հանցավոր համարվող կամ իրենց կալվածքները թողած և Բյուզանդիայի սահմաններն անցած նախարարների հողերը բռնազբաղելու միջոցով: Չնայած դրան, արաբական տիրապետության առաջին շրջանում Օմայան գլխաստիպի իշխանության ընթացքում, հողային հարաբերությունները մնում էին նախկինը: Հայ ֆեոդալները հիմնականում մնում էին իրենց հայրենական կալվածքներում և նրա ժառանգական տերերն էին, մանավանդ, որ արաբ էմիրներին հողեր նվիրելն ընդհանուր երևույթ էր դարձել: Արաբներին այս շրջանում ոչ այնքան հողի սեփականությունն էր հետաքրքրում, որքան դրանից ստացված եկամուտը: Այդ պատճառով նրանք չէին հողում հողի մշակումը, այլ բավարարվում էին միայն նրա եկամուտը ստանալով՝ սրով և ապահովում էին իրենց ապրուստը: Հողի մշակումը մնում էր տեղի բնակիչների ձեռքում: Արաբ էմիրները զբաղված հողերում նույնպես մնում էին նախկին հայ գյուղացիները:

Արաբներն ամբողջ Անդրկովկասը դարձրին մի վարչական միավոր՝ «Արմենիա» անունով: Հայաստանը մտնում էր դրա մեջ, պահպանելով իր ինքնավարությունը: Այսինքն նրանք պահպա-

նեցին նաև երկրի վարչական ինքնավարութունը, որովհետև այդ հարմար էր հարկերի գանձման համար: Նախարարներին էր մնում ինչպես հողերի ժառանգական տիրապետության իրավունքը, այնպես էլ ավյալ գավառի իշխանությունը:

Արաբական տիրապետության ժամանակ Հայաստանում պահպանվում էին Հայոց իշխանի և սպարապետի պաշտոնները: Վերջինս ամբողջ հայկական զորքի գլխավոր հրամանատարն էր համարվում և խալիֆի պահանջով այն առաջնորդում էր դեպի պատերազմ: Հայոց իշխանը հավաքում էր հարկերը և դրանք հանձնում ոստիկանին կամ խալիֆին, հսկում երկրի ներքին կարգ ու կանոնը և միջնորդ էր նախարարների ու խալիֆի միջև: Հայոց իշխանի պաշտոնը ցկյանս տրվում էր զորեղ նախարարներից մեկին (եթե որևէ արտակարգ բան չէին պատահում), սակայն ոչ ժառանգական բնույթով: Այդ պաշտոնի հանձնումը կամ հետ վերցնումը խալիֆի միջոցով էր կատարվում: Նրա հաստատման հետ միաժամանակ, որը հանդիսավոր կատարվում էր խալիֆի կամ ոստիկանի կողմից, որպես պաշտոնի արտաքին նշաններ տրվում էին ձի, սուսեր ու հատուկ համազգեստ: Այդպիսի մի դեպքի նկարագրություն է տալիս Թովմա Արծրունին. «...հրամայեաց ամել առաջի իւր (խալիֆը—Վ.Բ.) զԱշոտ և զորդի նորա Գրիգոր: Եւ զգեցոյց նոցա հանդերձս և կանդենաց նշանակ իշխանական և էած սուսեր բնդ մէջ և կամար ականակապ և երիվար ընդիր մեծազարդ... և ի հնչիւնս փողոց. և քարոզքն բարձրացուցանէին զերգսն մեծ և սաստիկ գոչմամբ, եթէ տուաւ իշխանութիւն Վասպուրական աշխարհին Աշոտոյ և որդւոյ իւրոյ Գրիգորի»<sup>29</sup> Իշխանի հեղինակութունը մեծ էր ու տարածվում էր ամբողջ Հայաստանի բնակչության, այդ թվում և հոգևորականության վրա: Երբեմն իշխանի և սպարապետի պաշտոնները կենտրոնանում էր մի անձնավորության ձեռքում:

Արաբներն իրենց տիրապետության հենց սկզբնական շրջանում ուղիմական կարևոր նշանակութուն ունեցող ամրոցներում, ինչպես նաև առևտրական կարևոր ճանապարհների վրա դռնվող

<sup>29</sup> Թովմա Արծրունի, էջ 328:

բերդաքաղաքներում հաստատեցին արաբական կայազորներ, որոնք հսկողութեան տակ էին պահում կարևոր ստրատեգիական նշանակութիւն ունեցող վայրերն ու առևտրական ճանապարհները: Դրանք քանակական տեսակետից այնքան մեծ չէին և կղզիացած էին տեղական բնակչութիւնից: Արաբները Կարինում այդ կղզիացածութիւնից ու այն ապստամբների համար հենարան դառնալուց վախենալով՝ 758 թ. արաբ ընտանիքներ տեղափոխեցին ու հաստատեցին այնտեղ և միաժամանակ ամրացրին քաղաքը<sup>30</sup>:

Արաբական պահակազորեր էին հաստատուել նաև Դյլինում, Նախճավանում, Շամքորում, Գանձակում, Արճնշում, Մանազկերտում և այլուր<sup>31</sup>: Այդպիսի ամրացված ռազմական կենտրոնների շուրջ բնակութիւն էր հաստատում զանազան տեղերից գաղթեցրած արաբ բնակչութիւնը: Այն մասնակցում էր արաբական պահակազորային զորամասերի անկարգութիւններին և իր հերթին պատուհաս դառնում տեղական բնակչութեան համար: Այնուամենայնիվ արաբ բնակչութեան գաղթեցումը կատարվում էր շատ սահավ քանակով և ուներ պատահական բնույթ: Այնպես որ այն չէր կարող քիչ թե շատ շոշափելի ազդեցութիւն դործել կամ խախտել արաբական կայազորների կղզիացած վիճակը:

Այսպիսով, Հայաստանում գրեթե մինչև 8-րդ դ. կեսերն օտար տիրապետողն իշխում էր միայն քաղաքականապես, բռնի ուժի միջոցով: Երկրում բռնկվող ժողովրդական ապստամբութիւններն արաբներին համոզեցին, որ իրենց տիրապետութիւնը կայուն չէ, և որ իրենք չունեն սոցիալական կայուն հենարան: Այդպիսին ստեղծելու համար նրանք որոշեցին արաբական տարրը ուժեղացնել երկրի ներսում և այդ նպատակով 8-րդ դ. վերջերից սկսվեց խորաստանից և Միջագետքից արաբական ցեղերի մասսայական գաղթեցումը դեպի Հայաստանի կենտրոնական դափառներ: 9-րդ դ. արաբ պատմագիր Յակուբին գրում է. «Ռաշիդը նշանակեց ... Յուսուֆ Սուլամիին Հայաստանի (կառավարիչ) ..., որը գաղթեցրեց այդ երկիր Նիզարի (ցեղից) մարդկանց ... նիզարիտները, Յու-

<sup>30</sup> Էւոնդ, էջ 130:

<sup>31</sup> Տե՛ս Հ. Նալբանդյան, նշվ. աշխ., էջ 57-59:

սուֆի ժամանակ բազմացան: Հետո Ռաշիդը նշանակեց Ղազիդ իբն Մադայադ իբն Ջայադ ավ - Շայբանիին, որը բոլոր կողմերից դաղթեցրեց Ռաբիա ցեղերը այնքան շատ, որ նրանք այսօր կազմում են (արար) բնակչուլթյան մեծ մասը: Առհասարակ նա հաստատ կարգի տակ դրեց երկիրը, մինչև որ խռովությունը միանգամայն վերացավ»<sup>32</sup>:

Արաբական ցեղերի դաղթեցման հետևանքով աստիճանաբար Հայաստանում մի շարք էմիրություններ առաջացան: Դվինում և նրա շրջակայքում ամրացել էին շահապյանները, Առբերանի շրջակայքն Ամյուկ և Բերկրի ամրոցներով զրավել էին ութմանի արաբական ցեղերը, Մանադկերտը, Արճեշը և Խլաթը զավթել էին կայսիկները, որի շեյխներից մեկը Մուսա-իբն-Ջուրարսն Զ-րդ դ. սկզբներին դրավելով Արզանի շրջանը, նոր Փեոզալական տան հիմք դրեց: Նրանից ոչ հեռու Ամիդում նստում էր Իսա-իբն-Շեյխը, իսկ Նախճավանում հաստատվել էր մի այլ ցեղ<sup>33</sup>: Այսպիսով, օտար էթնիկական էլեմենտն ամուր ամրանում էր երկրի ներսում և Հայաստանի քաղաքական ու էթնիկական ամբողջությանը մեծ վտանգ էր սպառնում:

Խալիֆայությունն արաբական այս ցեղերին աշխատում էր դարձնել իր նեցուկը տեղական ասպտամբուլյունները ճնշելու և ընդհանրապես երկիրը հնազանդ սլահելու գործում: Սակայն դա նրան չհաջողվեց:

Երկրում հաստատվող արաբական ցեղերը սկսեցին տիրանալ կալվածքների, որպիսիք շնորհում էր խալիֆը, կամ նրա օգնությամբ իրենք էին դրանք զանազան միջոցներով ձեռք բերում: Արաբական ռազմացեղային այդ ավազանին տեղական ազդեցության հետևանքով ժամանակի ընթացքում Փեոզալականացման ենթարկվեց ու վերածվեց ռազմահողատիրական ազնվականության: Նրանք յուրացրել էին տեղական բնակչության կյանքի, սննդի, հագուստեղենի ու ընդհանրապես Փեոզալական նիստ ու

<sup>32</sup> Արարացի մատենագրերը Հայաստանի մասին, էջ 110–111:

<sup>33</sup> Տե՛ս Ու. Կ. Жызе, նշվ. աշխ., էջ 180, 203:

կացի ձևերը և իրենց հերթին փոխադարձ ազդեցություն էին գործում նրանց վրա:

Արաբական էմիրներն ու շեյխերն աստիճանաբար երևա դարձնելով Խալիֆայությունից, թեքվում էին դեպի անզական Ֆեոդալական իշխանությունները, որոնց հետ կապվել էին նաև բարեկամական կապերով: Այդ էմիրությունների տնտեսական և քաղաքական շահերը նրանց մղում էր դեպի հայ ֆեոդալները: Նրանք ավելի նպատակահարմար էին համարում կապվել տեղական դինաստիաների, քան դեպի անկում գնացող Խալիֆայության հետ: Այնպիսի դեպքեր, երբ արաբ էմիրներն իրենց ջոկատներով օգնության էին գալիս կենտրոնական իշխանության դեմ ասպատամբած հայ ֆեոդալներին, եզակի չէին: Այսպես, օրինակ, 851 թ. հայ ֆեոդալներին օգնության եկան Տարոնի Բագրատ Բագրատունու փեսա, Արզանի էմիր Մուսա-իբն-Չուբարան և ուրիշ էմիրներ: Գրգ դ. արաբական էմիրությունների ֆեոդալականացման պրոցեսն այնքան էր առաջ գնացել և որպես ինքնուրույն ֆեոդալական տներ նրանք այնքան էին կայացել, որ տեղական ֆեոդալների նման Խալիֆայությունից անկախանալու որոշակի ձգտումներով էին հանդես գալիս և այդ նպատակով հաճախ զործակցում էին նրանց հետ<sup>34</sup>:

Մյուս կողմից, Խալիֆայությունը Գրգ դ. սկսած կանգնում է աստիճանական թուլացման ու քայքայման ուղու վրա: Չնայած Հարուն ալ-Ռաշիդը (786–809 թթ.) կարողացավ կարճ ժամանակով ուժեղացնել երկրի կենտրոնացումը, ամրապնդել պետական կարգն ու Խալիֆայության հեղինակությունը, այնուամենայնիվ գեոևս նրա կառավարման ժամանակ Խալիֆայությունը ցույց տվեց քայքայման առաջին նշանները: 800 թ. Հյուսիսային Աֆրիկան ընդմիջտ դուրս եկավ Արբասյանների տիրապետությունից: Նրա կառավարման վերջին շրջանում Խորասանն ու Միջին Ասիան ըզկտվում էին հզոր ժողովրդական ասպատամբություններով, իսկ մի քանի տարի հետո սկսվեց Բարեկի դլխավորած Խու-

<sup>34</sup> Տե՛ս նույն տեղում, էջ 183:

աամյանների հուճկու շարժումը, (816—837 թթ.), որի նմանը չէր  
ստեղծվել իսլամի փայտե թյուրքերը:

Այն սկսվեց Ատրաքատահանում, կարճ ժամանակում մեծ ծա-  
վալ ստացավ: Բարեկին իր ջոկատներով ավելի քան քսան տարի  
չարունակ կատաղի կռիվներ մղեց արաբական բանակների դեմ,  
մի քանի անգամ պարտություն մատնելով նրանց: Խուռաամյան  
չարժումը իսլամի փայտե թյուրքերից մեծ նյութական միջոցներ ու զորա-  
կան ուժ կլանեց՝ արաբացիներով նրա կործանումը: Շարժմանը  
մասնակցում էին նաև Աղվանքի ու Սյունիքի որոշ ազնվական-  
ներ, որոնք աշխատում էին օգտվել դեռանից՝ արաբական լուծը թո-  
թափելու համար: Սակայն, երբ տեսան, որ ապստամբությունն  
ուղղվում է նաև իրենց դեմ՝ հեռացան շարժումից: Նրանք անգամ  
իսլամի փայտե թյուրքերին օգնեցին ապստամբությունը ճնշելու գործում՝  
բռնելով և արաբներին հանձնելով Բարեկին<sup>35</sup>:

Բարեկինի շարժումը կենտրոնական իշխանություն հեղինակու-  
թյանը մեծ հարված հասցրեց և Աբբասյանների բոլոր թշնամիներին  
ցույց տվեց, որ հսկայածավալ իսլամի փայտե թյուրքը կավել ստքերի  
վրա է կանգնած:

Բարեկինի շարժման տարիներին իսլամի փայտե թյուրքի շփոթվածու-  
թյունը և զբաղվածությունն օգտագործելով՝ ծայրամասային երկր-  
ներն ինքնուրույն գառնալու ավելի ուժեղ և ռևալ փորձեր կատա-  
րեցին: 9-րդ դ. 30-ական թվականներին իսլամի փայտե թյուրքի  
մասնաբաժնի և, առաջին հերթին, արևմուտքում այնքան էր ուժեղա-  
ցել անկախություն համար մղվող պայքարը, որ արաբական զոր-  
քերի գլխավոր հրամանատարը իսլամի փայտե թյուրքի պահանջում էր իրեն  
ազատակ հրամանատարությունից, որովհետև չէր կարողանում  
ադատամբներին հնազանդեցնել<sup>36</sup>:

Իսլամի փայտե թյուրքի աստիճանական թուլացմանը գույահեռ  
տևում էր Ֆեոդալական իշխանությունների թիվը, ամրապնդվում  
նրանց անկախությունը: 9-րդ դ. երկրորդ քառորդին փաստորեն

<sup>35</sup> Տե՛ս Հավարտուն պատմության Ասրիանայ վարդապետի լուսարանայ, Վենետիկ,  
1862, էջ 79, (այսուհետև՝ Ասրիան վարդապետ), Очерки истории СССР персид  
феодализма, часть первая (IX—XIII вв.), Москва 1953, էջ 647:

<sup>36</sup> Տե՛ս նշվ. աշխ., էջ 178:

Խալիֆայության ամբողջ տերիտորիան, այդ թիվում նաև Հայաստանը, բաղկացած էր սեփական բերդերում ու ամրոցներում ամրացած բաղմամբիվ իշխանություններից ու էմիրություններից: Նրա քայքայումն այնքան էր առաջ դնացել, որ ակնհայտ էր դարձել նաև մեր պատմիչներին: Ասողիկն այդ մասին գրում է. «Իսկ յայնմհետէ և յառաջ թէ և ոչ այլ ազգք տիրեցին ի վերայ նոցա՝ այլ ինքեանք յինքեանս բաժանեալ՝ հակառակ ինքեանց եղեալ»<sup>37</sup>:

Արաբների տիրապետության շրջանում հայ նախարարությունների տնտեսական և քաղաքական կյանքում զգալի տեղաշարժեր էին կատարվել: 8-րդ դ. սկսած որոշ նախարարական տների ոչնչացման, նրանց մի մասի Բյուզանդիա հեռանալու և Ֆեոդալական հողատիրության համար մղվող ներքին պայքարում աստիճանաբար շարքից դուրս գալու հետևանքով Ֆեոդալական այդ տների կազմն ու դերը զգալիորեն փոփոխվել էին:

Ծանոթանանք մի քանի խոշոր նախարարական տների կրած փոփոխությունների հետ:

Արաբների կողմից Հայաստանը գրավվելու ժամանակ Արծրունիները հաստատված էին փոքր Աղբակում և Կղարճքում: Արբասյան դինաստիայի հաստատման ժամանակ, երբ Բաղրատունիները որպիսի Օմայանների կողմնակիցներ մի առ ժամանակ հետ մղվեցին, Արծրունիներն օգտվեցին հարմար պայմաններից և Վասպուրականում հաստատեցին իրենց իշխանությունը: Սահակ, Համազասպ և ասլա Գագիկ Արծրունի եղբայրները հաջող մարտեր մղելով Ատրպատականից Վասպուրական արշաված արաբ զորավար Սուլեյմանի դեմ, նրան դուրս քրեցին երկրից և ընդարձակեցին իրենց կալվածքները<sup>38</sup>: 774—775 թթ. ժողովրդական ապստամբությունից հետո նրանք տիրեցին նաև Ռշտունիքին: Արծրունիներն իրենց տիրույթների ընդարձակումը շարունակեցին նաև հետագայում և 9-րդ դ. կեսերին՝ Բուզայի արշավանքի ժամանակ,

<sup>37</sup> Ասողիկ, էջ 136: Տե՛ս նաև Պատմութիւն Հայոց, արաբեալ Կիրակոսի վարդապետի Գանձակեցոյ, Թիֆլիս, 1910, էջ 76—77:

<sup>38</sup> Տե՛ս Առնոն, էջ 130—131, 133—134, հմմտ. Ասողիկ, էջ 132—133:

իրենց իշխանությունը տարածել էին գրեթե ամբողջ Վասպուրահանի վրա:

Ուշադրալ են նաև Մամիկոնյան ֆեոդալական տան կրած փոփոխությունները, մասնավանդ առաջնություն ձեռք բերելու համար նրանց և Բագրատունիների միջև առաջացած երկարատև պայքարը: Արաբական արշավանքների սկզբնական շրջանում Մամիկոնյաններին էին պատկանում Տարոնը<sup>39</sup>, Բապրևանդը և Արագածոտնը<sup>40</sup>: Նրանք հողեր ունեին նաև Արշարունիքի և Տայքի հարավում: Այս ընդարձակ կալվածքներին համապատասխան նրանք Համագասպ ու Գրիգոր Մամիկոնյանների ժամանակ (7-րդ դ. երկրորդ կես) մեծ ազդեցություն ունեին և երկրում կարևոր դեր էին խաղում<sup>41</sup>: Օմայանների և Աբբասյանների գահակալական կոիլիների շրջանում և վերջիններիս իշխանության գլուխ անցնելուց հետո Մամիկոնյանները մի կարճ ժամանակ շահեցին: 744 թ., երբ իշխան Աշոտ Բագրատունին գտնվում էր Ասորիքում, սւր օգնում էր իր հովանավոր Մրվան-իբն-Մուհամմեդին, ոստիկան Իսահակ-իբն-Մուզիմն, Աշոտ Բագրատունու փոխարեն սպարապետ նշանակեց Գրիգոր Մամիկոնյանին<sup>42</sup>: Շուտով Մրվանն իր հակառակորդներին հաղթելով մեծ պարգևներով Աշոտ Բագրատունուն վերադարձրեց Հայաստան և սպարապետի պաշտոնը կրկին հանձնեց նրան՝ դժգոհեցնելով Գրիգոր Մամիկոնյանին ու նրա կողմնակիցներին. «Եւ յայնմհետէ ոչ դադարէր Գրիգոր յերկնելոյ զհակառակութիւն ... թէպէտև վասն երկիւղի բռնաւորացն առնէր խաղաղութիւն ընդ Աշոտոյ բանիւք միայն.»<sup>43</sup>: Արաբական երկու դինաստիաների բորբոքված պայքարի ժամանակ Խալիֆայության բռնակալությունից ազատադրվելու համար: Հայաստանում Գրիգոր Մամիկոնյանի գլխավորութեամբ ապստամբություն սկսվեց. Նախարարների ճնշման տակ Աշոտ Բագրատունին ևս միացավ ապստամբներին, սակայն շուտով նրանց դավաճանելով

<sup>39</sup> Ասողիկ, էջ 62:

<sup>40</sup> Անոն, էջ 15:

<sup>41</sup> Հովհաննես Դրասխանակերտցի, էջ 88-93, հմմտ. Անոն, էջ 12, 14-16:

<sup>42</sup> Այս Գրիգոր Մամիկոնյանին չախտք է շփոթել մյուս Գրիգորի հետ: Նրանք տարբեր անձնավորություններ են:

<sup>43</sup> Անոն, էջ 121:

իր փոքրաթիվ համախոհների հետ փորձեց անցնել արաբների կողմը: Գրիգոր Մամիկոնյանը իմանալով այդ մասին՝ բռնեց ու կուրացրեց նրան և ստանձնեց Հայոց իշխանի ու սպարապետի պաշտոնը<sup>44</sup>:

Աբասյաններն իշխանության դուռն անցնելով աշխատում էին Հայաստանի ազդեցիկ ֆեոդալական տներին որևէ մեկին իրենց հենարան դարձնել: Հարմար թեկնածու կարող էին լինել Բագրատունիները, սակայն նրանք Աբբասյանների հակառակորդ Օմայաններին կողմնակիցները և ժամանակին նրանց իշխանության պաշտպաններն էին հանդիսանում: Մամիկոնյանները, ընդհակառակը, պայքարում էին Օմայան դինաստիայի դեմ, սակայն սրանք էլ հայտնի էին իրենց հակասարարական և բյուզանդասիրական քաղաքականությամբ: Այդ պատճառով էլ Աբբասյանները որոշեցին կրկին առաջ քաշել դեպի Սալիֆայության թեքված և արաբների համար նպաստավոր քաղաքականություն վարող Բաղրատունիներին, քան հենվել անբարեհույս Մամիկոնյանների վրա: Գրիգոր Մամիկոնյանի եղբայր Մուշեղի կարծառն իշխանությունից (756–753) հետո Հայոց իշխանի պաշտոնը հանձնվեց Սահակ Բաղրատունուն (753–775)<sup>45</sup>, իսկ սպարապետությունը՝ Սմբատ Բաղրատունուն<sup>46</sup>: Սրանք աստիճանաբար սկսեցին զբաղվել Մամիկոնյանների Վանա լճի արևմտյան մասում ընկած տիրույթները, առաջին հերթին Տարոնը և Խլաթը:

Մամիկոնյանների հակվածությունը դեպի Բյուզանդիա հիմնականում բացատրվում էր նրանով, որ նրանց պատկանող գավառները գտնվում էին երկրի արևմտյան մասում, ուր ուժեղ էր կայսրության ազդեցությունը: Սալիֆայության կողմը թեքվելու դեպքում Բյուզանդիան ամեն ժամանակ կարող էր ավերել նրանց կալվածքները: Բացի այդ, նրանք անմիջապես սահմանակից չլինելով Սալիֆայությանը՝ համեմատաբար ապահով էին նրա արշավանքներից, իսկ անհրաժեշտության դեպքում ապաստանում էին կայսրության սահմաններում:

<sup>44</sup> Նույն տեղում, էջ 120–124:

<sup>45</sup> Նույն տեղում, էջ 128:

<sup>46</sup> Նույն տեղում, էջ 138

Աճաքների տիրապետութեան դեմ բռնկված 774–775 թթ. ժողովրդական ապստամբութեան կազմակերպիչներն ու հիմնական ոգեկենդանորը, ինչպէս դրեթե միշտ, Մամիկոնյաններն էին: Այս ապստամբութեան ճնշումից հետո Մամիկոնյան Ֆեոդալական տունը, որը մինչ այդ խոշոր դեր էր խաղում Հայաստանի քաղաքական կյանքում, այնպիսի մեծ հարված ստացավ, որ ընդմիշտ հեռացավ քաղաքական աստղերից: Նրանք գրանից հետո կորցրին սեփական ժառանգական հողերի մեծ մասը, որոնք դերագանցաբէս անցան Բագրատունիներին ու իրենց խղճուկ գոյութեանը շարունակեցին պահպանել Բագրևանդում և այլ տեղերում:

Բագրևանդի Մամիկոնյանների վերջին ժառանգը Գրիգորն էր, որին Բուզան մյուս ձերբակալված Հայ իշխանների հետ ուղարկեց Սամարա: Ազատված նախարարների հետ Սամարայից հայրենիք վերադարձավ նաև Գրիգոր Մամիկոնյանը և յոթ օր իր դավառում բնակվելուց հետո բնական մահով մահացավ: Դրանից հետո խալիֆի հրամանով ոստիկան Մահմետը «պատուէ գԱշտ, տալով նմա գպաւառն Բագրևանդ, և արծաթ բիւրս հինգ. և յայնմհետէ բարձաւ ի Հայոց յաշխարհէս ազգն Մամիկոնէից»<sup>47</sup>:

Պատմական ստպարեղից հեռացած Մամիկոնյանների փոխարեն ֆեոդալական ժառանգական հողատիրութեան համար մղվող պայքարում հաղթող դուրս եկան նախկինում ոչ այնքան հզոր Բագրատունիները, ինչպէս նաև Արծրունի ու Այսուեյաց ֆեոդալական աները: Դրանց մեջ քաղաքական ու անտեսական հզորութեան տեսակետից առավել կարևոր դեր սկսեցին կատարել Բագրատունիները: Նրանք արդեն Հայաստանի կառավարչի (իշխանի) և սպարապետի պաշտոնները դարձրել էին իրենց ֆեոդալական տան ժառանգական արտոնութեանը:

774–775 թթ. հակաարաբական ապստամբութեանը մասնակցում էին և մարտի գաշտում Մուշեղ ու Սամվել Մամիկոնյանների հետ հերոսի մահով ընկան նաև Հայոց իշխան Սահակ ու սպարապետ Սմբատ Բագրատունիները<sup>48</sup>: Այդ պատճառով էլ, ապստամբութեան պարտութեանից հետո, Բագրատունիներն էլ հար-

<sup>47</sup> Վարդան վարդապետ, էջ 81:

<sup>48</sup> Անտոյ, էջ 150:

ված ստանալով ժամանակավորապես թուլացան: Սակայն որոշ ժամանակ անց նրանք ավելի ամրապնդեցին իրենց դիրքերը՝ ձեռք բերելով Հայոց իշխանի ու սպարապետի պաշտոնները:

806 թ. Հայոց իշխան նշանակվեց վերոհիշյալ սպստամբության ժամանակ զոհված Սմբատ սպարապետի որդի Աշոտ Մսակեր Բագրատունին, որը գնեց Կամսարականների կալվածքները և իր աթոռանիստը Կոգովիտ գավառից տեղափոխեց Շիրակի Բագավան ավան՝ հիմնադրելով Բագրատունիների Շիրակի ճյուղը<sup>49</sup>: Նրա հղբայր Շապուհը վարում էր սպարապետության պաշտոնը:

Բաբեկի շարժման ժամանակ «Արմենիայի» ոստիկանն ամբողջովին զբաղված էր նրա դեմ մղվող պայքարով և ժամանակ ու հնարավորություն չուներ զբաղվելու իրեն հանձնարարված երկրորդների ներքին գործերով: Այդ իսկ պատճառով խալիֆը ոստիկանի ֆունկցիաներն ամբողջովին վերապահեց իշխան Բագարատ Բագրատունուն<sup>50</sup> (826–851) նրան հանձնելով Հայոց իշխանի տիտղոսը և ամբողջ «Արմենիայից» հավաքվող հարկերի պատասխանատվությունը: Դրա պատճառը նաև այն էր, որ Խալիֆայությունն այս ժամանակվանից սկսած սիրաչահում էր Բագրատունիներին, վախենալով, որ նրանք կթեքվեն դեպի Բյուզանդիա: Բացի այդ, Բագրատունիներն իրենց ռազմաքաղաքական գոյնգոյթյամբ անհրաժեշտ էին Խալիֆայությանը՝ արաբական էմիրներին հնազանդ պահելու գործում: Այս շրջանում հայ ֆեոդալներն այնքան էին ինքնուրույնացել ու տնտեսապես զորեղացել, որ անգամ արհամարհում էին Խալիֆայության ներկայացուցչին և հրաժարվում հարկ վճարելուց: Այդ մասին արաբ պատմագիր Բելաձորին գրում է. «Հայաստանի իշխանները նստած էին իրենց երկրներում և նրանցից ամեն մեկը պաշտպանում էր յուր գավառը: Երբ այստեղ էր գալիս ամիրապետի ոստիկանը, նրանք ջանում էին նրա սերը գրավել և եթե նա նրանց հետ ազնվով, բայց խիստ էր վարվում, նրանք նրան հարկ էին վճարում, հակառակ դեպքում նրան

<sup>49</sup> Աստղիկ, էջ 106:

<sup>50</sup> Տե՛ս Հովհաննես Դրասխանակերտցի, էջ 116:

հրապարակորեն հայհոյում էին և արհամարհում նրա հրամանը»<sup>51</sup>:

Բարեկի շարժումը ճնշելուց հետո կենտրոնական իշխանութ-  
յունը նորից մտահոգվեց իր թուլացած դիրքերն ամրապնդելու  
հարցով: Խալիֆայությունը 850 թ. Աբու Սարդ ոստիկանին  
ուղարկեց Հայաստան երկրի ինքնավարությանը վերջ տալու և  
հարկեր հավաքելու համար: Այդ պատճառով նույն թվին Հայաս-  
տանում մի նոր, հզոր ապստամբություն բռնկվեց: Ապստամբութ-  
յունը ճնշելու համար 851 թ. Մուժավաբիլ խալիֆը (847–861)  
Հայաստան ուղարկեց Աբու Սաիդի որդի Յուսուֆին, որը եկավ  
Խլաթ, նենդությամբ բանտարկեց իշխանաց իշխան Բագարատ  
Բագրատունուն և ուղարկեց Սամարա: Այնուհետև Յուսուֆն ան-  
ցավ Մուշ, սակայն այնտեղ հերոս սասունցիների կողմից արաբա-  
կան բանակը ոչնչացվեց, ինքն էլ սպանվեց<sup>52</sup>:

Պատմական այս իրողությունն իր գեղարվեստական խոր ար-  
տապրումը դասով «Սասնա Շուք» ժողովրդական էպոսի մեջ, որը  
փխյականոթեն արտացոլել է արաբական տիրապետության դեմ  
հայերի մղած քաջարի պայքարը: Չնայած այս հոյակապ էպոսի  
համար անմիջական նյութ են հանդիսացել 851 թ. Յուսուֆի դեմ  
սասունցիների մղած հերոսական կռիվները, սակայն, ինչպես այդ  
հատուկ է ընդհանրապես ժողովրդական էպոսներին, «Սասնա  
Շուք»-ում» միևնույն ժամանակ գեղարվեստորեն ընդհանրացվել  
է 7–10-րդ դդ. Հայաստանում, մասնավորապես Սասունում ու  
նրա հարևան զավառներում Խալիֆայության դեմ հայ ժողովրդի  
մղած հերոսական պայքարը:

Յուսուֆի սպանությունից ու արաբական բանակի ջախջա-  
խումից հետո ապստամբությունը տարածվեց ամբողջ Հայաստա-  
նում, Վիրքում ու Աղվանքում: Խալիֆն ապստամբների հետ դա-  
տաստան տեսնելու համար թյուրքական ծագում ունեցող դաժան  
հրամանատար Բուղայի գլխավորությամբ մի մեծ զորամաս  
ուղարկեց Հայաստան: Բուղայի պատժիչ զորամասը ցրվեց ամ-

<sup>51</sup> Արարացի մատենագրերը Հայաստանի մասին, էջ 63, հմմտ. Ս.Կ. Жызе, նշվ. աշխ.  
էջ 189:

<sup>52</sup> Տես Թովմա Արծրունի, էջ 199, 201–202:

բողջ երկրում, դաժանորեն հաշիվ տեսավ հերոսական գիմարություն ցույց տվող ժողովրդի հետ, ապա հրով ու սրով հնազանդեցնելով նաև Վիրքն ու Աղվանքը 855 թ. գերիներով ու մեծ ավարով վերադարձավ Սամարա:

Հակաարարական ապստամբությունների հետ նման կերպ դաժան դատաստան տեսնելով հանդերձ Աբբասյանները չէին կարողանում և չէին էլ կարող ինստիտյունական քայքայման առաջն առնել, նրա դրուժյունը կայունացնել: Առանձին ղեկաբերում Աբբասյանները ինստիտյունական կազմի մեջ մտնող ժողովուրդներին հնազանդեցնելու գործում ժամանակավոր հաջողություն կարող էին ունենալ, սակայն դա չէր կարող ընդհանուր քայքայման առաջն առնել, որովհետև ինստիտյունական քայքայումն Զ-րդ դ. կեսերից սկսած անխուսափելի էր դարձել: Բանն այն է, որ ինստիտյունական մեջ մտնող տարբեր երկրներում ֆեոդալականացման պրոցեսն այնքան առաջ էր գնացել և ինքնուրույնություն ձգտող աղյուսականությունը տնտեսապես այնքան էր ուժեղացել ու կայունացել, որ նրան համար ինստիտյունականը դարձել էր ավելորդ բեռ: Այդ ֆեոդալ-իշխաններն ամեն կերպ աշխատում էին վերջնականապես թոթափել կենտրոնական իշխանությունը: Ընդ որում, նույնանման ձգտումներով էին հանդես գալիս արաբական հատկապես ծայրամասային երկրների կառավարիչները որովհետև ինքնուրույն դառնալու տնտեսական նախադրյալներն առկա էին նաև նրանց մոտ: Ինստիտյունական թուլացումն ու ստափճանական քայքայումը և հետզհետև հզորացող ֆեոդալական իշխանությունների անջատողական ձգտումները փոխադասանավորված էին և միևնույն երևույթի երկու տարբեր կողմերն էին:

Տեղական խոշոր հողատերերի հետ համաձայնություն չալու միջոցով խալիֆներն անհուսալի փորձեր էին կատարում պետություն վիճակը բարելավելու ուղղությամբ, առանց հաշվի առնելու, որ այդ ֆեոդալական իշխանությունների քաղաքական նպատակը ինստիտյունականացման անջատվելն էր:

Մյուս կողմից, Զ-րդ դ. կեսերից սկսած պետություն համար կատարյալ պատուհաս էր դարձել թուրք վարձկաններից կազմված արքունական գվարդիան, որն ինքնակամ իրար հետևից դահ

էր բարձրացնում կամ պահպանուած ցանկացած խալիֆի, դրանով իսկ նպաստելով պետութեան խառնակ վիճակին և առանձին երկրներին ու էմիրութուններին անկախ դառնալուն<sup>53</sup> :

Խալիֆայութեան անկախանալու և ինքնուրույն պետութեան ստեղծելու համար Հայաստանում նպաստավոր պայմաններ էին ստեղծվել: Արաբական Խալիֆայութեան թուլացման և Հայ իշխանական տների վրա նրա անմիջական վերահսկողութեան ունենալուց զրկվելուն զուգընթաց, Հայ Ֆեոդալները հետզհետե վերականգնում ու ընդարձակում էին իրենց ժառանգական հողատիրութեան իրավունքը, այդ հողերից և ռազմական կարևոր բնակավայրերից աստիճանաբար դուրս քշելով արաբական էմիրներին: Նրանք դրա հետևանքով փաստորին դարձել էին Հայկական հողերի մեծ մասի տերն ու անօրենը և ձեռք էին բերել հակայական անտեսական ու ռազմական միջոցներ:

Մասնավորապես Բագրատունիները 9-րդ դ. կեսերին այնքան հողեր էին ձեռք բերել ու միջոցներ կուտակել, որ տեր էին դարձել ոչ միայն Կենտրոնական Հայաստանի մեծ մասին, այլև միաժամանակ իրենց ձեռքն էին գցել տեղական իշխանութեանն ու զինվորական վարչութունը, թեև դեռևս արաբներին ենթակա վիճակում:

Հայ իշխանական տներն իրենց ժառանգական հողատիրական իրավունքները հաստատելու և սեփական տիրույթներն ընդարձակելու համար մասնակցում էին բարդ քաղաքական խնդիրներին, կառուցիվաներ կազմելով ինտրիգներ ու դավադրութեաններ սարքում իրար նկատմամբ: Այնուամենայնիվ, Հայ Ֆեոդալների համար այս շրջանում կարևորը Խալիֆայութեանից լիովին անկախանալու հարցն էր և նրանք այս խնդրում հիմնականում միասնաբար էին հանդես գալիս:

Խալիֆայութեան թուլացումն այնքան էր որոշակի դարձել, որ անգամ Բուղայի ավերիչ արշավանքներից մի քանի տարի հետո խալիֆը հարկադրված էր Աշոտ Բագրատունուն ճանաչել Հայոց

<sup>53</sup> В. Н. Заводер, Изв. ИАЭ, т. 1, с. 53-54:

իշխանաց իշխան, նրան Հանձնելով երկրի Հարկահանութեան ու կառավարման գործը<sup>54</sup>:

Այդ ժամանակիվանից սկսած Հարկերը Բազրատունիներն էին Հավաքում և մուծում Խալիֆայութեան գանձարան: Դրանով Հարկերի գանձումը կանոնավորվեց, կայուն չափեր ընդունեց: Վերացան Հարկահանութեան ժամանակ արաքների ներկայացուցիչների կողմից կատարվող ծայրահեղ ապօրինութեաններն ու բռնութեանները: Հարկահանութեան մեջ կատարվող փոփոխութեանների նշանակութունը կարևոր էր դառնում մանավանդ այն պատճառով, որ կատարվում էր երկրի ընդհանուր տնտեսական վերելքի պայմաններում: Այդ հանգամանքները նպաստում էին Ֆնոդայների տնտեսական ու ռազմական ուժի Հզորացմանը, մանավանդ. եթե նկատի ունենանք, որ նրանց մի մասը բավականին եկամուտներ էր ստանում նաև առևտրից ու գարգացող արհեստագործութեանից: Իրենց ձեռքում կենտրոնացնելով երկրի իշխանութեանն ու ռազմական առումով զգալիորեն ուժեղանալով, Բազրատունիները քաղաքական մեծ ազդեցութուն էին ձեռք բերել և գլխավորում էին երկրի անկախութունը վերականգնելու գործը: Նրանք ոչ միայն սուլթանութուն էին ստացել Հայ իշխանների Հանդեսը, այլև անգամ արաբական ոստիկանների ու խոշոր էմիրների նկատմամբ: Երկրի անկախութունը վերականգնելու համար սարարտ հող էին նախապատրաստել նաև արաբական լծի դեմ ուղղված ժողովրդական բազմաթիվ ապստամբութունները, որոնք խալիֆայութեան ընդհանուր թուլացման պայմաններում խարխուլել ու անկայուն էին դարձրել արաբական տիրապետութունը Հայաստանում: Ժողովրդաազատագրական շարժման ու երկրի անկախութեան վերականգնման պայքարում Հայ Հասարակութեան բոլոր խավերը հիմնականում համատեղ էին հանդես գալիս:

Հայաստանի անկախութեան վերականգնման համար կարևոր նշանակութուն ունեցան նաև ստեղծված միջազգային նպաստավոր պայմանները: Նախ, Խալիֆայութեան քայքայումն ու ան-

<sup>54</sup> Տե՛ս Հովհաննես Դրասխանակերտցի, էջ 133: Հմմտ. Սամուելի քահանայի Անկոյոյ հաւաքմունք ի գրոց պատմագրաց, հրատ. Արշակ Տէր-Սիբեկիանի. Վաղարշապատ, 1893, էջ 94, Վարդան վարդապետ, էջ 82:

կումն արագացալ մանավանդ Գ-րդ դ. երկրորդ կեսին, երբ քիչ թե շատ հզոր արաբական էմիրություններ ինքնուրույն իշխանություն ստեղծելու ձգտումները շատ էին ուժեղացել, իսկ Իրանում և Միջին Ասիայում սկսել էին իշխել Խալիֆայությունից փաստորեն անկախ տեղական դինաստիայի ներկայացուցիչները: Մյուս կողմից, Խալիֆայության թուլացումն օգտագործում էր նրա դարավոր հակառակորդն ու մրցակիցը՝ Բյուզանդական կայսրությունը:

Բյուզանդիայում այդ ժամանակ իշխանության գլուխ էր անցել մակեդոնական հզոր դինաստիան, որի հիմնադիր Վասիլ Ա-ն (867–886) օգտվելով Խալիֆայության թուլացումից՝ ակտիվ հարձակում էր սկսել նրա սահմանների վրա և բավականին առաջ էր խաղացել Վերին Միջագետքում ու Հարավային Հայաստանում: Հասկանալի է, որ նման պայմաններում Հայաստանի դիրքորոշումն ավելի քան կարևոր էր պառնում հակառակորդ կողմերի համար, մանավանդ եթե հաշվի առնենք նրա ռազմա-ստրատեգիական ու տնտեսական խոշոր նշանակությունը: Պատահական է, որ Վասիլ Ա-ը քաղաքական սերտ հաբաբերություններ սկսեց Հայաստանի հետ և ամեն կերպ նպաստում էր նրա անկախության վերականգնմանը, ձգտելով ինչպես Հայաստանին, նույնպես և Անդրկովկասի մյուս ժողովուրդներին ուժի հանել արաբների դեմ: Բազրատունիները հատորեն օգտվում էին արաբա-բյուզանդական հակամարտությունից և աշխատում էին այն ծառայեցնել Հայաստանի անկախությունը վերականգնելու գործին: Ներքին ու արտաքին կարգի այս նախադրյալների շնորհիվ էր, որ Հայաստանի անկախությունը վերականգնվեց:

Դեռևս 869 թ. Զաքարիա Ա Զագեցի կաթողիկոսի (855–877) պլանավորությամբ հայ խոշոր ֆեոդալների հատուկ ժողովը որոշել էր Աշոտ Բագրատունուն թագավոր հռչակել և այդ առթիվ դիմել խալիֆին: Բ. Առաքելյանը հենվելով Գառնիում գտնված 879 թվակիր մի արձանագրության վրա, որում Աշոտ Բագրատունու կին Կատրանիդեն իրեն թագուհի է անվանում և վկայակոչելով Աևանի 874 թ. արձանագրությունը, որտեղ Աշոտ Բագրատունին թագավոր է կոչվել, ցույց է ավել, որ նա թագավոր է հայտարար-

վել Շիրակավանի ժողովի կողմից 869 թ.<sup>55</sup>: Ինչպես էլ որ լինի, փաստ է, որ Մուլթամիզ Բիլլահ խալիֆը (870–892) հարկադրված Աշոտ Բագրատունուն պաշտոնապես թագավոր է ճանաչում և 886 թ. նրան ուղարկում արքունական թագ ու թանկարժեք զգեստներ<sup>56</sup>:

Վասիլ Ա կայսրը, որն ուշագիւր հետևում էր այդ դեպքերին, իր հերթին շտապեց Աշոտ Բագրատունուն թագավոր ճանաչելով, նույնպես ուղարկեց թագավորական թագ ու արքունական զգեստներ և բարեկամական պայմանագիր կնքեց նրա հետ<sup>57</sup>:

Բագարանում Աշոտ Բագրատունուն մեծ հանդիսավորությամբ թագավոր օծեցին: Ժամանակակիցները խոշոր քաղաքական նշանակութուն էին տալիս այդ հանգամանքին, զրա մեջ տեսնելով ինքնուրույն հայկական պետության վերականգնման փաստը: Աշոտ Ա-ի թագադրման ակտով Հայաստանը թոթափեց արարական լուծը, սակայն դա չի նշանակում, թե գրանով վերացավ նրա անկախությանը սպառնացող ամեն մի վտանգ:

Երկրի ինքնուրույնութունը վերականգնելուց հետո հայ իշխաններն առաջվանից ավելի հզոր էին: Նրանք հայկական հողերից դուրս էին քշում արաբ ֆեոդալներին և ազատագրված տարիտարիաները դարձնում ժառանգական տիրույթներ կամ միացնում իրենց կալվածքներին:

Բագրատունիներն ակտիվորեն մասնակցում և նպաստում էին արաբների դեմ հայ ֆեոդալների այդ պայքարին ու գրավում երկրի ավելի կարևոր ուղղամաստրատեգիական վայրերը: Հայաստանի ուժեղացումը նպաստավոր չէր Խալիֆայության համար, ուստի 9-րդ դ. վերջին և 10-րդ դ. սկզբներին Ասորպատականի Աաջյան էմիրները, ոչ առանց խալիֆի հանձնարարության, Հայաստանի անկախութունը ոչնչացնելու ուժեղ փորձեր կատարեցին:

Աշոտ Ա-ի մահից հետո զահ բարձրացավ նրա որդի Ամբատ Ա-ն (890–914) որի թագավորության ժամանակաշրջանն անցավ Հայաստանի ինքնուրույնութունը պահպանելու համար մզվող

<sup>55</sup> Տե՛ս Ե.Արակեյան, Գրոս I, результаты раскопок 1949–1950 гг., Ереван, 1952, էջ 84–87:

<sup>56</sup> Տե՛ս Հովաննես Դրասխանակերտցի, էջ 139:

<sup>57</sup> Տե՛ս Վարդան վարդապետ, էջ 85–86:

պոյգքարի մեջ: Սաղյան էմիր Աֆշինը Սմբատի թագավորութեան հենց առաջին տարիներին մի քանի անգամ արշավեց Հայաստան և կարողացավ ոչ միայն կասեցնել Սմբատ Ա-ի կողմից Դվինը գրավելու և իր պետութեան սահմաններն ընդարձակելու փորձերը, այլև նրան հարկադրեց գլխի քանակութեամբ ռազմատուգանք վճարել:

Ատրպատականի ուժեղ այդ էմիրութիւնը ոչ մի կերպ չէր հաշտվում Հայաստանի հորացման հետ ու ամեն կերպ աշխատում էր խոնգարել դրան, վերջ տալ Հայաստանի ինքնուրույն պետութեանը: Դա ավելի ցայտուն արտահայտվեց Աֆշինի հաջորդ Յուսուֆի վարած պառակտողական քաղաքականութեամբ: Վերջինս այդ նպատակին հասնելու համար աշխատեց հայ ֆեոդալներին հանել Սմբատ Ա-ի դեմ և նրան հատկապես հակադրեց Վասպուրականի հզոր իշխան Գագիկ Արծրունուն՝ հմտորեն օգտվելով Նախճավան քաղաքի պատճառով Գագիկի և Սմբատի միջև ստեղծված թշնամութիւնից: Նրա միջնորդութեամբ 908 թ. խալիֆը թագավորական թագ ու շքեղ հագուստներ ուղարկեց Գագիկ Արծրունուն՝ նրան ճանաչելով Հայաստանի թագավոր<sup>58</sup>:

Յուսուֆը 909 թ. մեծ զորքերով, որոնց թվում քիչ չէին հայ իշխանների և առաջին հերթին Գագիկ Արծրունու ու նրա եղբայր Գուրգենի զօրական ուժերը, շարժվեց Բագրատունիների ժառանգական հողերի վրա: Սմբատ Ա-ն իր կողմնակից սակավաթիվ ֆեոդալների հետ չկարողանալով դիմադրել թշնամու հզոր ուժերին, անձնատուր կղայի և 914 թ. երկար տանջանքների ենթարկվելուց հետո սպանվեց<sup>59</sup>:

Թվում էր, թե ինչպիսիքութեանը հասել է իր նպատակին և Յուսուֆի արշավանքների հետեանքով ավերված ու թալանված երկիրն այլևս ի վիճակի չէր դիմադրութեան: Սակայն Սմբատի որդի Աշոտ Բ-ը (914—928) կարողացավ կարճ ժամանակում իրեն հպատակեցնել անհնազանդ ֆեոդալներին և Բյուզանդիայի ընդհանուր աջակցութեան պայմաններում արաբներից մաքրել գրեթե ամբողջ երկիրը:

<sup>58</sup> Տե՛ս Թովմա Արծրունի, էջ 466—467:

<sup>59</sup> Տե՛ս Հովհաննէս Դրասխանակերտցի, էջ 237—240:

Խալիֆայությունը տեսնելով, որ իր ջանքերն ապարդյուն անցան, ինչպես նաև հաշվի առնելով հայ-բյուզանդական մերձեցման վտանգը, հաշտվեց կատարված փաստի հետ և 922 թ. Աշոտ Բ-ին ուղարկեց ոչ միայն թագավորական թագ, այլև նրան շնորհեց «չահընչահ» (արքայից արքա) տիտղոսը<sup>60</sup>, դրանով իսկ ճանաչելով հայ Բագրատունիների սուլթանն իրավունքները հայկական մյուս «թագավորությունների» ու իշխանությունների նկատմամբ<sup>61</sup>:

Հայկական թագավորության համար հետագա ժամանակաշրջանը, մինչև 11-րդ դ. կեսերը հիմնականում հանդիսացավ խաղաղ զարգացման ժամանակաշրջան:

## 2. Արհեստագործության, առևտրի և քաղաքների զարգացումը

Բագրատունյաց թագավորության հիմնադրաման ժամանակաշրջանից սկսած ներքին ու արտաքին նույստավոր պայմանների շնորհիվ Հայաստանը հաստատուն կանգնեց տնտեսական ու կուլտուրական կյանքի զարգացման ուղու վրա: Ճիշտ է, Ասորյատականի էմիրների ռազմական արշավանքների հետևանքով կարճ ժամանակով այն ընդհատվեց, սակայն այդ վտանգը վերանալուց անմիջապես հետո երկրի նորմալ տնտեսական զարգացումը շարունակվեց: Բագրատունյաց շրջանում Հայաստանի տնտեսական կյանքի բարգավաճումը հրեւում է թե այդ շրջանի հնագիտական տվյալներից ու արաբական աշխարհագիրների հաղորդած տեղեկություններից և թե ժամանակակից հայ պատմիչների վկայություններից: Հովհաննես Դրասխանակերտցին այդ ժամանակվա տնտեսական կյանքի զարգացման մասին գրում է. Իսկ աշխարհիս Հայաստանեայց յաւուրսն յայնոսիկ այց արարեալ Տեառն և պատասպարեալ և յաջողեալ ի բոլոր բարութիւնս բնակեցան իւրաքանչիւրոք ի ժառանգութիւնս իւրեանց. և սկզհականեալ գերկիր՝

<sup>60</sup> Տե՛ս նույն տեղում, էջ 315:

<sup>61</sup> Հմմտ. Очерки истории СССР, период феодализма, часть первая, էջ 611:

տնկեցին այգիս և արմատացուցին բուրաստանս ձիթենեաց և պարտիզաց. հերկեցին հերկս արտաքոյ փշոց և կթեցին պտուղս հարիւրաւորս. զեղան շտեմարանք ցորենոյ ի ժամանակի լրութեան հնձոց. լցան գուբք գինեոյ ի կուծս այգեստանեայց և լերինք ցնձութիւն զգեցան, զի բազմացան ի նմա արօտականք անդեայք արջառոց և հօտք ոչխարաց»<sup>62</sup>:

Ասողիկն իր հերթին վկայում է, որ այդ ժամանակ «... էր շինութիւն և խաղաղութիւն յաշխարհիս Հայոց ըստ մարդարէութեանն՝ հանգչել իւրաքանչիւր ուրուք ընդ որթով իւրով և ընդ թղենեաւ: Եւ այսպէս ազարակաց սուսնացեալ և աւանաց քաղաքացեալ բազմամարդութեամբ և ընչեղութեամբ, մինչև հովուաց և անդէորդաց մետաքսե այս զգեհնուլ պատմուեան»<sup>63</sup>: Պատմիչը, անշուշտ, չափազանցությունների մեջ է ընկնում, երբ ասում է, թե հովիւները ևս մետաքս պատմուեաններ էին հաղնում:

Տնտեսական կյանքի բարգաւաճումն արտահայտվեց գյուղատնտեսության, արհեստագործության, առևտրի, քաղաքների ու քաղաքային կյանքի զարգացմամբ: Արտադրողական ուժերի զարգացման շնորհիւ սկսվում է աշխատանքի հասարակական բաժանման՝ դյուղատնտեսությունից արհեստագործության բաժանման պրոցեսը: Հայաստանի տնտեսապիս ավելի զարգացած կենտրոններում աշխատանքի հասարակական բաժանումն այնքան է խորանում, որ արհեստագործությունը գյուղատնտեսությունից զատվելով արտադրության ինքնուրույն բնագավառ է դառնում: Դա նշանակում է, որ արհեստագործությունը զազարում է գյուղատնտեսության համար օժանդակ լինելուց, նրան լրացնող և նրա հետ միաձուլված հանդես գալուց, իսկ արհեստագործության արտադրանքը ոչ թե զուտ ներքին սպառման նպատակ է հետապնդում, այլև վաճառքի համար շուկա է հանվում:

Գյուղատնտեսության և արհեստագործության բաժանման հիմքի վրա սկսվում է քաղաքի և գյուղի բաժանման պրոցեսը: Ընդ որում, այդ պրոցեսն այնքան է խորանում, որ առևտրի և արհեստագործության կենտրոն հանդիսացող մի շարք խոշոր քա-

<sup>62</sup> Հովհաննես Դրասխանակերացի, էջ 198-199:

<sup>63</sup> Ասողիկ, էջ 161:

ղաքների՝ դյուզլից տնտեսապես անջատվելը բախտավոր ցայտուն և ակնառու է դառնում: Զարգանում են գյուղատնտեսությունը, արհեստագործությունն ու առևտուրը: Վերջինիս զարգացմանը մեծ չափով խթանում էր նաև միջադպային տարանջիկ առևտրական ճանապարհների Հայաստանով անցնելը: Ի դեպ սասնը, որ Բագրատունյաց շրջանում սկսված աշխատանքի հասարակական բաժանման, արհեստագործության, առևտրի, քաղաքների ու քաղաքային կյանքի և, մասնավորապես, Ֆեոդալական կալվածքային խոշոր հողատիրության երևան գալու ու զարգացման միջոցով է բնորոշվում Ֆեոդալիզմի այս նոր էտապը՝ զարգացած ֆեոդալիզմի շրջանը Հայաստանում:

Այս շրջանում արհեստներից խոշոր զարգացման են հասնում հատկապես մետաղագործությունը, մանածագործությունը և կավագործությունն իրենց բազմաթիվ տեսակներով ու մասնաճյուղերով:

Մետաղագործության զարգացմանը նպաստում էին հայկական բնաշխարհի առատ հանքային հարստությունները, որոնց օգտագործմանը տեղական բնակչությունը ծանոթ էր դեռ շատ հին ժամանակներից: Մասնավորապես 9—11-րդ դդ. Հայաստանում արգյունահանվում էին ոսկի, պղինձ, երկաթ, մկնդեղ, բորակ, հանքահուլը, պղնձարջասպ և կապար<sup>64</sup>: Սյունիքի բնդիրքը հարուստ էր պղնձի, արծաթի, կապարի, ոսկու հանքերով: Այս շրջանում պղնձահանքի մշակումը հայտնի էր Աճանանում (այժմ Ղափան): Տաշիր-Ձորագետի պղնձի ու երկաթի հանքամշակությունից աչքի էր ընկնում մանավանդ Պղնձահանքը (այժմ Ախթալա) և Մանից գոմը (այժմ Ալավերդի)<sup>65</sup>: Մետաղագործության կենտրոններ էին Դվինը, Վանը, Անին, Արծնը, Կապանը և այլ քաղաքներ:

Մետաղագործությունից զարգացած էին դարբնությունը, պինագործությունը, ոսկերչությունը, արծաթագործությունը և այլ

<sup>64</sup> СМОМІК, вып. XXXI, Тифлис, 1902, էջ 39:

<sup>65</sup> J. Laurent, L'Arménie entre Byzance et L'islam depuis la congruUte arabe jusqu'en 886. Paris, 1919, էջ 41:

արհեստներ, որոնք իրենց հերթին բաժանվում էին ավելի մանր ճյուղերի:

Դարբնությունն իր ենթամաճյուղերով շատ տարածված է եղել և գյուղացու երկրագործական աշխատանքի պահանջներն ու ընտանեկան-կենցաղային կարիքները բավարարող ամենաանհրաժեշտ արհեստն է համարվել: Դարբնի բազմատեսակ աշխատանքի մասին են խոսում մատենագրական վկայություններից և Անիի, Դվինի, Ամբերդի պեղումներից հայտնաբերված նյութական կուլտուրայի հարուստ մնացորդները: Միայն Դվինում պեղումների հետևվանքով դտնվել են զանազան մեծության և գործածության տարբեր նպատակներ ունեցող կացիներ: Դարբնի արհեստանոցում հայտնաբերվել է դեռևս կիսապատրաստ վիճակում ձեռքի ուրագ, որից երևում է նրա տեղական ծագումը: Դտնվել են նաև երկաթյա խոփ, բահ, ինչպես նաև մի քանի մեծ ու փոքր դուրբեր, երկաթի սղոցի մի քանի կտորներ, զանազան ձևի ու մեծության բազմաթիվ պայտեր<sup>66</sup>:

Անիի, Ամբերդի, Զվարթնոցի պեղումներից հայտնաբերվել են երկաթե շղթաներ, օղակներ, կեռեր, պղնձյա անոթներ, բուրվառներ, ջահեր, բազմաթիվ կողպեքներ, մոմակալներ և այլ իրեր: Դարբնի հիմնական աշխատանքը կատարվել է կռելու և զողելու միջոցով, Դվինում ծանոթ չեն եղել ձուլելու տեխնիկային, որովհետև բաղնիքի երկաթե խողովակները զողելու միջոցով են պատրաստել, սակայն Անիում հայտնաբերվել են պղինձ ձուլելու երկու արհեստանոցի մնացորդներ, որոնցից երևում է, որ այնտեղ ծանոթ են եղել մետաղ ձուլելու տեխնիկային:

Պեղումների ժամանակ հայտնաբերված երկաթե իրերի բազմաթիվ մնացորդներից և մատենագրական սակավաթիվ վկայություններից երևում է, որ երկաթը լայնորեն օգտագործվել է նաև շինարարության մեջ՝ շենքերին ամրություն տալու և այլ կառուցողական նպատակներով:

<sup>66</sup> Տե՛ս Կ. Դալխադարյան, Դվին քաղաքը և նրա պեղումները, Երևան, 1952, էջ 156-157:

Թովմա Արծրունու վկայությունից հայտնի է, որ Գագիկ Արծրունին իր պալատի կառուցման համար հսկայական չափերով կրկաթ է օգտագործել<sup>67</sup>:

Պատմական դրավոր ազրյուրների հատկապես այս շրջանի պատմիչներ Հովհաննես Դրասխանակերտցու և Թովմա Արծրունու հաղորդած բավական առատ տեղեկություններից ու միջնադարյան մանրանկարներից հայտնի է, որ Հայաստանում գործածվել են գեներքերի բազմաթիվ տեսակներ: Հասկանալի է, որ մետաղների մշակման գործում կարևոր տեղ պետք է բռներ նաև գեներքեր պատրաստելու արհեստը: Կատարված պեղումներից համեմատաբար լավ արդյունքներ է տվել Դվինը, որտեղ գտնվել են նիդակներ, դաշույններ, նետեր, սլաքներ, նիզակի ու տեգի ծայրեր և այլ գեներքեր: Մասնավորապես նետերի սլաքներն այնքան առատ և բազմաթիվ են, որ Կ. Ղաֆազարյանը դրանք վեց տարբեր կարգերի է բաժանել<sup>68</sup>:

Բադրատունյաց շրջանում ֆեոդալական-պալատական վերնախավը վարում էր բավական փարթամ ու շռայլ կյանք: Նրա համար ազնիվ մետաղներից պատրաստվում էին բազմաթիվ դարձեր ու պերճանաքի այլ առարկաներ: Դրա հետևանքով դարդանում ու նրբանում է ոսկերչության, մասամբ նաև արծաթազործության արհեստը: Ուշագրավ է, որ Դվինում հայտնաբերված սոկե մանյակը, հյուսածո ապարանջանները, մատանիները, ականջողերը և ուլունքները, որոնք աչքի են ընկնում իրենց օրինակների բազմազանությունից ու կատարելությունից հասած արվեստով, առանց բացառության պատկանում են 10–11-րդ դարերին<sup>69</sup>:

Մանածագործության զարգացման համար նույնպես Հայաստանը հարուստ պայմաններ ուներ: Երկրի կլիմայական պայմանները նպաստում էին կուլտուրական մշակարույսերի աճեցմանը, իսկ արտտափայրերով հարուստ լեռնային վայրերում պահվում էին հարյուր հազարավոր ոչխարներ, որոնցից ստացվում էր մեծ քանակությամբ բուրդ: Պեղումները, հասկանալի պատճառով, չա-

<sup>67</sup> Տե՛ս Թովմա Արծրունի, էջ 482–483:

<sup>68</sup> Տե՛ս Կ. Ղաֆազարյան, նշվ. աշխ., էջ 161–162:

<sup>69</sup> Տե՛ս նույն տեղում, էջ 174:

փողանց քիչ տվյալներ են տվել մանվածքային արտադրութայան վերաբերյալ, սակայն տեղական և արաբական աղբյուրների առատ տվյալներից երևում է, որ Բագրատունյաց շրջանում խոշոր գարդապցման ու կատարելութայան էր հասել նաև արտադրութայան այս ձևը: Հովհաննես Դրասխանակերտցու վկայությամբ Սմբատ Ա-ն Ստրպատականի Յուսուֆ էմիրին նվիրել է չքնադատես երևելի գարդեր, կարմիր որդանով ներկված իրեր, համակ ոսկուց թասեր, գոտի<sup>70</sup>:

Հայաստանում արտադրվող բրդն և մետաքսն բանվածքների ու գործերի մասին արժեքավոր տեղեկություններ են հաղորդում արար բազմաթիվ հայտնի աղբյուրները: Մ. Գ. մատենագիր Ալ Խոտազրին Դիլին քաղաքի մասին գրում է. «Այս քաղաքում արտադրվում են բրդյա շորեր և գորգեր. բարձր, բազմոցներ (մինդար), ժանյակներ և հայկական արտադրութայան այլ սուարկաներ: Այստեղ է արվում հանվում «կըրմըզ» կոչվող ներկը, նրանով են ներկում մահուղը: Ես տեղեկացա, որ դա որդ է, որն իր շրջապատը հյուսում է շերամի որդի նման, իսկ բացի այդ, ևս իմացա, որ հենց այստեղ էլ արտադրում են բազմաթիվ մետաքսյա բանվածքներ»<sup>71</sup>: Նույն գրքի արար հեղինակ իրն — Հաուկալը հայտնում է, որ Հայաստանում արտադրում են բազմաթիվ մետաքսյա շորեր, գորգեր, ծածկոցներ, կարպետներ և բարձր<sup>72</sup>:

Մանածագործական արդյունաբերության զարգացման համար Հայաստանը ոչ միայն ուներ առատ հումք՝ բույր, բամբակ և մետաքս, այլևս հարուստ էր լավագույն ներկերով և, առաջին հերթին, Ալ-Խոտազրու հիշատակած «կըրմըզ» կոչված ներկով: Այդ ներկի մասին, գարձյալ 10-րդ դ. արար մատենագիր Իրն-ալ-Ֆահիհը գրել է. «Դա կարմիր որդն է, որը հայտնվում է գարնան օրերին, նրան հավաքում են, եփում և նրանով բուրդ են ներկում»<sup>73</sup>:

<sup>70</sup> Տես Հովհաննես Դրասխանակերտցի, էջ 198:

<sup>71</sup> Տես СМОЛК, вып. XXIX, Тифлис, 1901, էջ 19:

<sup>72</sup> Տես նույն տեղում, вып. XXXVIII, Тифлис, 1908, էջ 22:

<sup>73</sup> Տես նույն տեղում, вып. XXXI, Тифлис, 1902, էջ 39:

Արար Զեղինակների Հաճախակի Հիշատակած «կլլումըզ»-ը Հայկական նշանավոր «որդան կարմիր» ներկն է, որի արտադրութեան ամենախոշոր կենտրոնը Դվինի մտտ գանվոյ Արատաշատ գյուղն էր<sup>74</sup>:

Չնայած պղնձագործութունը բավականին դարգացած էր, այնուամենայնիւ, Դվինի և Անիի պեղումներից Հայտնարեբւմած Հսկայական քանակութեամբ կերամիկայի մնացորդներն իրենց բազմաթիւ տեսակներով ցույց են տալիս, որ կալվագործութեան արտադրանքը 9–11-րդ դդ. ավելի լայն տարածում ու գործածութուն է ունեցել: Այս շրջանում կերամիկայի նուրբ Հախճապակյա ամաններից սկսած մինչև մեծ կալի կարասների արտադրանքն ավելի է նրբանում և կատարելագործւում: Առանձնապես զարգանում է ջնարակած խեցեղեն անոթների արտադրանքը, որի մի քանի տեսակները իրենց բազմազան գույներով երևան են գալիս և գեղարվեստական կատարելութեան Հասնում 10–11-րդ դդ.:

Անիի պեղումներից Հայտնարեբւմած նյութերի մասին խոսելով, ակադեմիկոս Հ. Օրբելին գրել է. «Չարմանալի են Հախճապակյա ամաններն իրենց թափանցիկ կողերով և ուռուցիկ ու խոր գծած նկարներով, և ճննապակիից ամանները՝ իրենց Հարուստ և բազմազան ոսկեպօծ ու բազմերանգ նկարներով, նույնպես և ուռուցիկ ու ներս ընկած զարդարանքներով (օրնամենտ), դրանք գտնված են թագաւորական ապարանքի պեղումներում: Բեկորներից երևում է, որ ամանների մեծագույն մասը թափոյի է, և աչքի են ընկնում թափման (որ Հինգ տեսակից ավելի է) բարձր կատարելութեամբ, նույնպես և գեղարվեստորեն կատարված լինելով ու ներկերի պայծառութեամբ: Գտնված ամանների խեցիների թիւր արդեն մի քանի Հազարների է Հասնում»<sup>75</sup>:

Անիի և Դվինի պեղումներից Հայտնարեբւմել է ձվաձև սնդկամաններ, որոնք տեղական ծագում ունեն և օգտագործվել են միայն Հասարակութեան վերին խաւին պատկանող մարդկանց կողմից, որպես օձանելիքի և սնդիկի ամաններ: Գտնված են նաև

<sup>74</sup> Տես Բալաձորի, Книга завоевания стран, текст и перевод П. К. Жузе, Баку, 1927, էջ 10:

<sup>75</sup> Յ. Օրբելի, Անոյ տերակները, Վարարշապատ, 1911, էջ 19:

մարդու և բույսերի բարձրաքանդակներով հախճապակյա ամաններ. սրոնց մի մասը տեղական ծագումն ունի և ներմուծված է Չինաստանից, Բյուզանդիայից, Սիրիայից ու այլ երկրներից: Պեղումների հետևանքով հայտնաբերվել են նաև մեծ քանակությամբ խոհանոցային նշանակություն ունեցող հատուկ կավանդիներ՝ տափոր, քրեղան, թաս, փարջ, ափսե, աղաման, կճուճ և այլ իրեր:

Կերամիկան, հատկապես Դվինում, խոշոր չափով օգտագործվել է նաև ճարտարապետական նպատակներով:

Արհեստագործական խոշոր քաղաքներում արհեստավորների միջև իրենց արտադրանքի որակը բարձրացնելու ուղղությամբ բավական ուժեղ մրցություն է ծավալվել, որն արհեստների կատարելագործման և արտադրանքի գեղարվեստական ձևավորման պատճառ է հանդիսացել: Այդ եղանակով է հանդես եկել գեղարվեստական կերամիկայի, ոսկերչության, գորգագործության, զինադործության, ասեղնագործության և այլ արհեստների բարձրորակ արտադրանքը: Նշված արհեստներից բացի, 9–11-րդ դդ. խոշոր չափով զարգանում և առանձին ենթաճյուղերի են բաժանվում նաև քարակոփության ու կաշվեգործության արհեստները:

Արհեստագործության զարգացման հիման վրա և միջազգային նպաստավոր պայմանների հետևանքով Հայաստանում ծավալվում է արտաքին, մասամբ նաև ներքին առևտուրը: Միջազգային պայմանների նպաստավորությունն արտահայտվում էր նրանով, որ Բյուզանդական կայսրության, Խալիֆայության ու Առաջավոր Ասիայի երկրների, ինչպես նաև Մերձվոլգյան շրջանների հետ կատարվող առևտրական գլխավոր ուղիներն անցնում էին Հայաստանով:

Բազրատունյաց շրջանում Հայաստանի վրայով երկու հիմնական առևտրական ուղիներ էին անցնում: Դրանցից առաջինը, որն ավելի կարևոր նշանակություն ուներ, գալիս էր Խոյից և Նախիջևան-Դվին-Անի-Կարս-Արծն ուղիով անցնում էր առևտրի հանդուցային կենտրոն Տրապիզոն քաղաք և նրա միջոցով կապվում Աեծովյան երկրների հետ: Այս առևտրական ճանապարհը Դվինում բաժանվում էր երկու մասի, որոնցից մեկն անցնում էր հյու-

սիսային առևտրի գլխավոր կենտրոն Պարտավ քաղաք և ապա Գերբենդի վրայով կապվում Մերձօլդյան բուլղարների հետ, իսկ մյուսն անցնում էր Թրիլիսի-Արտանուշ ուղղությամբ՝ կրկին դեպի Սևծովյան երկրներ:

9-11-րդ դդ. դարերում կարևոր նշանակութուն ուներ հարավային առևտրական ուղին, որն անցնում էր Խոյից, դեպի Վան ու Արճեշի, Խլաթի, Բաղեշի, Նփրկիրտի վրայով ձգվում էր դեպի հարավ և միանալով Ամիդին՝ կապվում Միջերկրական ծովի ափերի երկրների հետ<sup>76</sup>:

Միջազգային աշխույժ առևտուրը մեծ չափով նպաստեց առևտրի ու առևտրական ճանապարհների վրա ընկած քաղաքների զարգացմանը: Միջազգային տարանցիկ առևտրի ազդեցությունը զգալի էր մանավանդ այն պատճառով, որ առևտրի դարգացման համար Հայաստանում աշխատանքի հասարակական բաժանման և արհեստագործության կատարելագործման շնորհիվ ներքին նպաստավոր պայմաններ էին ստեղծվել:

Հայաստանն իր արհեստագործական արտադրանքով մեծ չափով մասնակցում էր ծավալված միջազգային այդ առևտրին: Հայաստանից արտահանվող արտադրանքի մի քանի տեսակներ, ինչպես երևում է օտար պատմիչների և, հատկապես, արար մատենագիրների վկայություններից, արտաքին շուկայում բաղադրական մեծ համբավ ունեին: Ալ-Իստահրին խաղարների մասին խոսելիս գրում է. «Խաղարներն իրենք չոր չեն պատրաստում, այլ նրանք իրենց շորերն ստանում են բացառապես Գուրջանից (Վրաստանից) Տարարիստանից, Հոյաստանից, Ազերբեյջանից և Ռումից (Բյուզանդիայից)»<sup>77</sup>: Նույն դարի արար մատենագիր Ալ-Մուկադասին իր հերթին նշում է. «Ինչ վերաբերվում է Հայաստանին, ապա նա մեծ երկիր է... այնտեղից արտահանում են ծածկոցներ, բրդյա ծածկոցներ, որոնք նշանավոր են և ունեն ստանձին հատ-

<sup>76</sup> Ст'ю Я. А. Манандян, О торговле и городах Армении в связи с мировой торговлей древних времен (V в. д. н. эры XV в.н. эры), Ереван, 1930, էջ 165-169:

<sup>77</sup> СМОМПК, вып. XXIX, Тифлис, 1901, էջ 51.

կուլթյուններ»<sup>78</sup>: Ալ-Մուկհադասին քիչ հետո հայտնում է, որ Դվինից արտահանում են մահուղներ, գորգեր, բազմոցներ և նշանավոր ժանյակներ<sup>79</sup>:

Հայտնի է, թե Իրն-Հաուկալը Դվինի մանածագործական արտադրանքն ինչքան բարձր էր դասում, որ նրա նմանը չէր գտնում «աշխարհի մի ծայրից մինչև մյուսը»: Առանձնապես հայտնի են կղև հայկական դորգերը, որոնց հիշատակությունը հանդիսւում ենք Կամա-Վոլգյան բուլղարների մոտ, անգամ Թուրքմենստանում, որտեղ նրանք բարձր են գնահատվել և իբրև շատ թանկարժեք իրեր դասվել են արքային տրվող նվերների մեջ<sup>80</sup>: Հայաստանից արտահանվող արդյունագործական արտադրանքից օտար երկրներում հայտնի են կղև և մեծ տեղ են զբաղվել նաև «Կարմիր որդան» ներկը ու «դիպակ» և «բողյան» կոչվող շքեղ մետաքսյա գործվածքները:

Որոշ վկայություններ կան նաև Հայաստանից արտահանվող տնասունների, գյուղատնտեսական մթերքների, անգամ շինափայտի մասին, որով այնքան էլ հարուստ չէր Հայաստանը:

Երկրում հատկապես միևնույն առևտրական ճանապարհների վրա ընկած քաղաքների միջև ևս դպալի չափով զարգացել էին առևտուրն ու ապրանքափոխանակությունը: Սակայն առևտրական ուղիներով իրար հետ չկապված քաղաքների միջև հավանաբար առևտրական սերտ կապեր չեն կղև: Ավելի հավանական է, որ առանձին վավառների կենտրոն քաղաքների ու տվյալ գավառի միջև ապրանքափոխանակություն և որոշ առևտուր է կղև: Այսինքն գավառների կենտրոններ քաղաքները, առևտրական տեսակետից, այս կամ այն չափով սպառարկել են տվյալ գավառի բնակչությանը: Միաժամանակ կատարվել է նաև հակառակ պրոցեսը: Տվյալ քաղաքը շրջապատող գավառը նրան սպասարկել է գյուղատնտեսական մթերքներով: Գավառի գյուղերն ու ավանները, գյուղատնտեսական մթերքներ են մուծել իրենց գավառի

<sup>78</sup> Նույն տեղում, вып. XXXVIII, Тифлис, 1908, էջ 6-7:

<sup>79</sup> Տե՛ս նույն տեղում, էջ 14:

<sup>80</sup> Տե՛ս Материалы по истории туркмен и Туркменин, т. I, Москва-Ленинград, 1939, էջ 238:

կենտրոն հանդիսացող քաղաքներ և դրանով բավարարել նրա բնակչուլթյան պահանջները:

Արհեստային արտադրության ու առևտրական հարաբերությունների զարգացման հիման վրա և միջազգային առևտրի բավական զգալի նպաստավոր ազդեցության պայմաններում Հայաստանում զարգանում են քաղաքներն ու քաղաքային կյանքը: Ինչպես ցույց է տվել Հ. Մանանդյանը այս շրջանում ոչ միայն նոր հանդես եկած քաղաքներն են բարգավաճում, այլև զարգանում են հները: Տնտեսական կյանքի մեջ առաջացած նոր երևույթներն իրենց զարգացման ուղորսի մեջ են առնում Հայաստանի նախկին քաղաքները (Դվինը, Վանը, Արճեչը, Խլաթը, Մուշը, Նախճվանը և այլն) նրանց տալով զարգացած ֆեոդալիզմի բնույթին համապատասխան քաղաքների տեսք: Նոր առաջացած քաղաքներից նշանակալից զարգացում են ապրում Անին, Կարսը, Արծնը և ուրիշներ:

Ուսումնասիրությունները ցույց են տալիս, որ Բագրատունյաց շրջանի Հայաստանի քաղաքների մի մասն իրենց ժամանակաշրջանի առումով զարգացած ու շքեղ արհեստագործական քաղաքներ են եղել: Այդ տեսակետից բնորոշ է Անին, ուր պեղումների հետևանքով հայտնաբերվել են անգամ արհեստավորական առանձին թաղամասեր, խանութներ, իջևաններ ու հյուրանոցներ:

Ժամանակակի պատմիչների անուղղակի վկայություններից երևում է, որ հայկական քաղաքները բավական մեծ թվով բնակչություն են ունեցել: Հ. Մանանդյանը հենվելով հայ պատմիչների կողմից տարբեր առիթներով քաղաքների բնակչության թվի մասին հայտնած տվյալների, Արծնի բնակչության մասին Գեորգի Կեդրենիուսի վկայության վրա, ինչպես նաև հաշվի առնելով Անիի և մյուս քաղաքների ընդարձակ արվարձանները, Բագրատունյաց շրջանի խոշոր քաղաքների բնակչության թվի վերաբերյալ մոտավոր հաշիվներ է կատարել և եզրակացրել է. որ զրանք ունեցել են ավելի քան 50.000 և մինչև իսկ 100.000 բնակիչ<sup>81</sup>:

Քաղաքները բավական ընդարձակ տարածություններ են բունել: Մերձավոր Արևելքի քաղաքների նման դրանք բաղկացած

<sup>81</sup> Տե՛ս Հ. Մանանդյան, Հայաստանի քաղաքները 10-11-րդ դարերում, Երևան, 1940, էջ 24:

են կղկ էրեք մասից: Միջնաբերդում բնակվել են աուավելյապետ իշխող խավերը, նրան շրջապատող շահրիստանում տեղավորված են կղկ արհեստավորական և առևտրական թաղամասերն ու խանութները: Քաղաքների երրորդ մասը շահրիստանի պարիսպներից դուրս ընկած, այսպես կոչված արվարձանային թաղամասերն են կղկ: Դրանցում խզուկ հյուղակներում ու գետնափոր տնակներում բնակվել են աղքատ խավերը, որոնց մեծ մասի հիմնական զբաղմունքը երկրագործությունն է կղկ: .

Գծախտաբար Հայաստանի միջնադարյան քաղաքներից միայն Անին է քիչ թե շատ սիստեմատիկ պեղվել: Պատերազմի տարիների դադարից հետո 1946 թ., վերսկսվել և այժմ էլ շարունակվում են Դվին քաղաքի պեղումները: Սակայն այս շրջանի մնացած քաղաքների նյութական կուլտուրան, նրանց զարգացման բնույթն ու կոնկրետ աստիճանը ղեռնս հիմնականում անհայտ է մնում:

9-11-րդ դդ. քաղաքների ու քաղաքային կյանքի զարգացման և տնտեսական կյանքի ընդհանուր աճի ու աշխուժացման պայմաններում, մանավանդ երկրի ներսում հսկայական հարրատու թյունների կուտակման շնորհիվ սկսում են ծավալվել շինարարական լայն աշխատանքներ: Այդ մասին են խոսում ոչ միայն բազմաթիվ մատենագրական վկայություններն ու վիմական արձանագրությունների հազորդած տեղիկությունները, այլև այդ դարերի նյութական կուլտուրայի մնացորդներն ու մասնավորապես պահպանված հոյակապ կոթողները: Բուզմաթիվ օրինակներից բերենք միայն մի քանիսը: Միայն Անիում Բագրատունյաց շրջանում են կառուցվում Աբուղամրենց ս. Գրիգորի, ս. Փրկիչի, Հովվի եռահարկ եկեղեցիները, Անիի հոյակապ կաթողիկեն և այլ կոթողներ: Աշխարհիկ շինություններից նշանավոր են Բագրատունիների ապարանքը, շենքի ներսում կառուցված բաղնիքը, Ղրմուղը, Ախուրյան գետի կամուրջները, Անիի աշտարակավոր հսկայական պարիսպները և այլն: Հայտնի է, որ Շիրակի թագավորությունից բացի, Հայաստանի տարբեր շրջաններում Ֆեոդալ-իշխանների կողմից նշանավոր եկեղեցիներ ու տաճարներ են կառուցվել: Հիշատակության արժանի են Գագիկ Արծրունու կառուցած Աղթա-

մարի հոյակապ կենտրոնական գմբեթավոր տաճարը, Կարսի տաճարը, Մարմաշենը, Ամբերդի, Կեչառիսի վանքերը և, վերջապես, Խոսրովանուշ Թագուհու կողմից Ձորագետի հովտում հիմնված Սանահնի ու Հաղբատի վանքերը և շատ ուրիշներ:

Ճարտարապետական հետաքրքիր հորինվածքի շինությունների հետ մեկտեղ տարածվում է նույր ու բավական բարձր կատարելության հասած քանդակագործությունը: Բազմատեսակ քանդակները ներկայացրել են նուան, տանձի, խաղողի ողկույզի, ապա ընտանի կենդանիների կովի, եզան, ոչխարի բարեկեֆները: Քանդակների մեջ պատկերված են գյուղատնտեսական աշխատանքի զանազան պրոցեսներ՝ խաղողի մշակումը, այգիկուլթը, ինչպես նաև կենցաղային զանազան տեսարաններ: Ուշագրավ և հետաքրքիր են Աղթամարի գոտեղարդ գեղաքանդակները և նման տիպի այլ քանդակներ: Թագավորների և իշխանների ապարանքներում բավական տարածում է ստանում որմնանկարչությունը, որը հիմնականում աշխարհիկ բնույթ ուներ:

9-11-րդ դդ. Հայաստանի քաղաքների բնույթը, դրանց վարգացման աստիճանն ու առանձնահատկությունները որոշելիս չպետք է Անիի տվյալները ենթադրաբար վերագրել նաև մյուս քաղաքներին կամ դրանց էլ անվերապահորեն դիտել Անիի պեղումներից հայտնաբերված նյութերի լույսի տակ: Նախ ասենք, որ այդ շրջանի քաղաքներն իրենց բնույթով իրարից տարբերվում և առանձին իմբերի էին բաժանվում: Այնպիսի «քաղաքներ», ինչպիսիք են Արուճը, Բաղարանը, Բջնին, Երազավորսը և ուրիշներ, որոնք հաճախ ռազմավարչական կամ հայրենիք-կալվածքի կենտրոններ էին, հիմնականում երկրագործական բնույթ ունեին: Արհեստագործության ու առևտրի կենտրոններ հանդիսացող քաղաքներից Նախիջևանը, Բաղեչը, Մուշը, Լոռին ու Կապանը ևս ընդգծված երկրագործական բնույթ ունեին:

Անգամ արհեստային արտադրության և առևտրի բավական խոշոր կենտրոններ Դվինը, Վանը, Արծնը, Արճեչը, Խլաթն ու Կարսը քաղաքային կյանքի զարգացման տեսակետից չի կարելի Անիի հետ լիովին հավասարեցնել: Տնտեսապես ու քաղաքականապես ավելի հզոր Բազրատունիներն Անին իրենց մայրաքաղաքը

դարձնելով լայն միջոցներ էին տրամադրում քաղաքի բարեկարգման ու շինութեան գործին, ամեն կերպ նպաստում առևտրի և արհեստագործութեան զարգացմանը, իսկ Հայաստանի մյուս քաղաքները զարգացմանն այդպիսի ուղղակի նպաստող ուժ չկար:

Ուշագրավ է, որ Դվինը, որն Անիից հետո երկրորդ նշանավոր քաղաքն էր համարվում, ինչպես ցույց են տալիս պեղումները, տնտեսական կյանքի զարգացման մի շարք կողմերով հետ էր մնում Անիից: Այս շրջանում անգամ Անիում երկրագործությունն արհեստագործական աշխատանքի ու առևտրի կողքին խոշոր դեր էր խաղում, իսկ Անիի դրամա-ապրանքային տնտեսութեան վերաբերյալ հայտնի փաստերի մեծ մասը վերաբերվում է 12–13-րդ դդ. և ոչ թե Բագրատունյաց շրջանին: Ինչ խոսք, որ Հայաստանի մյուս խոշոր քաղաքներում ևս երկրագործական աշխատանքը խոշոր դեր է խաղացել, իսկ նրանց արհեստագործական արտադրանքի մի մասն էլ միայն ինքնասպառման նպատակ է ունեցել: Ծիշտ է, այդ խոշոր քաղաքները երկրագործությունից արհեստագործութեան դատվելու հենքի վրա էին առաջացել, սակայն աշխատանքի հասարակական բաժանումը դեռևս բավականաչափ խորացած չլինելու հետևանքով երկրագործությունն այդ քաղաքների բնակչության մի ստվար մասի զբաղմունքն էր:

### 3. Միասնական համահայկական պետությունն ստեղծելու փորձերը

Երկրի ինքնուրույնությունը վերականգնելու հետ միաժամանակ պարզ էր դառնում, որ Բագրատունիների քաղաքական ղեկավոր նպատակը ինքնուրույնությունից լիովին անկախ դառնալն ու բոլոր հայկական հողերը մեկ միասնական կենտրոնացած թագավորության մեջ միավորելն է: Հայ ֆեոդալական իշխանություններն իրենց տիրապետության տակ համախմբելու ուղղությամբ առաջին Բագրատունի թագավորների ջանքերը մասամբ արդեն տեսանք, որ հանդիպեցին Ատրպատականի էմիրների լուրջ դիմադրությանը: Ծիշտ է, Ատրպատականի էմիրներին չհաջողվեց

հասնել Հայաստանի անկախութեանը վերջ տալու իրենց նպատակին, սակայն նրանք հայ իշխանների մեջ պառակտում առաջացնելու և նրանց մի մասին թագավորական իշխանութեանը հակադրելու միջոցով կարողացան խափանել երկիրը միավորելու ուղղութեամբ Բագրատունիների գործնական քայլերը:

Վասպուրականի Արծրունիները, որոնք իրենց տիրութեան լրիվ տեր ու տնօրինողներն էին, 10-րդ դ. սկզբում թագավորի տիտղոս ստանալով ավելի ինքնուրույն դարձան: Դեռ 10-րդ դ. սկզբներին Սյունյաց իշխանութունը և արաբական Ջահալյան ու Կայսիկների ֆեոդալական տները ևս ձգտում էին իրենց տերիտորիաների լրիվ անկախ տերերը դառնալ և գնալով դա նրանց ավելի էր հաջողվում:

Աշոտ Բ-ի մահից հետո դահ բարձրացավ նրա եղբայր Աբասը (928–953): Նրա թագավորութեան ժամանակաշրջանը խաղաղ անցավ, և ինքն էլ զբաղված էր իր մայրաքաղաք Կարսի շինարարութեամբ: Աբասին հաջորդեց որդին՝ Աշոտ Գ-ը (953–977), որը պետութեան կենտրոնացման համար ավելի վճռական միջոցների դիմեց: Նրա առաջին կարևոր միջոցառումն Անի քաղաքի ընդլայնումն ու այն Բագրատունիների մայրաքաղաք դարձնելը եղավ: Գ-րդ դ. վերջերից Հայաստանը փաստորեն համահայկական մայրաքաղաք չունեց: Դվինի համար մղվող պայքարն առայժմ հաջող չէր ընթանում, և, բացի այդ, այն Բագրատունյաց թագավորութեան կենտրոն հանդիսացող Շիրակից դուրս էր, ուստի չէր կարող նրանց թագավորութեան մայրաքաղաքը դառնալ: Այդ էր պատճառը, որ Բագրատունիները զահանխատ դարձրին բոլոր կողմերից հարմար Անի ամրոցը:

Նոր մայրաքաղաք տեղափոխվելով Բագրատունիները աշխատում էին իրենց թագավորութունը համահայկական թագավորութուն հռչակելու քաղաքական բնույթի տալ: Այդ նպատակով 961 թ. Անի մայրաքաղաք հռչակվելու հանդեսները, որոնց հրավիրված էին ոչ միայն Հայաստանի, այլև հարևան Վիրքի ու Աղվանքի ֆեոդալները, զուգադիպեցին Աշոտ Գ-ին «թագաւոր ամենայն Հայոց» հռչակելու շքեղութեամբ կատարված հանդեսների

Հետ<sup>82</sup>: Դրանով Աշոտը կամենում էր ընդգծել երկիրը միավորելու իր ձգտումը և իր ասաջնությունն ու սյուզերեն իրավունքները մյուս իշխանների հանդեպ: Նա կազմակերպեց կանոնավոր զորք թագավորության շահերը ներքին ուսնձգություններից և արտաքին թշնամիների հարձակումներից պաշտպանելու համար:

Միասնական պետություն ստեղծելու համար մղած պայքարում Բագրատունիները լայնորեն օգտվում էին եկեղեցու ծառայությունից, որի շահերին համահայկական կենտրոնացված պետության ստեղծումը միանգամայն համապատասխանում էր: Իզուր չէ, որ հոգևորականությունն ամեն կերպ եկեղեցու հեղինակությամբ ամրապնդում էր թագավորական իշխանությունը, ապացուցում Բագրատունիների թագավորելու անառարկելի իրավունքը: Եկեղեցին ավելի հարմար ձևով իրենց քաղաքական ձգտումներին ծառայեցնելու համար Բագրատունիները կաթողիկոսական աթոռը կրկին տեղափոխեցին իրենց մոտ Շիրակ: Անանիա Մոկացի կաթողիկոսը 945 թ. թողեց Աղթամար կղզին և տեղափոխվեց Կարս<sup>83</sup>:

Բագրատունիները, այդ թվում նաև Աշոտ Գ-ը, տեսնելով համեմատաբար ուժեղ իշխանական տների անջատողական ձգտումները, միասնական պետություն ստեղծելու պայքարում սշխատում էին հենվել իրենց սեփական տիրույթներում ապրող հպատակ իշխանների ու մանր ազնվականության վրա: Սակայն այդ ազնվականությունն էլ հենց սկզբից վտանգավոր հանդիսացավ Բագրատունիների համար: Վերջիններս շուտով համոզվեցին, որ հնազանդ ազնվականներն ուժեղանալով ինքնուրույնության էին ձգտում և սկսում պայքարել կենտրոնական իշխանության դեմ: Նոր սլայմանները Բագրատունիներին հարկադրեցին, տիրապետության տարածքային ամբողջությունը պահպանելու նպատակով առանձին դավառների կառավարումը տալ թագավորական տան անդամներին: Սակայն, թույլ սնտեսական կապերի և կենտ-

<sup>82</sup> Տես Մատթեոս Ռոտայեցի, Ժամանակագրութիւն, Վաղարշապատ, 1898, էջ 3-4 (այսուհետև՝ Մատթեոս Ռոտայեցի):

<sup>83</sup> Տես Մաղաքիա Օրմանեան, Ազգապատում, Կ. Պոլիս, 1912, էջ 1087, (այսուհետև Ազգապատում):

րոնից ծայրամասային մարզերի կտրվածության պայմաններում այդ քաղաքականությունը ևս հակառակ արդյունքի հանդիսանալու էր: Գավառների կառավարիչ նշանակված թագավորական տան անդամները մի սերունդ հետո կորցնում էին կապը կենտրոնի հետ և իրենց անկախ հայտարարում: Այդ սեպարատիզմն ամեն կերպ աջակցություն էր դտնում ինչպես Բյուզանդիայի և Խալիֆայությունից, այնպես էլ շրջակա ֆեոդալական իշխանությունների կողմից<sup>84</sup>:

Տնտեսական համապատասխան նախադրյալների բացակայություն հետեանքով Հայաստանը միավորելու և պետական իշխանություններն իրենց ձեռքը կենտրոնացնելու գործում Բագրատունիները չկարողացան լուրջ հաջողություններ ունենալ: Քանի որ նրանց ձգտումները չէին ելնում ռեալ իրականությունից ու երկրի տնտեսական զարգացման ժամանակի պահանջներից մասնատման պրոցեսը դնալով ավելի ու ավելի էր ուժեղանում: 10-րդ դ. երկրորդ կեսին, մասնավորապես երկրի կենտրոնացման համար լուրջ փորձեր կատարող Աշոտ Գ-ի օրոք միավորման փոխարեն Հայաստանում մի շարք մանր թագավորություններ առաջացան՝ հիմնականում Բագրատունյաց թագավորությունից հաշվին: Ստեփանոս Օրբելյանը Բագրատունյաց թագավորության այդ մասնատման առթիվ գրում է. «Ապա ի նուազել տէրութեանն Բագրատունեաց ... հատեալ, բարժանեալ եղեն ամենայն զահք զլլսաւոր նախարարացն Վասպուրականին ... և Չորոյգետացիքն որ Կիւրիկեանքն կոչին, նաև Կարուցն և Վանանդայն որ Բասեանք կոչի»<sup>85</sup>:

Թեկուզ շատ համառոտակի կանգ առնենք տարաբանման այդ պրոցեսի վրա:

Աշոտ Գ-ը մայրաքաղաք տեղափոխելով Անի Կարսի կառավարիչ նշանակեց իր եղբորը՝ Մուշեղ Բագրատունուն, որը երկու տարի հետո՝ 963 թ. իրեն Կարսի ու Վանանդ գավառի թագավոր հռչակեց: Աշոտ Գ-ը հարկադրված էր ճանաչել նրա թագավոր

<sup>84</sup> Шли Очерки истории СССР, период феодализма, часть первая, էջ 599:

<sup>85</sup> Ստեփանոս Օրբելյանի, էջ 299:

յությունը, բազարարվելով միայն վասալական հարաբերություններով նրան դահի հետ կապելով<sup>86</sup>: Մուշեղի (963—989) հաջորդների օրոք Վանանդի թագավորությունը ստեղծեց իր սեփական ռազմական ուժը և ավելի հզորացավ:

Վանանդի թագավորության առաջացումից մի քանի տարի հետո՝ 970 թ., Սյունիքի գահերեց իշխան Սմբատը հիմնեց Սյունիքի թագավորությունը: Այդ թագավորությունը համեմատաբար փոքր տերիտորիա էր զբաղում, սակայն բազմականաչափ խիտ բնակչություն և հարմար լեռնային պայմաններ ուներ, որի շնորհիվ հայկական թագավորությունների մեջ այն բուրքից երկար պահպանեց իր գոյությունը: Սյունիքի թագավորությունը բաժանված էր մանր իշխանությունների և տիպիկ ֆեոդալական նույնպիսի մի թագավորություն էր, ինչպիսին Բագրատունիների և Արծրունիների թագավորություններն էին: Սյունիքի թագավորությունը բարգավաճում և իր ծաղկման գագաթնակետին է հասնում հատկապես Վասակ թագավորի օրով (998—1040)<sup>87</sup>:

Աշոտ Գ-ի թագավորության վերջին տարիներին Հայաստանի հյուսիսային մասում ստեղծվեց Կյուրիկյանների կամ Տաշիր-Ձորագետի հայկական թագավորությունը: Աշոտ Գ-ը Տաշիր և Ձորագետի գավառները Վիրա-աբխազական թագավորների ոտնձգություններից ապահովելու և իր իրավունքներն այդ տերիտորիաների վրա ամրապնդելու նպատակով դեռ 972 թ. այնտեղ կառավարիչ էր նշանակել իր որդի Սմբատին, նրան տալով լայն լիազորություններ՝ Տաշիրից արևելք մինչև Կուր ընկած հողերին տիրելու համար: Աշոտ Գ-ի մահից հետո, երբ Անիում Սմբատ Բ-ը (970—990) դահ բարձրացավ իր կրտսեր եղբայր Գուրգենին նշանակեց Տաշիրի վերակացու, որն էլ իրեն թագավոր հռչակեց<sup>88</sup>:

Այդպիսով, հիմնադրվեց Կյուրիկյանների թագավորությունը, որն իր գոյությունը պահպանեց մինչև 13-րդ դ. սկիզբը: Այն իր առավելագույն հզորությունը հասավ Դավիթ Անհողրնի (989—1048)

<sup>86</sup> Տես Ասողիկ, էջ 180:

<sup>87</sup> Տես Ստեփանոս Օրբելյան, էջ 300—309:

<sup>88</sup> Տես Վարդան վարդապետ, էջ 90:

ժամանակ, երբ ի հաշիվ Գանձակի և Թբիլիսի էմիրությունների, հսկայական չափով մեծացրեց իր թագավորությունը սահմանները<sup>89</sup>։

10-րդ դ. երկրորդ կեսին առաջացած այդ երեք թագավորություններից բացի, ինչպես նշվել է, դեռևս 10-րդ դ. սկզբին (908 թ.) առաջացավ Վասպուրականի թագավորությունը, որի թագավոր Գաղիկ Արծրունին ամբողջ Հայաստանի թագավոր դառնալու հավակնություններ ուներ։ Սակայն երբ Աշոտ Բ-ը «չահնչահ Հայոց» Հռչակվեց, նա ստիպված էր բավարարվել միայն «Թագուոր Վասպուրականի» տիրույթով։ Վասպուրականի թագավորությունը հայ Բաղրատունիներից հետո, հայկական իշխանությունների մեջ ամենահզորն էր և ընդգրկում էր Վանա և Կապուտան լճերի միջև. ընկած բարձր լեռնային շրջաններից մինչև Արաքս գետի հարավային ափերն ու Վանա լճի մերձափնյա բարեխառն կլիմա ունեցող հովիտները։

Հատկապես 10-րդ դ. առաջին կեսին՝ Գաղիկ Արծրունու ժամանակ (908–943), Վասպուրականի թագավորությունը տնտեսական և կուլտուրական անշեղ մերեք էր ապրում։ Դրան մեծ շափով նպաստում էր նաև այն հանգամանքը, որ միջազգային կարավանային առևտրի հարավային ուղին նրա վրայով էր անցնում<sup>90</sup>։

Վասպուրականի, ինչպես նաև Սյունիքի թագավորությունները Բաղրատունիների հանդեպ ըստ էության միանգամայն ինքնուրույն իրավունքներից էին օգտվում։ Վանանդի և Տաշիր-Չորագետի թագավորությունները թեև համարվում էին Բաղրատունիների նկատմամբ մասայական կախման մեջ գտնվող թագավորություններ, սակայն դա հաճախ ձևական բնույթ էր կրում։

Այսպիսով, Հայաստանը 10-րդ դ. վերջերին հինգ առանձին թագավորություններ և գրեթե նույնքան էլ արաբական էմիրություններ ուներ, թեև դրանք լրիվ անկախ չէին Շիրակի Բաղրատունիներից և ձևականորեն համարվում էին նրա վասալները։ Չնայած երկրի նման տարաբաժանման ու մասնատման աստիճա-

<sup>89</sup> Տե՛ս Ասողիկ, էջ 256–257։

<sup>90</sup> Տե՛ս Թովմա Արծրունի, էջ 453–471, 474–477, 477–483, 483–487։

նախնի ու ժեղացմանը, այնուամենայնիվ, Բագրատունիները չէին կորցրել միասնական պետություն ստեղծելու հույսերը:

Սմբատ Բ-ը Հարձակվեց Կարսի թագավորության վրա և գրավելով Կարսը՝ փորձում էր վերացնել Վանանդի թագավորությունը և նրա հողերը միացնել Անիի թագավորությանը: Սակայն Անիի թագավորության ու ժեղացումից վախենում էին շրջակա բոլոր խոշոր ու մանր Ֆեոդալները և, մասնավորապես, Տայքի կյուրոսպաղատ Դավիթը (961–1000), որը Վանանդի թագավորությանն օգնելու նպատակով իր բանակով եկավ Շիրակ: Սմբատ Բ-ը հարկադրված էր Մուշեղին վերադարձնել Կարսը և խաղաղություն պայմանագիր կնքել նրա հետ<sup>91</sup>:

Սմբատ Բ-ի հաջորդ Գագիկ Ա-ի ժամանակ (990–1020) Բագրատունյաց թագավորությունը հասավ իր տնտեսական ու քաղաքական հզորության գագաթնակետին: Ասողիկը Գագիկ Ա-ի մասին գրում է. «Եւ տիրեաց նա յոլով բերդից և վաւառաց ի սահմանացն Վայսց ձորոյ, Խաչենոյ և Փառխոսոյ առավել քան զեղրայր իւր. և ոչ ոք էր, որ զարհուրեցուցանէր զՀայաստանեայս մինչև ջոր զբերոյ իմոյ զբան յիշատակիս այսորիկ»<sup>92</sup>:

Անիի թագավորներից ամենից ավելի Գագիկ Ա-ն կարողացավ երկրի միավորման ուղղությամբ զգալի հաջողությունների հասնել: Նա 1001 թ. ուղղմական արշավանքի միջոցով երեք ամսում կարողացավ գրավել իր դեմ ադսամբած Տաշիր-Չորագետի թագավորության գրեթե բոլոր հողերը և նրա թագավոր Դավիթ Անհոդինին հարկադրեց ճանաչելու Անիի Բագրատունիների սյուզերեն իրավունքները<sup>93</sup>: Գագիկ Ա-ը համառ. ու հետևողական քաղաքականությամբ զգալիորեն ընդլայնեց իր տերությունն սահմանները: Նա վերջ-տվեց Վայոց-Ձորի իշխանությունը և նրա հողերը միավորեց իր թագավորությանը, ապա միացրեց Խաչեն գավառը:

Փառխոսի արքայական տոհմը 1003 թ. ընդհատվեց, որից օգտվեցին Գագիկ Ա-ն և Գանձակի էմիր Փաղլունը և Փառխոսի

<sup>91</sup> Տե՛ս Ասողիկ, էջ 188:

<sup>92</sup> Նույն տեղում, էջ 256:

<sup>93</sup> Տե՛ս նույն տեղում, էջ 279–280:

Թագավորութեան տարածքը բաժանեցին իրար միջև: Այդ թագավորութեան հյուսիս-արևմտյան ծայրագավառները մինչև Շամքոր քաղաք անցան Բագրատունյաց թագավորութեանը<sup>94</sup>: Գագիկը հարավում Վասպուրականի թագավորութեանից գրավեց Կողովխո և Ծաղկոտն գավառները<sup>95</sup>:

Այսպիսով, Անիի թագավորութեան սահմանները Գագիկ Ա-ի ժամանակ տարածվում էին Մանագիկերտից մինչև Շամքոր և Բասենից մինչև Խաչեն, իսկ մայրաքաղաք Անին իր զարգացումն ու բարգավաճումն էր ապրում հատկապես այդ ժամանակաշրջանում:

Թվում էր, թե 11-րդ դ. սկզբներին Անիի թագավորութեան հզորացումն ու հայկական հողերի սկսած միավորումը շուտով իր հաջող վախճանին էր հասնելու: Սակայն Գագիկ Ա-ի անմիջական հաջորդների օրոք դա ոչ միայն չի շարունակվում, այլև հակառակն է կատարվում:

Գագիկ Ա-ի ժամանակավոր հաջորդությունից հետո Բագրատունյաց թագավորութեան մասնատումը ոչ թե բացատրվում է նրա հաջորդների ապաշնորհությունով (չնայած դա էլ որոշ նշանակություն ունի), այլ նրանով, որ երկրի միավորման համար դեռևս չկային անհրաժեշտ տնտեսական նախադրյալներ:

Գագիկի մահից հետո նրա որդիների միջև գահակալական վեճեր սկսվեցին: Դրանք ավարտվեցին նրանով, որ Գագիկ Ա-ի ավագ որդի՝ Հովհաննես-Սմբատը (1020–1041) ժառանգեց հոր գահը՝ Անի քաղաքը և Շիրակը, իսկ կրտսեր որդի Աշոտին բաժին ընկան Սևանի ավազանի և Կուր գետի հովտի որոշ գավառներ<sup>96</sup>: Դրանով Բագրատունյաց թագավորութեանը երկու մասի բաժանվեց և թուլացավ, իսկ վասալ թագավորություններն ավելի քան անկախ դարձան:

Անիի թագավորութեան հզորացմանը խանգարում և նրա մեջ ներքին հրկյառակություններ առաջացնելուն նպաստում էր Բյուզանդական կայսրությունը: Այն գերադասում էր Հայաստան-

<sup>94</sup> Տե՛ս նույն տեղում, էջ 283:

<sup>95</sup> Տե՛ս նույն տեղում, էջ 278:

<sup>96</sup> Տե՛ս Արիստակես Լասախվերցյի, էջ 9:

նում գործ ունենալ իրար հետ պայքարող և իր անմիջական օգնությունն ու միջամտությունն անընդհատ դիմող թույլ դինաստիաների հետ: Նրա այդ քաղաքականությունը նպաստում էին Հայկական և վրացական Ֆեոդալական տները, որոնք առաջին շրջանում ողջունում էին Բյուզանդիայի արևելյան քաղաքականությունը և իրենց հերթին օժանդակում էին դեպի Հայաստանի խորքեր նրա առաջխաղացմանը: Նրանց այդ քաղաքականությունը, ինչպես ցույց տվեցին հետագա դեպքերը չափազանց տխուր հետևանքներ ունեցան հենց այդ տների համար<sup>97</sup>:

Այդ տեսակետից չափազանց բնորոշ է Բյուզանդիայի կողմից Կայսիկների էմիրության գրավման պատմությունը: Տարոնի Բագրատունիներն աշխարհագրական տեսակետից ընկած լինելով Բյուզանդիայի և Կայսիկների միջև՝ աշխատում էին երկու կողմերի հետ էլ խաղաղ հարաբերություններ պահպանել: Միևնույն ժամանակ նրանք Բյուզանդիայի համար քաղաքական հետախուզություն դեր էին կատարում, որի համար հատուկ վարձատրություն էին ստանում: Վասպուրականի Արծրունիները նույնպես իրենց հարևան Կայսիկներին թուլացնելու նպատակով ամեն կերպ աշխատում էին Բյուզանդիային հանել նրանց դեմ: Այդ քաղաքականությունը հանգեցրեց նրան, որ Բյուզանդիան գրավելով Կայսիկների էմիրությունը և քանդելով Բերկրին ու թուլացնելով իլաթը, դեռևս 10-րդ դ. 30-ական թվականներին հաստատվեց Հայկական լեռնաշխարհի կենտրոնական մասում և ցանկացած ժամանակ կարող էր սպառնալ ինչպես Հայկական, այնպես էլ վրացական իշխանությունների ու թագավորությունների գոյությունը: Ինչպես հայտնի է, Տարոնի իշխան Աշոտ Բագրատունու մահից հետո Բյուզանդիան վերջ տալով այնտեղի Ֆեոդալական ինքնուրույն իշխանությունը, այն միացրեց իրեն. «Եւ ապա Նժե (996 – Վ.Բ.) թուականին խաւարեցաւ արեգակն. և վախճանեցաւ Տարօնոյ իշխանն Աշոտ: Եւ Տարօնոյ Հոռոմք տիրեցին»<sup>98</sup>:

<sup>97</sup> Змѣт. Очерки истории СССР, период феодализма, часть первая, т. 613:

<sup>98</sup> Ասողիկ, էջ 183:

Տարոնի իշխանությունը ոչնչացնելուց հետո բյուզանդացիները գրավեցին Մանազկերտը և հիմնովին ավերեցին նրա պարիսպները՝ «...ի հիմանց բրեալ խրամատեաց զպարիսպ նորա»<sup>99</sup>:

Հայ ֆեոդալների համար պարզ դարձավ, որ Հայաստանի արևմտյան ու կենտրոնական շրջանների գրավմանն անխուսափելիորեն հետևելու են Բյուզանդիայի նոր հարձակումները նաև մյուս հայկական և վրացական թագավորությունների և անկախ իշխանությունների վրա: Իրոք, Վասիլ Բ կայսրը (976–1025) Դավիթ Կյուրոպղատին հարկադրեց, որպեսզի Տայքը կայսրությանը կտակի: 1021 թ. Բյուզանդիային հաջողվեց վերջ տալ Արծրունիների թագավորությանը և Վասպուրականը կցել կայսրությանը, իսկ մինչ այդ նրան արդեն հաջողվել էր գրավել նաև Տայքը: Վրաց Բագրատունիները իրենց համարելով Դավիթ Կյուրոպղատի օրինական ժառանգորդը, չէին հաշտվում Տայքը Բյուզանդիային կցվելու փաստի հետ և Անիի ու Վանանդի թագավորների օգնությամբ պայքարում էին այն Բյուզանդիայից հետ խլելու համար: Սակայն բյուզանդական բանակը Վանանդի վրայով Վրաստանի սահմաններ խուժելով հաղթանակ տարավ, իսկ պարտված վրաց թագավոր Գեորգի Ա-ը (1014–1027) նահանջեց երկրի խորքերը:

1022 թ. Տրսպիզոնում, երբ Վասիլ Բ-ի և Գեորգի Ա-ի միջև հաշտության բանակցություններ էին ընթանում, Անիի թագավորությունից այդ բանակցություններին մասնակցող Պեսրոս Ա Գետադարձ կաթողիկոսը (1019–1054) համաձայնվեց Անիի թագավորությունը Բյուզանդիային անցնելու կայսեր պահանջի հետ, իսկ թուլամորթ Հովհաննես-Սմբատը Բյուզանդիայի և բյուզանդամետ կենտրոնախույս ֆեոդալների, ինչպես նաև կաշառված կաթողիկոսի ճնշման տակ ստորագրեց այն չարաբաստիկ կտակը, որի համաձայն Անիի Բագրատունյաց թագավորությունն իր մահից հետո պետք է միացվեր կայսրությանը<sup>100</sup>:

Անիի թագավորության մեջ, հատկապես նրա գոյության վերջին տասնամյակում շատ ուժեղ էր բյուզանդական ազդեցություն-

<sup>99</sup> Նույն տեղում:

<sup>100</sup> Տե՛ս Արիստակես Լաստիվերցի, էջ 11–13:

նը, որը թագավորության ներսում ներքին ուժեղ պայքարի տեղիք էր տալիս: Սակայն բյուզանդական ազդեցության ուժեղացումն առաջին հերթին Անիի Բագրատունյաց թագավորության թուլության հետևանք էր: Այդ առումով միանգամայն բնական է, որ Գուգիկ Ա-ի օրոք Շիրակի թագավորության առավել հզորացման շրջանում բյուզանդական ազդեցությունը երևան չէր գալիս, իսկ նրա թույլ հաջորդների ժամանակ այն բավական ուժեղ զգացվում էր: Բացի այդ, եթե երկրի կենտրոնացման համար հարմար պայմաններ չիսին, ապա այն կարող էր միավորվել՝ մինչև Բյուզանդիան կկարողանար իր սահմաններն ընդարձակել ու ազդեցությունը տարածել կենտրոնական Հայաստանում: Հետևաբար, Հայաստանի միավորումը խանգարելու գործում Բյուզանդական կայսրության խաղացած դերը չժխտելով հանդերձ, չենք կարող այն զլխավոր պատճառ համարել: Դրա հիմնական պատճառները պետք է այլ երևույթների մեջ փնտրել:

Անտարակուսելի է, որ համահայկական միասնական պետությունը չստեղծվելու հանգամանքը երկրի ներքին կյանքի զարգացման պայմաններից էր բխում և նրա ուղղակի արդյունքն էր: Հայաստանի տնտեսական զարգացումը 9–11-րդ դդ. ոչ միայն միավորման հիմք չէր տալիս, այլև ընդհակառակը նրա մասնատման հարմար նախադրյալներ էր ստեղծում:

Երկրի առանձին նահանգների, հաճախ նաև գավառների միջև բացակայում էր տնտեսական կապը և յուրաքանչյուր նահանգ ինքնաբավ տնտեսական միավոր էր՝ համախմբված սեփական կենտրոնի շուրջը:

Քաղաքների գերակշռող մասը դարձել էին ֆեոդալական կալվածքի կենտրոններ և իրենց շուրջը համախմբելով շրջակա գավառները, նպաստում էին նրա տնտեսական ու քաղաքական ուժեղացմանը և տվյալ իշխանի անջատողական ձգտումներին: Ամեն մի խոշոր իշխան ուներ հսկայական տնտեսական հնարավորություններ, տեր էր դարձել ընդարձակ գավառների, ուներ սեփական զորք ու սևիական վարչական իշխանություն: Այդ իշխանները միանգամայն անկախ պատերազմ էին հայտարարում, հաշտություն կնքում, հպատակ բնակչությունից հարկեր հավաքում, մի

խոսքով, իրենց տիրույթների սահմաններում լրիվ տեր ու տնօրինող էին: Նրանց իշխանություններն ինքնուրույն, պերպանցապես նատուրալ կյանք էին վարում և տնտեսական կապերով կապված չէին միմյանց հետ: Նման պայմաններում պարզ է, որ երկրի միավորման խնդիրը ոչ միայն չէր կարող հաջողութուն ունենալ, այլև այն աստիճանաբար պիտի ավելի մասնատվեր, քանի որ առաջացած թագավորություններից ու իշխանություններից բացի, նոր բարձրացող ֆեոդալները տնտեսապես ու ռազմապես ամրապնդվելով նույնպես ինքնուրույնության էին ձգտում: Պատահական չէր, որ չնայած Բագրատունյաց թագավորների ջանքերին, երկրի տարաբաժանումն աստիճանաբար ավելի ու ավելի էր խորանում: Մասնատման պրոցեսն այնքան ուժեղ էր, որ 10-րդ դ. երկրորդ կեսին անկախութուն ձեռք բերած թագավորություններից բացի, նույն դարի վերջին Վասպուրականը բաժանվեց երեք անկախ իշխանությունների, իսկ քիչ անց, ինչպես նշվեց հենց ինքը՝ Շիրակի թագավորությունը, երկու մասի բաժանվեց:

Այնքանով, որքանով Բագրատունյաց թագավորների ձգտումները չէին ելնում ժամանակի իրական կյանքի պահանջներից, ավելի ճիշտ քանի որ Հայաստանի տնտեսական կյանքի զարգացումը դեռևս երկրի միավորման անհրաժեշտությանը չէր հասել, կենտրոնախույս ուժերին սանձահարելու, և հայկական հողերը միավորելու Բագրատունիների ձգտումները կարող էին միայն մասնակի հաջողութուն ունենալ, ինչպես, օրինակ, Գագիկ Ա-ի ժամանակ, սակայն ընդհանուր առմամբ այն անհաջողության էր հանգեկու:

Բագրատունիների համար սոցիալական հենարան պետք է հանդիսանային քաղաքային առևտրավառխառուական և արհեստավորական շերտերը, որոնք տուժում էին երկրի մասնատվածութունից, հետևաբար և շահադրդուված էին նրա միավորման մեջ: Արհեստագործությունն ու առևտուրը, ինչպես արդեն ասանք, բավականին զարգացած էին, սակայն դրանց վերելքը նախ սահմանափակ բնույթ ուներ և, երկրորդ, այնպես ընթացավ, որ չկարողացան սերտորեն կապվել ու ուղղություն տալ երկրի ամբողջ տնտեսությանը:

Արհեստագործությունը, առևտուրն ու ընդհանրապես քաղաքային կյանքն ու ժեղ զարգացան Հայաստանի կենտրոնական մասի, գլխավորապես առևտրական ճանապարհների վրա գտնվող մի քանի խոշոր քաղաքներում, որոնցից ոչ մեկը չկարողացավ երկրի ընդհանուր առևտրի և արհեստագործության կենտրոնի դեր կատարել, իսկ դրանց մի մասն ինքնամփոփ նատուրալ կյանքով էր ապրում:

Մայրամասային հատկապես լեռնային շրջանները, ուր բնակչության բացարձակ մեծամասնությունն անասնապահություն էր զբաղվում հին, նատուրալ տնտեսական կյանքով էին ապրում:

Առաջ եկած խոշոր քաղաքներն ամբողջ երկրի և, առանձնապես, ծայրամասային շրջանների տնտեսություն իրենց ոլորտում չէին ընդգրկել, ուստի չէին կարողացել վերջիններիս տնտեսական զարգացման մեջ քիչ թե շատ շոշափելի փոփոխություն մտցնել:

Առևտրի ու արհեստագործության զարգացումը ոչ թե հանգեցրեց երկրի տարբեր շրջանների միջև տնտեսական կապերի առաջացման ու միասնական կենտրոնի շուրջ դրանց համախմբմանը, այլ տվյալ էտապում հանգեցրեց այնպիսի քաղաքների առաջացմանը, որոնք կարողացան իրենց շուրջը համախմբել միայն շրջակա գավառները կամ տվյալ նահանգը:

Միասնական պետություն բացակայությունն ու Փեոդալական երկպառակությունները երկիրը ոչ միայն զրկել էին հետագա լուրջ ու երկարատև զարգացման հնարավորությունից, այլև այն խիստ թուլացրել էին արտաքին վտանգի հանդեպ: Սելջուկյան արշավանքների վտանգի առաջացման ու Բյուզանդական կայսրության նվաճողական քաղաքականության ու ժեղացման պայմաններում Բագրատունյաց պետությունը յուրահատուկ քաղաքական ճգնաժամ էր ապրում:

Մինչև սելջուկյան ռեալ վտանգի վրա հասնելը, Բյուզանդիան կարողացավ նվաճել Շիրակի թագավորությունը: Հովհաննես-Սմբատի և նրա հղբայր Աշոտի մահից հետո (1041 թ.) Բյուզանդական կայսրությունը Հովհաննես-Սմբատի կտակը հիմք ընդունելով հատուկ բանակ ուղարկեց՝ զրափելու Անին: Քաղաքի բնակչությունը ծերունի սպարապետ Վահրամ Պահլավունու

գլխավորութեամբ Հանկարծակի Հարձակեց ու մեծ ջարդ տվեց բյուզանդական բանակին և Անիում թագավոր Հոջտեկեց Աշոտի տասնվեցամյա որդի Գագիկ Բ-ին (1042–1045): Սակայն, Բյուզանդիայի Կոստանդին IX Մոնամախ կայսրին (1042–1054) հաջողվեց իր կողմնակից Հայ Ֆեոդալների օժանդակութեամբ նենդարար իր մոտ հրավիրել ու բանտարկել Գագիկ Բ-ին: Դրանից հետո էլ Անիի ընկալնութունը Վահրամ Պահլավունու գլխավորութեամբ կարողացավ մի քանի անգամ հետ մղել բյուզանդական զորքերի պոստները: Սակայն վերջիվերջո անեցիների հերոսական դիմադրութունը խորտակվեց և 1045 թ. քաղաքն ու ամբողջ Շիրակի թագավորութունը միացվեցին Բյուզանդական կայսրութեանը<sup>101</sup>:

Բյուզանդիան Շիրակի թագավորութեանը վերջ տալով, կարողացավ Հայաստանն իր տիրապետութեանը ենթարկել մի կարճ ժամանակով միայն, որի ընթացքում այն երկիրը կառավարում էր հատուկ կառավարիչների՝ կատապանների միջոցով: Բյուզանդացիներն իրենց կարճատև տիրապետութեան հենց սկզբնական շրջանից սկսած Հայաստանը ռազմական ուժից զրկելու քաղաքականութուն էին վարում, որի վտանգավորութունը զգացին սելջուկյան արշավանքների ահավոր վտանգի կապակցութեամբ և վերջում փոխեցին իրենց քաղաքականութունը, սակայն արդեն ուշ էր:

Քսենի որ բյուզանդական տիրապետութունը Հայաստանի հասարակական ու տնտեսական կյանքի վարդացման մեջ քիչ թե շատ զգալի փոփոխութուններ չմտցրեց, այդ շրջանը պետք է ուսումնասիրել Բագրատունյաց էպոխայի հարցերի ուսումնասիրութեանը համատեղ: Հաստատված սելջուկյան տիրապետութունը զգալի փոփոխութուններ մտցրեց Հայաստանի տնտեսական կյանքում, ուստի և այդ շրջանի հոդային հարաբերութունների քննարկումը մեր քննութեան շրջանակներից դուրս է:

Այսպիսով, Բագրատունյաց տիրապետութեան ժամանակաշրջանում երկրի տնտեսական ու քաղաքական կյանքում վճռական դեր էին խաղում ֆեոդալ իշխանները: Նրանց տնտեսական կարողութեան ուղղակի բազան էր արտադրութեան հիմնական միջոց հոգին մասնավոր սեփականութեան իրավունքով տրեկը:

<sup>101</sup> Տե՛ս նույն անդում, էջ 54–56, 58–62:

## ԳԼՈՒԽ ԵՐԿՐՈՐԴ

### ԽՈՇՈՐ ՖԵՈՒԱԼԱԿԱՆ ՀՈՂԱՏԻՐՈՒԹՅՈՒՆ

#### 1. Գյուղատնտեսությունը և գյուղատնտեսական տեխնիկան

Հնուց ի վեր Հայ ժողովրդի հիմնական զբաղմունքը երկրագործությունն է եղել, որն անասնապահության հետ երկրի հարստության ամենակարևոր աղբյուրն է հանդիսացել: Հայաստանում վարգապած են եղել հողագործության այնպիսի կարևոր ճյուղեր, որպիսիք էին դաշտավարությունը և այգեգործությունը: 9–11-րդ դդ. Հայ ժողովուրդն ունեւր երկրագործական զբաղմունքի հարուստ փորձ ու դարավոր կուլտուրա և վարգացման բավական բարձր աստիճանում գտնվող գյուղատնտեսական տեխնիկա:

Հայաստանում վաղուց էին անցել գութանի կիրառությանը, սակայն մանավանդ լեւնային շրջաններում դեռևս գերիշխում էր փայտե արորը: Անիի պեղումների ժամանակ գտնվել են ծանր գութանի մնացորդներ<sup>102</sup>: Նույն տիպի գութանի մի քանի պատկեր պահպանվել են բարձրաքանդակների մեջ, «որոնք բոլորն էլ վկայում են այն մասին, որ այդ ծանր գութանը գոյություն է ունեցել նաև Հայաստանում Բագրատունյաց տիրապետության օրով՝ 9-ից մինչև 11-րդ դարերում»<sup>103</sup>:

9-րդ դ. երկրագործության մեջ ծանր գութանի մուտ գործելը խոշոր առաջադիմական քայլ էր: Ծանր գութանը, որն աշխատեցնում էին երեք լուծ կզներին՝ «վեցկէի» միջոցով, հնարավորություն էր տալիս հողն ավելի խորը հերկելու, ինչը բարելավում էր հողի մշակման տեխնիկան և բարձրացնում նրա բերքատվությունը<sup>104</sup>:

<sup>102</sup> И. Орбели, Каталог Анкийского музея древностей, СПб, 1910, т. 115:

<sup>103</sup> Կ. Ղաֆաղարյան, նշվ. աշխ., էջ 156:

<sup>104</sup> Шин Очерки истории СССР, период феодализма, часть первая, т. 590:

Մատենագրական աղբյուրներում վկայություններ կան, այն մասին որ այդ ժամանակ կատարվում էր հողերի պարարտացում՝ մոխրով և գոմաղբով: Դավիթ Ալավկա որդու ԿԴ կանոնով արգելվում է գոմաղբի վաճառքը և գնումը. «... ոմանք որ զախտ իշոյ և ձիոյ վաճառեն և գնեն այրդ անիծի վաճառն նոյնպէս և գնաւոն ...<sup>105</sup>»:

Անշուշտ, գոմաղբը գնում էին հողերը պարարտացնելու համար և ոչ թե մի այլ նպատակով: Հողերի պարարտացումը երկրագործութեան առաջադիմութեան տեսակետից նշանակալից երևույթ էր:

Առանց արհեստական ոռոգման Հայաստանի հատկապես հարթավայրային շրջանները վեր էին ածվում անմշակ տարածությունների: Այդ է պատճառը, որ դեռ նախնադարյան շրջանից Ֆիզիկական հսկայական աշխատանքի գործադրումով, պրիմիտիվ աշխատանքային գործիքներով, ճեղքել էին ժայռերը և տասնյակ կիլոմետր հեռավորությունից անցկացրել ջրանցքներ ու առուներ և օգտվում էին արհեստական ոռոգման սխեմայից:

Այս շրջանում վերանորոգում ու օգտագործում էին գործածությունից դուրս եկած հին ջրանցքները և միաժամանակ նոր ջրանցքներ անցկացնում, ինչպես Այրարատում, այնպես էլ Սյունիքում ու Վասպուրականում:

Հայաստանում ջրի կատարած խոշոր դերով է բացատրվում այն հանգամանքը, որ այստեղ հողատիրութեանն այս կամ այն չափով ջրային իրավունքի հետ միաձուլված էր հանդես գալիս: Ոռոգման նպատակով ջրից օգտվելը կալվածատիրոջ և դյուզական համայնքների միջև բավական բարդ հարաբերություն էր ստեղծում, մանավանդ, եթե ջրանցքն անցնում է տարբեր սեփականատերերի հողերի միջով:

Սմբատ Գունդատաբլը հավանաբար, նկատի ունենալով ջրի համար վաղուց ի վեր մղվող պայքարն ու չլուծվող վեճերը, նրան տիրելու հետևյալ կարգն է սահմանել: «Եւ ջուր հանել ի գետոյ

<sup>105</sup> ՀՍՍՌ Սիմֆսարների սովետին կից պետական Ձեռագրասուն (Մատենադարան) ձեռ. № 839, էջ 70 ք (այսուհետև: Մատենադարան):

Ջրիւոյ կամ ջաղցնոց համար, չկարէ ոք արգելուլ, կամ սսել թէ սինսոն իմ է, մի հանել ջուրը, կարեն հանել և տանել խանդկով ընդ ամէն մարդոյ գետններ՝ ի յիւր հողն և շինել զինչ իր պետեանայ և չէ այն ջուրն քանց այնոր. որ տարաւ զայն ջուրն հայրենիք իւր սեփական»<sup>106</sup>:

Ճնողայլը եթե իր միջոցներով էր անցկացնում կամ վերանորոգում ջրանցքը, գյուղական համայնքին սովորաբար միայն ավելցուկ ջուր էր տալիս և դրա փոխարեն պատկառելի հարկ վերցնում, իսկ իրեն անհրաժեշտ եղած դեպքում համայնքին կարող էր ամբողջովին զրկել ջրից օգտովելու իրավունքից, ինչը բողոք ու դիմադրութիւն էր առաջացնում վերջինիս կողմից:

Առանձին գյուղերի միջև ևս ջրից օգտովելու առթիվ վեճեր ու գոտութիւններ էին առաջանում: Արուճի 867 թվակիր արձանագրութեան մեջ խոսվում է մի այդպիսի բնորոշ դեպքի մասին: «ՅԺԶ թուականին Հայոց յիշխանութեան (Աշ)ոտոյ եւ տերութեան Սմբատայ Հայոց սպարապետի Բագրատունոյ եւ կաթողիկոսութեան Զաքարիայի եղբւ կռիւ ընդ յԱրուճ եւ ընդ Կոչ եւ գաւառն: Եհար Արուճ զԿոչ եւ զգաւառն եւ կալաւ յԿոչայ վանականն եւ ի Բրթավանին ընդ Անկին մինթանի վաճառեցին: Ես Գրիգոր որդի Վռամայ, ծառայ Սմբատայ Բագրատունոյ եկի հրամանաւ Սմբատայ եւ ևս հաւասարեցի զջուրն ընդ Կոչ և ընդ յԱրուճ... Ա եւ կէս Կոչայ եւ Ա արուճ ...»<sup>107</sup>: Ինչպես տեսնում ենք, ջրից օգտովելու համար հարեան համայնք-գյուղերի միջև կռիվ է սկսվում, որը վերջանում է նրանցից մեկի՝ Արուճի հաղթանակով: Դրանց ներքին պայքարին՝ ու վեճերին միջամտում է Սմբատ սպարապետը, որն ուղարկում է իր գործակալին ու ջրի նոր վերաբաժանում կատարում:

Հայաստանի հարթավայրային շրջաններում ջրի կատարած խոշոր դերով է բացատրվում այն հանգամանքը, որ Մխիթար Գոշն «Աշխարհական յօդուածք»-ի Ժ հոդվածում հատուկ շեշ-

<sup>106</sup> Սմբատ Գունդատար, Դատաստանագիրք, էջ 20:

<sup>107</sup> Օգտվում ենք Կ. Ղաֆաղարյանի Արձանագրությունների ժողովածու, ձեռագիր աշխատությունից, հմմտ. Վիճական տարեգիր, էջ 3:

տում է: «Այլ գետք յորոց հոսին սահմանայ ոչ է, բայց տո որ հասանեն»<sup>108</sup>:

Մեր երկրի լեռնային պայմանների պատճառով գետերը լեռնային մասերից էին սկիզբ առնում, որտեղ տեղանքի անբարենպաստություն և տեղումների համեմատաբար առատություն հետևանքով արհեստական ոռոգումից զրեթև չէին օգտվում:

Հարթավայրային շրջաններում, ուր տեղումների քանակը համեմատաբար քիչ էր, ընդհակառակը, արհեստական ոռոգումը գյուղատնտեսության համար ոչ միայն կարևոր նշանակություն էր ստանում, այլև կենսականորեն անհրաժեշտ էր: Այդ է պատճառը, որ Դատաստանադրքի հեղինակը գետերից օգտվելու իրավունքը վերապահում է հենց հարթավայրերում բնակվողներին՝ «առ որ հասանեն» գետերը: Իսկ նրա ասածը, հասկանալի է, որ լեռնային մասերի բնակչությանն է վերաբերվում:

Երկրագործության մեջ հիմնական զբաղմունքը հացահատիկային կուլտուրաների՝ ցորենի, գարու, կորեկի մշակումն էր: Ախուրյանի հովիտը՝ Վանանդ և Շիրակ գավառները, Բասենի դաշտը, Տարոնն ու Ալաշկերտի հովիտը համարվում էին հացի շտեմարաններ: Դաշտավայրությունը ոչ միայն բավարարում էր երկրի հացի պահանջը, այլև այն արտահանվում էր նաև ուրիշ երկրներ: Արաբ մատենագիր Տաբարին վկայում է, որ Հայաստանն այնքան հարուստ էր հացահատիկներով, որ իր ցորենն արտահանում էր մինչև իսկ Բաղդադ<sup>109</sup>: Յորենը սովորաբար պահվում էր տիրոջ տան մոտ հատուկ պատրաստված հորերում<sup>110</sup>: Հացահատիկների ալումը ջրաղացի միջոցով էր կատարվում, իսկ տնային կարիքները հոգալու համար որպես օժանդակ միջոց օգտագործվում էր երկանքը:

Սկզբնաղբյուրներից երևում է, որ ջրաղացը մասնաշաղկապ մասշտաբով երևան է գալիս Բագրատունյաց շրջանում, քանի որ մատենագրություն մեջ դրանից առաջ նրա հիշատակությունը

<sup>108</sup> Սյսիբար Գոշ, Դատաստանագիրք, էջ 327:

<sup>109</sup> Տե՛ս J. Laurent, նշվ. աշխ., էջ 38:

<sup>110</sup> Սյսիբար Գոշ, Դատաստանագիրք, էջ 329:

դրելթև չենք հանդիպում: Հետևաբար այն հնում ընդհանուր գործածություն չի ունեցել:

Ջրագացի հանդես դալով հացահատիկային կուլտուրաների իրադրումը խոշոր չափով հեշտանում է, թեթևանում նրանց ազատու վրա ծախսվող աշխատանքը, և դրա շնորհիվ անտեսվում է հսկայական բանվորական ուժ: Այդ իսկ տեսակետից Ջրագացի կիրառումն ընդհանրապես գյուղատնտեսության, մասնավորապես գյուղատնտեսության տեխնիկայի վարձացման տեսակետից խոշոր առաջադիմական քայլ էր:

Երկրագործությամբ էին զբաղվում ոչ միայն գյուղերում, այլև, ինչպես նշվել է, քաղաքում, քանի որ միջին դարերում երկրագործությունը քաղաքի բնակչության մի ստվար մասի հիմնական զբաղմունքն էր: Ինչպես նկատել է Կ. Ղաֆաղարյանը «Դվինում երկրագործությամբ են պարապել ոչ միայն քաղաքի արվարձանների բնակիչները, այլև քաղաքի կենտրոնական թաղում ապրողները»<sup>111</sup>:

Հայաստանում խոշոր չափով մշակում էին նաև յուղատու և թիկատու բույսեր՝ քունջութ, կտավատ, բամբակ, կանեփ, ինչպես նաև զանազան պարտեզային կուլտուրաներ ու խոտաբույսեր:

Երկրագործության մյուս կարևոր ճյուղն՝ այգեգործությունն էր, որը շատ դավառներում բնակչության հիմնական զբաղմունքն ու եկամտի գլխավոր աղբյուրն էր:

Հայաստանը միշտ էլ հայտնի է եղել, որպես խաղողով ու մրդատու այգիներով հարուստ երկիր: Մատենագրական բազմաթիվ վկայություններից ու պեղումների ժամանակ ի հայտ եկած այգեգործական կուլտուրաների ոչ սակավ մնացորդներից երևում է, որ Հայաստանի տաք կլիմա ունեցող մի շարք վայրերում՝ մասնավորապես Արաքսի հովտի Արևիք գավառում, տարածված էր ենթաարևադարձային կուլտուրաների՝ թզի, սեխի, ձմերուկի, տանձի, խնձորի, սալորի, ծիրանի և դեղձի մշակումը: Միայն Դվինում 1949 թ. պեղումների ժամանակ ի հայտ եկան մեծ քանակությամբ գյուղատնտեսական մթերքների մնացորդներ: Բացի

<sup>111</sup> Կ. Ղաֆաղարյան, «Դվին քաղաքը և նրա պեղումները, էջ 242:

Դավինի համար սովորականն դարձած ցորենի և կորեկի պաշարներինց, այնտեղ գտնվեցին նաև խաղողի, ձմերուկի, սալորի կորիզներ և կաղնի կճեպ: Նույն տեղում գտնվեցին նաև երկանքի բեկոր, սանդաքար և կենդանիների ու թռչունների բազմաթիվ ոսկորներ<sup>112</sup>:

Արարատյան դաշտում մշակվում էին խաղողի տարբեր տեսակներ: Խաղողը և նրա հիման վրա զարգացող գինեգործութունը տնտեսութան մեջ շատ կարևոր դեր էին խաղում: Պատահական է, որ նրա ողկույզը հայկական քանդակագործութան ամենասիրված մոտիվն է եղել:

Փաստերը ցույց են տալիս, որ Հայաստանում ծանոթ են եղել գյուղատնտեսական վնասատուների դեմ պայքարելու ժամանակի առումով, բավականաչափ բարդ ձևերին: Ներսես Շնորհալին իր քարոզներում այգեգործ կրոնավորներին հանդիմանում էր նրա համար, որ նրանք հանդիպելիս ոչ թե աղոթքի, հոգու ողջության, պատերազմի կամ խաղաղության մասին էին հարցնում իրար, այլ «... թէ յայսմ ամի՞ ով եղբայր զի՞ արդ է պտղաբերությունն քոյին տնկոցն. առաւե՞լ է՞ թէ նուազ: Եւ նա թախճեալ սրտիւ պատասխանէ, զինչ ասացից (ասէ) զաղէտսն՝ որ պատահեցան, զի բմանք ի խճճեաց վնասեցան, և յոմանց ծաղիկքն թօթափեցան, և այլքն արեակէզ կղեալ ողկուզաց չորացան, և կէսք՝ նեխութեամբ ապականեցան, և թէ զի՞նչ արարից՝ անգիտանամ զելս վտանգիս եղելոյ: Եւ ընկերն թեյաղիբ եղեալ նմին՝ խրատ տայ, զոմանս պատուաստել ի տնկոցն՝ որք պտղակորոյսք լինին և զայլսն՝ զանազան փորձեալ հնարիւք բժշկեալ ի պատահելոց կրիցն»<sup>113</sup>: Հետևաբար, այգեգործությամբ չղբազվողները պտղատու ծառերի որոշ հիվանդությունների առաջն առնելու համար գիտեին օգտվել տնկիների պատվաստումից կամ ուրիշ այլ միջոցներից:

Ճիշտ է, Ներսես Շնորհալու խոսքերը 12-րդ դ. են պատկանում, սակայն հավանական է, որ վնասատուների դեմ պայքարելու այդ եղանակը գոյություն է ունեցել նաև 10–11-րդ դդ., մանավանդ, որ գյուղատնտեսութան մեջ փոփոխությունները շատ

<sup>112</sup> Տե՛ս նույն տեղում, էջ 72:

<sup>113</sup> Թուրք ընդհանրական, արարեալ Ներսիսի Շնորհալոյ, ի ս. Էջմիածին, 1865, էջ 31:

դանդաղ էին կատարվում, և ժամանակագրական տեսակետից նրանք այնքան էլ հեռու չեն ընկած իրարից:

Այդ ինչերն արորով կամ գուժանով նպատակահարմար չէր հերկել, որովհետև մրդատու ծառերը դրանից կվնասվեին: Այդ իսկ պատճառով էլ դրանք հիմնականում բահով էին մշակվում: Աղթամարի տաճարի 10-րդ դ. պատկանող քանդակագարդ գոտու հատվածանից մեկում շինականը բահով խաղողի այգի է փորում: Ճիշտ նույն ձևի բահ գտնվել է նաև Դվինի միջնաբերդում՝ 1949 թ. պեղումների ժամանակ:

Սակայն Հայաստանի շրջանները տարբեր տնտեսական բնույթ ու ընդգծված տեղական առանձնահատկություններ ունեին և երկրագործական զարգացման նույն աստիճանների վրա էին կանգնած: Այն ժամանակ, երբ երկրի հարթավայրային մի շարք գավառներում երկրագործական ու հացահատիկային կուլտուրաների մշակումը րավականաչափ զարգացած էր, լեռնային շատ շրջաններ երկրագործական զարգացման տեսակետից պրիմիտիվ աստիճանի վրա էին գտնվում: Թովմա Արծրունու վկայությամբ Սասունի և Խուսի բնակիչները 9-րդ դ. կեսերին «զպէտս կերակրոցն վճարեն ի սերմանց ինչ, առաւել ի կորեակ կոչեցեալ սերմանէն, զոր ոմանք ի սով ժամանակի հաց անուանեն. և զնոյն սուղեալ ոտիւք ի միջոցս պրակացն, կամ երկմտտնի փայտատովք սերմանեալ»<sup>114</sup>:

Այնուամենայնիվ երկրագործությունն իր երկու գլխավոր ճյուղերով՝ դաշտավարությունը ու այգեգործությունը ելել է հայ ժողովրդի հիմնական զբաղմունքը և նրա եկամտի գլխավոր աղբյուրը:

Հարթավայրային շրջաններում տնտեսություն մեջ երկրորդ տեղը զբաղում էր անասնապահությունը, իսկ լեռնային շրջաններում այն բնակչության հիմնական զբաղմունքն էր: Անասնապահությունը սերտորեն կապված էր երկրագործության հետ և կարեվոր նշանակություն ուներ հինց իր՝ հողագործության, գոյություն ու զարգացման համար, որովհետև նրանց մեկը մյուսից կախված

<sup>114</sup> Թովմա Արծրունի, էջ 203:

ու իրար պայմանավորող՝ տնտեսութեան անհրաժեշտ երկու կարեւոր ճյուղերն էին: Անասնապահութեանը նախ և առաջ դիտարկում էր որպէս երկրագործութեանը քաշող ուժ մատակարարող բնագոյնը: Թերեւս այդ նկատառումով՝ գաշտավարութեան գոյութեան ու վարձագուման նկատառումով էր, որ Հայաստանի բոլոր մասերում, անգամ այնպիսի վայրերում, ուր այն զբաղմունքի հիմնական բնագոյնը չէր, նրան մեծ ուշադրութեան ու հոգատարութեան էին արժանացնում:

Խոշոր եղջյուրավոր անասուններից եղն ու գոմեշը երկրագործութեան մեջ կիրառւող հիմնական քաշող ուժն էին և տնտեսութեանը վարկու հիմք: Կովն իբրև մթերատու անասուն դիտարկում էր որպէս ընտանիքի ֆապրուստը հոգայու աղբյուր: Խոշոր եղջյուրավոր անասունները համարվում էին նաև մսացու, իսկ նրանց կաշին օգտագործվում էր արհեստագործական նպատակներով:

Հայտնի էին Հայաստանի ձիերն ու ջորիները, որոնք ծառայում էին հեծնելու և բեռնելու համար: Հատկապես առաջինը մեծ չափով օգտագործվում էր նաև ռազմական նպատակներով: Տրանսպորտի հիմնական միջոցը սայլն էր: Հունձը կատարվում էր գերանդու և մանգաղի միջոցով, իսկ կալսելու համար օգտագործվում էր կամը<sup>115</sup>: Լեռնային գավառներում, որտեղ սայլը չէր աշխատում, բերքը տեղափոխում էին ձիերի, ջորիների ու էշերի միջոցով: Հայաստանի ձիերն ու ջորիներն արտահանվում էին նաև երկրի սահմաններից դուրս, ուր նրանք իրենց ղիմացկունութեան շնորհիվ մեծ գին ունեին<sup>116</sup>:

Խաչնարածութեանը, որը տալիս էր կաթ, կաթնամթերք, բուրդ, մազ, միս, կաշի անասնապահութեան շատ կարևոր, իսկ որոշ տեղերում՝ նրա գլխավոր ճյուղն էր հանդիսանում: Սյունիքի, Սասունի, Տաշիր-Չորագետի, Արցախի և Վասպուրականի ալպյան ընդարձակ արոտավայրերը հարմար էին խաչնարածութեան, իսկ ցածրադիր ոչ լեռնային շրջանները՝ խոշոր եղջյուրավոր անասնապահութեան վարձագուման համար:

<sup>115</sup> И. Орбели, նշվ. աշխ., էջ 115:

<sup>116</sup> Sk'u J. Laurent, նշվ. աշխ., էջ 39: Ջորիների մասին, տե՛ս СМОИП, вып. XXXVIII, Тифлис, 1908, էջ 97:

Հայաստանը հարուստ էր ամառային արոտավայրերով, իսկ Արաքսի միջին և ստորին հովիտները՝ մանավանդ Կարինը, անասունների լավագույն ձմեռային արոտավայրեր էին: Աղբյուրներից երևում է, որ Անդրկովկասի ժողովուրդները համերաշխ օգտվում էին ամառային և ձմեռային այդ արոտավայրերից<sup>117</sup>:

Ոռոգարուծութունն արաբական տիրապետության ժամանակ մեծ հարված ստացավ և դրա հետևանքով այս ժամանակաշրջանում թույլ էր պարզացած:

Հայաստանը հարուստ էր որսի կենդանիներով ու թռչուններով, սակայն որսորդութունը տնտեսության մեջ կարևոր դեր չէր խաղում: Տնտեսական խոշոր նշանակություն ունեւր ձկնորսութունը, որով հարուստ էին դեռ հին ժամանակներից ի վեր ձկնորսության վայրեր հանդիսացող Հայաստանի գետերը և, մանավանդ, լճերը: Երկրի ծագկապետ սարերն ու դաշտերը հարմար պայմաններ էին ստեղծել մեղվաբուծության պարզացման համար, որը նույնպես նշանակալից դեր էր խաղում տնտեսության մեջ:

Այսպիսով, Հայաստանի քննվող ժամանակահատվածի գյուղատնտեսության մեջ ակնառու արտահայտվում էր միջնադարին բնորոշ տեխնիկայի ցածր ու հնամուլ վիճակը: Դա ավելի որոշակի երևում էր Հայաստանի ծայրամասային շրջաններում:

Միևնույն ժամանակ նկատվում էր գյուղատնտեսության ատիճանական առաջադիմություն, որն այս շրջանում բավական որոշակի էր արտահայտվում:

## 2. Աշխարհիկ և եկեղեցական խոշոր հողատիրութուն

### ա. Հողի սեփականատիրության հարցը

Տնտեսական և քաղաքական խնդիրներում խոշոր ֆեոդալների ինքնուրույն հանդես գալու պատճառները հասկանալու համար սկզբունքային կարևոր նշանակություն ունի հողի սեփակա-

<sup>117</sup> Լ. Սնկրսեր-Ռեկ, Վրաց արքյությունը Հայաստանի յեւ իւրերի մասին, Կ. Ա, Յերեւան, 1934, էջ 217:

նության հարցի պարզաբանումը: Հողի պետական կամ ֆեոդալական սեփականության գոյության խնդրի լուսաբանումը կօգնինակ սոցիալական այլ երևույթների ուսումնասիրությանը:

Այս հարցով հատկապես զբաղվել է Խ. Սամուելյանը՝ հայ իրավունքի պատմության հարցերին նվիրված իր աշխատության մեջ<sup>118</sup>: Նա միանգամայն ճիշտ է մտենում հարցին, երբ ֆեոդալական հասարակարգում հողը դիտում է իբրև արտադրության հիմնական միջոց ու հողային իրավունքին տալիս է գերակշռող, կենտրոնական նշանակութուն հայ իրավունքի պատմության մեջ՝ չնայած Հայաստանում ֆեոդալիզմի տեղության հարցում նա սխալ տեսակետի վրա է կանգնած: Խ. Սամուելյանը գտնում է, որ Հայաստանում պետական սեփականությունն եղել է հողի դեռևս Արշակունյաց շրջանում: Ապա պատմիչներից միակողմանորեն քաղելով իր տեսակետը՝ հաստատող որոշ փաստեր, աշխատում է ապացուցել, որ մինչև 13-րդ դ. հողի սեփականության ձևը չի փոփոխվել: Նա երևույթն ուսումնասիրում է ստատիկ վիճակում և այնքան է տարվում իր այդ տեսակետով, որ չի նկատում, թե փաստերն, ինչպես են հակասում դրան: Դա ակնուռու է մանավանդ Բագրատունյաց շրջանի հողատիրության հարցերը քննելիս: Խ. Սամուելյանը մի առանձին վերնագրի տակ, որը կոչվում է «Հողի պետական սեփականությունը Բագրատունյաց ժամանակաշրջանում», կոնկրետ քննում է այդ շրջանի հողային սեփականության հարցը և որպես եղրակացություն գրում հետևյալը. «Բագրատունյաց Հայաստանում գերագույն հողային իրավունքի սկզբունքը հայ թագավորների կողմից անխախտ էր պահպանվում: Ամբողջ հողային տերիտորիան համարվում էր պետական սեփականություն՝ հանձին սուվերեն թագավորի, որ հենվում էր իր դեսպոտական իշխանության վրա: Թագավորն էր սովորաբար բաշխում հողերը և վավերանցնում իրեն ենթակա ֆեոդալ իշխանների հողատիրության իրավունքը»<sup>119</sup>:

<sup>118</sup> Խ. Սամուելյան, նշվ. աշխ., հ. 1, էջ 157-164, 170-173:

<sup>119</sup> Նույն տեղում, էջ 173:

Իր այս թեզը ապացուցելու համար նա նախ և առաջ բերում է Նախճավանը Սմբատ Ա թագավորի կողմից Սյունիքի իշխան Սըմբատին հանձնելու փաստը: Սակայն դա չի կարող բավարար Հիմք հանդիսանալ Բագրատունիներին հողի պետական սեփականատերեր անվանելու համար, թեկուզ հենց այդ պատճառով նրանք, որ աղբյուրներում ոչ մի տեղ չեն համարվում Նախճավանի «սեպհական» կամ «բնիկ» տերեր, ինչպես նրանք սովորաբար անվանվում էին իրենց սեփական տիրույթների, ասենք՝ Երազգավորսի և այլնի դեպքում: Դա պատահական չէ, որովհետև նրանք երբեք Նախճավանի փաստական տերերը չեն եղել և նրա նկատմամբ սեփականատիրական իրավունքներ չեն ունեցել: Նախճավան քաղաքը դստնվում էր Սյունիքի և Վասպուրականի սահմանում և այդ երկու իշխանությունների վեճի ու պայքարի առարկա էր՝ մի քանի անգամ անցնելով ձեռքից ձեռք: Սմբատ Ա թագավորին Գազիկ Արծրունու խնդրանքից<sup>120</sup> պարզ երևում է, որ այդ երկու իշխանություններից յուրաքանչյուրը քաղաքը համարում էր իր հայրենի ժառանգությունը և պահանջում, որ այն իրեն պատկանի:

Հասկանալի է, որ վեճը պետք է լուծվեր Բագրատունի թագավորի միջոցով, որը, ինչպես Հայաստանի մյուս մասերի, այնպես էլ այդ քաղաքի վրա ուներ որոշ իրավական իշխանություն և իր հետաքրքրությունները վեճի լուծման գործում: Միայն այդ է պատճառը, որ Նախճավանի հանձնումը Սյունիքի իշխանին կատարվում է Սմբատ Ա թագավորի միջոցով և ոչ թե մեկ ուրիշի:

Երկրորդ փաստը, որ բերում է ինչ. Սամուելյանն իր տեսակետը հաստատելու համար՝ Տաթևի վանքի սահմանների «գիր վճիռն» է: Սյունիքի իշխան Աշոտը Տաթևի վանքի կառուցումն ավարտելու առթիվ (906 թ.) իր որդիների և եղբայրների հետ միասին կազմում է վանքի կալվածքների արձանագրությունը՝ «սիրգիլը» դրանց ճշտված սահմաններով: Այդ արձանագրության տակ ստորագրում են ներկա եղած բոլոր ֆեոդալները: Այն ստորագրում և իրենց կնիքով հաստատում են Հայոց կաթողիկոսը, Աղվանից արքեպիս-

<sup>120</sup> Տե՛ս Հովհաննես Դրասխանակերպի, էջ 208–209:

կոպտսը և Սմբատ Ա թագավորը<sup>121</sup>, հենց դրա մեջ էլ ինքնընդհատված է Բագրատունիների՝ հողի գերագույն սեփականատիրական իրավունքը: Նա իրավունք է թագավորի սատրապությունը հատուկ նշանակություն վերագրում, որովհետև այն ավելի ցածր էր քան նախնիների: Դա երևում է նաև արձանագրության տեքստից մի քանի տող առաջ բերված Աշոտ իշխանի խոսքերից, որը վանքի կառուցման մասին ասում է. «Ահա այս իսկ են սահմանք զոր մեք ոտիւք մերովք կոխեալ և աչօք մերովք տեսեալ ... և կնքեցաք մատանեալ մերոյ արքայիս և կաթողիկոսիս և մեր իսկ»<sup>122</sup>: Պարզ է, որ թագավորը վանքի սահմաններն իրենց կնքով վավերացնող մյուս անձնավորությունների նման հանդես է դալիս որպես վկա և ոչ թե հողի գերագույն սեփականատիր: Եթե նա ներկա չլիներ վանքի կառուցումն ավարտելու հանդեսին, արձանագրության տակ չէր էլ ստորագրի:

Ինչպես ներկա գտնվող ֆեոդալներն են վանքին նվերներ տալիս, նույնպես և Սմբատ Ա թագավորն է գնում մի քանի գյուղեր և նվիրում վանքին: Այդ առթիվ պատմիչը գրում է. «Ընծայէ թագաւորն ի սուրբ եկեղեցին զմեծ աւանն Կարճաւան յԱրեւիք գաւառի, ի Մեղրաձորի ընդ գնոյ ստացեալ, գնէ և զՀարժիս ի ակրանցն Սիւնեաց և զայն ևս ընծայէ ազատ յամենայն հարկաց, տայ և ի Գեղաքունի, ի Սօղից գաւառի զխորասանկիրակ. և ի Գառնոյ ձորի զԳոտող վանս»<sup>123</sup>:

Ակնհայտ է, որ ավելի դեպքում Սմբատ Ա-ն իր հողային իրավունքներով հանդես էր դալիս որպես մի սովորական խոշոր ֆեոդալ և Սյունիքի հողերի նկատմամբ, ոչ մի ունեւոր սեփականատիրական իրավունք չուներ: Նա որպես Հայոց թագավոր, ինչպես Հայաստանի ծայրամասային մյուս իշխանությունների, այնպես էլ Սյունիքի հողերի վրա միայն որոշ իրավական իշխանություն ուներ: Բագրատունի թագավորների այդ իրավունքը հաշվի էր առնվում գանազան ձեռնարկների ժամանակ, իսկ

<sup>121</sup> Տե՛ս Մսեփանոս Օրբելյան, էջ 230-234:

<sup>122</sup> Նույն տեղում, էջ 232:

<sup>123</sup> Նույն տեղում, էջ 228-229:

Հողերի նվիրման, գնման կամ վաճառման իրական հարցերում նրան ոչ մի նշանակություն չէին տալիս: Պատահական չէ, որ նույն Սյունիքի իշխանները իրենց ցանկությամբ նվիրում կամ վաճառում էին հողերը, որպես նրանց լրիվ սեփականատերերի՝ առանց որևէ թագավորի հարցնելու:

Այսպես, օրինակ, Փիլիպպե իշխանը 844 թ. Տաթև գյուղն իր վարելահողերով ու արոտավայրերով նվիրում է համանուն վանքին. «...կամ կող. ինձ Փիլիպպէի՝ որդւոյ Վասակայ, Սիւնեաց տեսուն, կոտու գՏաթև ... ի ձեզ ի Տէր Դաւիթ՝ Սիւնեաց եպիսկոպոս»<sup>124</sup>: Նույն թվականին Հրահաս: իշխանը վանքին նվիրում է Կոլասական գավառի Նորաշինիկ գյուղը<sup>125</sup>: Երկու զեպքում էլ որպես նվիրատվությունը հաստատող վկաներ Սյունիքի իշխաններն են հանդես գալիս, իսկ թագավորի անունը ոչ մի տեղ չի հիշատակվում:

Խ. Սամուելյանն իր տեսակետն ապացուցելու համար կռվան է դարձրել երկու նվիրատվական արձանագրությունում Սմբատ թագավորի անվան հիշատակումը, իսկ դրան հակասող բազմաթիվ փաստերի կողքով լուծթյամբ է անցել<sup>126</sup>:

Միանգամայն այլ հարց է, որ Բագրատունիներն իրենց աստիճանական բարձրացման և մյուս հայկական իշխանությունների նկատմամբ գերիշխող դիրք ձևաբանելու հետ մեկտեղ, մասնավորապես թագավորական իշխանություն հասնելուց հետո, ձգտել են ամբողջ հայկական Հողերի տերը դառնալ:

Խալիֆայություն թուլացմանը և Հայաստանի ինքնուրույնության վերականգնմանը զուգահեռ, Հայ Ֆեոդալները ներքին և արտաքին նպաստավոր պայմաններում աստիճանաբար վերահաստատում և ընդլայնում էին իրենց նախկին ժառանգական Հողային իրավունքները: Բարձրացող հայկական ֆեոդալական իշխանություններին հատկապես զորնդացան և մյուսների նկատմամբ իշխող դիրք ստացան Բագրատունիները, մանավանդ, երբ ձևաբանեցին

<sup>124</sup> Նույն տեղում, էջ 206–207:

<sup>125</sup> Տես նույն տեղում, էջ 208–209:

<sup>126</sup> Նույնաման փաստեր տես նաև նույն տեղում, էջ 204–205, 228, 236–237, 239 և այլն:

«չահնչահ» տիտղոսը: Նրանք արդեն արաբական ժամանակաշրջանի հողի սեփականությունն իրենց իշխանությունքով փոխարինելու ամբողջ Հայաստանն իրենց տիրապետությունը ենթարկելու որոշակի ձգտումներով էին հանդես գալիս:

Սակայն, մյուս՝ նույնպես բավականաչափ ուժեղացած Ֆեոդալ իշխաններն ամեն կերպ պայքարում էին Բագրատունիների այդ ձգտումների դեմ և ոչ միայն կարողանում էին պահել հողի սեփականատերերի իրենց իրավունքները, այլև ավելի էին ընդլայնում այն:

Մանր թագավորությունների գոյացումով Բագրատունյաց թագավորների գերիշխանությունն, ավելի խախտվեց իսկ հողի սեփականության տեսակետից ըստ էության ոչինչ չփոփոխվեց: Տեղական խոշոր ֆեոդալներն իրենց իշխանությունները թագավորություն հռչակելով ձեռնարկեցին տեսակետից ավելի ակնառու դարձրին արդեն փաստորեն գոյություն ունեցող հողի մասնավոր ժառանգական սեփականության իրենց իրավունքը:

Բագրատունիներին հաջողվեց միայն սեփական կալվածքները զգալի չափերով մեծացնել (Գագիկ Ա-ի օրոք), բայց ոչ երբեք հայկական հողերի գերագույն սեփականատեր դառնալ: Նրանք միասնական հայկական պետություն ստեղծելու գործում հաջողություն չունեցան, որովհետև չկարողացան Ֆեոդալների տնտեսական հզորության ու քաղաքական ինքնուրույնության հիմք հանդիսացող հողի ժառանգական մասնավոր սեփականության իրավունքը փոխարինել իրենց գերագույն իրավունքով և բոլոր հայկական հողերը միավորել մեկ միասնական կենտրոնացված պետության մեջ:

Աղբյուրներում պահպանված հողեր նվիրելու, կտակելու, փոխարինելու և վաճառելու բազմաթիվ փաստերը, որոնք Ֆեոդալները կատարում էին առանց թագավորին հարցնելու կամ նրան ունեն անգամ հիշատակելու, ցույց են տալիս, որ հողի իրական սեփականատերերը եղել են ֆեոդալները, որոնք ինչպես ցանկացել, այնպես էլ վարվել են նրա հետ:

## բ. Աշխարհիկ խոշոր հողատերեր. հողատիրութեան բնույթը

Արդ, ո՛վքեր են եղել և ի՞նչպէս են կոչվել հողի խոշոր սեփականատերերը ֆեոդալները:

Աղբյուրներում պահպանված բազմաթիւ փաստերի հիման վրա հնարավոր է պարզել այս շրջանի հայ մատենագրութեան մեջ խոշոր ֆեոդալներին տրվող տերմինները, դրանցից յուրաքանչյուրի պարունակած կոնկրետ սոցիալական բովանդակութունը, ինչպէս նաև որոշել ֆեոդալների հողային սեփականութեան բնույթը:

Հայաստանի այս շրջանի ամենախոշոր ֆեոդալները, ինչպէս տեսանք, եղել են Բագրատունի թագավորները: Նրանք հսկայական հողային տարածութեաններ ունեին Միրակում ու մերձակա պալատներում: Երկրի ծայրամասերի առավել ինքնուրույն դառնալու ժամանակվանից սկսած դրեթե նույնանման հզոր ֆեոդալներ են եղել նաև Վասպուրականի, Սյունիքի, Տաշիր-Ձորագետի և Վանանդի թագավորները: Սակայն խոշոր ֆեոդալների ամենահիմնական խալը սոցիալական այն շերտն էր, որի անդամներն աղբյուրներում անվանվել են «իշխան» ընդհանուր տերմինով: Իշխանները եղել են աշխարհիկ խոշոր ֆեոդալների ամենատարածված դասը և երկրի հասարակական-քաղաքական կյանքում տոն տվող հիմնական ուժը: Ֆեոդալական խոշոր հողատերերին իշխան տերմինով անվանելն այնքան ընդունված ու սովորական է եղել, որ աղբյուրներում նրանք սովորաբար նույնացվել են: Անգամ օտար երկրների ազնվականական ծագում ունեցող և իրենց երկրներում տարբեր տիտղոսներով հորջորջվող բարձրաստիճան իշխողներին մեր պատմիչներն իշխաններ են անվանել՝ ցանկանալով շեշտել նրանց խոշոր ֆեոդալի դիրք ունենալու հանդամանքը: Ժամանակի աղբյուրներում իշխան անվանման հետ հաճախ հանդիպում ենք «տէր» տերմինի գործածութեանը՝ դրեթե միևնույն նշանակութեամբ:

Բերենք համապատասխան օրինակներ: 850—855 թթ. սպասումբութեանը դաժանորեն ճնշող արաբական զորավար Բուղան «... հրոսակս առաքէ Վասակայ Սիսական իշխանի և եղբօր նորա

Աշոտոյ և այլոց ևս տերանց աշխարհի նոցա<sup>127</sup>»։ Նա բանտարկում է «... տերանց և իշխանացն Հայոց և Աղուանից»<sup>128</sup>։ Իմանալով Ահմադի Հայաստան մտնելը (9-րդ դ. 70-ական թթ.) «ելեալ իշխանքն Հայոց ... Դերանիկն, տէր Գագիկ և միւս այլ տէր Գրիգոր Վասպուրական իշխան Մոկաց, Շապուհ եղբայրն իշխանաց իշխանի ...»<sup>129</sup>։ Աղթամարի տաճարը կառուցելուց հետո Գագիկ Արծրունին հրաման է տալիս «Ժողովեալ ի դուռն արքայի իշխանաց և տէրանց, ազատաց և ռամկաց»<sup>130</sup>։

Այս և նմանօրինակ բազմաթիվ վկայություններից երևում է տէր և իշխան տերմինների համազոր օգտագործվելու և միևնույն սոցիալական բովանդակությունն ունենալու, այսինքն՝ իշխաններին տերեր կոչելու հանգամանքը։ Այսպես օրինակ, Ֆիլիպպե իշխանը 844 թ. Տաթևի վանքին նվերներ է տալիս և այն հաստատուն դարձնում հասուկ «գիր վճիռ»-ով։ Այդ վավերագրում վկայների թվում հանդես եկող Սահակի որդի Հրահատն անվանված է տէր, իսկ մի փոքր հետո նույն վանքին գյուղեր նվիրելու առթիվ կոչված է իշխան<sup>131</sup>։

Իշխաններին տեր տիտղոսը տալով շեշտվել է նրանց խոշոր հողատեր լինելու հանգամանքը։ Հավանաբար այդ է պատճառը, որ Ֆիլիպպե իշխանի 844 թ. վավերագրում վկաների երկրորդ կատեգորիայի՝ ազատների անվան առաջ «տէր» տիտղոսը չի դրված և նրանք այնտեղ հիշատակված են սոսկ անուն հայրանունով։

Տաթևի վանքի սահմանների 906 թ. վերոհիշյալ «սիդել»-ի մեջ Սյունիքի իշխաններ Աշոտի, Գրիգորի ու Գագիկի անվան առաջ դրված է «տէր» կոչումը, իսկ նրանց որդիները հիշված են առանց տիտղոսի՝ սոսկ անուններով։ Այդ իշխանների մահից հետո, երբ նրանց կալվածքներից որպես ժառանգություն անցնում են իրենց որդիներին, այսինքն՝ հենց որ վերջիններս դառնում են հողի սեփականատերեր՝ կոչվում են «տէր»։ Այսպիսով հասկանա-

<sup>127</sup> Հովհաննես Դրասխանակերտցի, էջ 125-126:

<sup>128</sup> Նույն տեղում, էջ 128:

<sup>129</sup> Թովմա Արծրունի, էջ 353:

<sup>130</sup> Նույն տեղում, էջ 480:

<sup>131</sup> Տես Ստեփանոս Օրբելյան, էջ 207-208:

լի է, որ «տէր» անվանումն արտահայտում էր ավյալ անձի հոգային սեփականութեան իրավունքը: Պատահական չէ, որ Ստեփանոս Օրբելյանի բերած գրեթե բոլոր վավերագրերում, որպես վիաներ հանդես են գալիս Սյունիքի, երբեմն նաև Հայաստանի մյուս մասերի խոշոր ֆեոդալները և նրանց անվան առաջ դրվում է սչ թե «իշխան», այլ «տէր» տիտղոսը: Ֆիլիպպե իշխանի վերը հիշված նվիրատվութունից անմիջապես հետո կարդում ենք. «Եւ վկայք լիցին աստուածապահ տէր Գրիգոր՝ Սիւնեաց տէր, տէր Ատրներսեհ՝ Վատակայ որդի, Սիւնեաց տեառն, տէր Գրիգոր՝ Սահակայ որդի, տէր Հրահատ և տէր Արուսան՝ Սահակո որդիք. տէր Հրահատ և Գագիկ՝ Գրիգորոյ Սիւնեաց տեառն որդիք, տէր Վահան՝ Վարդանայ որդի»<sup>132</sup>:

Նույն ձևով «տէր» են անվանվում նաև Վասուկ Սյունեցու դուստր Բուպղիուլխտը և նրա կողմէց Մսճ գյուղը Տաթևին նվիրելու փաստը հաստատող ֆեոդալները. «Եւ գրեցիյ 316 թուականութեանս Հայոց վկայութեամբ իմ հղբորորդեաց՝ տեառն Վատակայ և տեառն Աշոտի և տեառն Գրիգորոյ և տեառն Սահակայ և իւրեանց ազատաց և ամենայն Շնհէրեցեաց»<sup>133</sup>:

Այս վկայութունները կազմվել են հողերի նվիրման կամ փոխանակման կապակցութեամբ, ուստի նվիրումը կամ փոխանակումը հաստատող ֆեոդալները ավյալ դեպքում հողատիրոջ ֆունկցիայով էին հանդես գալիս և այդ պատճառով էլ «տէր» էին անվանվում: Այսպիսով պարզ է, որ «տէր» անվանումն արտահայտում էր ավյալ անձի հոգային սեփականութեան իրավունքը:

«Իշխան» կոչումն ավելի շեշտում էր ավյալ տերիտորիայի սահմաններում հողի սեփականատիրոջ ունեցած քաղաքական իշխանութեան հանդամանքը և հաճախ ժամանակի ազբյուրներում այդ իմաստով էլ գործածվում էր: Այսպես օրինակ, Աշոտ Բ թագավորը զնում է «յՈւտի գաւառ առ ի հնազանգել զբիրա ազատամբութիւնն Մովսիսի, զոր իւր իսկ կայուցեալ էր զնա իշխան և հրամանատար ճուղաբարոյ ազգացն այնոցիկ Ուտի գաւառի»<sup>134</sup>:

<sup>132</sup> Նույն տեղում, էջ 207:

<sup>133</sup> Նույն տեղում, էջ 220:

<sup>134</sup> Հովհաննես Գրապանակերտցի, էջ 301:

Կամ՝ «Ապա ոմն ի սլատուական նախարարաց անտի՝ Հասսան անուկն, - որ իշխան և հրամանատար էր բոլոր տէրութեանն արքայի»<sup>135</sup>: Հասկանալի է, որ նման դեպքում երբեք չէր կարող «տէր» տիտղոսն օգտագործվել, քանի որ խոսքը ոչ թե Ֆեոդալների հողային իրավունքների, այլ որոշ տերիտորիայի վրա նրանց քաղաքական իշխանութիւնի մասին է:

Մեծ կալվածքներ ունեցող «տէր»-երը, սովորաբար իշխաններ էին կոչվում, ուստի զարմանալի չպետք է թվա, եթե միևնույն Ֆեոդալը երկու տերմինով էլ անվանվեր: Աղբյուրներում հաճախ հենց այդպես էլ հանդիպում է, միևնույն Ֆեոդալը մի դեպքում «իշխան» է կոչվում, մի այլ դեպքում՝ «տէր», կախված այն բանից, թե իր որ ֆունկցիայով է հանդես գալիս:

Ինչպես նախորդ գլխում տեսանք, «իշխան» կոչումն արարական տիրապետութիւնի շրջանում պաշտոն էր, որը տրվում էր Հայաստանի կառավարչի ֆունկցիաներ կատարող խոշոր ֆեոդալներից որևէ մեկին: Երկրի անկախանալու և ֆեոդալական ժառանգական հողատերերի իրավունքների ու ինքնուրույնութիւնի ամրապնդման հետ մեկտեղ «իշխան»-ը դառնում է խոշոր ֆեոդալների տրվող հասարակ տիտղոս: Սակայն, ինչպես երևում է, դեռևս պահպանվում էր «իշխան»-ի նախկին հասկացութիւնը, քանի որ առավել հզոր, քաղաքական որոշ ֆունկցիաներ ունեցող ֆեոդալներին որպես կանոն «իշխան» էին անվանում, իսկ համեմատաբար փոքր կշիռ ունեցողներին՝ «տէր»:

Պատմագիրները խոշոր հողատերերին որպես կանոն «իշխան» անվանելու հետ մեկտեղ նրանցից ավելի հզորներին «մեծ», «գահազուխ», «գահերէց» և «իշխանաց իշխան» տիտղոսներով են կոչում: Այսպես, օրինակ, 9-րդ դ. կեսերին Վասպուրականում իշխող Աշոտ Արծրունի իշխանը երբեմն «մեծ» անվանումով է հանդես գալիս: Ստեփանոս Օրբելյանը պատմում է , որ Բուղան նաև «... գԱշոտ՝ մեծ իշխանն Արծրունի ի Կապանս եղեալ»<sup>136</sup>: Այդ տերմինն ավելի շատ օգտագործվում է Գազիկ Արծրունու վերաբերյալ՝ մինչև նրա թագավոր դառնալը:

<sup>135</sup> Նույն տեղում, էջ 205:

<sup>136</sup> Ստեփանոս Օրբելյան, էջ 170:

Ըստ Թովմա Արծրունու չափազանցրած տեղեկությունների, արաբական բոլոր էմիրությունները «խաղացին պատերազմունք ի վերայ քաջին Գաղիայ իշխանին մեծի»<sup>137</sup>: Հովհաննես Դրասխանակերտցին նրա մասին գրում է. «գլխաւոր և գահերէց իշխանն Գաղիկ Արծրունի»<sup>138</sup>:

Նույն կոչումները, հատկապես վերջինը, շատ օգտագործել են Սյունիքում՝ կրկին մյուսների հանդեպ սովյալ իշխանի առաջնությունն ընդգծելու նպատակով: Ստեփանոս Օրբելյանի Պատմության մեջ հաճախ կարելի է հանդիպել. «...մեծ իշխանին Սիւնեաց Վասակա» (էջ 170), «մեծ իշխանքն գահագլուխք Սիւնեաց տէրութեան Աշոտ և որդի իւր՝ Սմբատ» (էջ 183), «Եւ կացուցանեն զՍրմբատ գահագլուխ իշխան Սիւնեաց» (էջ 185), «գահերէց իշխանն Սիւնեաց Սմբատ» (էջ 185), «յիշխանութեան Սիւնեաց գահերէց իշխանին Սմբատայ՝ որդւոյ Աշոտոյ» (էջ 240), «գահերէց իշխանին Սիւնեաց Աշոտոյ՝ կղբօր Վասակայ» (էջ 293), և նման տիպի այլ դարձվածքների:

«Մեծ», «գահերէց», «գահակալ» կոչումները թե՛ Սյունիքում և թե՛ Վասպուրականում ժառանգաբար էին անցնում, ուստի այդ անվանումները ոչ թե սոսկ քաղաքական տերմիններ էին, այլ ունեին նաև կոնկրետ սոցիալական բովանդակություն: Գահերէց կամ գահագլուխ անվանումները հիմնականում նույն իմաստով էին գործածվում: Պատահական չէ, որ Սյունիքի Սմբատ իշխանը մի դեպքում «գահագլուխ», մյուս դեպքում՝ «գահերէց» է անվանվում, իսկ Գաղիկ Արծրունին միաժամանակ երկու ձևով էլ անվանվում է:

Հողեր նվիրելու, պնելու կամ բարձրաստիճան հեղեղակա պաշտոնյաներ ընտրելու ժամանակ և նմանօրինակ այլ դեպքերում, բնականաբար, նախ հիշատակվում էին տիրոջ տներ կրող իշխանների անունները, այս թվարկվում էին սովորական իշխանները: Նշանավոր իշխանների առաջնությունը գլխավորապես սովյալ երկրամասի բոլոր իշխանություններից արքունիքին (կալիֆայությանը), իսկ հետագայում էլ Բագրատունիներին տրվող

<sup>137</sup> Թովմա Արծրունի, էջ 460:

<sup>138</sup> Հովհաննես Դրասխանակերտցի, էջ 208:

հարկերը հավաքելու, ինչպես նաև նրանց ենթակայությամբ կառավարչական որոշ ֆունկցիաներ ունենալու մեջ էր:

Նրանք իրենց հողային ստորածություններով, տնտեսական ընդհանուր կարողությամբ և զորական ուժով առաջնակարգ հզոր ֆեոդալներ էին: Գահերեց կամ գահակալ իշխանները տվյալ նահանգի մեջ մտնող մյուս իշխանների կալվածքների վրա ևս որոշ իրավական իշխանություն ունեին: Ծարքային այդ իշխանները ենթարկվում էին գահերեց կամ գահակալ իշխանին, իսկ վերջիններս սյուզերենի որոշ իրավունքներ ունեին նրանց նկատմամբ և ընդհանուր պատասխանատվություն էին կրում ամբողջ նահանգի համար: Այդպիսին էին Սյունյաց գահերեց իշխանները Սյունիքի, իսկ Արծրունի իշխանները Վասպուրականի նկատմամբ: Սակայն գահերեց, գահակալ կամ մեծ իշխանների իրավունքների զգալի մասը սոսկ իրավական, ձևական բնույթ ուներ: Նրանք մյուս շարքային ֆեոդալների ժառանգական կալվածքների վրա որևէ ունակ իշխանություն չուներին:

«Իշխանաց իշխան» տիտղոսը, որը խալիֆի կողմից տրվում էր նշանավոր հայ իշխաններին, ինչպես տեսանք, դեռ 9-րդ դ. սկզբներին Բագրատունիները զարձրին իրենց տոհմի ժառանգության արտոնությունը:

Իշխանաց իշխանը հսկում էր հարկերի հավաքման, աշխատանքային պարհակի կատարման գործերը, այսինքն՝ արաբական ոստիկանի փոխարեն կատարում էր տեղական կառավարչության ֆունկցիաները: Արաբական խալիֆայության թուլացումից օգտուրվելով Բագրատունիներն իրենց այդ իրավունքներն աստիճանաբար այնքան ընդարձակեցին, որ իշխանաց իշխան Աշոտ Բագրատունին 9-րդ դ. վերջերում թագավոր հռչակվեց: Դրանից հետո իշխանաց իշխանի պաշտոնն անցնում է թագավորի եղբայրներից որևէ մեկին կամ թագաժառանգին, իսկ 10-րդ դ. երկրորդ կեսից սկսած Անիի թագավորության հովանավորությունը վայելող Պահլավունիների ֆեոդալական տանը:

Իշխանաց իշխանը Բագրատունի թագավորի առաջ պատասխանատու էր վասալ իշխանների կողմից օգտատարությունների կատարման, թագավորական կալվածքների ու պետական գանձա-

րտնի համար: Նա էր գլխավորում հպատակ իշխաններին և գյուղի ու քաղաքի զանազան պաշտոնյաներին: Իշխանաց իշխանն ըստ էության թագավորի տեղակալն էր և փաստորեն ղեկավարում էր երկրի ամբողջ կառավարչութունը:

Իշխանաց իշխանի տիտղոսը կրող ֆեոդալները թե՛ Այրարատում և թե՛ Սյունիքում իրենց ֆունկցիաներով ու հզորությամբ մոտավորապես հավասար էին գահերեց կամ դահակալ իշխաններին: Վասպուրականում և Հայաստանի մյուս մասերում հզոր ֆեոդալներին տրվող այս կոչմանը չենք հանդիպում:

Հետաքրքիր է, որ Աշոտ թագավորի որդի սպարապետ Շապուհ Բագրատունին Վանեվանի 903 թ. արձանագրության մեջ իշխանաց իշխանի փոխարենն իրեն նույն առումով «տէրանց տէր»<sup>139</sup> է անվանվում:

Աղբյուրներում հանդիպում ենք նաև «նախարար» տերմինի գործածությանը: Ուշագրավ է, որ Ց-րդ դ. պատմիչ, Ղևոնդը միայն Խալիֆայության կողմից նշանակված կառավարիչ Աշոտին է իշխան կոչում, իսկ ֆեոդալների ամբողջ դասին մշտապես նախարար է անվանում:

Արաբական տիրապետության ժամանակաշրջանում, առանձնապես 9-րդ դ. սկսված տնտեսական նոր պայմաններն ամբողջովին տակն ու վրա են անում նախարարական սիստեմը: Հանդես են գալիս նոր ֆեոդալական տներ, նախկիններից շատերը քայքայվում ու անհայտանում են, իսկ մնացածները մեծացնում են իրենց հողային տիրույթները և ստեղծում խոշոր իշխանություններ: Նախարարական սիստեմի նորմերը, որոնք արաբական տիրապետության շրջանում սկսել էին քայքայվել՝ կյանքի նոր պայմանների ճնշման տակ մոռացվում էին:

Ավելորդ էի լինի, թեկուզ ընդհանուր ձևով հետևել, օրինակ, Վասպուրականի նախարարական տների կյանքում կատարված փոփոխություններին: Երբ արարները դրավեցին Հայաստանը, Վասպուրականում կային մի շարք նախարարություններ: Դրանց մեջ մեծ ազդեցություն ունեւր և կրկրի հասարակական-քաղաքա-

<sup>139</sup> Ստեփանոս Օրբելյան, էջ 181:

կան կյանքում խոշոր դեր էր խաղում Ռշտունյաց նախարարական տունը: Արծրունիներն Անձափացյաց, Բզնունի, Խոռխոռունի, Ամատունի և մյուս այլ նախարարությունների նման ավելի համեստ կարողություն ու դիրք ունեին: Ատրպատականի արաբ զորավար Սուլեյմանը երբ 762 թ. ներխուժեց Վասպուրական և սկսեց կողոպտել բնակիչներին, Վահան Արծրունու որդիներն անցնելով մի փոքր ջոկատի գլուխ հերոսաբար կռվեցին ու փախուստի մատնեցին թշնամուն<sup>140</sup>: Այս դեպքից հետո Վասպուրականում Արծրունիների հեղինակութունը, աճեց նրանք ընդարձակեցին իրենց ժառանգական հողերը:

Արաբական տիրապետության դեմ 774–775 թթ. բռնկված համաժողովրդական ապստամբության ժամանակ նրանք իրենց տիրապետությանը ենթարկեցին Ռշտունիքը: Դրանից հետո Ռշտունյաց նախարարական տունը վասալական կախման մեջ ընկավ Արծրունիներից:

Արծրունիներն աստիճանաբար ընդլայնում էին իրենց իշխանության սահմանները, իսկ նրանց ազդեցությունն ամրապնդվում ու աճում էր: 9-րդ դ. կեսերին արդեն Վասպուրականի Ռշտունյաց, Խոռխոռունի, Վարաժնունի, Ամատունի, Գնունի, Տրունի, Հավնունի և այլ նախարարական տներ վասալական կախման մեջ էին նրանցից: Մոկաց Ֆեոդալական տունը ևս այս ժամանակ վասալական կախման մեջ է ընկնում Արծրունիներից, որովհետև 9-րդ դ. վերջում և 10-րդ դ. սկզբին՝ Գագիկ և նրա եղբայր Աշոտ Արծրունիների ժամանակ հիշվում է արդեն կախյալ վիճակում: «Իշխանն Մոկաց՝ Գրիգոր, — գրում է Հովհաննես Դրասխանակերտցին, — եղբարբ իւրով Գուրգենաւ բազումս յարդարէր ընծայէր զսակ հարկի ծառայութեան առաջի Գագկայ»<sup>141</sup>:

Անձափացյաց նախարարական տունը երկար ժամանակ ոչ միայն դիմադրում էր Արծրունիների բարձրացմանը, այլև նույնիսկ Գուրգեն Անձափացին 9-րդ դ. կեսերին աշխատում էր հարևան Ֆեոդալների հաշվին իր տիրույթների սահմաններն

<sup>140</sup> Տես Ղևոնդ, էջ 130–131:

<sup>141</sup> Հովհաննես Դրասխանակերտցի, էջ 292:

ընդարձակել, որի պատճառով ուժեղ ընդհարումներ էր ունենում Արծրունիների հետ: Սակայն վասալ իշխանների օգնութեամբ Աշոտ Արծրունին կարողացավ իրեն ենթարկել նաև Ֆեոդալական այս տունը:

Կայսիկների վրա 902 թ. Սմբատ Ա թագավորի կատարած արշավանքի ժամանակ ինչպես Մոկաց, այնպես էլ Անձափացյաց Ֆեոդալական տները հիշվում են արդեն Արծրունիների հպատակների թվում: Թովմա Արծրունին գրում է, որ Սմբատին այդ արշավանքի ժամանակ օգնութեան էին հկել նաև «...մեծ իշխանն Վասպուրական Աշոտ, որդի Դերանկին, և ընդ նմա Գրիգոր իշխանն Մոկաց և զօրքն Անձաւացեաց: Վասն զի իշխանն Մոկաց և իշխանն Անձաւացեաց նուաճեալ էին ընդ ձեռամբ Վասպուրական իշխանութեանն»<sup>142</sup>:

Այսպիսով, Արծրունիներին աստիճանաբար հաջողվեց գերիշխանութուն ձեռք բերել Վասպուրականում: 9-րդ դ. վերջերին արաբական լուծը թոթափելու ժամանակ Վասպուրականի բոլոր մեծ ու փոքր նախարարական տները վասալական կախման մեջ էին նրանցից: Արծրունիների գերիշխող դիրքերն ավելի ամրապնդվեցին թագավորութուն ստանալուց հետո: Գագիկ Արծրունու մասին պատմիչը գրում է. «Սա զօրութեամբ Աստուծոյ գամենայն գրացիս և որք շուրջ գկողմամբ իւրոյն էին տէրութեանն, նուաճեալ ընդ իշխանասաստ հրամանաւ՝ ի ծառայութիւն գրաւ է իւրոյն տէրութեան»<sup>143</sup>: 9-րդ դ. կեսերից մինչև 11-րդ դ. 90-ական թթ. Վասպուրականի պատմութունն անցավ Արծրունիների գերիշխանութան ներքո:

Վասպուրականում «մեծ» իշխանի և մյուս Ֆեոդալների փոխհարաբերութունը սենյորի ու վասալի հարաբերութուն էր՝ չնայած մեզ մոտ վասալական սիստեմն այնպիսի ցցուն ձևով հանդես էր գալիս, ինչպես Արևմտյան Եվրոպայի երկրներում: Այնուամենայնիվ, նրանց փոխհարաբերութեան հիմքում ընկած էր յուրաքանչյուրի դասային շահերը, որոնք ոչ միայն միշտ չէ որ

<sup>142</sup> Թովմա Արծրունի, էջ 394-395:

<sup>143</sup> Նույն տեղում, էջ 457:

Համընկնում, էին այլև հաճախ հակադրվում էին: Այդ տեսակետից միանգամայն բնական է, որ վասալ իշխաններն իրենց շահերի պահանջած դեպքում դեմ էին դուրս գալիս Վասպուրականի մեծ կամ գահերեց իշխանի դեմ ու պայքարում: Ահա նրանց միջև տեղի ունեցած ներքին պայքարի մի բնորոշ օրինակ: Վասպուրականի իշխաններն իմանալով, որ Բուղան պատրաստվում է իրենց վրա արշավել՝ համաձայնության են գալիս և Աշոտ մեծ իշխանից գաղտնի արաբական զորավարին ուղարկում հետևյալ նամակը. «Եւ արգ մենք, նահապետք ազատաց Վասպուրական իշխանիս Մուշեղ ի ցեղէ Վահևուհեաց, Վահրամ յազգ է Տրուհեաց, Վահրամ միւս, որ և թիկնապահ իշխանիս, և այլ դուռնդք աղատաց և զօրական պետութեանց, ի ձևս մեր է հոգաբարձութիւն աշխարհիս, գրեցաք առ քեզ Բուխայ գլուխ զօրավարաց Տաճկաց և բարձակից մեծ թագաւորին. միայն թէ ընդարձակեսցես մեզ և տոհմի մերոյ, բնակաց երկրի մերոյ՝ մնալ յիւրաքանչիւր սուռնս բնակութեանց կալ խաղաղութեամբ՝ մեք տացուք զԱշոտ ի ձեռս քո առանց զինու և մարտից և ճակատուց կազմութեան, և մի ինչ յայնոսիկ աշխատ լինիցիս»<sup>144</sup>:

Դժվար չէ հասկանալ, որ վասալ իշխանները գաղտնի համաձայնության են գալիս՝ սյուզերեն իշխանին թշնամուն հանձնելու միջոցով իրենց կալվածքները թալանելուց ու ավերումից ապահովելու համար: Դեռ ավելին, նրանց հիմնական ձգտումն էր Աշոտ Արծրունուն արաբական զորավարի ձեռքը հանձնելու հանգամանքն օգտագործել սեփական կալվածքները մեծացնելու համար: Այդ պարզ երևում է այն բանից, որ նրանք նամակում խոստանում են Աշոտ իշխանին բռնել և հանձնել Բուղային, վերջինիս առաջ պայման դնելով՝ «...միայն թէ ընդարձակեսցես մեզ և տոհմի մերոյ, բնակաց երկրի մերոյ»<sup>145</sup>: Բուղան կարգալով իշխանների նամակը, համաձայնվում է նրանց պահանջի հետ, սակայն՝ «...միայն ոչ ելցէ ի ձեռաց իմոց Աշոտ հանդերձ աղբականօք իւրովք»<sup>146</sup>:

<sup>144</sup> Նույն տեղում, էջ 223-224:

<sup>145</sup> Նույն տեղում 224:

<sup>146</sup> Նույն տեղում, էջ 225:

Աչոտ մեծ իշխանը լսելով այս ամենը, հանդիմանում է իր հպատակներին: Նա ասում է. «զի՞նչ է այդ, զոր դուք ի ծածուկ գործէք, և ընդէ՞ր խորհուրդք գաղտնիք ընդ միմեանս խորհիք. եթէ չար ինչ թուիցիմ յաչս ձեր, և ապիրատս գործեալ եմ առ ձեզ և խարդախութեամբ բնակեալ ընդ ձեզ՝ աւասիկ յանդիման երեսաց իմոց տուք պատասխանի, և ցուցէք յականէ յանուանէ մի ըստ միոջէ իւրաքանչիւր զվնասս զոր գործեալ եմ, դիք ի լսելիս համադունդ զօրականացս, և մի պատկառէք խօսել զճշմարտութիւնն: Ապա թէ իբրև զհայր գրգեալ և գգուեալ էի զձեզ, և ժողովեալ իբրև հաւ զձադ ընդ թևովք ի պատճառս պահպանութեան, և դուք ամենայն ուրեք ամրացեալ ի գգուշութիւն իբրև յամուր քաղաքի ընդձեռամբ իմով յանհոգս լեալ լինել ձեզ. և դուք զայսքան հատուցումն հատուցանէք ինձ»<sup>147</sup>:

Աչոտ Արծրունու մեջբերված այս խոսքերից երևում է, որ նա սյուզերենի իրավունքներ է ունեցել Վասպուրականի մյուս իշխանների վրա և այդ կերպ էլ մոտենում էր նրանց: Այնուամենայնիվ, նա չի կարողանում ազդել նրանց վրա և տեսնելով, որ հպատակ իշխանները հաստատ են իրենց սրոշման մեջ, հանձնվում է արաբական զորավարին:

Մոտավորապես նույն գերիշխանություն ունեին նաև գահակալ կամ, գահերեց իշխանները Սյունիքում:

Վասպուրականի և Սյունիքի գահերեց իշխանները մինչև ինքնուրույն թագավորություններ հիմնելը նույն եղանակով ենթարկվում էին Բագրատունիներին, չնայած նրանց վասալական կապն ավելի թույլ էր, իսկ ինքնուրույն թագավորություններ հիմնադրելուց հետո սոսկ ձևական բնույթ ընդունեց և պահպանվում էր միայն ավանդույթի ուժով:

Այն հանգամանքը, որ ծրուգը պատմիչ Ղևոնդը «նախարար» տերմինը հին իմաստով է օգտագործում, նշանակում է նրա մոտ այս կամ այն չափով արտահայտվել են Հայաստանի նախարարական, թեկուզ և արդեն քայքայվող, կարգերը: Հետագա պատմիչների մոտ առաջացած նոր վիճակն է արտահայտվում և «նախա-

<sup>147</sup> Նույն տեղում, էջ 226-227:

րար»-ի փոխարեն գլխավորապես «իշխան» տերմինն են օգտագործում: «Նախարար» տերմինի գործածությունը հիմնականում գալիս է հին շրջանի պատմիչներին հետևելուց, իսկ մեծ մասամբ նրանք այս տերմինի տակ նկատի ունենին նոր հողատեր իշխանին:

Մեր պատմիչների երկերում շատ սակավ հանդիպում ենք «նահապետ», «մեծ նախարար», «մեծ նահապետ» տերմինների օգտագործմանը ևս: Սակայն վաղ Ֆեոդալիզմի էպոխային հատուկ այս կոչումները բնորոշ էին մեզ հետաքրքրող ժամանակաշրջանին և հնչում էին սոսկ որպես անցյալի վերապրուկներ:

Ինչպե՞ս են կոչվել վերահիշյալ խոշոր Ֆեոդալների հողային տիրույթները և ի՞նչ եղանակով էին նրանք տիրում այդ հողերին:

Մեր աղբյուրներում իշխանների տիրապետության տակ եղած հողերը հիշատակվել են «հայրենիք», «հայրենի ժառանգութիւն» տերմիններով: Հայրենիքին (ВОТЧИНА) Ֆեոդալները տիրում էին լիակատար մասնավոր սեփականության իրավունքով: Նրանք կարող էին այն նվիրել, փոխանակել, վաճառել, մի խոսքով օտարել: Արտավայրերը, դաշտերը, առանձին դեպքերում նաև ջրերը մտնում էին հայրենիք կոչված հասկացության մեջ:

Հայրենիքն անցնում էր ժառանգաբար: Նախարարական շրջանում «հայրենիք» էին կոչվում միայն ժառանգաբար անցնող սոցմական սեփականատիրական հողերը<sup>148</sup>: Հետագայում «հայրենիք» տերմինն ավելի լայն իմաստ է ձեռք բերում: Բազրատունյաց շրջանում բացի ժառանգաբար անցնող հողերից «հայրենիք» էին կոչվում նաև գնման, նվիրման ու փոխանակման միջոցով ձեռք բերված հողերը: Այսինքն այն հողերը, որոնք տվյալ Ֆեոդալի լիակատար մասնավոր սեփականությունն էին, անկախ նրանից, թե ինչպիսի միջոցներով էր այն ձեռք բերվում: Որոշ արձանագրություններում, օրինակ, շեշտվում է գնման ճանապարհով ձեռք բերված հողերը «հայրենիք» դառնալու փաստը: Տաթևի եպիսկոպոս Սողոմոնի 881 թ. թողած արձանագրության մեջ կարդում ենք. «Առի գԴարատափի ի Հրահատայ՝ Սիւնեաց տեառն... ի հալալ վաստակոց իմոց, ոչ հոգեցատուր և ոչ յերախայրեաց. այլ

<sup>148</sup> Տե՛ս A. Адонц, Армения в эпоху Юстиниана, Петербург, 1908, т. 2 457-458:

գնեցի ընդ հազար և երկերիւր գրամի. և սուրբ նշանիս հայրենիք արարի»<sup>149</sup>:

Հետագա դարերում «հայրենիք»-ի իմաստն. ավելի է ընդլայնվում այս տերմինի տակ հասկացվում էր նաև մասնավոր սեփականութուն հանդիսացող շարժական գույքը:

Խ. Սամվելյանը չի առարկել քսակազին կամ դրամազին հոդերը հայրենիք դառնալուն, սակայն դոնում է, որ նման հոդերի մասին հիշատակութուններ ունենք միայն 12-րդ դ. սկսած<sup>150</sup> և որպես իր ասածի ապացույց մատնացույց է արել այդ մասին վիճական արձանագրութուններում և Ստեփանոս Օրբելյանի Պատմության մեջ եղած 12–13-րդ դդ. փաստերը: Նա զարմանալիորեն անուշադրության է մատնել հենց նույն այդ ավբյուրներում պահպանված այն անհերքելի փաստերը<sup>151</sup>, որոնք անառարկելիորեն հաստատում են, որ Հայաստանում 9–11-րդ դարերում ևս հողերն առ ու ծախի առարկա են եղել:

Բերենք այդ փաստերից միայն մեկը: Վասակ Սյունեցու (Գարուռի) կին Մարիամը 9-րդ դ. վերջում իր կառուցած ս. Պետրոս եկեղեցու համար գնում է «զգեօղն Շողուազայ ընդ 60,000 դրամի ազատ յամենայն աշխարհական հարկաց՝ ընծայէ ի սեպհակուն ժառանգութիւնն սուրբ եկեղեցոյն. նմանապէս և զեօղ մի ի Մազազ դաւառի ընդ 3,000 դահեկանի գնէ և տայ ի սուրբ եկեղեցին»<sup>152</sup>:

Միանգամայն այլ խնդիր է, որ 9–11-րդ դդ. համեմատաբար սակավ կատարվող հողերի գնումներն ապրանքագրամական տնտեսության զարգացմանը զուգընթաց ավելի լայն ծախսի են ստանում և մեծ մասշտաբներ ընդունում 12–13-րդ դդ.:

Ֆեոդալների միջև եղած հարկատվության փաստերի ուշադիր քննութունը ցույց է տալիս, որ արարական տիրապետության վերջին շրջանում՝ 9-րդ դ., Հայաստանի իշխաններն անմիջապես հարկատու չէին Բագրատունի թագավորներին: Սակայն վերջին-

<sup>149</sup> Տե՛ս Ստեփանոս Օրբելյան, էջ 215:

<sup>150</sup> Խ. Սամուելյան, նշվ. աշխ., II, էջ 188:

<sup>151</sup> Վիճական տարեգիր, էջ 14, Ստեփանոս Օրբելյան, էջ 174, 204, 215, 228 և այլն:

<sup>152</sup> Ստեփանոս Օրբելյան, էջ 174:

ներիս էր պատկանում ամբողջ Հայաստանից Խալիֆայության համար հավաքվող հարկերի իրավունքը, որից նրանք մեծ օգուտներ էին ստանում՝ հարկերի որոշ մասն իրենց պահելով: Այդ պատճառով էլ նրանք աշխատում էին այդ իրավունքը միշտ իրենց ձեռքում պահել և խստորեն հետևում իշխանների հարկային պարտավորությունների կատարմանը:

Որևէ իշխանի կողմից հարկեր չվճարելը դիտվում էր սրպես անհնազանդություն և ապստամբություն կենտրոնական թագավորութայան դեմ: Այսպես օրինակ, երբ Սյունիքի Սմբատ իշխանը հրաժարվում է Սմբատ Ա Բագրատունի թագավորին հարկ վճարելուց, վերջինս բավական մեծ զորքով գալիս է նրա դեմ: Գործին միջամտում է թագավորին օգնության եկած Վասպուրականի իշխան Աշոտը (Գագիկ Արծրունու ավագ եղբայրը) և հարցը լուծվում է խաղաղ ճանապարհով: «Եւ իշխանն Աշոտ գրէ առ իշխանն Սմբատ, անօգուտ զապստամբութիւնն համարելով. համոզեաց ի մէջ երկոցունց և գլխաւորեաց զխաղաղութիւն առ նոսա, մինչ գալ Սահակայ եղբօր իշխանին Սիւնեաց, ընդ իւր բերելով զհարկսն»<sup>153</sup>:

Ի դեպ, արաբական էմիրությունները ևս հայկական իշխանությունների նման հարկային պարտավորություններ ունեին, որը նույնպես իրագործվում էր Բագրատունիների միջոցով: Այդ նույն ժամանակ, ինչպես նշվեց, Սմբատ Ա թագավորը զորք է գումարում նաև Կայսիկների վրա շարժելու համար, որովհետև նրանք ևս հրաժարվել էին հարկ վճարելուց: «Ընդ այն ժամանակս զօրաժողով եղև թագաւորն Հայոց Սմբատ... Զի որդիքն Արդաւանի, որ Կայսիկքն անուանին՝ ապստամբեալ էին ի պետութենէ թագաւորին, տալ հարկս և զինուորել որպէս օրէն էր»<sup>154</sup>:

Հավանական է, որ արքունական այդ հարկերը Վասպուրականի իշխաններից հավաքում էին Գագիկ Արծրունին և նրա նախորդները, իսկ Սյունիքում գահերեց իշխանը և հանձնում Բագրատունիներին:

<sup>153</sup> Թովմա Արծրունի, էջ 398:

<sup>154</sup> Նույն տեղում, էջ 394:

10-րդ դ. սկզբին Խալիֆայության առավել թուլացման և երկրի անկախության ամրապնդման հետևանքով Հայաստանում դադարեցնում են արաբներին հարկերի վճարումը: Դրանով ընդմիջտվերանում է Խալիֆայության հարկային սիստեմը: Այդ ժամանակվանից սկսած՝ արքունիքի համար հավաքվող հարկերը Բագրատունիների օգտին էին: Սակայն երկրի ծայրամասերում ինքնուրույն թագավորութուններ առաջանալուց հետո, Բագրատունիների համար գանձվող արքունի հարկը խիստ նվազում, ավելի շուտ նվերների բնույթ է ընդունում, մանավանդ՝ Վասպուրականի և Սյունյաց թագավորութունների կողմից:

Այսպիսով 9–11-րդ դդ. խոշոր հողատեր ֆեոդալներ էին թագավորները, իշխանաց իշխան, «մեծ», «գահագլուխ», «գահերէց» իշխանները և ոչ մի տիտղոս չկրող շարքային իշխանները: Անշուշտ, սրանց մեջ թե իրավական և թե տնտեսական տեսակետից խոշոր տարբերություն կար: Բացի այն, որ Բագրատունի թագավորներն իրավաքաղաքական իշխանություն ունեին ամբողջ երկրի վրա, «գահակալ» կամ «գահերէց» իշխանները տվյալ նահանգի վրա, իսկ շարքային ֆեոդալները միայն իրենց իշխանության սահմաններում, նրանք իրարից տարբերվում էին նաև տնտեսական հզորության տեսանկյունից:

Թագավորներն ավելի շատ կալվածքներ, զորական ուժ ու տնտեսական կարողություն ունեին, քան ասենք գահակալ կամ գահերեց իշխանները, որոնք էլ ավելի հզոր էին շարքային իշխաններից: Այսինքն նրանց միջև փաստորեն առաջացել էր ֆեոդալական հասարակարգին բնորոշ աստիճանակարգը: Դրա գլուխ կանգնած էր Բագրատունի թագավորը, որն իր կարողությամբ ու իրավունքներով բոլորից բարձր էր կանգնած և մյուս ֆեոդալների վրա որոշ սուվերեն իրավունքներ ուներ: Երկրորդ աստիճանում կանգնած էին Բագրատունյաց թագավորի զերիշխանությունն ընդունող գահերեց, գահագլուխ, մեծ իշխանները և իշխանաց իշխանը: Չնայած սրանց ներսում էլ որոշ տարբերություններ կային, դրանք այնքան աննշան էին, որ ամբողջությամբ վերցրած նրանց միևնույն աստիճանում կարելի է դնել:

Երրորդ աստիճանը կազմում էր շարքային իշխանների բազմամարդ դասը:

Ֆեոդալական այս դասերի միջև եղած տարբերությունը, սակայն ոչ թե հողի սեփականության ձևից էր բխում, այլ նրանց քանակից ու հողի նկատմամբ ունեցած ձեռնարկի ուրույնությունից: Թագավորը կամ գահերեց իշխանները ունեւ իրավունքներ շունեին մյուս ֆեոդալների կալվածքների վրա:

Հողի սեփականության տեսակետից կարևորն այն էր, որ «բոլոր այդ իշխաններն ու թագավորները խոշոր «հայրենատեր» էին և իրենց հողերին տիրում էին ժառանգական, լիակատար սեփականության իրավունքով»:

#### գ. Եկեղեցական խոշոր հողատերեր. եկեղեցական հողատիրության առանձնահատկությունները

Եկեղեցին որպես յուրահատուկ կազմակերպություն ինչպես ուրիշ երկրներում, նույնպես և մեզ մոտ՝ աշխարհիկ ֆեոդալականության համեմատությամբ ուներ մի շարք առանձնահատուկ կողմեր ու բնորոշ գծեր: Նրա տարբերիչ կողմերն ամենայն լրջությամբ պետք է ուսումնասիրել ու պարզաբանել, որպեսզի այդ կազմակերպության բուն էությունը մեզ համար հասկանալի դառնա: Սակայն, երբեմն եկեղեցու և հոգևորականության առանձնահատկությունները լիովին վեր հանելու նպատակով ամբողջ ուսումնասիրությունը կատարվում է այն աշխարհիկ ֆեոդալական կազմակերպությանը միակողմանիորեն հակադրելու եղանակով, որը հանգեցնում է հոգևորական դասերին միևնույն ձևով դիտելուն, նրանց ներսում եղած սոցիալական խոր տարբերություններն անտեսելուն:

Իրականում քրիստոնեությունը 4-րդ դ. սկզբին Հայաստանում հաղթանակ տանելուց և պետական կրոն դառնալուց հետո շատ կարճ ժամանակամիջոցում տեր դարձավ բավական խոշոր հողային տարածությունների՝ ձեռնարկելով որպես ֆեոդալական ուրույն կազմակերպություն իր հոգևոր դասերով ու հիերարխիկ սիստեմով: Ն. Ադոնցը խոսելով նախարարական շրջանի եկեղեցա-

կան կազմակերպութեան մասին, ցույց է տվել, որ եկեղեցին ամբողջովին հարմարվել էր երկրի քաղաքական կարգին ու վարչական բաժանմանը<sup>155</sup>:

Ինչպես հայտնի է, Հայաստանում 5-7-րդ դդ. ամեն մի նախարարական տուն իշխում էր տվյալ տան ժառանգական սեփականութիւնը հանդիսացող մեկ կամ մի քանի գավառի վրա: Դրան համապատասխան գրեթե յուրաքանչյուր գավառ, որպես ինքնուրույն նախարարական միավոր, ունէր իր եպիսկոպոսութիւնը: Եպիսկոպոսներից մեկը կրում էր կաթողիկոսի տիտղոսը, այնպես, ինչպես առաջնակարգ նախարարներից մեկը կրում էր թագավորի տիտղոսը:

Ըստ Ն. Ադոնցի 450 թ. Հայաստանում կար տասնութ եպիսկոպոսութիւն, 505 թ. այդ թվին ավելացավ ևս հինգը, իսկ 555 թ. չորսը, այնպես որ 6-րդ դ. կեսերին երկրում կար մինչև քսանութ եպիսկոպոսութիւն: Ինչպես եպիսկոպոսներն էին հանդիսանում նախարարական որևէ գավառի հոգևոր ներկայացուցիչը, այնպես էլ կաթողիկոսն ամենից առաջ հանդիսանում էր թագավորական գավառի եպիսկոպոսը: Որքան ուժեղ էր նախարարական տունը, այնքան ուժեղ ու ազդեցիկ էր տվյալ եպիսկոպոսութիւնը և ընդհակառակը<sup>156</sup>:

Հասկանալի է, որ ամեն մի եպիսկոպոսութիւնն իր դիրքի ու տվյալ նախարարութեան մեծութեան համապատասխան էլ հասութիւններ և կալվածքներ ունէր:

Հնարավոր է, երկրի եպիսկոպոսութիւնների, հետևաբար այս կամ այն չափով էլ նախարարութիւնների ընդհանուր թվին հետեւիլ նաև հետագա դարերում՝ արաբական տիրապետութեան ժամանակաշրջանում: Այդպիսի հնարավորութիւն ընձեռում են եկեղեցական կարևոր հարցերի լուծման նպատակով հրավիրված ժողովները, որոնցից պարզ է դառնում եպիսկոպոսների քանակն ու նրանց կազմը: Դվինի 645 թ. եկեղեցական ժողովին, որը նվիրված էր եկեղեցու կալվածքների փոփոխմանը և նրա հասութիւնների

<sup>155</sup> Տե՛ս Н. Адонц, *иշվ. աշխ.*, էջ 322, 359:

<sup>156</sup> Տե՛ս նույն տեղում, էջ 333, 367-370:

Հափշտակումն արգելելու խնդրին, մասնակցում էին սասնվեց եպիսկոպոսներ:

726 թ. հրավիրված Մանազկեբուրի եկեղեցական ժողովին եկել էին Հայոց կաթողիկոսը, քսաներեք եպիսկոպոսներ և ութ վարդապետներ: Ուշագրավ է, որ եպիսկոպոսները, միայն մի քանի բացառությամբ, բոլորն էլ անվանվում են ոչ թե իրենց ծննդավայրի անունով (ինչպես սովորաբար լինում էր), կամ ուրիշ կերպ, այլ նախարարությունների անունով: Այսպես, ժողովին մասնակցում էին Թադեոս Ոստանցի, Եսա Բասենցի, Սարգիս Տայեցի, Գրիգոր Վանանդեցի, Թեոդորոս, Բզնունի, Գրիգորիս Արշարունի, Դավիթ Ռշտունի, Նարկիսոս Խոխոռունի, Հովսեփ Արծրունի եպիսկոպոսները և ուրիշները: Հետևաբար. նախարարական կարգերն այնքան ուժեղ էին պահպանվում, որ նախարարության անունով էր կոչվում ոչ միայն գավառը, այլև եպիսկոպոսությունը: Նախարարությունն իր գաղափարական հիմնարկով՝ եպիսկոպոսությամբ և ներքին կառավարչությամբ դեռևս հանդես էր գալիս որպես տնտեսական ու քաղաքական ինքնուրույն միավոր: Պատահական է, որ ժողովին մասնակցող վարդապետները կրում են սովորական ազգանուններ (Խոսրովիկ Թարգմանիչ, Դավիթ Սուփրի, Ռաֆայել Վանեցեցի և այլն):

Պարտավի եկեղեցական ժողովին (768 թ.) եկել էին ընդամենը մի քանի եպիսկոպոսներ և ութ նախարարներ: Սիոն կաթողիկոսը ժողովականների սակավաթվությունը բացատրում է նրանով, որ երկրում բռնությամբ իշխող արաբները եպիսկոպոսների մի մասին թույլ չէին տվել ժողովի գալու<sup>157</sup>: Կաթողիկոսի պատճառաբանությունը ճիշտ լինելով հանդերձ թերի ու միակողմանի է: Մեր կարծիքով դրա հիմնական պատճառներից մեկն էլ այն էր, որ Ց-րդ դ. կեսերից Արբասյանների սկսած դաժան քաղաքականություն ու արաբական բնակչության ներգաղթի հետևանքով, ինչպես մի շարք նախարարական տներ, այնպես էլ բավական թիվով եպիսկոպոսություններ ցրվել, դադարել էին գործելուց:

<sup>157</sup> Կանոնգիրք Հայոց, յսմբեց Արսեն Կլոճեան, Թիֆլիս, 1914, էջ 165:

Ընդունված է ասել, որ եկեղեցին իր առանձնահատուկ ղերի ու ազդեցության շնորհիվ անգամ օտար տիրապետության շրջանում տնտեսական տեսակետից անձեռնմխելի է մնում, մի բան, որը այնքան էլ ճիշտ չէ: Խալիֆայության ծայրամասային երկըրներում Աբբասյան զինաստիայի դաժան ու հարստահարիչ քաղաքականությունից տնտեսական մեծ վնասներ է կրել նաև հայ եկեղեցին: Մեզ են հասել այդ բանը հաստատող փաստեր: Հովհաննես Դրասխանակերտցին պատմում է, որ Հովսեփ Բ Փարպեցու կաթողիկոսության շրջանում (795—806), արաբական Խուզիմա ոստիկանը գնելու պատրվակով աշխատում էր յուրացնել կաթողիկոսության երեք գյուղերը՝ իրենց վարելահողերի հետ միասին: «Եւ տեսալ զգեղեցիկութիւն մեծամեծ դաստակերտիցն տան կաթողիկոսարանին՝ զԱրտաշատն և զԿաւակերտն և զՀոռոմոց Մարդ հանգերձ նոցունց ազարակօք... յինքն ի հայրապետէն Յովսէփայ խնդրէր տալ նման զմեծ դաստակերտս իրր ի պատճառս զնոց արծաթոյ»<sup>158</sup>:

Խուզիմա ոստիկանը տեսնելով, որ կաթողիկոսը չի համաձայնվում իր պահանջի հետ, բանտարկում և ամեն տեսակ տանջանքի ու բռնությունների է ենթարկում նրան: Սակայն այդ միջոցներով էլ իր նպատակին չհասնելով Խուզիման կաթողիկոսին ազատում է բանտից և անհիմն հրապարակայնորեն հայտարարում, թե վերոհիշյալ գյուղերը գնել է նրանից: Բանտից ազատվելով Հովսեփ Բ կաթողիկոսը շարունակում է պայքարել ոստիկանի ապօրինի արարքների դեմ և կարողանում է նրանից հետ ստանալ Կավակերտն ու Հոռոմոց Մարդը, իսկ Արտաշատը մնում է ոստիկանին, դրանով իսկ դուրս գալով կաթողիկոսության սեփականությունից<sup>159</sup>:

Գնայած կատարված գեպքը բացառություն չէր, այնուամենայնիվ, եկեղեցու ունեցվածքի նման ապօրինի հափշտակումներն ընդհանուր երևույթ չէին վարձնել և արաբական տիրապետության ամբողջ ժամանակաշրջանում հայ եկեղեցին ընդհանուր

<sup>158</sup> Հովհաննես Դրասխանակերտցի, էջ 111—112:

<sup>159</sup> Տե՛ս նույն տեղում, էջ 112—113:

առմամբ ավելի քիչ է տուժել և անհամեմատ ավելի է սլաշտպանել իր դիրքերն ու հողատիրույթները, քան աշխարհիկ ֆեոդալները:

Նալիֆայուլթյան թուլացման և երկրի աստիճանաբար ինքնուրույնացման նպաստավոր հանգամանքը եկեղեցին ևս հմտորեն օգտագործում էր իր տնտեսական կարողությունը մեծացնելու համար: Նրա տնտեսական հզորությունն ու կալվածքներն անեցին մանավանդ Հայաստանի ինքնուրույնության վերջնական հաստատման և նրան հաջորդող մեկ ու կես դար հարատևող խաղաղ ժամանակաշրջանում՝ եկեղեցաշինությունը զուգընթաց:

Ինչպես նախարարական շրջանում ու արաբական տիրապետության ժամանակաշրջանում, այնպես էլ 9—11-րդ դդ. եկեղեցին ենթարկվում էր երկրում ստեղծված վարչաքաղաքական կարգին: Բագրատունյաց շրջանում, ինչպես նշվել է, նախկին բաղամաթիվ նախարարական տների փոխարեն առաջ են դալիս ամբողջ նահանգը ընդգրկող խոշոր իշխանություններ: Նույնանման փոփոխություններ ու խոշորացում է կատարվում նաև եկեղեցու կալմակերպություն մեջ: Այսպես, օրինակ, Սյունիքում ստեղծված խոշոր իշխանությունը համապատասխան ստեղծվում է Տաթևի նշանավոր եպիսկոպոսությունը: Ինչպես Հայոց կաթողիկոսությունն էր ծառայում կենտրոնական թագավորության՝ Բագրատունիների քաղաքական նպատակներին այնպես էլ Տաթևի եպիսկոպոսությունն էր օժանդակում Սյունյաց իշխանների տիրապետությունն ամրապնդելու գործին: Այս եպիսկոպոսությունը Հայոց կաթողիկոսի հետ մոտավորապես այնպիսի հարաբերության մեջ էր, ինչպես Սյունյաց զահակալ կամ մեծ իշխանները Բագրատունիներին հետ:

Եկեղեցին իր ընդհանուր տնտեսական զարգացման, մասնավորապես հողատիրության զարգացման տեսակետից ևս, աշխուհիկ ֆեոդալական հողատիրությանը համընթաց էր քայլում՝ իր վրա ամբողջովին կրելով ֆեոդալիզմի զարգացման տվյալ էտապին բնորոշ գծերն ու առանձնահատկությունները: 9—11-րդ դդ. Հայաստանի տնտեսական կյանքի, հատկապես կալվածային տնտեսության հետ կապված հարցերը հավասարապես արտացոլվել են թե՛ աշխարհիկ, և թե՛ եկեղեցական հողատիրության մեջ: Վերջինս

մասնակի առանձնահատկություններ (նոր հոգեր ու հարստություններ ձևաք բերելու ու պահպանելու մեթոդները և այլն) ունենալով հանդերձ, որպես հողատիրություն առանձին ձև աշխարհիկ ֆեոդալական հողատիրության հետ մի այնպիսի ամբողջություն է կազմել, որ հնարավոր չէ մեկը մյուսից անջատ ուսումնասիրել ու հասկանալ: Ավելին, աշխարհիկ ֆեոդալական հողատիրությունը բազմակողմանիորեն ուսումնասիրել ու նրա մասին հատուկ գաղափար կազմել կարելի է միմիայն եկեղեցական հողատիրության ուսումնասիրությունից:

Ֆեոդալական հողատիրության աճի ու զարգացման հետևանքով նրա մեջ ավելի ակնառու դարձած դասային տարբերություններն առանց վարանելու պետք է տարածել նաև հոգևորականության վրա:

Մեր իրականության մեջ եկեղեցական խոշոր հողատիրության աճի ու ֆեոդալիզմի զարգացման ընդհանուր ազդեցության պայմաններում հոգևորականության վերին շերտերի ձևաքում հսկայական հարստություններ, մասնավորապես ընդարձակ հողային տարածություններ էին կուտակվել, որով և ավելի պարզորոշ էր դարձել նրանց տարբերությունը եկեղեցական մյուս շերտերից: Այդ տարբերությունը բավական ցայտուն արտահայտվել է անգամ ժամանակակից կամ գրեթե ժամանակակից հոգևորական հեղինակների կողմից գրված երկերում: Մովսես Կաղանկատվացին<sup>160</sup>, Ստեփանոս Օրբելյանը<sup>161</sup>, ինչպես նաև Մխիթար Գոշը<sup>162</sup> և Սմբատ Գունդստաբլը<sup>163</sup> եկեղեցականներին ըստ պաշտոնի ու հոգևոր կոչման ինը տարբեր դասերի են բաժանում:

Հոգևորականներն իրենց աստիճաններին համապատասխան գիրք ունենին ու տարբեր հեղինակություն էին վայելում, անգամ հազուստով տարբերվում իրարից: Սակայն նրանց տարբերությունը միայն հոգևոր գործերում չէ, որ երևան էր գալիս: Այն ամենից առաջ հանդես էր գալիս եկեղեցու ընդհանուր ունեցվածքի

<sup>160</sup> Տե՛ս Մովսես Կաղանկատվացի, էջ 302:

<sup>161</sup> Տե՛ս Ստեփանոս Օրբելյան, էջ 108-111:

<sup>162</sup> Տե՛ս Մխիթար Գոշ, Դատաստանագիրք, էջ 251-258:

<sup>163</sup> Տե՛ս Սմբատ Գունդստաբլ, Դատաստանագիրք, էջ 36:

նկատմամբ նրանց իրավունքների ու անձնական տնտեսական կարողությունների մեջ:

Տնտեսական կարողություններ, ամենից առաջ հողային տարածություններով ու իրենց բազում իրավունքներով ամենագորեզ հոգևոր շերտերը դասային բաժանման առաջին աստիճաններում կանգնած կաթողիկոսները, արքեպիսկոպոսները և եպիսկոպոսներն էին: Սրանցից հետո եկող հոգևոր շերտերը, այսինքն՝ հոգևորականություն դասային բաժանման միջին աստիճանում կանգնած եկեղեցական խավերը ևս թեև ավելի նվազ չափով գտնվելով արտոնյալ վիճակում, տեր լինելով տնտեսական բավական միջոցների, նույնպես շահագործող դասեր էին: Վերջին շերտերը որևէ եկեղեցական պաշտոն չէին վարում, ուստի բավականաչափ դիրք ու ազդեցություն չունեին և գրեթե չէին էլ օգտվում եկեղեցու հարստություններից: 976 թվակիր հիշատակարաններից մեկում հոգևորականություն ստորին աստիճանում գտնվող սպասավորներից մեկը դիմելով մյուսին ասում է. «Յառաջ մատիր, զի դու ստիճանաւ ի վեր ես, աստիճան ասաց և ոչ աթոռ. դի երիցու կարգս սարկաւագի և դպրի՝ աստիճան է ոչ աթոռ: Յորժամ ձեռնադրի եպիսկոպոս կամ կաթողիկոս, յայնժամ լինի աթոռոյն տուն օրհնութեան»<sup>164</sup>:

Ինչպես երևում է պատմիչների վկայություններից և մեջբերված հիշատակարանից, հենց այս սարկավագներն ու դպիրները մասամբ, նաև երեցներն էին եկեղեցու ոչ արտոնյալ, ցածրաստիճան սպասավորները:

Կաթողիկոսների, արքեպիսկոպոսների և եպիսկոպոսների տնտեսական կարողության, առավելապես նրանց խոշոր հողատիր լինելու հանգամանքը ցույց տալու, ինչպես նաև աշխարհիկ հողատիրության նկատմամբ նրա առանձնահատկությունները հասկանալու համար անհրաժեշտ է թեկուզ շատ թեթևակի գաղափար կազմել վանքապատկան հողատիրության մասին, մանավանդ որ նման հողերի հիմնական իրավունքը հոգևոր այդ դասերին էր պատկանում:

<sup>164</sup> Հիշատակարանը ձեռագրաց, սյունակ 124:

Սկզբնաղբյուրներից, մասնավորապես շատ հարուստ նյութ ավող վիմական արձանագրություններից երևում է, որ վանքերի հաղախին հարստության հիմնական աղբյուրը նրանց օգտին նվիրատվություններն էին: Դրանց մասին աղբյուրներում այնքան շատ փաստեր են պահպանվել, որ ավելորդ է անգամ օրինակներ բերելը, մասնավանդ, որ այդ մասին խոսք կլինի ներքևում:

Նոր վանքեր կառուցելու, հները վերանորոգելու և զանազան այլ առիթներով աշխարհիկ ֆեոդալները եկեղեցիներին էին նվիրում գյուղեր ու այլ հարստություններ: Նրանք իրար մրցում էին վանքերի օգտին կատարվող նվիրաբերություններով, որի շնորհիվ եկեղեցին խոշոր հարստություններ էր կուտակում: Նման եղանակով վանքերի ձեռքում հսկայական հողեր կուտակվելու: Այդ ստումով հատկանշական է Տաթևի վանքի օրինակը: Այս ճանապարհով եկեղեցական հողատիրության աճի ընդհանուր ապացույց կարող է հանդիսանալ 9-11-րդ դդ., ինչպես նաև հետագա երկու դարերի ընթացքում, Հայաստանում բուռն թափով ծավալված վանքերի ու տաճարների շինարարությունը, քանի որ դրանց շրջակա սարածությունները սովորաբար նրան էին անցնում:

Հաճախ ֆեոդալները, մասնավանդ ոչ նշանավոր, եկեղեցուն հողեր ու այլ հարստություններ էին հանձնում թագավորի կամ խոշոր իշխանների հարկազրանքի հետևանքով: Վանքին հողեր կտակելու բովանդակություն ունեցող վիմագրերի վերջում կարելի է հանդիպել «հառու դայա իմ կամաւորութեամբ ոչ ի հարկէ, ոչ յաւազայ բռնութենէ» դարձվածքին: Նշանակում է, որ ավելի բարձր կանգնած ֆեոդալի կողմից այնպիսի բռնություն, ճնշում էր գործադրվում, որ անհրաժեշտություն էր զգացվում արձանագրությունում շեշտելու նվիրաբերության կամավորությունը:

Այս մասին ունենք ուղղակի վկայություններ ևս, 1089 թ. վավերագրերից մեկում կարդում ենք. «...ևս Աշոտ իշխանն որդի Կարապինայ, հառու զիմ հայրենի ժառանգութիւնն զԱմբրուաքար ի սուրբ նշանն ի Տաթև ի ձեռն Տեառն Դրիգորոյ՝ Սիւնեաց կալսկոսոսի, հրամանաւ աստուածապսակ թագաւորին Սևեկքերի-

մայ»<sup>165</sup>: Նույն թագավորի հրամանով Հասան իշխանը կրկու-  
գլուղ է նվիրում Տաթևի վանքին. «Ես Ահնեքերիմ թագաւոր իմ  
ձեռովս հաստատեցի զՀասանայ վճիռս որ ... ի Տաթև երևտ իմ  
հրամանաւ»<sup>166</sup>:

Եկեղեցու կողմից հողեր ձեռք բերելու մյուս աղբյուրը սեփա-  
կան միջոցներով հողեր գնելն է եղել: Պահպանված բազմաթիվ  
փաստերը ցույց են տալիս, որ մեզ մոտ վանքերը ոչ միայն աշ-  
խարհիկ ֆեոդալներից հետ չեն մնացել, այլև ավելի շատ են օգտը-  
վել դրամով հողեր գնելու միջոցից (քսակագին): Բերենք համա-  
պատասխան վկայություններ: 839 թ. Տաթևի եպիսկոպոս Տեր  
Դավիթը խնդրում է «Տեառնէ Փիլիպպէէ՝ իշխանէն Սիւնեաց, ընդ  
գնոյ տալ զմերձակայ ագարակսն. զոր և լուեալ կատարէ  
զխնդիրն. և առեալ 10,000 դրամ որ լինի ի մէն մի 6 դանկ. և տայ  
ի ձեռս նորա զԱրծիւ գիւղ և զԲերդկաներէջ որ ի վերոյ վանիցն,  
բոլորն ընդ ջրթափովն՝ ազատ յամենայն աշխարհական հարկաց և  
ի նեպակաց»<sup>167</sup>:

Երրորդ կարևոր աղբյուրն այդ գյուղական համայնքների  
հաշվին վանքերի հողային տարածությունների ընդարձակման  
կամ ուղղակի նրանց բռնագրավման միջոցն է եղել<sup>168</sup>: Վերջին եր-  
կու այս մեթոդներով հողեր ձեռք բերելը բնորոշ էր նաև աշխարհիկ  
ֆեոդալներին, իսկ առաջին կարևոր, վանքերին ամենից ավելի  
օգտավետ միջոցը հատուկ էր միայն հոգևոր ֆեոդալներին:

Բոլոր այդ հողերը եկեղեցուն էին անցնում ընդմիշտ տիրելու  
իրավունքով և ենթակա չէին օտարման, բաժանման: Այն դեպ-  
քում, երբ աշխարհիկ ֆեոդալական կալվածքները մասնատման,  
քայքայման էին ենթարկվում օտարելու և ժառանգներն միջև բա-  
ժանելու հետևանքով, վանքապատկան հողային տարածություն-

<sup>165</sup> Ստեփանոս Օրբելյան, էջ 331:

<sup>166</sup> Նույն տեղում, էջ.327:

<sup>167</sup> Նույն տեղում, էջ 204-205:

<sup>168</sup> Դրա լավագույն ասպցոյսն է Յուր, Տամալեկ ու Ավելադաշտ գյուղերի բնակչու-  
թյան բռնի տեղահանումը և նրանց հողերի ապօրինի յուրացումը Տարեի վանքի  
կողմից: Տե՛ս Ստեփանոս Օրբելյան, էջ 228-230, 247-252-258, 266-274:

ները, ընդհակառակը, այդ առանձնահատկությունների շնորհիվ տոտիճանաբար աճում էին:

Բոլոր այս միջոցներով բարձրաստիճան հոգևորականներն իրենց ձեռքում ընդարձակ հողեր էին կուտակել և ոչ միայն տնտեսապես էին զորեղացել, այլև երկրում քաղաքական խոշոր ուժ էին դարձել: Նրանք դրա հետևանքով անջատվել և որոշակիորեն տարբերվում էին հոգևոր մյուս շերտերից:

Եկեղեցական հողերը աղբյուրներում սովորաբար կոչվել են «ժառանգութիւն սրբոյ եկեղեցւոյ» անունով<sup>169</sup>: Օգտագործվել են նաև «սեպհականութիւն», «հայրենիք»<sup>170</sup>, տերմինները թեև ավելի սակավ քանակով:

Վանքի տրամադրության տակ եղած հողերն օգտագործվել են տվյալ վանքի հոգևորականության կողմից: Սակայն եպիսկոպոսության սահմաններում գտնվող վանքապատկան հողերի գլխավոր տնօրենը համարվում էր տվյալ եպիսկոպոսության արքեպիսկոպոսը կամ եպիսկոպոսը, իսկ զուտ կաթողիկոսության սահմաններում՝ կաթողիկոսը: Հողն ընդմիջտ ամրացվում էր վանքին և համարվում նրա սեփականությունը:

Եկեղեցու առաջնորդները կարող էին վանքապատկան հողերից ստացվող եկամուտն իրենց իրավասության սահմաններում այս կամ այն ձևով տնօրինել, լավագույն դեպքում դրանց փոխանակում կատարել: Սակայն նրանք վանքապատկան հողերի սեփականատերը չլինելով չէին կարող նրա հեղ այնպես վարվել, ինչպես աշխարհիկ ֆեոդալներն, իրենց կալվածների հետ: Վանքապատկան հողերի սեփականատերը վանքն էր հանդիսանում և ոչ թե դրա հոգևոր առաջնորդը, հետևաբար վերջինս իրավունք չուներ եկեղեցական հողերը օտարելու կամ նման մի այլ ձևով տնօրինել: Տվյալ վանքի վանահայրը կամ եպիսկոպոսը վանքի հողերի վրա իրավունք ուներ այնքան ժամանակ, քանի դեռ գտնվում էր այդ պաշտոնում, իսկ պաշտոնն ընտրովի-ժառանգական ընույթ ուներ: Զեական տեսակետից հոգևոր առաջնորդները, ինչպես կաթողիկոսը, այնպես էլ եպիսկոպոսներն ու վանահայրերը ընտր-

<sup>169</sup> Տե՛ս նույն տեղում, էջ 217, 231, 321 և այլն:

<sup>170</sup> Նույն տեղում, էջ 224, և այլն:

վում էին, սակայն փաստորեն այդ պաշտոնը ժառանգական բնույթ ունեւր, քանի որ, որպէս կանոն, հոգևոր պաշտոնյայի ժառանգներից կամ ազգականներից մեկն ու մեկն էր ընտրվում: Այս կամ այն անձնավորութեան ընտրութեանը մեծ չափով կախված էր վանքի հովանավոր թագավորի կամ իշխանի կամքից: Վերջիններիս համար երկրորդական նշանակութեան չունեւր այն հարցը, թե ո՞վ կգառնա վանքի հոգևոր առաջնորդը, և նրանք սկստիվ մասնակցում ու միջամտում էին այդ, այսպէս կոչված ընտրութեան հարցին և սովորաբար անց էին կացնում իրենց ցանկացած մարդուն: Այնուհանդերձ, եթե այս կամ այն պատճառով վանքի առաջնորդները հեռացվում էին իրենց պաշտոնից, զրկվում էին վանքի հոգևրից օգտվելու իրավունքից: Այդ իրավունքն անցնում էր նրանց փոխարինողներին:

Վանքապատկան հոգևրի այդ յուրահատկութեանը երևում է նաև իշխանների կողմից վանքերին գյուղեր նվիրելու առթիվ գրված արձանագրութեաններից: Այսպէս, օրինակ, Փիլիպպե իշխանը Տաթևի վանքին համանուն գյուղը նվիրելու կապակցութեամբ կազմած «վճիռ»-ի մեջ շեշտում է հետևյալը. «Ես ետու ամենայն սրտի մտօք ի ձեզ ի Տէր Դաւիթ Միւննաց եպիսկոպոս, վայելել խաղաղական կենդանութեամբ, և որ յետ ձեր այլք նստին յաթոռք... զգիւղդ սահմանաւդ յեկեղեցւոյդ մի իշխեսցեն հեռացուցանել, մի վաճառել, մի փոխել, մի գրաւական դնել. այլ որ եկեղեցւոյն սպասաւորքն լինին, իշխան լիցին ամենայն սահմանացն»<sup>171</sup>: Այս վկայութեանից պարզ երևում է, որ նվիրվող գյուղն ընդմիշտ անցնում է վանքի գերիշխանութեան տակ: Վկայութեան վերջին մասում նշված է, որ հետագայում ուրքեր վանքի հոգևոր առաջնորդներ լինեն, այդ գյուղի տերը կհանդիսանան: Այսինքն վանքի սպասավորութեանից հեռացվող հոգևորականը զրկվում էր նրա հոգևրի վրա ունեցած իրավունքից:

Այս փաստից միաժամանակ երևում է, որ վանքի հոգևրի իրավունքը հիմնականում պատկանելիս է եղել բարձրաստիճան հաս-

<sup>171</sup> Նույն անդում, էջ 207: Նույնանման փաստեր տես նաև 217, 219, 267 էջերում:

վորականներին, քանի որ տեքստի վերջում նկեղեցու սպասավորները ասելով հեղինակը հենց նրանց է նկատի ունեցել:

Վանքի սեփականութունը համարվող հողերի եկամուտի փաստական տնօրինողը լինելուց բացի, կաթողիկոսները, արքեպիսկոպոսներն ու եպիսկոպոսներն ունենին անձնական կալվածքներ և տնտեսութուններ, որոնք նրանց ժառանգական սեփականութունն էին համարվում:

Կաթողիկոսը խոշոր կալվածքներ ուներ ոչ միայն Բագրատունյաց թագավորութեան մեջ, այլև հայկական մյուս թագավորութուններում և իշխանութուններում: Բալասան է միայն հիշել Հովհաննես Դրասխանակերտցի և Պետրոս Ա Գետադարձ կաթողիկոսների անձնական հսկայական կալվածքները:

Կաթողիկոս պատմիչն արաբ զորահրամանատար Նըրրի արշավանքների կապակցությամբ իր մասին գրում է. «Եւ դարձեալ չույուցի անկեալ չողաք մինչև ի ձեռակերտ ամրոցիկն իմ Բիւրական, զոր ստացեալն էր իմ դանձի գնոյ, ուր և շինեալ յարդարեալ իսկ էի եկեղեցի»<sup>172</sup>: Անկասկած Հովհաննես Դրասխանակերտցուն էին պատկանում նաև իր ամրոցի ու կառուցած եկեղեցու շրջակայքի հողերը:

Մտտթեոս Ուոհայեցու վկայությամբ Պետրոս Ա-ն իր կաթողիկոսութեան շրջանում Հայաստանի տարբեր մասերում հսկայական չափերի հասնող կալվածքներ ուներ<sup>173</sup>:

Այս բոլորից բացի, կաթողիկոսին Հայաստանի բոլոր եպիսկոպոսներն ու իշխանները զանազան առիթներով նվերներ էին տալիս, որի շնորհիվ նա բալասան եկամուտներ էր ստանում: Հիշենք այդպիսի մի դեպք: Սյունիքի Հակոբ եպիսկոպոսի անհնազանդութեան պատճառով Անանիա կաթողիկոսը գալիս է Տաթև, որտեղ հարցը հաշտութեամբ լուծվելուց հետո, նա Հակոբ եպիսկոպոսից ու Սյունիքի Սմբատ իշխանից մեծամեծ նվերներ է ստանում և կրկին վերադառնում իր աթոռանիստ<sup>174</sup>:

<sup>172</sup> Հովհաննես Դրասխանակերտցի, էջ 336:

<sup>173</sup> Տես Մատթեոս Ուոհայեցի, էջ 153-158:

<sup>174</sup> Տես Ստեփանոս Օրբելյան, էջ 277:

Այսպիսով, եկեղեցու բարձրաստիճան գործիչներն աշխարհիկ ֆեոդալների նման խոշոր ֆեոդալական հողատիրեր էին և մեծ դեր էին խաղում երկրի սոցիալ-տնտեսական կյանքում:

#### դ. Ֆեոդալական կալվածք

Աղբյուրներում պահպանված առատ տեղեկությունները ոչ միայն տարակուսանքի տեղիք չեն տալիս, այլև լիովին համոզում են, որ ֆեոդալները ժառանգական սեփականություն իրավունքով տիրապետում էին հսկայական չափերի հասնող տերիտորիաների: Սակայն սկզբունքային կարևորություն ունեցող հարց է առաջանում խոշոր ֆեոդալների կողմից իրենց տիրապետության մեջ կազմակերպած տնտեսություն ընդլայնվելու վերաբերյալ: Ի՞նչ ձևով էին ֆեոդալները վարում տնտեսությունն իրենց հայրենիք-կալվածքում:

Ֆեոդալիզմի ընդհանուր պատմությունից հայտնի է, որ նման դեպքերում տնտեսություն կազմակերպման երկու հիմնական ձև գոյություն ունի: Մի դեպքում ֆեոդալն իր կալվածքում<sup>175</sup> խոշոր տնտեսություն է կազմակերպում՝ կախյալ դյուղացիների կամ ճորտերի անմիջական աշխատանքը շահագործելու միջոցով (աշխատավճար չենտա), մյուս դեպքում՝ հրաժարվելով խոշոր տնտեսություն վարելուց՝ իր հողերը մանր մասերի բաժանելով տալիս է կապալով կամ թողնում իրեն ենթակա դյուղացիների անմիջական տրամադրության տակ, որոնք մշակում և համապատասխան տուրքեր են վճարում տիրոջը (բնամթերքային կամ նատուրալ ռենտա): Այս վերջին դեպքում կալվածատիրոջ ապրուստի հիմնական միջոցն անմիջական արտադրողի մուծած հարկերն են, իսկ տնտեսության կազմակերպման առաջին ձևի ժամանակ՝ սեփական տնտեսությունից ստացված եկամուտները:

<sup>175</sup> Այստեղ և այստեղ, երբ խոշոր ֆեոդալների կախակցությամբ է օգտագործվում կալվածք տերմինը, այն գործածվում է հայրենիք-կալվածքի, ռուսական вотчина-ի իմաստով:

Ծ-11-րդ դդ. Հայաստանում ֆեոդալական տնտեսության ընդլայնի, կալվածքի կառավարչության, նրա ներսում աշխատանքի կազմակերպման և առհասարակ կալվածքի հետ կապված բազմաթիվ կարևոր այլ հարցերի ուսումնասիրությունը դրանց մասին ուղղակի աղբյուրների չունենալու պատճառով բավական դժվարանում է: Մենք ֆեոդալական կալվածքային տնտեսության հետ կապված գրեթե բոլոր հարցերի մասին հարկադրված ենք խոսել պատմիչների և վիմական արձանագրությունների հաղորդած կողմնակի, հաճախ շատ ընդհանուր ու բնորոշ, սվյալների հիման վրա:

Բազրատունյաց էպոխայում հայրենատեր իշխանների սեփական տնտեսություն ունենալու առթիվ աղբյուրների սվյալները, թեև շատ ընդհանուր են, սակայն այնքան համոզիչ ու անժխտելի են, որ պետք է այդ հարցին դրական պատասխան տալ:

Բերենք ֆեոդալների անձնական խոշոր տնտեսության պոյությունը հաստատող կարևոր փաստերը:

Սյունիքի իշխան Փիլիպպեից Տաթևի նոր եպիսկոպոս Հակոբը 932 թ. գնում է Վարարակ ջուրը և այդ մասին գրում. «...Բազում ծախիւք և մեծամեծ աշխատութեամբ վերին օգնականութեամբն ածի զջուրն ի լեռնէն Ձաղէճնորոյ և բերի ի Վարդուտս»<sup>176</sup>: Նա այդ ջրի շնորհիվ նոր այգիներ ու ծառեր է գցում, մինչ այդ ամառի, փշտա վայրերը ևս մշակում, օգտագործելի դարձնում: Հակոբ եպիսկոպոսը խստիվ արգելում է չորս գյուղերի, որոնք հավանաբար ջրի ընթացքի վրա էին դառնում, և ուրիշ մարդկանց, դատավարական նպատակներով ջուրն օգտագործել, թույլատրելով նրանից օգտվել միայն խմելու համար: Փիլիպպե իշխանն իր հերթին արձանագրում է, որ Վարարակ ջուրը վաճառել է և այլևս ո՛չ ինքը, ո՛չ իր որդիները և ոչ էլ այլ օտար մարդիկ իրապուճնք չունեն այդ ջրից օգտվելու: Այսինքն ջրի ամբողջ իրավունքն անցնում է եկեղեցուն:

Եկեղեցին ծախսեր է անում ու ջուրը գնում (12.000 դրամ և մեկ գոհար), մեծ դժվարություններով այն հասցնում իր հողերին

<sup>176</sup> Ստեփանոս Օրբելյան, էջ 254:

և ուրշնեքին խստիվ արգելում դրանից օգտվել, միմիայն վանքի սեփական տնտեսությունը նրանով ուղղելու նպատակով. Ընդ որում, այդ տնտեսությունը պետք է որ բավական մեծ լիներ, որովհետև վանքի ունեցած հին այգիների վրա ավելանում են գնված ջրի շնորհիվ ուղղվող նորանոր տարածություններ և եթե այդ մեծությունն ու եկամտաբերությունը չլինեին՝ եկեղեցին մեծ ծախսերի գնով այն ջրովի չէր դարձնի: Ուրիշ ոչ մի կերպ հնարավոր չէ պատճառաբանել Տաթևի վանքի կողմից Վարարակ կոչված ջուրը գնելու այս փաստը:

Մատթեոս Ուռհայեցին վկայում է, որ սելջուկները 1049 թ. Հայաստան կատարած երկրորդ արշավանքի ժամանակ ամբողջովին ավերեցին ու թալանի մատնեցին Արծն քաղաքը, այդ թվում նաև տեղի քորեպիսկոպոս Դավթակի հակայական գանձերը: Դավթակի մասին պատմիչն մեծ չափազանցություններ ավելացնում է. «... ութ հարիւր վեցիւր եզանց ելանէին ի տանէ նորա»<sup>177</sup>: Սա միանգամայն պարզ վկայություն է Ֆեոդալների սեփական և այն էլ շատ խոշոր տնտեսություններ ունենալու մասին, քանի որ Դավթակը բազմաթիվ լուծ եղներ կարող էր պահել միայն և միայն իր տնտեսությունը մշակելու համար: Այլ կերպ չի կարելի հասկանալ նրա տնից բազում «վեցկէ» դուրս դալու հանգամանքը:

Աղբյուրներում հաճախ ենք հանդիպում կոռի միջոցով կատարված աշխատանքների վկայություն: Տեղեկությունների կան ոչ միայն կախյալ գյուղացու հարկադրական աշխատանքի մասին (մարդոյ կոռ), այլև նրանց արտադրական միջոցների շահագործման վերաբերյալ: Անիի 11-րդ դ. պատկանող արձանագրություններից մեկում կարդում ենք «... Եւ ապատեցին զվեցկէ կոռ. եւ զսայլի, եւ զկամին. եւ զանգարիոն...»<sup>178</sup>:

Այս վկայություննից երևում է, որ Ֆեոդալից կախված մի քանի ընտանիք միասին կամ ավելի ճիշտ գյուղական համայնքը պարտավոր էր սեփական եզներով ու դուրձանով վարել տիրոջ հողը (վեցկէ կոռ), կալսել նրա կալը (կամին կոռ) դաշտից տեղափոխել բերքը կալսելու համար, ապա պատրաստի հացահատիկը փո-

<sup>177</sup> Մատթեոս Ուռհայեցի, էջ 103:

<sup>178</sup> Ղ. Ալիշան, Շիրակ, Վենետիկ, 1881, էջ 70:

խաղրել տիրոջ շտեմարան կամ նրա տնտեսութեան մեջ սայլով փոխադրելու այլ անհրաժեշտ աշխատանքներ կատարել (սայլին կու) <sup>179</sup>:

Անիի վիճակն տեքստերում պահպանված այս պերճախոս փաստը որոշակի վկայութիւնն է Ֆեոդալների խոշոր տնտեսութիւններ վարելու և դրանք կախալ բնակչութեան աշխատատուժով ու միջոցներով մշակելու վերաբերյալ, քանի որ այդ բազմազան կոռային աշխատանքները կարող էին գործադրվել միայն նման տնտեսութեան մեջ: Կոռային աշխատանքների մասին մեզ հասած փաստերը Ֆեոդալ իշխանների սեփական տնտեսութեան գոյութեան լավագուշտ ասպարեց են որովհետև եթէ կալվածատիրոջ ամբողջ տնտեսութիւնը կառուցված լինէր իրեն ենթակա բնակչութիւնից պատրաստի մթերքներ ստանալու հիման վրա, ապա կոռի ու կոռային աշխատանքի ոչ մի անհրաժեշտութիւնն չէր լինի: Այդ աշխատանքը կոռային է կոչվում հենց այն պատճառով, որ կատարվում էր Ֆեոդալի անձնական տնտեսութեան մեջ և ոչ թէ մի այլ վայրում:

Ֆեոդալների մասնավոր տնտեսութեան առկայութեան օգտին են խոսում նաև անհատական սեփականութեան իրավունքով նրանց ունեցած այգիների, բանջարանոցների, ձկան որսատեղերի, անասունների հոտերի մասին եղած բավականաչափ առատ փաստերը:

Հայ ֆեոդալների ժառանգական սեփականատիրական հողերն այնքան մեծ ու ընդարձակ տարածութիւններ էին բռնում, որ հաճախ ընդգրկում էին մի քանի տասնյակ գյուղեր: Ուստի փաստերին օբյեկտիվ մոտենալու դեպքում պարզ երևում է, որ աշխարհիկ և եկեղեցական ֆեոդալների տիրապետութիւններն ամբողջովին չեն ընդգրկվել ու տարրալուծվել նրանց անհատական խոշոր տնտեսութիւնների մեջ: Այսինքն՝ կալվածատերն իր տիրութիւնի մի մասում խոշոր տնտեսութիւնն էր կազմակերպում ու սեփական արտադրական միջոցներով այն մշակում, իսկ մյուս՝ ավելի մեծ մասում, պահպանվում էին համայնական կազմակեր-

<sup>179</sup> Стів Очерки истории СССР, период феодализма, часть первая, т. 591:

պուլթյան մեջ ընդգրկված գյուղերն ու դյուղական մանր տնտեսուլթյունները:

Ֆեոդալիզմի ամենուրեք հանդիպող հիմնական առանձնահատկուլթյուններից է, այն երբ ֆեոդալական կալվածքում հողը երկու մասի էր բաժանվում՝ տիրոջ հողերի, որի վրա իր տնտեսուլթյունն էր վարում կալվածատերը և կախյալ գյուղացիուլթյան կողմից օգտագործվող հողերի:

Որպես ասվածի ապացուլյց վերցնենք մեղ արդեն ծանոլթ Տալթեվի վանքի ֆեոդալական տնտեսուլթյան օրինակը: Հակոբ եպիսկոպոսն առու անցկացնելու և նոր այգիներ պցելու միջոցով վանքի հողերն ընդարձակելով չի բավարարում: Նա Սմբատ իշխանի օգնուլթյամբ շրջակա երեք գյուղերի (Յուրաբերդ, Ավելապաշտ, Տամալեկ) բնակչուլթյունը դուրս է քշում և նրանց հողերը ևս միացնում վանքի հողերին, դրանով իսկ ստեղծելով խոշոր վանքային տնտեսուլթյուն: Սակայն այդ տնտեսուլթյունից բացի Տալթեվ վանքն իր տիրապետուլթյան ներքո սեփականատիրական իրավունքով ուներ նաև մեծ մասամբ նվիրատվուլթյունների միջոցով ձեռք բերած բազմաքանակ դյուղեր, որոնք նրան, որպես տիրուլ ֆեոդալի ենլթակա էին: Նրանց ենլթարկվածուլթյունն արտահայտվում էր պարբերաբար հարկեր վճարելու և հարկադրական աշխատանք կատարելու միջոցով:

Վանքին հարկեր էին վճարում (պտուղ) Սյունիքի եպիսկոպոսուլթյան մեջ գտնվող մյուս գյուղերը, ևս սակայն ոչ իբրև իրենց տեր ֆեոդալի, այլ որպես հոգևոր առաջնորդի: Այդ դյուղերը գտնվում էին Սյունիքի աշխարհիկ ֆեոդալների տիրուլթներում և նրանց սեփականուլթյունն էին համարվում:

Կալվածատիրոջ կողմից իր տիրապետուլթյան մեջ խոշոր տնտեսուլթյուններ կազմակերպելուն գուղահեռ կալվածքի մյուս սովորաբար ավելի մեծ մասում համայնքի մեջ համախմբված մանր գյուղական տնտեսուլթյուններ ունենալը և պահպանելը հիմնականում բնորոջ էր նաև աշխարհիկ ֆեոդալական իշխանուլթյուններին:

Կալվածքի այս երկրորդ մասը նրա ընդհանուր տնտեսուլթյունից կտրված և մեկուսացած բան չէր: Ընդհակառակը, այն սերտ-

րեն շաղկապված ու Հարմարեցված էր կալվածատիրոջ ընդհանուր տնտեսության շահերին՝ հանդիսանալով նրա բաղկացուցիչ մասը:

Սակայն միշտ չէ, որ Ֆեոդալների կալվածքները նրանց ինքնուրույն խոշոր տնտեսություններ վարելու հնարավորություն էին ընձեռնում: Հաճախ կալվածատիրոջ ամբողջ հողային ֆոնդը բաղկացած էր լինում տարբեր գյուղերի տերիտորիաներում ցրված փոքր հողակտորներից: Այդպիսի դեպքում նա Հարկադրված էր այդ հողամասերն օգտագործել ոչ թե խոշոր տնտեսություններ կազմակերպելու եղանակով, այլ մանրատված ձևով՝ մանր հողագործների միջոցով: Նման պարագաներում խոշոր հողատերերն իրենք անհատական մեծ տնտեսություն չէին կարող վարել: Իշխանների հողերի շերտընդմեջ ցրվածությունը երևում է վանքերի օգտին նրանց կատարած նվիրատվական վավերագրերից:

Իշխանաց իշխան Աշոտ Բագրատունին 874 թ. Մաշտոց կաթողիկոսին այցելության գալով Սևանի ս. Աստվածածնի եկեղեցու «տայ ի ժառանգութիւն ... գեօղս՝ դ՛Վարսերն, գճամաքաբերդ, գճոմածորն, գճերդքն, գճուռաց տափ և դորսն կռակծին, և այգիս ի Գառնի և յԵրևան և յայլ տեղիս»<sup>180</sup>: Այս վկայությունից որոշակիորեն կրեւում է, որ Աշոտ Բագրատունու տիրույթները շատ մասնատված և տարբեր տեղերում ցրված են եղել: Ինչ խոսք, որ Սևանի վանքի կալվածքն էլ նույն ձևով պետք է կառուցված լիներ, քանի որ վանքն իրեն մոտ գտնվող գյուղերի հետ մեկտեղ ստանում է որսատեղ, այգիներ, իրենից բավական հեռու ընկած Գառնիում, Երևանում և ուրիշ վայրերում:

Բերենք նույնանման մի այլ փաստ ևս. «ես Սուփան՝ Սիւնեաց իշխան, շինեցի զՄաքենոցաց եկեղեցիս և անխնայաբար զարդարեցի... և հոռու զսեփական տեղն մեր ի սա որ ըստ անուան եկեղեցոյ Աստուածածին ասի, ... և հոռու որս ձկանց զԲողաչէն սեղանոյն, ... հոռու և 5 կուղալակս ի յԱնի և 5 այգի յԵրևան և 500 առու այգի ի գիւղաքաղաքն Գառնի, և 2 այգի յԵղեգիս»<sup>181</sup>: Հետաքրքիր է, որ նա տալիս է նաև «Չոլիրս եղանց և Չոկս գուարա-

<sup>180</sup> Ստեփանոս Օրբելյան, էջ 174:

<sup>181</sup> Նույն տեղում, էջ 179:

կաց և անդեայս և հօտս ոչխարաց»<sup>182</sup>: Ինչպես տեսնում ենք Մաքենոցած վանքի այգիներն առավել ևս ցրված և տարրեր վայրերում էին ընկած:

Իշխանների հողային տարածությունների մասնասկզբությունը Հայաստանում գերիշխող է եղել և այդ է պատճառը, որ Ֆեոդալական խոշոր կալվածքներն այլևի շատ կառուցված են եղել մանր գյուղական տնտեսությունների արտագրության հիման վրա, քան թե անձնական խոշոր տնտեսություններ կազմակերպելու ձևով:

Ինչպես տեսանք, մեզ մոտ կազմակերպված են եղել նաև Ֆեոդալական խոշոր տնտեսություններ, անգամ այդպիսիք չունեցող Ֆեոդալը հատկապես իր կալվածքի կենտրոնական մասում անձնական տնտեսություն՝ այգիներ ու բանջարանոց է ունեցել: Սակայն բանն այն է, որ Ֆեոդալական այդ խոշոր անհատական տնտեսությունները գերիշխող չեն եղել ու կրկրում լայն տարածում չեն ստացել: Դրանց սահմանափակ բնույթի հետևանքով էլ կալվածքի ներքին կառուցվածքի, նրա վարչական ապարատի մասին բավարար փաստեր չունենք:

Ֆեոդալական կալվածքի և ընդհանրապես ազրարային հարաբերությունների ուսումնասիրման ժամանակ պետք է նյնել համայնք-գյուղից՝ որպես կալվածքային տնտեսության և, առհասարակ, հայ միջնադարյան հասարակության հիմնական կազմակերպական միավորի: Ի վերջո համայնք-գյուղը և ոչ թե կալվածքն էր ընկած հողային հարաբերությունների հիմքում: Կալվածքային տնտեսության մեջ տեղի ունեցած փոփոխությունները գյուղական համայնքի մեջ կատարված տեղաշարժերի արդյունք էին, այլևի ճիշտ՝ դրանք միևնույն պրոցեսի երկու տարրեր կողմերն էին:

Բազրատունյաց էպոխայում հայկական գյուղական համայնքը լինի նա մեծ թե փոքր, այն հիմնական հասարակական բջիջն էր, որի մեջ ու որի հետ կողք-կողքի աճում և դարգանում էր կալվածքային տնտեսությունը: Հետևաբար, Ֆեոդալական կալվածքի կառուցվածքի անգամ նրա մի մասը կազմող տիրոջ անհատական

<sup>182</sup> Նույն տեղում, էջ 180:

տնտեսութեան մասին, որի վերաբերյալ աղբյուրները բավարար-  
վում են շատ ազոտ ու կցկտուր տեղեկութուններ հազորդելով,  
կարելի է դադափար կազմել միայն գյուղի ու գյուղական համայ-  
նական կազմակերպութեան ուսումնասիրութեան միջոցով:

Գյուղերն իրենց համայնական կազմակերպութեամբ, տիրա-  
պետած հողերով ու դաշտերով ամեն տեսակ հարաբերութեաննե-  
րի, դժվարութեանների ու պայքարի օբյեկտ են հանդիսացել և  
այդ առումով ուժեղ հետք են թողել մեր աղբյուրներում: Ինչպես  
հնում՝ վաղ Ֆեոդալիզմի էպոխայում, նույնպես և Բագրատուն-  
յաց շրջանում դրանք հիմնականում կոչվել են նույն տերմինով:  
Սակայն շատ հաճախ գյուղ տերմինի հետ մեկտեղ հանդիպում  
ենք «չէն», «աւան», «ագարակ», «դաստակերտ» անվանումներին,  
որոնք կամ նույն առումով կամ նրան շատ մոտ իմաստով են օգ-  
տագործվում: Այն ժամանակվա պատմական գրականութեան մեջ  
«չէն» տերմինի օգտագործման իմաստից ելնելով կարելի է անվե-  
րապահորեն ասել, որ այն գյուղին համագոր նշանակութուն ու  
գործածութուն է ունեցել: Մանավանդ Ստեփանոս Օրբելյանի  
Պատմութեան մեջ եղած արժեքավոր փաստերը նման դատողութե-  
ան համար որոշակի հիմք են:

Իշխան Հրահատը 844 թ. Տեր Դավթին ընծայում է «... գեոզ  
մի ի Կովսական գաւառի Նորաշինիկ անուն»<sup>183</sup> որից հետո վեր-  
ջինս իրավունք է ստանում այն «ուտել և վայելել, պահել և ունել,  
գնոյ տալ և գրաւական դնել...»<sup>184</sup>: Ինչպես տեսնում ենք, պատ-  
միչն առաջին դեպքում հիշատակած Կովսական գյուղին մի քանի  
տող հետո շեն է անվանում: Հայտնի է, որ Օրբելյանը Տաթևի  
վանքի արխիվի կարևոր փաստաթղթերը բառացիորեն բերում է իր  
Պատմութեան մեջ, իսկ մինչ այդ սեփական բառերով պատմում է  
նրա բովանդակութունը: Մի քանի այդպիսի դեպքերում միևնույն  
վայրին հեղինակը գյուղ է անվանում, իսկ մեջբերված արձանա-  
գրութեան մեջ այն շեն ձևով է վկայվում կամ հակառակը:

Օրբելյանը պատմում է, որ 871 թ. Սյունիքի իշխան Զուան-  
չերը Սաղոմոն եպիսկոպոսին խնդրում է «ղգիւղն Բելս որ ի Կովսա-

<sup>183</sup> Նույն տեղում, էջ 209:

<sup>184</sup> Նույն տեղում, էջ 210:

կան գաւառի, որ էր սեպհական ժառանգութիւն սուրբ Խաչին... փոխանակէ գիւր սեպհական գիւղն Արուքս որ ի Բաղք գաւառի. որ հաւանեալ եպիսկոպոսին՝ տայ զԲեթն և առնու զԱրաքս գիւղ»<sup>185</sup>: Փոխանակութեան առթիւ կազմած արձանագրութեան մեջ կարդում ենք. «... կամ եղև ինձ Զուանչէրի ... զիմ զչէն մի որ ի Բաղք գաւառի Արուքս անուն... փոխանակել ընդ Բեթնոյ շինոյն որ Կոմսական գաւառի էր»<sup>186</sup>, և որ այսուհետև Տեր Մաղոմոնը իրավունք ունի «... ժառանգել զայդ շէնդ...»<sup>187</sup> և այլն: Այս տերմինները, եթե անգամ ունեցել են իմաստային որոշ տարբերիչ գծեր ու երանգներ, ապա դրանք այնքան աննշան են եղել, որ տվյալ դեպքում մեզ այդ չի հետաքրքրում: Ի դեպ, բառարաններում ևս նրանց միևնույն բովանդակությունն է վերադրված:

«Աւան» տերմինը նմանապես շատ է հանդիպում, սակայն ոչ թե գյուղի փոխարեն է օգտագործվում, ինչպես «չէն»-ը, այլ մեծ մասամբ նրա հետ ու գրեթե նույն իմաստով: Հովհաննէս Դրասխանակերտցին, որը մեր պատմիչների մեջ ամենից ավելի է գործածում այս տերմինը, Սմբատ Ա-ի սպանությունից (914 թ.) անմիջապես հետո կատարված Յուսուֆի ավերիչ արշավանքի առթիւ ասում է, որ «աւանք և շէնք մեր հղեն իբրև զանդաստան մացառախիտ»<sup>188</sup>, որովհետև քանդում էին «զքաղաքս և զգեօղս և զաւանս և զագարակս»<sup>189</sup>:

Թովմա Արծրունին հայտնում է, որ արաբական զորավար Բուղան իր պատիւի արշավանքի ժամանակ զորքերին հրամայում է «զբազմամարդի գեօղս և աւանս առնել անմարդիս» և որ նրանք Հայաստանում «զչէնս և զաւանս և զագարակս հրձիգ արարեալ՝ անապատ կացուցանեն ի մարդոյ և յանասնոյ»<sup>190</sup>:

«Գեօղ և աւան» ընդունված գործածությունն ձևը մի կողմից ցույց է տալիս դրանց իմաստային մոտիկությունը, իսկ մյուս

<sup>185</sup> Նույն տեղում, էջ 216–217, սմանօրինակ վաստեք տես նաև 269–270, 291 էջերում:

<sup>186</sup> Նույն տեղում, էջ 217:

<sup>187</sup> Նույն տեղում, էջ 185:

<sup>188</sup> Հովհաննէս Դրասխանակերտցի, էջ 257:

<sup>189</sup> Նույն տեղում, էջ 259:

<sup>190</sup> Թովմա Արծրունի, էջ 213–214:

կողմից կարծես թե ընդգծում է, որ այնուամենայնիվ նրանց միջև որոշ տարբերություն կա:

Հ. Աճառյանի Արմատական բառարանում «աւանը» բացատրոված է: «գիւղաքաղաք, մեծ գիւղ»<sup>191</sup> իսկ Հայկադյան բառարանում՝ «Գիւղ մեծ, քաղաք փոքր կամ անպարիսպ, գիւղաքաղաք, քաղաքագիւղ»<sup>192</sup> ձևով: Այս բացատրությունները պետք է հիմնականում ճիշտ համարել, մանավանդ որ դրանք հաստատվում են պատմիչների վկայություններով: Հովհաննես Դրասխանակերտցին Շիրակի Բագրատունիների Բագարան ձեռակերտին, որն իրոք մեծ գյուղ էր, անվանում է ավան<sup>193</sup>, իսկ մեկ այլ տեղ՝ քաղաքագյուղ<sup>194</sup>: Ասողիկը վկայում է, որ ագարակներն, ավանների, իսկ ավանները՝ գյուղաքաղաքների էին վերածվում<sup>195</sup>: Դա նշանակում է ավանները կոչվում էին գյուղեր, սակայն միայն մեծ գյուղերը, որոնք փոքրիչատ աճելու դեպքում դառնում էին գյուղաքաղաքներ:

9-11-րդ դդ. աղբյուրներում նույնպես առատորեն հանդիպող «ագարակ» բառն իմաստային առումով տարբերակումներ է տալիս: Այդ տերմինին ճիշտ մեկնաբանություն կարելի է տալ, եթե նկատի ունենանք հնում նրա ունեցած բովանդակությունը:

Ս. Երեմյանն ուսումնասիրելով մինչարարական ժամանակաշրջանի Հայաստանում ագարակ և դաստակերտ տերմինները և հետևելով զրանց էվոլյուցիային, ցույց է տվել, որ «ագարակ»-ը ծագել է սուամերական կադակաձևից՝ *agar* տերմինից և ունեցել է վարելահողի, դաշտի, ցանցի նշանակություն: Հայերենում այդ տերմինը ստացել է մասնատիրական վարելահողի, տնտեսության, կալվածքի, կայքի իմաստ: Հետագայում, ագարակների անմիջական արտադրողներն ավելի ու ավելի հողին ամրացվելու հետևանքով դրանք վեր են ածվում գյուղական բնակավայրերի: Արդեն 4-րդ դ. «ագարակ»-ը գյուղական տիպի բնակավայր, էր որի

<sup>191</sup> Հ. Աճառյան, Արմատական բառարան, հ. Ա, Երևան, 1926, էջ 794:

<sup>192</sup> Նոր քառգիրք հայկազգան լեզուի, հ. առաջին, Վենետիկ, 1836, էջ 389:

<sup>193</sup> Տես Չովհաննես Դրասխանակերտցի, էջ 143:

<sup>194</sup> Տես Լույս տեղում, էջ 194:

<sup>195</sup> Տես Լսողիկ, էջ 161:

բնակիչները, սակայն, գտնվում էին ավելի ստորացված վիճակում, քան գյուղերի, շեների ու քաղաքների բնակիչները<sup>196</sup>:

Հետագա դարերում ազարակի այս վերջին իմաստն ավելի է ամրապնդվում ու տարածվում: «Ագարակ»-ը 9–11-րդ դդ. գործ է ածվում հենց գյուղի կամ գյուղատիպ բնակավայրի նշանակութ-  
յամբ: Ըստ Ասողիկի 994 թ. երկրաշարժն ավերեց «ամենայն շինու-  
լածք քաղաքաց, գիւղից և ագարակաց»<sup>197</sup>: Նսրը զորավարը նվա-  
ճում է Քեղյա ամրոցը «... և շուրջանակի զգեօզս և գաւանս և  
զագարակս յիւր անուն պայագատէ»<sup>198</sup>: Բազմիցս ազարակն օգտու-  
գործվում է գյուղի կամ շենի հետ միասին, որպես նույն տիպի  
բնակավայրի<sup>199</sup>:

Ուսումնասիրվող շրջանում, սակայն, դեռևս պահպանվում էր  
ազարակի նախկին՝ վարելահողի, տնտեսության կալվածքի իմաս-  
տը: Այսպես, օրինակ, Վահրամ Պահլավունին իր կառուցած Մար-  
մաշենի եկեղեցուն 1029 թ. գանձագին գյուղերի ու ազարակների  
թվում նվիրում է նաև «զԲագարանի գեղ եւ զիւր ագարակն»<sup>200</sup>:  
Անշուշտ այստեղ ազարակն օգտագործվում է իր նախկին բովան-  
դակությամբ, որը, սակայն, այս շրջանում հնչում էր լրիկ որպես  
անցյալի վերապրուկ:

Ըստ երևույթին, հետագա դարերում ազարակ, եզրույթն ամ-  
բողջովին կորցնում է իր նախկին իմաստը և լրիվ նույնացվում  
գյուղ հասկացողության հետ: Այսպես օրինակ, 1223 թ. իշխանաց  
իշխան Բուպակը գրում է, որ «զԱղբերիս գիւղ իւր ամեն սոհմա-  
նան... ի սուրբ Նախավկայս տուի՝ ազատ յամեն հարկաց»<sup>201</sup>:  
Ստեփանոս Օրբելյանն այդ նույն դեպքի մասին պատմում է.  
«մեծ իշխանն Բուպակ ընծայէ սուրբ և նորակերտ քաւարանին...

<sup>196</sup> Shtu С. Т. Еремян, О рабстве и рабовладении в древней Армении, Вестник древ-  
ней истории, 1950, № 1, էջ 13–14:

<sup>197</sup> Ասողիկ, էջ 264:

<sup>198</sup> Հովհաննես Դրասխանակերտցի, էջ 360:

<sup>199</sup> Տե՛ս Թովմա Արծրունի, էջ 214, 222, 242, 251, 327 Արիտուակես Լաստիվերտցի,  
էջ 26, 57–58, 126–127: Հովհաննես Դրասխանակերտցի, էջ 259, 261 և այլուր:

<sup>200</sup> Ղ. Ալիշան, Շիրակ, էջ 148:

<sup>201</sup> Ստեփանոս Օրբելյան, էջ 357:

դադարակն Աղբերիս իւրով սահմանօքն»<sup>202</sup>: Դա նշանակում է, որ 13-րդ դ. ագարակն արդեն այն աստիճան էր նույնացվում գյուղի հետ, որ միեւնույն Աղբերիս բնակավայրը մի դեպքում դյուղ է անվանվում, մյուս դեպքում ագարակ, մի բան որն ինչպես տեսաք, 9–11-րդ դդ. կիրառվում էր գյուղի և շենի նկատմամբ:

Ըստ Ս. Երևմյանի «Դաստակերտ» տերմինը ծագել է հին պարսկական dastakria և պահլավական dastkart բառից, որը նշանակում է ձեռքով (dasta) կերտած (karta): Այդ պատճառով էլ հայերն այդ տերմինը թարգմանել են ձեռակերտ բառով: Դաստակերտ բառի տակ հնում հասկացվել է ամեն մի մասնատիրական հողը, անշարժ գույքը և կայքը: Դա կարող էր լինել փոքր տնտեսություն՝ վարելահող, պտղատու ծառեր, խաղողի այգի կամ կարողություն, կայք, ինչպես նաև մեծ լատիֆունդիա վարելահողերով, այգիներով, աթոռանիստով կամ ամրոցով, որի շուրջ, ժամանակի ընթացքում, աճում է խոշոր բնակավայր՝ գյուղ կամ քաղաք<sup>203</sup>:

«Դաստակերտ»-ը 9–11-րդ դդ. հիմնականում գործածվում է թագավորի, խոշոր իշխանի կամ կաթողիկոսի աթոռանիստի, երբևից նաև ամրոցի իմաստով, որն ունենում էր ամեն տեսակ ծառայողներ և սովորաբար շրջապատված էր լինում այգիներով ու վարելահողով: Դրա լավագույն օրինակ է Հովհաննես Դրասխանակերտցու Բյուրականի դաստակերտը: «Եւ դարձեալ չու յուղի անկեալ, — գրում է պատմիչը, — չոգաք մինչև ի ձեռակերտ ամրոցիկն իմ Բիւրական, զոր ստացեալն էր փմ գանձի գնոյ, ուր և շինեալ յարդարարեալ իսկ էի եկեղեցի ... և վանս կուսակրօն միանձնացիլոց զնա հաստատեալ»<sup>204</sup>:

Կաթողիկոսի հետագու պատմածից պարզվում, է որ իր ձեռակերտում քացի կառուցած եկեղեցուց ու այնտեղ հաստատված հոգևորականներից կային նաև բավական աշխարհիկ բնակիչներ և չնայած նրան, որ մոտեցող վտանգի հետևանքով բնակչության մի մասը թողել, հեռացել էր, նրա պաշտպանությանը մասնակ-

<sup>202</sup> Նույն տեղում, էջ 356–357:

<sup>203</sup> Տե՛ս Ս. Դ. Երեմյան, О рабстве и рабовладении в древней Армении, էջ 14, 19:

<sup>204</sup> Հովհաննես Դրասխանակերտցի, էջ 336:

ցում էր մոտ երկու հարյուր մարդ: Դրասխանակերտցին նույն ձևով Աշոտ Բ-ի մասնավոր սեփականություն հանդիսացող Կողբն անվանում է «մեծ դաստակերտ Կողբ», «սիրելի դաստակերտ իւր»<sup>205</sup>:

Դաստակերտը նույն իմաստով է օգտագործում նաև Ստեփանոս Օրբելյանը: Ըստ նրա երբ Ատրպատականի էմիր Յուսուֆի արչավանքից հետո Սյունիքի իշխանները վերադառնում են իրենց բնակավայրեր՝ տեսնում «աւերնալ դեկեղեցիս և անբնակ անաստացեալ զմեծամեծ աւանսն, և զգեղեցիկ դաստակերտն»<sup>206</sup>:

Ըստ Արիստակես Լաստիվերտցու սելջուկները «...եկեալ մինչև ի գաւառն Բասեան, և մինչև ի դաստակերտն մեծ՝ որ կոչի Վաղարշաւան...»<sup>207</sup>:

Դաստակերտը մասնավոր սեփականատիրական տիրույթ է եղել: Պատմիչներից միայն Լաստիվերտցին է դաստակերտին որոշ դեպքերում վերագրում տնտեսության, մշակելի հողերի իմաստ: Օրինակ, նա գրում է. «Ի սորա թագաւորութեան (Միքայել կայսեր – Վ. Բ.) եղև մեծ կոտորած զօրացն Հոռոմոց ի բերդաքաղաքն որ կոչի Բերկրի, որ է ի վիճակի Արծրունեաց աշխարհիկ, զոր վաղնջուց յափշտակեալ էր Պարսից հանդերձ իւրովք դաստակերտօքն, և ունէին ընդ ձեռամբ»<sup>208</sup>: Ուշագրավ է, որ պատմիչը դաստակերտը խոշոր վարելահողերի իր նախկին իմաստով օգտագործվում է միայն Հայաստանի արևմտյան շրջանների վերաբերյալ<sup>209</sup>: Բանն այն է, որ երկրի բյուզանդապատկան մասում հողային հարաբերությունների մեջ փոփոխություններն ավելի դանդաղ էին կատարվում, և այնտեղ սոցիալական տերմինները դեռևս պահպանում էին իրենց նախկին իմաստը:

Ընդհանուր առմամբ վերցրած, դաստակերտն ուսումնասիրվող շրջանին բնորոշ չէ և սակավ է օգտագործվում: Գյուղերն ու գյուղատիպ վայրերը, որոնք իրենց հողատարածքներով վճռական

<sup>205</sup> Նույն տեղում, էջ 293, 294:

<sup>206</sup> Ստեփանոս Օրբելյան, էջ 193:

<sup>207</sup> Արիստակես Լաստիվերտցի, էջ 65:

<sup>208</sup> Նույն տեղում, էջ 40–41:

<sup>209</sup> Տես նույն տեղում, էջ 23, 123, 139:

դեր էին խաղում 9-11-րդ դդ. Հայաստանի ագրարային հարաբերություններին և, մասնավորապես, կալվածքային տնտեսություններին, աղբյուրներում հիմնականում հիշատակված հասկացությունների միջոցով են արտացոլվել:

Արդեն տեսանք, որ կալվածքի մի մասը ֆեոդալի անհատական տնտեսություն էր զբաղեցնում, իսկ սովորաբար ավելի մեծ մասն օգտագործվում էր կալվածատիրոջ իշխանությունը ենթարկված դյուղացիության կողմից:

Տիրոջ տնտեսության կենտրոնական մասը կազմում էր ֆեոդալի աթոռանիստը ուր որպես կանոն գտնվում էր նրա բնակարանը՝ շրջապատված տարատեսակ տնտեսական բնույթի շինություններով: Իշխանական անձնական տնտեսության այդ կենտրոնական մասը ոչ միայն տվյալ կալվածատիրոջ բնակատեղին էր, այլև տվյալ ֆեոդալական տիրապետության վարչատնտեսական կենտրոնը, ուր նստում էին ֆեոդալը, նրա ծառայողներն ու գործակալները: Տիրոջ բնակարանի մոտ գտնվում էր նրա շտեմարանը, կալվածքը սպասարկող, արհեստավորների արհեստանոցը, կկղեցին, հաճախ նաև ջրաղացը, բանջարանոցը, և ապա այդին ու վարելահողերը, որոնք ցրված էին շերտերում՝ տարբեր դյուղեզի տեղիտրիաներում:

Արհեստը ֆեոդալի տնտեսությունը սպասարկող, անհրաժեշտ բնագավառներից մեկն էր, առանց որի անհնար էր ինչպես կալվածատիրոջ սպառողական կարիքների բավարարումը, այնպես էլ դյուղատնտեսության տարբեր ճյուղերի զարգացումը: Այդ պատճառով էլ պատահական չէ, որ կալվածքի կենտրոնական մասում ֆեոդալը հյուրանոց (խանապար), շտեմարան (Համբարանոց) և գանձատուն շինելու հետ մեկտեղ առաջին հերթին հոգ էր տանում արհեստանոցներ (գործատներ) կառուցելու մասին: Կան փաստեր, որոնք հավատում են կալվածատիրոջ տնտեսության տարբեր ճյուղերին ծառայող այդ շինությունների գոյությունը: Տաթևի վանքի կառուցումն ավարտելուց հետո, ինչպես Օրբեյյանն է վկայում, «շինէ և դաղտանոցս գեանափորս ի ներքոյ վանիցն ծածուկ երկրաւ՝ բազում տունս և դարանս ի պէսս եկեղեցւոյն և հարթեալ Հաւասարեսալ զվայրն՝ շինէ և սրբաշէն տրապէզս

և գործատներս, համբարանոցս և սրբատունս և գրատունս»<sup>210</sup>.  
1000 թ. Սյունիքի Շահանդուխտ թագուհին ս. Ստեփանոսի եկեղեցու շինությունը ավարտելուց հետո «Շինէ եւ ... համբարանոցս և գործատունս և շուրջ պարսպէ զվանքն»<sup>211</sup>:

Հայաստանի առանձին իշխանություններում կալվածքի կենտրոնական մասը տարբեր ձևով է անվանվել, որովհետև այս հասկացութեան համար ընդհանուր գործածվող տերմին գոյություն չունեն։ Անհավանական է, որ որոշ դեպքերում այն դաստակերտ կամ ուղղակի կալվածք կոչված լինի, իսկ երբեմն էլ բերդերն ու ամրոցներն այդպիսի դեր կատարած լինեն։ Վերջիններս օգտագործվում էին ոչ միայն արտաքին, այլև ներքին թշնամուց պաշտպանվելու, համար:

Փեոգալական կալվածքային տնտեսությունների կենտրոնի դեր կատարել են գլխավորապես քաղաքներն ու քաղաքատիպ վայրերը: Հատկապես խոշոր ֆեոգալների բնակութեան մշտական վայրերը քաղաքներն էին, որտեղից նրանք կառավարում էին իրենց իշխանությունները:

Ամբողջ կալվածքի համար չնայած գոյություն է ունեցել ընդհանուր գործածություն ունեցող «Հայրենիք» տերմինը, սակայն այն միշտ է, որ ընդգրկել է խոշոր կալվածք հասկացությունը: Սովորաբար «Հայրենիք» տերմինով բնորոշվող կալվածքը կոչվել է նաև գավառ, աշխարհ (այս հասկացությունը, որպես կանոն, հավասար էր գավառին, որոշ տեղերում մի քանի գավառի, երբեմն էլ գավառի մի մասին), կալվածք, գյուղ և այլ տերմիններով: Ամեն մի դեպքում դրանց պետք է մոտենալ կոնկրետ հաշվի առնելով գործածման անմիջական վայրն ու հանգամանքները:

Ահա մի օրինակ, աղբյուրներում կալվածքը համանուն տերմինով կոչվելու վերաբերյալ: 10-րդ դ. առաջին կեսին արաբական մի գորավար արշավում է Դվին և այնտեղից «վաղվաղակի հարկապահանջս և ոստիկանս առաքեալ յԱյրարատեան զաւառ և մինչև ցԱրագածն կոչեցեալ ոտն, որ է բաժին կալուածոց Աբասայ

<sup>210</sup> Ստեփանոս Օրբելյան, էջ 225:

<sup>211</sup> Նույն տեղում, էջ 302:

որդւոյն Սմբատայ»<sup>212</sup>: Այս դեպքում կալվածք կոչվող վայրը հենց մի դավառ է կազմում:

Հովհաննես Դրասխանակերացին Տայքն Ատրնեբսեհի կալվածքն է համարում: Նա գրում է, որ Սմբատ Թագավորն իմանալով Շիրակի վրա Աֆշինի հարձակման լուրը «սաստիկ տագնապաւ անկանէր ի կողմանս ամրոցացն Տայոց ի կալուածս կուրապողատին Ատրնեբսեհի՝ սիրեցելոյն իւրոյ»<sup>213</sup>:

Ինչպես տեսանք, 8-րդ դ. կեսերից սկսած խոշոր հողատիրութեան ձևավորումն արագորեն թափ էր հավաքում երկրի ինքնուրույնութեան համար մղած պայքարի և արաբական էմիրութեանններին ու ցեղերին հայկական հողերից արտաքսելու միջոցով: Որքան երկրի անկախացման գործընթացն առաջ դիմում էր, այնքան խոշոր հողատիրութեան կազմավորումը հաջողութեամբ էր ունենում: 9-րդ դ. վերջում 10-րդ դ. սկզբին, երբ արաբական լուծը վերջնականապես թոթափվում է, հիմնականում ձևավորվում է նաև խոշոր իշխանական հողատիրութեանը, չնայած Հայաստանի տարբեր շրջաններում դրա կազմավորումը տարբեր ժամանակներում է իրականանում:

Ինքնուրույն թագավորութեաններին առաջացումը խոշոր իշխանական հողատիրութեան ձևավորումն ավարտելու և դրանց իշխողների՝ հսկայական հողային տարածութեաններին ու ռազմական ուժի տեր դառնալու քաղաքական հետևանքն էր:

10-րդ դ. վերջերին և 11-րդ դ. Ֆեոդալական խոշոր հողատիրութեան հետագա զարգացում, խորացում ու ընդլայնում է կատարվում: Ազգյուրները մեղ հնարավորութեամբ են ընձևում հետևելու Ֆեոդալական խոշոր սնտեսութեանների աստիճանական կազմավորմանն ու նրանց էվոլյուցիոն պարզացմանը:

Վերջիննք Տաթևի վանքի օրինակը, որպես 9–11-րդ դդ. Հայ Ֆեոդալների, մասնավորապես եկեղեցու, հարստացման ու խոշոր հողատեր դառնալու բնորոշ օրինակ:

Դավիթ եպիսկոպոսը 839 թ. տեսնելով, որ «յոյժ նեղ և անձուկ էր սահման վանքից Տաթևոյ, և ոչ էր բաւական պիտոյից

<sup>212</sup> Թովմա Արծրունի, էջ 488:

<sup>213</sup> Հովհաննես Դրասխանակերացի, էջ 185:

աթոռոյն»<sup>214</sup> գնում է Արծիվ և Բերդկաներն էլ գյուղերը: Հինգ տարի հետո Փիլիպպե իշխանը վանքին նվիրում է Տաթև գյուղը<sup>215</sup>: Ընդ որում գյուղերը, ինչպես շեշտվում է արձանագրություններում, նվիրում են իրենց «ամենայն սահմանօք, լերամբ և դաշտիւ, այգօք և ընկոյգեօք, մարգագետնովք և ջաղացանով և որ ինչ համօրէն սահմանք են»<sup>216</sup>:

Ուրեմն, գյուղերը լիակատար սեփականության իրավունքով նոր տիրոջն անցնելու դեպքում միշտ նվիրել են իրենց ամբողջ հարստությամբ՝ զանազան տեսակ հողերով, այգիներով, ջրաղացով և այլն: Այս եղանակով նրանք եկեղեցուն անցնելուց հետո դառնում են անբաժանելի, անօտարելի, քանի որ, ինչպես արդեն ասվել է, նվիրատվական ակտերում միշտ շեշտվում է, որ վերջիններս «մի իշխեսցեն հեռացուցանել, մի վաճառել, մի փոխել, մի գրաւական դնել. այլ որ եկեղեցւոյն սպասաւորքն լինին, իշխան իցին ամենայն սահմանացն»<sup>217</sup>:

Վասակ իշխանի դուստր Քուպղիդուխտը 867 թ. Տաթևի վանքին նվիրում է Բաղք գավառի Մաճ գյուղը<sup>218</sup>: Վտնքը 871 թ. Արուքս գյուղը փոխանակում է Զուանչեր իշխանի Բեխ գյուղէ: Հետ, որը պատճառաբանվում է հետևյալ կերպ. «Վասն զի մեր երեւոցունցս մէջաւոր էր փոխանակեցաք»<sup>219</sup>: Սյունյաց եպիսկոպոս Տեր Սաղոմոնը 881 թ. Հրահատ իշխանից 12000 դրամով գնում է Դարատափ գյուղը<sup>220</sup>: 906 թ. Տաթևի կառուցումն ավարտելու առթիվ հանդեսներին Հայաստանի բոլոր ծայրամասերից ներկա գտնվող իշխանների և Հայոց թագավորի կողմից վանքին է նվիրվում տասնվեց գյուղ<sup>221</sup>: Սմբատ իշխանը 920 թ. վանքին է հանձնում իր սեփական Կտկոյս գյուղը<sup>222</sup>:

<sup>214</sup> Ստեփանոս Օրբելյան, էջ 204:

<sup>215</sup> Տե՛ս նույն տեղում, էջ 206:

<sup>216</sup> Նույն տեղում, էջ 207: Նույնը տե՛ս նաև 179, 205, 209, 217 էջերում:

<sup>217</sup> Նույն տեղում, էջ 207:

<sup>218</sup> Տե՛ս նույն տեղում, էջ 218–219:

<sup>219</sup> Նույն տեղում, էջ 217:

<sup>220</sup> Տե՛ս նույն տեղում, էջ 215:

<sup>221</sup> Տե՛ս նույն տեղում, էջ 228–230:

<sup>222</sup> Տե՛ս նույն տեղում, էջ 267:

Տեր Հակոբը 925 թ. «վասն Հեռաւորութեան» Զուանչերի որդի Զափիկ իշխանին է տալիս Վաղավիր գյուղը և վերջնում Տաշտակերտը<sup>223</sup>:

Տաթևի եպիսկոպոսներին 10-րդ դ. 20–30-ական թ. Հաջողվեց Սյունիքի իշխանների գինված ուժերի միջոցով դուրս քշել սահմանակից ապստամբ երեք գյուղերի բնակիչներին և նրանց Հողերը միացնել վանքին: Փիլիպպե իշխանը 943 թ. Տաթևին է նվիրում Աղվերծ և Հուբականիոռ գյուղերը<sup>224</sup>: 10-րդ դ. վերջերին և 11-րդ դ. սկզբներին վանքին են նվիրվում նոր գյուղեր<sup>225</sup>: Սակայն խառը դրուժյունից օգտվելով՝ աշխարհիկ Ֆեոդալները յուրացրել էին նրա Հողերի մի մասը, ուստի Հնարավոր է է որոշել՝ վանքի տնտեսութունը 10-րդ դ. կեսերից հետո մեծացել է, թե փոքրացել:

Պեսք է նկատի ունենալ, որ Օրբելյանը, ինչպես ինքն է ասում, ընթերցողին չճանճրացնելու նպատակով, բոլոր փաստաթղթերը չի բերել իսկ դրանց որոշ մասն էլ պարզապես ընթևնելի չեն հղել: Բերված փաստերը բավական են պարզ պատկերացում կազմելու, թե 9-րդ դ. սկզբներին շատ համեստ տնտեսութուն ունեցող Տաթևի վանքն ինչպես է աստիճանաբար մեծացնում իր Հողային տարածքները, որ մինչև 10-րդ դ. կեսերը տեր է դառնում մոտ երեսուն գյուղերի՝ ստեղծելով տիպիկ ֆեոդալական, խոշոր կալվածքային տնտեսութուն: Միաժամանակ պարզ է դառնում, որ վանքն իր Հողային տիրույթներն ընդարձակելու համար ինչպիսի բազմազան մեթոդներին ու միջոցների է դիմում: Նա սեփական տնտեսութունը մեծացնում ու կյորացնում է իշխանների նվիրատվութունների, գնումների, հարևան գյուղերի Հողերը բռնագրավելու, նոր՝ մինչ այդ ամայի տարածութունները մշակելի դարձնելու, գյուղերը փոխանակելու միջոցներով՝ կանգ չառնելով ոչ մի խոչընդոտի առաջ:

<sup>223</sup> Տե՛ս նույն տեղում, էջ 272:

<sup>224</sup> Տե՛ս նույն տեղում, էջ 269:

<sup>225</sup> Տե՛ս նույն տեղում, էջ 305–307:

Նույն ձևերով, առանձնապես ֆեոդալների նվիրատվությունների միջոցով, խոշոր տնտեսություն է ստեղծում նաև Աևանի Աստվածածնի եկեղեցին<sup>226</sup>։

Վիմակյան արձանագրություններում պահպանված փաստերը ցույց են տալիս, որ վանքերի գյուղերից ու այգիներից բացի նվիրվում էին նաև տարբեր բնույթի այլ հարստություններ՝ խանութներ, ձիթհանքեր, ձկնորսարաններ, անասունների հոսեր ու որսատեղեր։

Անիի 1036 թ. արձանագրություններից մեկում կարգում ենք. «... Ես Ապղարիպ մարզպան... շինեցի զսուրբ Փրկիչս ի մայրաքաղաքս յԱնի ... եւ գնեցի կուղպականի գ. և ձիթահանք և այլի և հողեար, և ետու ի սուրբ Փրկիչս...»<sup>227</sup>։ Մի այլ արձանագրության համաձայն «Ի ՆՂԱ (1042) թուին... կամ եղև իմ՝ Գրիգորոյ Ծաղկանս, եւ իմ որդեացս, որ տուի զիմ գանձազին կուղպականին, որ Վասլին Փնգկին ընդդէմ է, ի Բգնայրին վանս՝ ի սուրբ Աստուածածինն ...»<sup>228</sup> և այլն։

Անշուշտ, Հայաստանի մյուս մասերում ևս եկեղեցիները ճաթեի վանքի նման հարստացել, խոշոր ֆեոդալական տնտեսություններ էին կազմակերպել։ Սակայն համապատասխան փաստերի բացակայություն պատճառով չենք կարող նրանց խոշոր հողատեր դառնալու պրոցեսին հետևել։ Այդուհանդերձ, եկեղեցու և առանձին բարձրաստիճան հոգևորականների հարստությունների մասին կան ընդհանուր փաստեր, որոնց վկայություններ նրանք խոշոր հողային տարածքների ու մեծ հարստությունների տեր են եղել։

Արծն քաղաքի քորեպիսկոպոս Դավթակի տնից 1049 թ. սկիզբների դուրս հանած հարստությունների մասին, Մատթեոս Ուռհայեցու վերը բերված վկայությունը որքան էլ չափազանցված լինի, այնուամենայնիվ պարզ է, որ ֆեոդալները հսկայական մեծություն տնտեսություններ են ունեցել։ Պատմիչի ասելով՝ սկիզբից զորավար Իբրահիմ Ինալը զրավեց Դավթակի գանձը և քա-

<sup>226</sup> Տե՛ս նույն տեղում, էջ 174, 178, 189։

<sup>227</sup> Վիմակյան տարեգիր, էջ 19։

<sup>228</sup> Կ. Յ. Բաումաքեան, նշվ. աշխ., էջ 137-138։

ոսպուն ուղտ բեռնելով դուրս տարավ, որ նրա տնից դուրս էլ զալիս ութ հարյուր վեցի է եղ<sup>229</sup>:

Նույն ժամանակազրի հաղորդած տվյալների համաձայն, հայոց կաթողիկոսարանը Պետրոս Գետադարձ կաթողիկոսի ժամանակ ունեւր հինգ հարյուր գյուղ<sup>230</sup>. բազմաթիւ հոգևոր ու աշխարհիկ աշխատողներ և այդ պատճառով, «չէր նուստտ աթոռ հայրապետութեանն քան զթագաւորութեանն Հայոց»<sup>231</sup>:

Ի զեպ, պատահական չէ, որ Ֆետդալական խոշոր տնտեսութունների մասին մեր ունեցած բոլոր փաստերը վերաբերվում են 10-րդ դ. կեսերից հետո ընկած շրջանին: Դրանում, հավանաբար, արտացոլվել է պատմական իրականութունը՝ 10-րդ դ. վերջում և 11-րդ դ. սրտալիտրեն կազմավորված խոշոր տնտեսութունների առկայութունը, որպիսիք 9-րդ դ. հավանաբար գոյութուն չունեին՝ ձևավորման ընթացքում գտնվելու պատճառով:

Խոշոր ֆետդալական կալվածատիրութեան ձևավորման համար, ինչպես տեսանք, մեծ նշանակութուն ունեցավ արաբական տիրապետութունից վերջնականապես ազատագրվելն ու երկրի ինքնուրույնութեան ամրապնդումը:

Աշխարհիկ ֆետդալական խոշոր հողատիրութեան աճն իր աղբյւրները տեսակետից տարբերվում էր եկեղեցական տնտեսութուններից:

Սկզբնական շրջանում հայ իշխանների հողերն ընդարձակվում էին արաբ ֆետդայների տիրույթները սահմանափակելու կամ երկրից դուրս քշելու, նրանց տիրապետած տարածութունները սեփական ժառանգութուն դարձնելու, ինչպես նաև նոր հողերի յուրացնելու միջոցով: Սակայն, դրանք մասնավանդ երկրի ինքնուրույնութունը վերականգնելուց հետո, ինչպես աշխարհիկ, այնպես էլ հոգևոր ֆետդայների համար սեփական տնտեսութունները մեծացնելու երկրորդական աղբյւրներ էին:

<sup>229</sup> Տես Մատթեոս Ուտիայեցի, էջ 103:

<sup>230</sup> Անշուշտ Մատթեոս Ուտիայեցի կարողիկոսության սեփականությունն է համարել նրա նոգեոր առաջնորդության սահմաններում գտնվող ու եկեղեցական կարի մոտող, սակայն այլ ֆետդայների պատկանող գյուղերը, որի հետևանքով էլ նրանց քանակն այսպիսի անհավաստալի չափերի է հասել:

<sup>231</sup> Մատթեոս Ուտիայեցի, էջ 154:

Աշխարհիկ ֆեոդալների հողային տարածությունների սճը մեզ հետաքրքրող շրջանում կատարվել է գերազանցապես գյուղական համայնական հողերի հաշվին: Բոլոր գյուղերը համայնքների մեջ էին ընդգրկված: Յուրաքանչյուր գյուղ կազմում էր առանձին համայնական կազմակերպութուն, որը և տնօրինում էր իր շրջակայքի հողային տարածություններն ու անտառները:

Սովորաբար համայնքը սովյալ գյուղին պատկանող վարելահողերը բաժանում էր առանձին մասերի և օգտագործելու համար տալիս համայնքի անդամներին իսկ խոտհարքները, արոտավայրերը, անտառներն ու ոռոգման նպատակների ծառայող ջուրն ամբողջ համայնքը միասին էր օգտագործում: Սկզբնական շրջանում ֆեոդալը գյուղի տերիտորիայում ձեռք էր բերում փոքր հողամաս և դեռևս իր իրավունքներով հավասար էր համայնքի մյուս անդամներին: Սակայն շուտով, չնայած գյուղացիների համառ դիմադրությանը, ֆեոդալը համայնքի մյուս անդամների նկատմամբ արտոնություններ էր ձեռք բերում և աստիճանաբար իրեն ենթարկում ամբողջ համայնքը: Նա սկզբում իր իշխանությունը տարածում էր վարելահողերի, իսկ ավելի ուշ՝ նաև խոտհարքների, արոտավայրերի, ապա անտառների վրա:

Եթե այս տեսանկյունով մոտենանք Հայաստանի Բագրատունյաց շրջանի պատմությանը, ապա պարզ կդառնա, որ հայ ֆեոդալները, որոնք վաղուց էին թափանցել գյուղ 9-րդ, առավել ևս 10-11-րդ դարերում կիսաանկախ և դեռևս ազատ վիճակում գտնվող համայնքները հիմնականում իրենց իշխանությանն են ենթարկում: Մխիթար Գոշի Դատաստանագրքի Ժ՝ «Յաղսպս դատաստանաց գաւառաց եւ գեղից եւ նոցանց իրաց» ու ԺԹ՝ «Յաղագս դատաստանաց ի փայտ հանելոյ» հոդվածներից երևում է, որ 12-րդ դ. արդեն անտառներն ու արոտավայրերը ևս ֆեոդալների կողմից սկսել էին յուրացվել, մասնավոր սեփականութուն դարձվել: Եթե 12-րդ դ. անգամ անտառները մասնավոր սեփականության էին վերածվում, նշանակում է, որ համայնքի վարելահողերն մինչ այդ, ամենայն հավանականությամբ, 10-11-րդ դդ. էին նման վիճակի արժանացել:

Իշխանների միջև սեփականատիրական գյուղերի համար մղվող ուժեղ պայքարը, որ մենք տեսնում ենք 10–11-րդ դդ. անուղղակի ցույց է տալիս Ֆեոդալների կողմից ազատ համայնքներն իրենց իշխանությանը հպատակ դարձնելու հանգամանքը, քանի որ պայքարը մեծ մասամբ Ֆեոդալական գյուղերն իրար ձեռքից խլելու և ոչ թե ազատ գյուղերին տիրելու համար էր:

Ճեռողալ իշխանների տնտեսությունները նույնպես շատ մեծ չափերի էին հասնում: Նրանք, ինչպես նշվել է, սովորաբար իշխում էին մեկ կամ մի քանի գավառների վրա: Այսպես, օրինակ, Դերենիկ Արծրունու մահից հետո նրա երեք որդիներից յուրաքանչյուրը հետևյալ բաժինը ստացավ: Աշոտը ստացավ Վասպուրականի միջին մասի գավառները, «Իսկ Գագիկ զկողմանս Ռշտունեաց այլովք մօտակացիւք դաւառօք ...Եւ Գուրգէն զկողմանս արևելից, յելից Աղբազոյ և որ շուրջ զնովաւ»<sup>232</sup>: Կամ «...իշխանք Սիւնեաց Սմբատ և Սահակ, և բաժանեալ էին զՀայրենի ժառանգութիւնս աշխարհին, աւագն Սմբատ զաւագագոյն մասն Սիւնեաց ընդ արևմուտս կողմն և զբոլոր Վայոց ձոր ունէր ի բաժնի. իսկ Սահակ՝ ընդ արևելս մինչ ի Հակարի. բայց փոքրիկն Բաբգէն սակաւ ինչ ունէր մասն ի բաժնի»<sup>233</sup>:

Աշխարհիկ Ֆեոդալները չէին կարողանում հաշտվել եկեղեցու օրավուր հարստացման հետ: Դա գրեթե բոլոր երկրների Ֆեոդալիզմի պատմությանը հատուկ միանգամայն բնական ու հասկանալի երևույթ է, եթե նկատի ունենանք, որ եկեղեցու հարըստությունը, առաջին հերթին նրա հողային տարածությունները, օտարելու և բաժանման ենթակա չլինելու հետևանքով անընդհատ մեծանում էին, իսկ աշխարհիկ Ֆեոդալների հողերն անելով հանդերձ, ինչպես նշվել է, զանազան պատճառներով և հենց ժառանգիերին անցնելու միջոցով մասնատվում երբեմն էլ քայքայվում էին: Այդ պատճառով էլ Ֆեոդալ իշխանները մի կողմից նպաստում էին եկեղեցու հարստացմանը օգնում գյուղացիությանը հնազանդ պահելու գործում, իսկ մյուս կողմից տեսնելով նրա

<sup>232</sup> Թովմա Արծրունի, էջ 374:

<sup>233</sup> Ստեփանոս Օրբելյան, էջ 197:

խիստ հզորացումը նպաստավոր պայմաններում յուրացնում էին եկեղեցապատկան հողերը:

Բաղմաթիվ փաստերից բերենք միայն մի բնորոշ օրինակ. Սյունիքի Սենեքերիմ թագավորն իշխանների գավթած Տաթևի կալվածքները 1091 թ. նորից վանքին է վերադարձնում՝ այդ մասին գոելով հետևյալը. «Ես ընթերցայ զառաջնոցն զգրեալսն և զյափշտակեալ ժառանգութիւնսն սուրբ եկեղեցւոյս և երկնահրաշ աթոռոյս Սիւնեաց, դարձուցի անդրէն ի մայրաքաղաքս Տաթև. և կրկին հաստատեցի իմով ձեռամբս անխախտ հայրինիք սմա զՀարժիս, զԲերդկաներեջի, զՅուրայ գետ. և էր այս չորրորդ անգամ հաստատութիւն»<sup>234</sup>:

Երբ թագավորը գալիս է վանք, Գրիգոր եպիսկոպոսը նրան ցույց է տալիս բոլոր հին նամակները, որոնք հաստատում էին վերոհիշյալ գյուղերի վրա վանքի սեփականատիրական իրավունքները: Ըստ այդ փաստաթղթերի, առաջին հաստատողները եղել են Հայոց թագավոր Սմբատը և Սյունիքի իշխան Աչոտը, երկրորդը՝ Սյունյաց Սմբատ թագավորը, երրորդը՝ իշխան Հրահատը, իսկ չորրորդ անգամ արդեն Սենեքերիմն է հաստատում: Վերջինիս հաստատող վճռին անմիջապես հետևում է Մահևան և Գևորգ իշխանների գրությունը, որտեղ նրանք հայտնում են թագավորի հրամանով վանքից գավթած գյուղերը վերադարձնելու մասին: «Ես Մահևան և ես Գէորգ, — գրում են նրանք, — հրամանաւ աստուածապահ թագաւորիս մերոյ Սենեքերիմայ դարձուցաք զՀարժիս, զԲերդկաներեջի, զՅուրայ գետ ի Տաթևոյ սուրբ առաքեալքս որ զրկեալ էին յաւերման եւ ի նեղ ժամանակի, և. այժմ կայր առ մեզ»<sup>235</sup>: Մինևույն գյուղերը տարբեր ժամանակներում չորս անգամ վանքից խլելը ցույց է տալիս, որ իշխաններն օգտվելով հողեփորականութեան համար ստեղծված դժվարին («ի նեղ ժամանակի») պայմաններից, ամեն կերպ զավթում էին նրա հողերը:

Արձանագրությունների վերջում նվիրվող գյուղերի ֆեոդալի ու նրա որդիների ունեցած իրավունքն ամբողջովին վանքին անց-

<sup>234</sup> Նույն տեղում. էջ 329: .

<sup>235</sup> Նույն տեղում. էջ 330:

նելու հանգամանքը մշտապես շեշտելը հենց նման դավթումները կանխելու նպատակ ունենք:

Վանքին հովանավորող թագավորը կամ խոշոր իշխաններն էին պաշտպանում նրա շահերը, վերադարձնում խլած հողերն ու սանձահարում աշխարհիկ ֆեոդալների տոնձգությունները:

Հողի համար ներքին պայքարում էին նաև աշխարհիկ ֆեոդալները: Նրանցից յուրաքանչյուրը, մանավանդ անտեսապես ու ռազմական տեսակետից ավելի գորեղները, ինտրիգների ու բացահայտ պայքարի զանազան ձևերով աշխատում էին իրենց կալվածքները հարևանի հաշվին, մեծացնել թուլացնել ու հարվածել նրան: Իշխանական գոտությունների համար դյուրին պայմաններ էին ստեղծում նաև ժառանգներին անցնելու առթիվ կալվածքի բաժանման կամ ժառանգ չունեցող ֆեոդալի անտեսության անօրինման խնդիրները:

Ահա Վասպուրականում կատարված մի այդպիսի ընտրոշ դեպք: Մուշեղ Անձավացի իշխանը մահվանից առաջ սեփական կալվածքի մի մասը՝ Նորաբերդ ամրոցն իր շրջակայքով, հանձնել էր Դերենիկ Արծրունուն, որպեսզի նա մնացած մասում իր մանուկ որդուն ժառանգ դարձնի: Սակայն նրա կինն ամուսնու մահանալուց հետո գիմում է Գուրգեն իշխանին, որ իր հետ ամուսնանա և տիրի Անձավացյաց երկրին: Գուրգենն առանց վարանելու կատարում է նրա ցանկությունը: Դա պատճառ է դառնում Գուրգենի և Դերանիկի միջև մղվող երկար պայքարի, որը վերջանում է փոխադարձ համաձայնությամբ Մուշեղ Անձավացու կալվածքն իրար մեջ կիսելով: Այդ պայքարից՝ քիչ հետո գերությունից նոր վերադարձած Աշոտ Արծրունին որդու շահերը պաշտպանելու նպատակով գործով զալիս է Գուրգենի դեմ, սակայն վերջինս չի կատարում երկիրը թողնելու նրա պահանջը և ուղարկում է հետևյալ պատասխանը. «Ի հայրենեացն արտաքս հանեալ էք ի ժառանգութենէ և մերժեալ ի բաժնէ եղբայրական հասէ. զա՞յս ևս բռնադրօսել ջանայք, զոր Աստուած ժառանգեցոյց ինձ: Միթե զո՞ւ միայն բնակելոց ևս յերկրի»<sup>236</sup>: Գուրգենի այս խոսքերի մեջ

<sup>236</sup> Թովմա Արծրունի, էջ 344:

վառ արտահայտվել է խոշոր ֆեոդալների կողմից համեմատաբար պակաս կարողություն ունեցող իշխաններին ճնշելու, հնարավոր պարագաներում նրանց հողերը յուրացնելու, այս շրջանի համար բավական բնորոշ երևույթը:

Իշխաններն իրենց կալվածքները մեծացնելու համար օգտագործում էին նաև ամուսնությունը: Երբեմն արու զավակ չունեցող իշխանի դստեր հետ մի այլ ֆեոդալի ժառանգ ամուսնանում էր ոչ այնքան սիրելով, որքան ուրիշ իշխանի կալվածքն իր հայրենի ժառանգությանը միացնելու նպատակով:

Հողի համար խոշոր ֆեոդալների ներքին պայքարն ազդարարյին հարաբերությունների տեսակետից քիչ է հետաքրքրական է, որովհետև դասակարգային առումով գրեթե ոչինչ չէր փոփոխվում: Իշխանական դասի և գյուղացիության միջև մղված պայքարն ու վերջիններիս սոցիալական վիճակի մեջ կատարված փոփոխություններն էին ազդարարյին հարաբերությունների մեջ կատարվող տեղաշարժերի հիմք և այդ պատճառով էլ շատ կարևոր են: Այնուամենայնիվ, ի տարբերություն հեղեցական հողատիրության, աշխարհիկ ֆեոդալական շերտերի համար ժառանգականության հարցը տվյալ կալվածքի հետագա բախտի կապված կարեւոր խնդիր էր:

Աշխարհիկ ֆեոդալի մահվանից հետո նրա թողած ամբողջ ժառանգությունն անցնում էր որդիներին: Ընդ որում, ամենից ավագը հոր իշխանական կոչումն ու տիրույթային ավելի մեծ բաժին էր ստանում, քան մյուս որդիները: Ավագ որդու նման արտունությունը Հայաստանի բոլոր մասերում տարածված անխախտ օրենք էր համարվում: Կրոսերների իրավունքն անտեսելու մասին ունենք նաև ուղղակի վկայություններ: 1040 թ. Անիի արձանագրություններից մեկում հայոց մարզպան Ապլղարիսը հայտնում է, որ «Թէպէտ եւ անտես էի ի հաւրէ իմէ յաղագս կրսերութեան» շինեցի նրա համար հանգստարան<sup>237</sup>:

Մխիթար Գոշը հատուկ հողվածում (կթ) գգուշացնում է, որ եթե ֆեոդալը երկրորդ անգամ է ամուսնանում և անգամ չատ է

<sup>237</sup> Ղ. Ալիշան, Շիրակ, էջ 53:

սիրում իր կրասեր որդուն, հանուն սիրո իրավունք չունի նրան աղբյանիկ դարձնելու<sup>238</sup>:

Իշխաններին արու գամակ չլինելու դեպքում ժառանգությունն անցնում էր նրա դստերը, իսկ դուստր չունենալու դեպքում՝ հանգուցյալի եղբորը: Մխիթար Գոշը կի՞ «Յազագոս գատատանաց բաժանման ժառանգութեան արանց» հոդվածում նույն կերպ է որոշում ժառանգորդին և միաժամանակ ստույգ սահմանում ժառանգությունը որդուն անցնելու պայմաններում նրա մորը և քրոջը հասնող բաժնեմասը: Հեղինակը 42 հոդվածով խտրիվ արգելում է հայրենի ժառանգության սահմանների փոփոխումը:

Ժառանգության հարցը պատմիչների և սուհասարակ մեր աղբյուրների ուշադրության կենտրոնում լինելը և հետազայում Գոշի կողմից այդ խնդրին մի շարք կարգավորիչ հոդվածներ նվիրելը միանգամայն հասկանալի կդառնա, եթե նկատի ունենանք, որ աշխարհիկ ֆեոդալների կալվածքային տնտեսությունների սահմանների հետադա փոփոխությունը, նրա զարգացումը կամ քայքայումը սերտորեն կապված էր ժառանգության հարցի հետ: Այս հարցերի ճշտորոշ սահմանումը նպատակ ուներ կանխելու արյունակից ֆեոդալների դժգոհություններ ու ներքին պայքարը:

Կալվածքի ներքին հառավարման ու նրա վարչական սխտեմի մասին մանրամասն տվյալներ չունենք, սակայն կան կալվածատիրոջը հնթակա վարչական աշխատողների գոյությունը հաստատող ընդհանուր փաստեր: Այսպես, օրինակ, վերահիշյալ Մուշեղ Անձալացու մահից հետո նրա ժառանգության համար Արծրունյաց Դերանիկ և Գուրգին իշխանների միջև սկսած պայքարը վերջանում է հեռեյալ փոխադարձ համաձայնությամբ. «...զերկորոզ մասն Անձաուացեաց հանդերձ Նորաբերդ ամրոցաւն Դերանիկին նուճեալ ընդ իւր գործակալօք, և զՄարդաստան քաւառ զբուն բաժին տուեալ ց Գուրգէն, և նորա զիւր գործակալս թողեալ անդր»<sup>239</sup>: լուծանումից մի քիչ անց Գուրգենին հաջողվում է հա-

<sup>238</sup> Տե՛ս Սխիբար Գոշ, Դատաստանագիրք, էջ 384–385:

<sup>239</sup> Թովմա Արծրունի, էջ 339:

նել «գնորա (Դերանիկի – Վ. Բ.) գործակալսն և միապետէ գտէ-  
րութիւնն Անձաւացեաց...»<sup>240</sup>:

Անտարակույս, հիշատակված գործակալները Ֆեոդալի անմիջական ղեկավարութեամբ գործող կալվածքի կառավարիչներն էին, որոնք հսկում էին տվյալ կալվածատիրոջ տնտեսութիւնը և պատասխանատու էին տնտեսական բոլոր աշխատանքների ու կալվածատիրոջ ունեցվածքի պահպանման համար:

Խոշոր կալվածատիրոջ տիրույթում գործակալի ֆունկցիաներ են կատարել նաև նրան ենթակա մանր ֆեոդալները, ձեռնավորները, իսկ գյուղական համայնքի սահմաններում՝ գյուղի ավագները:

### 3. Կալվածքային տնտեսութեան դերը և առանձնահատկութիւնները

Ինչպես տեսանք Հայաստանում ագրարային հարաբերութիւնների մեջ կատարված մեծ փոփոխութիւնները 9–11-րդ դդ. ստեղծեցին ֆեոդալական բազմաքանակ կալվածքներ: Սակայն, երկրի շրջանների պայմանների տարբերութեան պատճառով ֆեոդալական հողատիրական տնտեսութիւնների առաջացումն սմբողջ Հայաստանում միաժամանակ չկատարվեց: Այդ պրոցեսը մի շրջանում կարող էր ավարտվել, իսկ մեկ ուրիշ մասում նոր սկսված լինել: Կային այնպիսի շրջաններ, որտեղ խոշոր կալվածքը որոշակի դեր չէր խաղում, տնտեսութիւնը դեռևս կալվածքային բնույթ չէր ստացել և գերիշխում էին ազատ տարածութիւնները: Այդուհանդերձ, կալվածքային տնտեսութիւնների բուռն զարգացման հետեանքով դրանք աստիճանաբար կլանվեցին կալվածքների կողմից և արդեն 10-րդ դ. կեսերից հետո նշանակալից դեր չէին խաղում երկրի տնտեսական կյանքում:

Հողագործութիւնից բացի կալվածքը կարող էր հիմնված լինել նաև անասնապահութեան վրա. երկու դեպքում էլ անհրաժեշտ են հողամասեր, արտադրութեան միջոցներ և ռենտա վճարող անմիջական արտադրող: Այս բոլորի առկայութիւնը լիովին թույլ

<sup>240</sup> Նույն տեղում:

ենն տալիս խոսեցու. կալվածքի մասին՝ առանց շփոթվելու նրանց կառուցվածքային տարբերություններից ու յուրահատկություններից:

Կալվածքը կարելի է բնորոշել, որպես ֆեոդալական ռենտան իրացնող կազմակերպություն: Հայաստանում ֆեոդալական հարաբերությունների դարգացման այս շրջանի համար բնորոշ խոշոր ֆեոդալական կալվածքների, ինչպես նաև նրանց անհատական խոշոր տնտեսությունների ձևափոխումն ու զարգացումը սերտորեն կապված էին երկրի արտադրողական ուժերի զարգացման հետ: Հողագործության մեջ վերջիններին զարգացումն արտահայտվեց նախ և առաջ մշակվող հողատարածությունների ընդլայնումով: Մինչ այդ անմշակ հողերն արհեստական սոռգման միջոցով դարձվում էին մշակելի: Մշակելի տարածությունների էին վերածում նաև անտառապատ հողերը: Երկրագործական տեքստիլիաների ընդարձակումը նպաստեց դաշտավարության, այգեգործության, խալսողագործության ու բանջարաբուծության ճյուղերի ավելի ընդարձակմանը:

Աշխատանքի հասարակական բաժանման և դրա հետևանքով արհեստագործության զարգացման շնորհիվ կատարելագործվում էր դարբնի արհեստանոցում պատրաստվող դյուղատնտեսական դործվածքների և մետաղների տեխնիկան: Գյուղատնտեսական տեխնիկայի զարգացումն աշխատանքի մեթոդների կատարելագործման պատճառ էր հանդիսանում: Տնային և տնտեսական կարիքներ բավարարող իրերի արտադրությունն աստիճանաբար ընդլայնվում ու կատարելագործվում էր, բարելավվում էր կերամիկայի ու մանածագործական արդյունադարձության տեխնիկան, բարձրանում դրանց արտադրանքի որակը:

Խոշոր կալվածքային անհատական տնտեսությունների առաջացումն իր հերթին արտադրողական ուժերի զարգացման համար նպաստավոր պայմաններ էր ստեղծում: Խոշոր տնտեսություններում ավելի է բարելավվում գյուղատնտեսական կուլտուրաների մշակման տեխնիկան: Սկսվում է կիրառվել բերքաավության բարձրացմանը խթանող ցանքաշրջանառության հռադաշտային սխեման: Այն փոխարինում է հողագործության սլրիմիտիվ ձևին

և տարածվում է խոշոր հողային տիրույթներում: Հողագործութ-  
յան այս սիստեմի ժամանակ հողերի մեկ երրորդը հանգիստ էր  
թողնվում, իսկ երկու երրորդն օգտագործվում էր աշնանացանի և  
գարնանացանի համար: Հանգիստ թողնվող ցեղն ագրոնոմիական  
կարևոր միջոց էր մոլախոտների դեմ պայքարելու, հողի մեջ խո-  
նավությունն կուտակելու ու պահպանելու համար: Սակայն նրա  
հիմնական նպատակը հողի բերքատվության բարձրացումն էր:

Եռադաշտային սիստեմը ֆեոդալիզմի ժամանակ հողագոր-  
ծության տիրապետող ձև դառնալով իր գոյությունը հիմնակա-  
նում պահպանում է մինչև այդ հասարակարգի քայքայման և կա-  
պիտալիզմի առաջացման շրջանը: Այդ ժամանակաշրջանում այն  
արդեն ոչ թե նպաստում, այլ խանգարում էր գյուղատնտեսութ-  
յան զարգացմանը, ուստի փոխարինվում է հողագործության  
ավելի առաջավոր ձևով՝ կերային ցանքաշրջանառությամբ:

Մեզ հետաքրքրող շրջանում Հայաստանի գյուղատնտեսութ-  
յան մեջ եռադաշտային սիստեմի գոյության վերաբերյալ փաստեր  
չունենք: Սակայն մեզ մոտ ընդունված է եղել վարելահողերի մի  
որոշ մասը խամ թողնելու, այսինքն մեկ, երբեմն նաև մի քանի  
տարի այնտեղ ցանքս չանելու պրակտիկան: Դա ըստ էության  
հենց ցանքաշրջանառության եռադաշտային սիստեմն է՝ միայն  
այն սարքերով, որ մեզ մոտ հանգստացող հողամասն  
առանց հերկելու է հանգիստ թողնվել:

Նոր հողերի յուրացման և ընդհանրապես բերքատվության  
բարձրացման նպատակով ավելի շատ են դիմում արհեստական  
ոռոգման միջոցին: Այդ պատճառով էլ մաքրում և վերանորոգում  
են հնից եկող ջրանցքներն ու առուները, հեռավոր գետերից ու  
հորդ աղբյուրներից անց են կացնում նոր առուներ և դրանով իսկ  
ընդլայնում ոռոգման ցանցը:

Գյուղատնտեսական տեխնիկայի զարգացումը հողային հա-  
րաբերությունների մեջ կատարվող փոփոխությունների հիմք է  
ստեղծում, քանի որ հին հարաբերությունները հաճախ խանգա-  
րում են նոր տեխնիկայի կիրառմանը: Այսպես օրինակ, դաշտա-  
վարության մեջ ծանր գութանի կիրառմանը, որը խոշոր նշանա-  
կություն է ունենում գյուղատնտեսության առաջադիմության

տեսակետից, զարկ է տալիս խոշոր անհատական կալվածքային տնտեսութեանը, քանի որ մանր երկրագործական տնտեսություններն ի վիճակի չէին նման դեր կատարելու: Պատահական չէ, որ Հայաստանի գյուղատնտեսութեան մեջ ծանր գուլթանը սկսում է առաջին անգամ կիրառվել 9–11-րդ դդ.:

Այս բոլորի հետևանքով գյուղատնտեսութեան մեջ բարձրանում էր աշխատանքի արտադրողականությունը, որը հնարավորություն էր ստեղծում մեծացնելու ստացվող մթերքների քանակը, ինչը վերջին հաշվով հանգեցնում էր հավելյալ արդյունքի ավելացմանը:

Դժվար չէ հասկանալ, որ գյուղատնտեսական տեխնիկայի զարգացումը կապակցված էր հողային հարաբերություններում կատարվող փոփոխությունների հետ:

Հայաստանում Ֆեոդալական հողատիրութեան տիրապետող ձևը եղել են «հայրենիք» կոչվող խոշոր կալվածքային հողերը, որովհետև հողային ամենահիմնական ֆոնդերը կուտակված էին զրանցում: Հայրենիք-կալվածքներին պատկանող հողերը քանակական տեսակետից ավելի շատ էին, քան մանր ու միջին կալվածատերերի տիրապետած հողերի քանակությունը, չնայած հնարավոր չէ հողատիրութեան այդ երկու ձևերն իրարից իսպառ անջատել:

Հայտնի է, որ իր տնտեսական վարդացմամբ Հայաստանը 9-րդ դ. թևակոխում է զարգացած ֆեոդալիզմի շրջանը: Դա մի կողմից բնորոշվում էր արհեստագործության, դրամաապրանքային տնտեսութեան, առևտրի, քաղաքների ու քաղաքային կյանքի աճի և աշխուժացման միջոցով, իսկ մյուս կողմից, որ ավելի քան կարևոր է, նշանավորվում է խոշոր հայրենիք-կալվածքների առաջացմամբ ու դրանց հետագա զարգացմամբ: Տնտեսութեան մեջ կատարվող երկկողմյան այս զարգացումը մեկը մյուսից անջատված, մեկուսացված չէր կատարվում: Դրանք շատ թևերով կապված, փոխադրեցութեան պայմաններում էին գտնվում:

Ֆեոդալական խոշոր կալվածքն այս շրջանում դառնում է երկրի տնտեսական և քաղաքական կյանքի հիմնական, վճռական ուժը: Այն ոչ միայն տնտեսութեան կազմակերպման գլխավոր ձև

էր դարձել, այլև Ֆեոդալական ամբողջ տնտեսական սիստեմի կենտրոնն էր: Խոշոր հայրենատեր Ֆեոդալն իր կալվածքի ոչ միայն կազմակերպիչն ու ղեկավարն էր, այլև նրա անկախ, սուվերեն կարգադրիչը, իր տիրապետութեան սահմաններում ապրող բնակչութեան տերն ու տնօրենը, քանի որ Ֆեոդալական հասարակարգում կալվածատերն իրավունք է ունեցել, նաև իր հողի վրա ապրող բնակչութեան նկատմամբ: Ինչպես բազմիցս նշվեց, հողեր նվիրելու կամ գնելու ժամանակ փոխարինվող վայրի բնակչութունը հողի հետ միասին անցնում էր նոր տիրոջ իշխանութեան տակ և նրանք երբեք չէին առանձնացվում իրարից:

Առանձին Ֆեոդալների ուժն ու կարողութունը, իհարկև, տարբեր էին, սակայն նրանց բոլորի հղորդութեան հիմքում ընկած էր մասնավոր սեփականութեան իրավունքով հողին տիրելը: Իսկ հողի Ֆեոդալական սեփականութունը, Ֆեոդալական հարաբերութունների հիմքն էր:

Խոշոր Ֆեոդալներն ընդարձակ կալվածքային տնտեսութունների տեր լինելով, ունեին հսկայական հարստութուններ ու տնտեսական միջոցներ: Կալվածատերը հողային խոշոր սեփականութեան շնորհիվ քաղաքական ուժ է ձեռք բերում, և արդեն ոչ միայն կալվածքի տերը, վարչական ղեկավարն էր, այլև իշխանը՝ քաղաքական տերը:

Նատուրալ տնտեսութեան պայմաններում, որը ներքին առևտրի թույլ զարգացման հետևանքով դեռևս տիրապետող էր Հայաստանում, խոշոր Ֆեոդալական հողատիրութեան ամբ հանգեցնում էր Ֆեոդալական մասնատվածութեան, քանի որ Ֆեոդալական բաժանվածութունն ամենից առաջ սոցիալ-տնտեսական հասկացողութունն է: Այն տնտեսական առումով միմյանց իրար կարիք չզգացող մեկուսացած Ֆեոդալական տնտեսութունների արտահայտութունն է:

Խոշոր Ֆեոդալների տնտեսական ինքնուրույնութունն ու անկախութունը դարձավ նրանց քաղաքական ինքնուրույնութեան հիմք:

Տնտեսական և քաղաքական ինքնուրույնութեան հետևանքով կալվածքները դառնում են յուրահատուկ կալվածք պետութուն-

ներ: Իշխանն իր կալվածքում կազմակերպում է պետութայնը հատուկ պատժիչ միջոցներ (բանտ և այլն) և բավական զորեղ ռազմական ուժ: Անգամ մինչև ինքնուրույն թագավորությունների առաջացումն իշխաններն այնքան անկախ էին, որ իրենց տիրապետութայն սահմաններում կատարում էին ֆեոդալական պետութայնը հատուկ որոշակի ֆունկցիաներ:

Մենք ունենք փաստեր՝ հայ իշխանների կողմից նման ֆունկցիաներ կատարելու վերաբերյալ: 10-րդ դ. սկզբներին, երբ Սյունիքում դեռևս ինքնուրույն թագավորություն չէր առաջացրել, Սմբատ զահերեց իշանն ու նրա հաջորդներն իրենց ռազմական ուժով դաժանորեն ճնշեցին խոշոր հողատիր Տաթևի վանքի դեմ դուրս եկած երեք գյուղերի ապստամբությունը և նրանց վանքի հպատակութայնը ենթարկեցին: Իշխանները նման ձևով էին վարվում նաև այդ շրջանում Հայաստանի մյուս մասերում տեղի ունեցած գյուղացիական ապստամբությունների ու շարժումների հետ: Նրանց գինվորական ուժը ծառայում էր նաև արտաքին ֆունկցիան իրականացնելու, իրենց կալվածքները մեծացնելու խնդրին, սակայն դա կատարվում էր ոչ այնքան օտար պետությունների, որքան հարևան իշխանությունների հաշվին: Նմանապես հայտնի է, որ մինչև ծայրամասերի լիակատար անկախությունը ֆեոդալ-կալվածատերերը ներքին և արտաքին հարցերում ինքնուրույն էին, անգամ թագավորի դեմ կռվում էին որպես իրենց հավասար ֆեոդալի: Նրանք կարողանում էին այդպես վարվել, որովհետև վերջիվերջո հողային սեփականութայն իրենց իրավունքներով, հետևաբար նաև տնտեսական կարողությամբ, ըստ էության հավասար էին թագավորին: Ինքնուրույն թագավորությունների առաջացումն այդ հավասարութայն իրավաքաղաքական արտահայտությունն էր:

Ֆեոդալիզմի ընդհանուր պատմությունից հայտնի է, որ անգամ կենտրոնական պետութայն առկայութայն դեպքում խոշոր ֆեոդալները բավական լայն իրավունքներից էին օգտվում: Սակայն այդպիսի երկրներում կենտրոնական պետութայն կողմից ֆեոդալների անկախությունն այս կամ այն չափով սանձահարվում, սահմանափակվում էր:

Դրուեթյունն այլ էր Հայաստանում: Մեզ մտա յուրահատուկ պայմանների շնորհիվ իրականում միասնական կենտրոնացված պետութիւն չստեղծվեց, և հաղթանակ տարան խոշոր հողատերերի անջատողական ձգտումները: Դրա պատճառները պետք է երկրի ընդհանուր քաղաքական վիճակի և, մանավանդ, հողատիրութեան հետագա զարգացման առանձնահատկութիւնների մեջ տեսնել:

Սովորաբար այլ երկրներում խոշոր հողատիրութիւնը ձեւավորվում ու զարգանում էր գյուղական համայնքների, մասամբ նաև մանր ֆեոդալների հողերի հաշվին՝ կենտրոնական պետութեան գոյութեան պայմաններում, որը երբեք չէր մոռանում նրանց սանձաժ պահելու խնդիրը:

Հայաստանում խոշոր հողատիրութիւնը ձեւավորվեց արաբական տիրապետութեան անկման ժամանակ ֆեոդալների ժառանգական հողատիրական իրավունքները վերահաստատվելու իսկ հետագայում այն ընդարձակելու միջոցով՝ միասնական կենտրոնական պետութեան բացակայութեան պայմաններում: Փաստորեն արաբական տիրապետութիւնը, վերացվել էր, իսկ տեղական միասնական պետութիւն դեռ գոյութիւն չուներ: Բազրատունիները զարգացող ֆեոդալական աներից մեկը լինելով, խոշոր հողատիրութեան ձեւավորման հենց սկզբնական շրջանից փորձեցին ամբողջ Հայաստանը համախմբել մեկ միասնական պետութեան մեջ: Նրանք իրենց ձգտումների մեջ մանավանդ սկզբնական շրջանում, որոշ հաջողութիւն ունեցան սակայն հանդիպեցին ձեւավորվող ու աստիճանաբար հզորացող խոշոր հողատերերի ուժեղ դիմադրութեանը և երկարատե պայքարից հետո անհաջողութեան մատնվեցին:

Բազրատունիները չկարողացան ստեղծել միասնական պետութիւն՝ իր կենտրոնացված ապարատով, ֆինանսական, դատական ու վարչական օրգաններով: Ուստի ամեն ինչ վճռվում էր ֆեոդալների իրական ուժով: Միասնական պետութիւն չստեղծվելու պատճառով առանց այն էլ ինքնուրույն խոշոր հողատերերն ալվելի քան անկախ դարձան, ինչի հետևանքով, Բազրատունիներ-

րի տիրապետութեան վերջին շրջանում երկրի մասնատումն ավելի ուժեղացաւ:

Ձնայած 9—11-րդ դդ. Հայաստանի տնտեսական և քաղաքական կյանքում խոշոր հողատիրութեան կատարած այս մեծ դերին, այն մեր պատմագիտութեան մեջ տարօրինակ կերպով ուշադրութեան չի արժանացել: Հ. Մանանդյանը Հայաստանի պատմութեան այս շրջանի վերաբերյալ գրած աշխատութեանն հետո ուսումնասիրել է առևտրի, արհեստագործութեան, քաղաքների ու քաղաքային կյանքի հարցերը, ընդդէմ ֆեոդալիզմի զարգացման շնորհիվ տնտեսական կյանքի այդ բնագավառներում կատարված փոփոխութեանները: Սակայն նա անուշադրութեան է մատնել հողային հարաբերութեանների և հողատիրութեան ձևերի մեջ կատարված խոշոր տեղաշարժերը: Դեռ ավելին, ֆեոդալական հասարակարգը բաժանել է երեք տարրեր էտապների՝ սալով հետևյալ բացատրութեանը. «Ֆեոդալական հասարակարգի վերահիշյալ հաջորդականութեանը և բաժանումը երեք շրջանների պայմանավորված են տնտեսապես քաղաքների ու առևտրական-փոդային հարաբերութեանների զարգացմամբ»<sup>241</sup>:

Պարզ է, որ նա ֆեոդալիզմի զարգացման հիմքում դրել է քաղաքների զրամապարանքային հարաբերութեանների աճն ու աշխուժացումը, նշանակութեան չտալով այդ խնդրում խիստ կարևոր դեր խաղացող հողատիրութեան ու հողային հարաբերութեանների մեջ կատարվող փոփոխութեաններին:

Ինչպես Սամուելյանն իր վերոհիշյալ աշխատութեան առաջին հատորում թեև բավական ընդարձակ տեղ է հատկացրել ադրարային հարաբերութեանների ուսումնասիրութեանը, սակայն, ինչպես մասամբ արդեն տեսանք, այդ հարցերի մի մասին սխալ լուծում է տվել իսկ 9—11-րդ դդ. ֆեոդալական խոշոր կալվածքների ու կալվածքային տնտեսութեան զարգացման հետ կապված կարևոր խնդիրներն ամբողջովին դուրս են մնացել նրա հետաքրքրութեան շրջանակներից:

<sup>241</sup> Հ. Մանանդյան, Ֆեոդալիզմի հիմնական հարցեր, Երևան, 1934, էջ 304:

Բազրատունյաց էպոխայի Հայաստանի խոշոր հոգատիրութ-  
յան հարցերը ճիշտ լուսարանություն են ստացել Ս. Հակոբյանի  
«Հայ գյուղացիության պատմությունը (4-13-րդ դարեր) գոկ-  
տորական և Հ. Ութմազյանի «Սյունիքը 9-10-րդ դարերում»  
թեկնածուական, դեռևս անտիպ, դիսերտացիոն աշխատություննե-  
րում: Երկու հեղինակներն էլ իրենց թեմայի պահանջների ու  
սկզբնաղբյուրների ընձեռած հնարավորության սահմաններում  
բավականին տեղ են հատկացրել և ճիշտ մեկնաբանություն  
տվել, առաջինն ամբողջ 9-13-րդ դդ., իսկ երկրորդը՝ 9-10-րդ  
դդ. հոդային հարաբերություններին:

## ԳԼՈՒԽ ԵՐՐՈՐԴ

### ՄԱՆՐ ՈՒ ՄԻՋԻՆ ՖԵՌՊԱԼԱԿԱՆ ՀՈՂԱՏԻՐՈՒԹՅՈՒՆ

#### 1. Մանր ու միջին ֆեռոպալակա՛ն դասը

Մեր պատմագիտության մեջ ֆեռոպալակա՛ն մանր կալվածատիրության հարցն առաջին անգամ բաղձակողմանիորեն ուսումնասիրել և գիտական հողի վրա է դրել Հ. Մանանդյանը<sup>242</sup>: Մեջբերելով հայագիտական աշխատություններում այս հարցի առթիվ իրենից առաջ հայտնված կարծիքները և մանրագնին ուսումնասիրելով 5-րդ դ. պատմիչների համապատասխան տվյալները, նա հանդել է հետևյալ հիմնական եզրակացությունների:

ա) Մանր կալվածատիրության շերտը հին Հայաստանում կազմել են «աղաստ»-ները և «ոստանիկ»-ները, որոնք իրենց սոցիալական վիճակով նախարարներից ցածր, իսկ ռամիկներից բարձր դասվող հասարակական միջին դասն են հանդիսացել: բ) Ազատները գինվորական հիմնական շերտն են կազմել հին Հայաստանում և եղել նախարարական հեծելագործի կորիզը: գ) Նոշոր ֆեռոպալներից ազատների ստացած հողամասը կոչվել է խոստակ, իսկ իրենք՝ պայմանական ձևով հող ստացող ազատները՝ խոստակդարներ:

զ

Հ. Մանանդյանի այս եզրակացությունները վերաբերվում են Հայաստանի պատմության մինչև 7-րդ դ. ընկած ժամանակաշրջանին: Բանի որ, մոտ երկու դար տե՛ած արարական տիրապետությունը, սուր անկախանալուց հետո երկրի տնտեսությունում կատարված փոփոխությունները բավական տեղաշարժեր էին կատարել Հայաստանի իշխող դասերի կազմի մեջ, ճիշտ չէր լինի վերահիշյալ եզրակացություններն անվերապահորեն Բագրատունյաց ժամանակաշրջանի Հայաստանի վրա տարածելը: Հ. Մանանդյանի

<sup>242</sup> Տե՛ս նույն տեղում, 20-124:

Հետևևթյունները հիմք ընդունելով հանդերձ, սխալներից խուսափելու նպատակով, անհրաժեշտ է հարցը դիտել դրա մեջ կատարված փոփոխությունների տեսանկյունից՝ այն անմիջականորեն կապակցելով տվյալ էպոխայի կոնկրետ սոցիալ-տնտեսական խնդիրների հետ:

Աղբյուրների տվյալներից պարզ երևում է, որ Հայաստանում 9—11-րդ, ինչպես նաև հետագա 12—13-րդ դդ. մանր ազնվականությունների դասը վաղ ֆեոդալական էպոխայի նման ազատներն են հանդիսացել: Հ. Մանանդյանը ցույց է տվել, որ մինչև 7-րդ դ. ազատների հետ մանր ազնվականությունից դասի մեջ մտել են նաև ոստանիկները՝ թագավորական բուն երկրի՝ «ոստանի», ազատները: Սակայն, Բագրատունյաց շրջանի վերաբերյալ աղբյուրներում և դրանից հետո եկող ժամանակաշրջանում ոստանիկներին օրպես մանր ֆեոդալական դասի մեջ մտնող առանձին շերտի չենք հանդիպում: Պատմիչների կողմից այս տերմինի հատուկ կենս օգտագործումը կատարվում է բացառապես հին շրջանի մատենագիրների ազդեցության հետևանքով:

Աղբյուրներից միաժամանակ որոշակի երևում է ազատների հասարակական միջին շերտ կազմելու, այսինքն՝ խոշոր ֆեոդալներից ցածր, իսկ անմիջական արտադրող շինականներից բարձր դասվելու հանգամանքը: Նրանք իշխաններից միշտ ցածր էին դասվում և հաճախ «ազատք նոցա» էին անվանվում, որն ընդգրծում է վերջիններիս իշխաններին հպատակ, նրանցից ենթակա վիճակում գտնվելը: Սակայն նրանք ևս չահագործող դասեր էին և մտնում էին իշխող դասակարգի կազմի մեջ: Այդ պատճառով էլ նրանք օգտվում էին չահագործող դասակարգին հատուկ արտոնություններից և որպես այդպիսին միշտ առանձնացվում և բարձր էին դասվում շինականներից:

Ազատների հիմնական զբաղմունքը ռազմական գործն է եղել: Պատահական չէ, որ ֆեոդալական այս շերտը մեր մատենագրության մեջ հիշատակվում է գերազանցապես զինվորական խնդիրների կապակցությամբ: Այսպես, օրինակ, Ստեփանոս Օրբելյանը պատմում է, որ Յուսուֆի արշավանքների կապակցությամբ «...գահերէց իշխանն Սիւնեաց Ամբատ ժողովեալ զեղբարս,

զողզոյինս իւր և զազատագուենդ զօրս ամենայն իւրոյ իշխանութեանն՝ ել ընդ յառաջ Իսմայելականացն»<sup>243</sup>:

Արարական Բշըր զորամարը ցանկանալով Աշոտ Բ-ին կենդանի բռնել, մեծ զորքով հարձակվում է Սեանա կղզու ամրոցի վրա, իսկ Հայոց թագաւորը «վաղվադակի պատրաստէ նաւս մետասան, և ամբառնայ ի նաւս անդր իբրև արս հօթանասուն պատս և զծառայս իւր լայնալիճ ազեղամբք՝ արս քաջակորովս և հմուտս ի ձգտումն նետաձգութեանց, որ գրեթէ ի մազոյ ոչ վրիպէին»<sup>244</sup>: Կամ Պետրոս Ա Գետազարձ կաթողիկոսը գնում է Վասպուրական «զի թագաւորն և ամենայն նախարարք և ազատագուենդք զօրքն Հայոց ոչ լինէին ունկնդիր աստուածային պատուիրանսցն»<sup>245</sup>: Կարելի է բերել նման բազմաթիւ այլ օրինակներ:

Այն հանգամանքը, որ մանր ազնվականությունը հիմնականում ռազմական գործով է զբաղվել, միանգամայն շնական ու հասկանալի է, հատուկ գրեթէ բոլոր երկրների ֆեոդալիզմի շրջանին:

Աղատները վաղ ֆեոդալիզմի ժամանակաշրջանի նման հանդիսացել են իշխանների մշտական գործող հեծելազորի հիմնական մասը, իսկ պատերազմի ժամանակ նրանց հաւաքական բանակի միջուկը: Նրանք արշավանքների ժամանակ միշտ գնում էին իշխաններից անմիջապես հետո և նրանց հետ անձամբ կռիւների նմանակցելով հանգերձ, նրանց անմիջական սլաշտպաններն ու օգնականներն էին: Այսպես, օրինակ, Վասակ Պահլավունին, երբ Դելմիկների դեմ արշավանքի էր դուրս գալիս, նրանից անմիջապես հետո շարժվում են ազատները՝ «եւ կազմեցան ազատքն զկնի Վասակայ»<sup>246</sup> և նոր ապա հեծելազորը:

Դժբախտաբար որևէ իշխանին ենթարկվող ազատների թիվը որոշելու համար կոնկրետ տվյալներ չունենք: Միայն Ստեփանոս Օրբելյանն է պահպանել վրաց իշխան Լիպարիտի ազատների թիվը մասին մի կոնկրետ վկայութուն, ըստ որի Լիպարիտ իշխանը

<sup>243</sup> Ստեփանոս Օրբելյան, էջ 185:

<sup>244</sup> Հովհաննես Դրասխանապետացի, էջ 356:

<sup>245</sup> Մատթեոս Ուռեայեցի, էջ 75:

<sup>246</sup> Նույն տեղում, էջ 12:

1058 թ. մինչև 1060 թ. ընկած շրջանում սելջուկների դեմ պատերազմի ելնելուց առաջ զորահանդես է կազմակերպում և այդ ժամանակ «անցին ի հանդիսին 700 ազատք մեծամեծք, որք էին սեպհական ծառայք նորին. և 16000 արք պատերազմողք»<sup>247</sup>։ Այս փաստից երևում է, որ Լիպարիտ իշխանն ուներ 700 ազատ։ Ասկայն նկատի ունենալով, որ նա շատ մեծ կարողության տեր Ֆեոդալ էր, և մյուս խոշոր ֆեոդալները նրա հզորությունը չունեին, հաշվի առնելով նաև այն, որ Օրբելյանը նրան բարձրացնելու հակում ունենալով, հավանաբար, թվերը մեծացրած է ներկայացրել, կարելի է եզրակացնել, որ հայ իշխաններն անհամեմատ ավելի պակաս թվով ազատներ են ունեցել։

Մատթեոս Ուռհայեցին պատմում է, որ 963 թ. կրթ Վասակ Պահլավունին իր որդի Գրիգորի և ազատների հետ հանգստնում էր Բջնի ամրոցում, լուր ստանալով Դելմիկների արշավանքի և Նիգ գավառն ավերելու մասին յոթ ազատներով ու հինգ հարյուր զինվորով շտապ դուրս է գալիս նրանց դեմ՝ չսպասելով իր զորքի հավաքմանը, քանի որ, պատմիչի խոսքերով ասած՝ «կային ընդ ձեռամբ նորա արք իբրև հինգ հազար»<sup>248</sup>։ Վասակ Պահլավունին եթե իր մոտ պատրաստի վիճակում ուներ հինգ հարյուր զինվոր և յոթ ազատ, ապա, հասկանալի է, որ իր զորքի ընդհանուր թվի հինգ հազարի համեմատ էլ ազատներ պետք է ունենար։ Այնպես որ նրա ազատների թիվը մի քանի տասնյակից այն կողմ չէր անցնի։

Ազատների հետ կապված, բնականաբար, հարց է առաջանում ընդհանրապես իշխանական զորքի կազմի վերաբերյալ։ Արդյո՞ք այն միայն ազատներով էր համալրվում, թե՞ նաև զինվորական այլ տարրով, ինչպես երևում է Վասակ Պահլավունու զորքի մեջ ազատների և զինվորների առկայությունից, կամ Լիպարիտ իշխանի զորքի կազմից, որի մեջ 700 ազատից բացի մտնում էին նաև 16000 պատերազմող այլ կարգի մարդիկ։

Պատերազմների ժամանակ այս կամ այն առթիվ գյուղական բնակչության հաճախակի հիշատակութուններից երևում է, որ

<sup>247</sup> Մատթեոս Օրբելյան, էջ 374։

<sup>248</sup> Մատթեոս Ուռհայեցի, էջ 12։

Հատկապես արտաքին թշնամու դեմ մղվող կռիվների ժամանակ ֆեոդալները ղինում էին գյուղացիներին, որոնք համալրում էին ղինվորների կազմը և նրանց հետ դառնում հիմնական կռվող ուժը: Հիշենք Ա.Բոնդի հայտնած տեղեկությունները Ց-րդ դ. կեսերին արաբական տիրապետության դեմ բռնկված ապստամբության ժամանակ հասարակ ժողովրդի մասնակցությունն ու եռանդուն պայքարի մասին: 850—855 թթ. ժողովրդական ապստամբության և Բուղայի գլխավորությամբ արաբական սլատմիչ զորաբանակի Հայաստան գալու առթիվ Թովմա Արծրունին հայտնում է, որ ղիմադրություն կազմակերպելու նպատակով հայ իշխաններն «ընդ ինքնանան դումարեալ զգորս և զբնակիչս աշխարհաց իւրեանց ամենայն պատրաստութեամբ»<sup>249</sup>:

Հովհաննես Դրասխանակերտցին վկայում է, որ Սմբատ Ա թագավորը 10-րդ դ. սկզբներին իր որդիներ Աշոտի և Մուշեղի գլխավորությամբ «գումարէ զօր բազում»<sup>250</sup> և ուղարկում Հայաստան ներխուժած Ատրպատականի Էմիր Յուսուֆի դեմ՝ «ոչ գիտելով զնկնուլթիւն զօրաց իւրեանց բնակչաց Ուտի գաւառի, որք են Աւորդիք»<sup>251</sup>:

Աշոտ Արծրունու պատերազմները գաղանի համաձայնության են գալիս Բուղայի հետ պատճառարանելով, որ ղիմադրության համար չունեն ամրություններ «...և ոչ պահպանաց ոմանց ուսկայ, որ պահիցան զամուրքս»<sup>252</sup>:

Ֆեոդալական ներքին կռիվների ու արտաքին հանկարծակի փոքր արշավանքների դեպքում իշխանները սովորաբար դուրս էին բերում իրենց ունեցած մշտական պատրաստի զորքը, իսկ աշխատավոր բնակչությունը չէին ղինում, մանավանդ որ ղրա համար բավականին ժամանակ էր պահանջվում և, բաց այդ, նման զորաբանակն արագաշարժ ու մարտունակ չէր լինում:

Ֆեոդալական մշտական գործող զորքը բաղկացած էր լինում ոչ միայն ազատներից, այլև ղինվորներից: Ինչպես արդեն տե-

<sup>249</sup> Թովմա Արծրունի, էջ 283:

<sup>250</sup> Հովհաննես Դրաստանակերտցի, էջ 218:

<sup>251</sup> Նույն տեղում:

<sup>252</sup> Թովմա Արծրունի, էջ 228:

սանք, Վասակ Պահլավունու և Լիպարիտ իշխանի գործակա՛ն ուժե-  
րը բաղկացած էին ազատներից և զինվորներից: Բերենք այլ փաս-  
տեր ևս: Աշոտ Արծրունու վասույ իշխանները Բուղային ուղղած,  
մեզ արդեն ծանոթ, գաղտնի նամակում արարական գորավարին  
զգուշացնում են, որ Արծրունյաց մեծ իշխանի եղբայր Գուրգենը  
և Արծրունյաց տան մյուս իշխանները բազմաթիվ ազատների հետ  
գնացել են Ատրպատականի կողմերը «և անդր գումարեալ են  
ամենայն զօրք և ռամիկք աշխարհիս»<sup>253</sup>: Այս դեպքում, ինչպես  
տեսնում ենք, պատմիչն ազատներից զատ առանձին հիշում է  
զինվորներին և սպասվող խոշոր ընդհարման պատճառով հավա-  
քագրված ռամիկներին: Կամ նույն գորավարի արշավանքի պատ-  
ճառով Հայաստանի մյուս իշխանները «ելին կալան դամրական  
տեղիս, ի բերդս և ի քաղաքս և ի լերինս, ընդ ինքեանս գումա-  
րեալ զզօրս և զբնակիչս աշխարհաց իւրեանց ամենայն պատրաս-  
տութեամբ»<sup>254</sup>: Հարց է առաջանում՝ թե արդյո՞ք ազատները  
ունեին իրենց հպատակ զինվորներ կամ թեկուզ պրոֆեսիոնալ  
զինվորներ չհամարվող մարդիկ, և անհրաժեշտության դեպքում  
միայնակ էին ներկայանում իշխանին, թե իրենց հետ բերում էին  
նաև որոշ թվով կովոզներ:

Մեզ հասած փաստերից երևում է, որ ազատները, որպես իշ-  
խող զինվորական դաս, իրենց տրամադրության տակ ունեին որոշ  
քանակությամբ զինվորներ, որոնք մտնում էին իշխանների  
մշտական գործող զորական ուժի մեջ: Այս մասին Թովմա Արծրու-  
նին պահպանել է մի ուշագրավ վկայություն: Խոսելով արաբա-  
կան զորահրամանատար Յուսուֆին 851 թ. Սասունում սպանելու  
մասին, նա գրում է. «քանզի դեռ միաբանք և միախորհուրդք և  
հաւասարք առ միմեանս բնակէին իշխանք Հայոց ապստաբունդ  
բազմութեամբ և զօրաց նոցա»<sup>255</sup>:

Պատմիչն ազատագունդ բազմություն ասելով օկներևաբար  
նկատի է ունեցել մանր ազնվականներին և ոչ թե ընդհանրապես  
իշխող դասերին, մանավանդ որ ազատներից առաջ առանձին հիշա-

<sup>253</sup> Նույն տեղում, էջ 224:

<sup>254</sup> Նույն տեղում, էջ 283:

<sup>255</sup> Նույն տեղում, էջ 205:

տակում է իշխաններին: Պարզ է, որ այս վկայության մեջ հիշատակված զորքը պատկանում է հենց այդ ազատներին: Վերջիններիս զինվորական որոշ ուժ ունենալը տեսականորեն ևս հիմնավոր ու համոզիչ է, քանի որ հակատրամաբանական կլիներ կարծել, որ իշխանն ազատներին բավական արտոնություններ ու հող կարամադրի միայն նրանց անձնական զինվորական ծառայության համար: Եթե այդպես լիներ, ապա ֆեոդալները կգերադասեին դործ ունենալ միայն շարքային զինվորների հետ:

Զինվորները, որպես կանոն, անմիջական արտադրությանը չէին մասնակցում: Նրանք զինվորական պարտականության դիմաց ռոճիկ էին ստանում իշխանի կամ թագավորի կողմից, իսկ ավելի հաճախ սնվում այն վայրի բնակչուց իրենց հաշվին, որտեղ գտնվում էին:

Իրենց իրավասոցիալական դրությամբ զինվորներն անմիջական արտադրողներից տարբերվում, սոցիալական առանձին խումբ էին կազմում՝ դտնվելով ազատներին ենթակա, իսկ շինականներից բարձր կանգնած, միջանկյալ վիճակում: Մխիթար Գոշն իր Դատաստանագրքում նրանց հենց այդպիսին էլ գիտում է: Նա թագավորների և իշխանների փոխհարաբերության մասին խոսելուց հետո անդրադառնում է ազատների, զինվորների և շինականների հարցին և այդ առթիվ գրում. «Իսկ ազատք զզինուորս ոչ իշխեն խրատել, այլ հանել յինքեանց. այլ խրատել իշխանաց լիցի: Նմանապէս զինուորք զշինականս ոչ կարեն աքսորել և ոչ խրատել, այլ աքսորել՝ ազատք և խրատել իշխանք»<sup>256</sup>:

Այսպիսով, զինվորները չնայած շինականներից բարձր են դասվել, նրանց վրա ոչ մի վարչական կնամ իրավական իշխանություն չեն ունեցել:

Զինվորներն առաջանում էին գլխավորապես շինականների և քաղաքների արվարձանային բնակչության միջավայրից, ինչպես

<sup>256</sup> Մխիթար Գոշ, Դատաստանագիրք, էջ 422:

նաև հոգևոր կոչում չընդունող հոգևորականների սերունդներից ու ապադասակարգայնացած ազատներից<sup>257</sup>:

Ինչպես տեսանք, երկրի հիմնական ռազմական ուժ հանդիսացող մանր ազնվականությունը դասը, թե՛ վաղ ֆեոդալիզմի շրջանում, և թե՛ հետագա դարերում, ազատ տերմինով էր կոչվում: Այս տերմինը, սակայն, ամբողջովին չէր համընկնում ֆեոդալական այդ դասին և ավելի լայն իմաստ ուներ: Մասնավորապես 9–11-րդ դդ. ազատ տերմինը հիմնականում մանր ազնվականությունը վերաբերվելով հանդերձ, ուներ իմաստային մի քանի տարբերակներ:

Մարզպանություն շրջանի նման 9–11-րդ դդ., մանր ֆեոդալներից բացի, ազատ էին կոչվում նաև ընդհանրապես իշխող, շահագործումից ազատ դասերը: Դրասխանակերտցիին խոսելով Ատրուպատականի էմիր Յուսուֆի արշավանքների հետևանքով 10-րդ դ. սկզբներին Հայաստանում առաջացած սովի ու ծանր դրություն մասին, ավելացնում է. «Եւ ազատ մարդիկք այնպէս ուրայութեամբն ձաղեալք և հասեալք ի խոր աղքատութիւնս, մինչև ի դրունս տնանկաց շրջել և հաց մուրանալ»<sup>258</sup>: Պարզ է, որ հեղինակն ազատ ասելով նկատի է ունեցել իշխող դասերին ընդհանրապես: Ազատ տերմինը նույն իմաստով է գործածվել նաև հետեւյալ կապակցությունների մեջ: Ատրուպատականի էմիր Յուսուֆը պաշարում է Երնջակը, ուր գտնվում էին «մայր մեծ իշխանին Սիւնեաց Սմբատայ և կին նորուն՝ քոյր Գագկայ, և կին Սահակայ եղբօր Սմբատայ, և այլ ևս պատուականք յազատաց արք և կանայք»<sup>259</sup>: Ըստ Մատթեոս Ուռհայեցու «Իսկ որք առաքեցան առ վարդապետն Հայոց (Հովհաննես Կողբունի մոտ Վ. Բ.) Գրիգոր Մագիստրոսն որդին Վասակայ և Հայկազնին մեծն Սարգիս և այլք ոմանք յազատաց տանն Հայոց»<sup>260</sup>: Երբեմն հանդիպող «ի

<sup>257</sup> См у В. М. Арутюнян, Социально-экономическое положение крестьян Армении XII в. по судебнику Мхитара Гоша, Вопросы Истории, 1952, № 8, էջ 52:

<sup>258</sup> Հովհաննես Դրասխանակերտցի, էջ 256:

<sup>259</sup> Նույն աւելում, էջ 237:

<sup>260</sup> Մատթեոս Ուռհայեցի, էջ 67:

տոհմի՝ աղատաց» դարձվածքը նույնպես տրվում էր ընդհանրապես շահագործող դասակարգի ներկայացուցիչներին:

Կատմիչներն իշխող դասերից բացի ազատ տերմինով են կոչում նաև առանձին իշխանների՝ թեև ավելի սահմանափակ քանակով: Ստեփանոս Օրբելյանը հայտնում է, որ Հարժիք ու Բերդկաներեջ գյուղերը և Յուրա գետը հափշտակել էին եկեղեցուց և գտնվում էին «առ աղատացն Սենեքերիմայ մեծ իշխանին Մահեւանայ և միւս աղատին Գէորգեայ»<sup>261</sup>: Նույն էջում նա Հասան իշխանին, իշխանաց իշխան Վասակի աղատն է համարում: Նշանակում է, որ ազատ տերմինն օգտագործվում էր նաև այս կամ այն չափով կախման վիճակում գտնվող իշխանների նկատմամբ: Տվյալ դեպքում վերահիշյալ երկու իշխանները Սենեքերիմ թագավորի աղատն են համարվում, որովհետև ենթարկվում են նրան և եթե այդ ենթարկվածությունը չլիներ, հավանաբար նրանք ազատ չէին անվանվի:

Ըստ երևույթի ազատ համարվող մանր ֆեոդալական դասի միշտ վասալական կախման մեջ լինելն այնքան էր տարածվել, որ ենթակա վիճակում գտնվող խոշոր ֆեոդալներն անգամ, երբեմն ազատ էին համարվում: Այսինքն՝ ազատ հորջորջումը դարձել էր վասալական կախման անբաժանելի հայտանիշը: Պատահում էր նաև, որ իշխանների որդիները նրա կենդանության ժամանակ, այլ խոսքով ասած՝ մինչ հոր իշխանության ժառանգելն ու իշխան կամ տեր տիրոջ հասնելն ազատ էին անվանվում: Այնպես որ ազատ տերմինն օգտագործելիս պետք է նկատի ունենալ նաև նրա մյուս իմաստային կողմերը:

Միջնադարյան բոլոր պետութայուններում գինվորական ուժի և նրա հրամանատարական կազմի վարձատրման հարցը կարևոր պրոբլեմ է եղել: Որոշ տեղեր նրանց զբամով են վարձատրել, իսկ ավելի հաճախ ծառայության ղիմաց հող են հատկացրել կամ պետութայան հաշվին բնամթերքով սնել:

Փաստերը ցույց են տալիս, որ Հայաստանում մանր ազնվականության գինվորական շերտը խոշոր ֆեոդալների կողմից ծա-

<sup>261</sup> Ստեփանոս Օրբելյան, էջ 328:

ուայության ղիմաց հողաբաժիններ է ստացել: Ինչպես արդեն նշվել է, այս կարևոր հարցի վրա առաջին անգամ լուրջ ուշադրություն է դարձրել և հետաքրքիր բացատրություն տվել Հ. Մանանդյանը: Խոսելով ազատների սոցիալական դրուժյան մասին և այդ առթիվ հիշատակելով իր նախկին ուսումնասիրությունները, նա գրել է. «Իմ ուշադրությունը գրավել էր Ստեփանոս Օրբելյանի պատմության մեջ «խոստակդար» բառը, որի նշանակությունը, իմ կարծիքով, վերջնական կերպով դեռ լուսաբանված չէ: Այն նշանակությունը, որ ես վերագրելու եմ «խոստակդար» բառին, այնքան կարևոր է հայկական ֆեոդալիզմի պարզաբանման համար, որ ես անհրաժեշտ եմ համարում մանրամասն առաջ բերել մատենագրական, ինձ հայտնի, բոլոր հատվածները, որոնց մեջ հիշատակված են «խոստակդար» և «խոստակ» բառերը»<sup>262</sup>:

Ապա նա բերել է Մովսես Կաղանկատվացու պատմության մեջ պահպանված 7-րդ դ. վերաբերվող Աղվանից Վաչագան արքայի 6-րդ կանոնը, որի համաձայն վանքի նկատմամբ մոլորության մեջ ընկնող հանցավոր վանականին պետք է անարգել, պաշտոնից հեռացնել ու «զխոստակն յեկեղեցին կալցեն»<sup>263</sup>, և Ստեփանոս Օրբելյանի երկի մեջ 9–10-րդ դդ. չորս տարբեր տեղերում «խոստակդար»-ի մասին եղած հիշատակությունները: Այդ վկայություններին առաջինում Փրիլպպե իշխանը 839 թ. Բերդկաներեչ գյուղի կեսը տալիս է «Սառնաքարին փոխան», իսկ մյուս մասը եկեղեցուն և ապա ավելացնում է՝ «և չիչխէ ոք հեռացնել՝ ոչ եղբայր և ոչ որդի և ոչ յիմ խոստակդարաց»<sup>264</sup>: Երկրորդ վկայության մեջ նույն իշխանը 844 թ. Տաթև գյուղը նույնանուն վանքին նվիրելով արձանագրության մեջ շեշտում է. «և մի ոք իշխեսցէ յետ իմ անցման, իմ որդիք կամ եղբարք կամ այլ խոստակդարք հեռացուցանել զայդ գիւղդ յայդ եկեղեցույդ»<sup>265</sup>: Մյուս վկայության համաձայն, որը թվագրվում է 867-ով Հրահատ իշխանի կին Բուպղիզուխսը որդի չունենալով Ման գյուղը նվիրում է

<sup>262</sup> Հ. Մանանդյան, Ֆեոդալիզմը հին Հայաստանում, էջ 104:

<sup>263</sup> Մովսես Կաղանկատվացի, էջ 99:

<sup>264</sup> Ստեփանոս Օրբելյան, էջ 206:

<sup>265</sup> Նույն տեղում, էջ 207:

Տաթևի վանքին ու նույն կերպ իր եղբորորդիներին և այլ խոստակագրների արգելում այդ գյուղի նկատմամբ հավակնություններ ունենալ<sup>266</sup>: Խոստակագր բառի չորրորդ հիշատակությանը հանդիպում է Տաթևի վանքի սահմանների 905 թ. «պիր վճիռ»-ի մեջ, որտեղ հարևան գյուղերից պահանջելով, որ չհակառակեն վանքի որոշյալ սահմաններին, նշումվում է նա «ոք քնդ հակառակս կլանէ ի մերոց կամ յօտարաց, յաւաղաց կամ ի ձեռնաւորաց և ի խոստակագրաց կամ ի տանուաէրաց...»<sup>267</sup>:

Այս վկայությունների հիման վրա Հ. Մանանդյանը մերժել է Նոր Հայկազյան բառարանում «խոստակ»-ին տված զավակ, մանուկ, թուուռնք բացատրությունը, Հ. Հյուբշմանի՝ «ժառանգ» և Մ. Բրոսսի՝ «պաշտոնյա» մեկնությունները: Նա իրավացիորեն ցույց է տալիս, որ «խոստակ»-ը, եթե ժառանգ ձևով հասկանանք, ապա Օրբելյանի երկրորդ վկայությունում, որտեղ խոստակագրների հետ միաժամանակ հիշվում են իշխանի որդիները և կղբորդիները, կատարվի ավելորդ կրկնություն, իսկ երրորդ վկայությունն ամբողջովին անհասկանալի կմնա, քանի որ Քուպղիդուխտը ժառանգ չունի, սակայն արձանագրության մեջ խոստակագրներին արգելվում է վանքին նվիրաբերած գյուղը հետ վերցնել:

Վավերագրերի տակ, սովորաբար, իբրև վկաների հիշվում են արձանագրության մեջ շեշտված այն անձինք, որոնցից պահանջվում էր չառարկել կամ չընդդիմանալ նվիրատուի կամքին: Օրինակ, Քուպղիդուխտի փաստաթղթի վերջում ասված է, որ նվիրաբերությունը կատարվել է «վկայութեամբ իմ եղբորորդեացս՝ անառն Վասակայ և տեառն Աշոտի և տեառն Գրիգորոյ և տեառն Սահակայ և իւրեանց ազատաց և ամենայն Ծնհէրեցնաց»<sup>268</sup>: Վերջում նվիրաբերությանը չառարկելու համար հիշված «եղբորորդիք և այլ խոստակագրք»-ի փոխարեն ներքևում, ինչպես տեսնում ենք, ասված է՝ «վկայութեամբ իմ եղբորորդեացս և իւրեանց ազատաց»: Այսինքն՝ «այլ խոստակագրք» են անվանված Քուպղիդուխտի եղբորորդիների «ազատները»: Ազատների և խոստակ-

<sup>266</sup> Տես նույն աղբյուր, էջ 219:

<sup>267</sup> Տես նույն աղբյուր, էջ 233:

<sup>268</sup> Նույն աղբյուր, էջ 220:

դարձնելի այդ զուգադիպմանը պատահում ենք նաև հիշատակված մյուս վավերագրերում: Հետևաբար, եզրակացրել է Հ. Մանանդ-յանը, «խոստակ»-ը պետք է որպես հողաբաժին հասկանալ, սնան-վանդ որ Վաչագան արքայի 6-րդ կանոնի «լխոստակն եկեղեցին կալցեն» դարձվածքը և գրեթե նույն ձևով Հայոց եկեղեցական կանոններում հանդիպող փաստերը հնարավոր է միայն հողաբաժնի կամ անշարժ գույքի իմաստով մեկնաբանել: Այստեղից էլ պարզ է, որ «խոստակ» նշանակել է հողաբաժին կամ կալվածք, իսկ «խոստակ-դարն» իր պարսկական *dâr* վերջավորությամբ հա-վանաբար նշանակել է խոստակ-առու: Այսպիսով, խոստակդարնե-րը խոշոր ֆեոդալներից այլպիսի հողաբաժիններ՝ խոստակներ ստացող ազատներն են եղել<sup>269</sup>: Խոստակը որպես հողատիրության սուանձին ձև պայմանական բնույթ է ունեցել, որովհետև ազատ-ներին տրվել է ցկյանս օգտագործման: Նրանք զրկված էին այդ հողաբաժինները վաճառելու կամ փոխանակելու իրավունքից:

Խոստակ տերմինին Հ. Մանանդյանի տված նոր լուսաբա-նությամբ այն հիմնականում զինվորական պարտականություն-ներ կատարող ազատների, մանր ֆեոդալական դասի հետ կապելը և դրա հիման վրա 9–10-րդ դդ. Հայաստանում պայմանական հո-ղատիրության հաստատումը, ինչպես տեսնում ենք, ճիշտ է և շատ արժեքավոր:

Այդուհանդերձ, անհրաժեշտ է այդ տերմինի գործածության տեսակետից նրա մեջ որոշ լրացում կատարել: Ըստ երևույթին խոստակ և խոստակդար տերմինները Հայաստանի բոլոր մասե-րում լայն տարածում չեն գտել: Պատահական չպետք է համարել այն հանգամանքը, որ Ստեփանոս Օրբելյանից և Մովսես Կաղան-կատվացուց բացի, որոնց երկերը վերաբերվում են Պարսկաստա-նին սահմանամերձ Սյունիքին և Հայոց Աղվանքին, ազատների մասին բավական առատ սովյալներ հաղորդող Հայաստանի մյուս մասերի մեր պատմիչների մոտ ոչ մի վկայություն չկա «խոս-տակ»-ի կամ «խոստակդար»-ի մասին: Հավանաբար պարսկական ազդեցության հետևանքով այդ տերմինը տարածվել է Հայոց Աղ-

<sup>269</sup> Տե՛ս Հ. Մանանդյան, Ֆեոդալիզմը հին Հայաստանում, էջ 105–107:

վանքում և Սյունիքում, իսկ Հայաստանի մյուս մասերում մանր ազնվականութեան տիրապետած հողամասերը ոչ թե խոստակ, այլ ուրիշ տերմինով են կոչվել: Ճիշտ է նկատել Խ. Սամուելյանն, այս առթիվ, գրելով հետևյալը. «ըստ երևույթին «խոստակ» տերմինը մուսաք էր գործել պարթևական գերիշխանութեան ժամանակ Այվանից երկիրը և այստեղից արձագանք տվիլ հարևան Սյունիքում, չտարածվելով այլևս Հայաստանի մյուս մասերում»<sup>270</sup>: Ազատների հողամասերը, որոնք նրանք ստանում էին իշխաններից, Հայաստանի մյուս մասերում հավանաբար «պարգև» տերմինով են կոչվել:

Երբ Վասպուրահյանի մեծ իշխան Աշոտ Արծրունին մահանալով թողնում է երեք մանկահասակ գավախներ, Հայոց թագավոր Աշոտ Ա Բագրատունու որդի Շապուհը զալիս է Վասպուրահյան և նրա որդիների վրա խնամակալ նշանակում Գագիկ Ապուսմրվանին, նրան տալով ոստիկանի ֆունկցիաներ: Սակայն վերջինս օգտվելով դրանից, աստիճանաբար իր ձեռքն է գցում երկրամասի կարևոր վայրերը, և որից հետո, պատմիչի խոսքերով ասած՝ «ամբողջնակ ազատորենրոյն պարգևս և պատիւս օր ըստ օրէ բաշխէր, և ինքն յանգուցանել ախորժելով վարէր ընդ նոսա»<sup>271</sup>: Վասպուրահյանի իշխանները զժգոհելով սկսում են ելք որոնել ստեղծված դրությունից դուրս գալու համար: Անշուշտ բերված հղման մեջ «պարգև»-ը պայմանական կամ ափելի ճիշտ պայմանական-ժառանգական ձևով ազատներին տրվող հողաբաժնի իմաստ ունի: Մեկ այլ տեղ այս տերմինն օգտագործված է գրեթե նույն իմաստով, սակայն այստեղ հողերը նվիրվում են ոչ թե ազատներին այլ՝ եկեղեցուն և ոչ թե պայմանական-ժառանգական այլ գույք ժառանգական սեփականութեան իրավունքով. «Ես Տեր Յակոբ... վկայ եմ հոգեցատուր պարգևացս տեսոն Սմբատայ՝ որդւոյ Աշոտի Սյունեաց տեսուն, որ երես զիւր սեպհական գիւղն զԿտկոյս ի սուրբ եկեղեցիս»<sup>272</sup>: Տվյալ դեպքում, կարևորն այն է, որ նվիրվող հողամասը պարգև է անվանվում, հավանաբար, ազատներին

<sup>270</sup> Խ. Սամուելյան, նշվ. աշխ., հ. 1, էջ 191:

<sup>271</sup> Խոնվա Արծրունի, էջ 374:

<sup>272</sup> Ստեփանոս Օրբելյան, էջ 268:

տրվող «պարզե» հողամասի ազդեցութեան հետեանքով: Ի դեպ, բառարաններում էլ «պարզե»-ին նույն, պայմանական հողատիրութեան իմաստ է վերագրվում:

Անհրաժեշտ է նկատի ունենալ, որ պարզե, առավել ևս աղբյուրներում լայն գործածութունն ունեցող «պարզե և պատիւ» ձևը հաճախ օգտագործվում էր նաև ազատներին տրվող հողաբաժնի հետ ոչ մի կապ չունեցող այլ իմաստով: Օրինակ Աֆշինն իր մոտ է կանչում վերոհիշյալ Շապուհին «և նախախնամեալ մեծարէ զնա, իբրև հարազատի շնորհելով բարեվայելուչ պարզե և պատիւս»<sup>273</sup>: Կամ նրա նեքինսպետը, «բաղում պարզես և պատիւս ընկալեալ ի նմանէ (Սմբատ թագավորից — Վ. Բ.) զնայր ի Փայտակարան քաղաք»<sup>274</sup>: Հեր քաղաքի տեր Ապուսարայի սրդուն «այլ ոմանք Հայաստանեայք ինչս և պարզես իոստանային»<sup>275</sup>: Նման դեպքերում պարզեը կամ պարզեն ու պատիվը դուրծ էին ամփում մեծարման և զուտ նվերների իմաստով, որը կարող էր լինել դրամ, գանազան զարդեր, հագուստեղեն, անասուններ և այլն:

«Պատիվ»-ն առանձին գործածվելիս մեծ մասամբ պաշտոնի իմաստ է ունեցել: Այսպես օրինակ, Գագիկ Ապուսարայի սպանութունից հետո Սմբատ Ա թագավորը «զԳագիկ ձգեալ ի պատիվ զօրավարութեան Հայոց մեծաց, ... եւ Գուրգինի նորին եղբօրն զպատիւ մարզպանութեան զահակալութեան հաւատացեալ, ըստ կարգի բարձրաբերձութեան թագաւորացն Հայոց»<sup>276</sup>:

Մասամբ նույն իմաստն է դրվում «պարզե և պատիւ»-ի մեջ, երբ այս տերմիններն օգտագործվում են Սալիֆայութեան կամ Բյուզանդիայի կողմից Աշոտ Բագրատունուն Հայոց թագավոր ճանաչելու կապակցութեամբ: Սալիֆն այդ առթիվ ուղարկում է «զգեստ թագաւորականս, և պարզես և պատիւս, և երկարս օգապարիկս զինուք և զարդարուք»<sup>277</sup>, իսկ բյուզանդական կայսրը

<sup>273</sup> Հովհաննես Դրասխանակերտցի, էջ 181:

<sup>274</sup> Նույն տեղում, էջ 187: Տե՛ս նաև էջ 160, 209, 249, 291, 306:

<sup>275</sup> ԹովմաԱրծրունի, էջ 423: Տե՛ս նաև էջ 447, 480 և այլուր:

<sup>276</sup> Նույն տեղում, էջ 384:

<sup>277</sup> Հովհաննես Դրասխանակերտցի, էջ 139:

«նմա ընձևուէր պարզևս և պատիւս գեղեցիկ զինուց և զարդուց և ոսկէհուռ հանդերձ զգեստուց»<sup>278</sup>: Նրանք Աշոտ Բագրատունուն հանձնում են թագավորի պաշտոնը (պատիւ) և դրա հետ միաժամանակ թագավորավայել նվերներ:

«Պարզև» կոչվող հողամասերը արվում էին զինվորական ծառայութեան դիմաց պայմանական ձևով: Քանի որ ազատների ռազմական, ինչպես նաև վարչական պարտականությունները ժառանգարար էին անցնում, նրանց տրամադրած հողամասերն էլ պայմանական-ժառանգական բնույթ էին կրում: Դրա հետևանքով պայմանական և ժառանգական հողատիրութեան ձևերի միջև եղած տարբերությունն աստիճանաբար անհայտանում էր: Մասնավորապես 9–11-րդ դդ. պայմանական հողերն արդեն ժառանգական բնույթ էին ստացել և գրեթե հավասարվել հայրենիք կոչվող ժառանգական հողերին: Պատահական չէ, որ այս շրջանում պարզև կամ պարզևականք հողատիրութեանը հետզհետե վեր է անվում ժառանգարար անցնող հողատիրութեան ու հաճախ նույնացվում է «հայրենիք»-ի հետ՝ աստիճանաբար կորցնելով պայմանական հողատիրութեան իր նախկին իմաստը:

Փաստական տվյալներ չունենալու պատճառով ազատների տիրապետած հողամասերի կամ նրանց տնտեսութեան բնույթի մասին զժվար է հանգամանորեն խոսել: Այնուամենայնիվ, կողմնակի վկայություններից երևում է, որ նրանք խոշոր ֆեոդալների նման կալվածքային տնտեսություններ են ունեցել, չնայած ավելի փոքր մասշտաբներով:

Ստեփանոս Օրբելյանը վկայում է, որ Տաթևի վանքը սելջուկների կողմից ավերվելուց հետո «ժողովեալ ժամանեցին և ամենայն ազատք և դավառակալք Սիսական աշխարհիս, և տէր Սրճբասն և տէր Գրիգոր. և բազում մխիթարանօք սիրփնցին զեպիսկոպոսն և յորդսրեցին ի վերստին շինութիւն տանն ինքեանք օժանդակելով ամենայն պիտոյիւք»<sup>279</sup>: Այստեղ ազատներ ասելով հեղինակն ակներևաբար նկատի է ունեցել մանր ազնվականութեան դասին, ուստի իշխաններին տնվանապես է նշել: Ազատ տեր-

<sup>278</sup> Նույն տեղում, էջ 158:

<sup>279</sup> Ստեփանոս Օրբելյան, էջ 314:

մինի ընդհանուր իմաստի դեպքում նա այդպես չէր վարվի: Հասկանալի է, որ ազատներն իշխանների հետ վանքի շինությանը կարող էին օգնել նրան աշխատուժ և տնտեսական միջոցներ տալու, հետևաբար և այդպիսիք իրենց տրամադրության տակ ունենալու դեպքում:

Ազատների հողային տիրույթների մեծության ու կառուցվածքի մասին խոսելը դժվար է, քանի որ համապատասխան փաստեր չունենք: Հաճախ խոշոր կալվածքները բաղկացած էին լինում մի շարք մանր միջին կալվածքներից, իսկ նրանց իրարից առանձնացնելը հնարավոր չէ: Սակայն պարզ է, որ նրանց կալվածքները համեստ չափեր են ունեցել, իսկ իրենք էլ չեն հանդիսացել հողի լրիվ սեփականատերեր, այլ՝ նրա պայմանական-ժառանգական տերերն են եղել: Այս երկու պատճառով է հիմնականում բացատրվում այն հանգամանքը, որ մեր աղբյուրներում չենք հանդիպում ազատների կողմից հողեր նվիրելու, գնելու կամ փոխանակելու և ոչ մի փաստի:

Եթե եկեղեցու ընդհանուր կառուցվածքն ու առանձնահատկութունները որոշ չափով զանց առնենք և ազատներին հոգևորականության հետ համեմատության մեջ դնենք, ապա կտեսնենք, որ հոգևոր միջին շերտերն իրենց սոցիալ-տնտեսական դրությամբ մոտավորապես հավասար էին ազատներին:

Հ. Մանանդյանը Վաչագան արքայի 5-րդ կանոնի «ըխոստակն եկեղեցին կալցեն» դարձվածքը համեմատելով Շահապիվանի ժողովի երկրորդ կանոնի այն մասի հետ, ըստ որի հանցավոր կրոնավորը «յեկեղեցույ բաժնէն հեռացեալ լիցի» և ներսես կաթողիկոսի ու Ներչապուհ Մամիկոնէից եպիսկոպոսի կանոններում պահպանված տգետ եկեղեցականների «զՀայրենի հող եւ ջուր կալցեն» դարձվածքների հետ, ցույց է տալիս, որ հոգևորականներին դեռևս 5-6-րդ դդ. ազատների նման օգտագործման համար հողեր են հատկացվել: Ծառայության դիմաց նրանց ստացած հողամասը կամ անշարժ գույքը պայմանական բնույթ ունեն, որովհետև ինչպես հիշատակված փաստերից է երևում, եկեղեցու հանդեպ պարտականությունները չկատարելու կամ հանցավորության դեպքում նրանք հեռացվում էին պաշտոնից և զրկվում այդ

Հարստություններից: Սակայն եկեղեցու պաշտոնեությունից չհեռացվելու դեպքում նրանք իրավունք են ունեցել այդ հողաբաժիններն իբրև ժառանգություն թողնել իրենց որդիներին կամ մերձավորներին, եթե նրանց էր անցնում նաև իր հոգևոր պաշտոնը: Այսինքն, պայմանական հողատիրությունն այս դեպքում ևս ինչ որ չափով ժառանգական բնույթ է ստանում:

Միաժամանակ Հ. Մանանդյանը Հենվելով Վաչագան արքայի Հինգերորդ կանոնում հոգևորականների հատկացված հողաբաժինները խոստակ կոչվելու փաստի վրա, հավանական է համարվում, որ Հայաստանում ևս այդպիսի հողամասերը նույն անունով լինեն կոչված<sup>280</sup>:

Հօգուտ Հ. Մանանդյանի տեսակետի ասենք, որ Հովհան Մանգակունու՝ «Կոչումն ապաշխարութեան» աշխատության ձեռագրերից մեկում, ուր խոսվում է հոգևորականների հանցանքների համար տարբեր պատիժներ սահմանելու մասին, կարդում ենք հետևյալը. «...Կամ խոստկան փոխեալ, կամ վաճառեալ կամ ընդմարմինքս վանեալ, կամ տեսեալ զոք և գործեալ է է ամ»<sup>281</sup>: Այստեղ, ինչպես տեսնում ենք, խոստակ է կոչվել հոգևորականի հողաբաժինը և խոստակ ստացող հոգևորականն իրավունք չի ունեցել այն փոխանակելու կամ վաճառելու, հակառակ դեպքում նա կպատժեր: Սրանից ևս մի ավելորդ անգամ երևում է հոգևոր միջին շերտերի հողային իրավունքների պայմանականությունը:

9–11-րդ դդ. վերաբերյալ չունենք ոչ մի փաստ, որտեղ հոգևորականների ստացած հողաբաժինները խոստակ կոչված լինելին: Դրանով, սակայն, հարցի էությունը չի փոփոխվում: Աղբյուրների ընդհանուր վկայություններից պարզ երևում է, որ հոգևորական միջին շերտերն այս շրջանում ևս ժառանգաբար օգտվում էին վանքապատկան հողերից, որոնց դերագույն սեփականության իրավունքը նույնպես հիկեղեցու էր պատկանում: Եթե այս կամ այն պատճառով նրանք հեռացվում էին իրենց գրաված հոգևոր

<sup>280</sup> Հ. Մանանդյան, Ֆեոդալիզմը հին Հայաստանում, էջ 107–109:

<sup>281</sup> Մատենադարան, ծեռ. № 659, էջ 275 ք: Մենք ուսումնասիրեցինք նաև նույն աշխատության ուրշ ձեռագիր օրինակներ (№ № 6409, 7615, 8926, 795, 837, 778), սակայն դրանցում խոստակ տերմինը բացակայում է:

պաշտոնից, ապա զրկվում էին նաև վանքի հողերից օգտվելու իրավունքից:

Մտաւորապես ազատների դրուժյան մեջ գտնվող հոգևորականութան այդ միջին շերտերի մեջ կարելի է դնել քահանաների ու վարդապետների դասին:

Պատահական է, որ քահանաներն ու վարդապետները մյուս շահագործող խավերի հետ հանդես էին գալիս զանազան պաշտոնական հարցերում: Դա նշանակում է, նրանք որպես տիրող դասակարգի մի առանձին խավ բավական արտոնություններ ու իրավունքներ ունեին և որպես այդպիսիք տարբերվում էին հոգևորականութան ստորին մասից: Այսպես օրինակ, վանքերին հողեր նվիրելու վավերագրերում, որպես հաստատող վկաներ ազատներին հետ մեկտեղ հանդես էր գալիս նաև հոգևորականութան այս շերտը: Մի քանի անգամ արդեն հիշատակված Սյունիքի Փլլիպպև իշխանի 944 թ. նվիրատվությունը հաստատում են երեք տարբեր հասարակական շերտերին պատկանող անձնավորություններ: Նախ, որպես ամենից ավելի բարձր կանգնած դասի, վկայում են իշխանները, ապա հիշատակվում են ազատները և վերջում՝ քահանաները, վարդապետները, վանականներն ու քորկախկոպոսները<sup>282</sup>: Նույն կերպ նրանք որպես հաստատող վկաներ հանդես են գալիս նաև Հրահատ իշխանի նվիրագրի տակ<sup>283</sup>:

Տաթևի վանքի տիրույթների սահմանները Հայաստանի մեծամեծերի հետ հաստատում են նաև ազատները, քահանաներն ու տանուտերերը: Պատմիչը Հայոց թագավորին, խոշոր իշխաններին, կաթողիկոսին ու եպիսկոպոսին նշելուց հետո ավելացնում է «...քահանայից և ազատաց և տանուտերաց արարաք զայս գիր պայմանի հաստատուն և անխախտ վճռի վասն շրջակայ սահմանի մեծի, սուրբ և առաքելական աթոռոյն Սիւնեաց մայրաքաղաքին Տաթևոյ...»<sup>284</sup>:

Ուշագրավ է, որ եպիսկոպոսներն աշխարհիկ ֆեոդալների նման ազատներ են ունեցել: Պարտավի ժողովի (768 թ.) ժէ կանո-

<sup>282</sup> Տե՛ս Ստեփանոս Օրբելյան, էջ 207–208:

<sup>283</sup> Տե՛ս նույն աեղում, էջ 210:

<sup>284</sup> Նույն աեղում, էջ 231:

նում աղքատների համար անկեղանոցներ շինելու անհրաժեշտութ-  
յան մասին խոսելիս ավելացվում է. «Յայսմհետէ հոգ լիցի կալիս-  
կոպոսաց և նոցին աղատաց և այլ գլխաւորաց հաստաաել զնուի-  
րեալ յարկսն շէնութեան, ժողովել զանկեալսն...»<sup>285</sup>:

Մխիթար Գոշի Դատաստանագրքի Աշխարհական օրենքի ՀԲ,  
ՀԳ և ՀԴ հոդվածներից, ինչպես մասամբ արդեն տեսանք, երևում  
է, որ տիրող սովորութային նորմերի համաձայն իշխանների ժա-  
ռանգությունը նրանց մահից հետո բաժանվում էր որդիների  
միջև, որի ժամանակ ավագ որդին ժառանգում է հոր կոչումը և  
հայրական նյութական ժառանգության մեծ մասը: Կրտսեր որդի-  
ներին համեմատաբար փոքր բաժին էր հասնում, մանավանդ եթե  
նրանց թիվը բավական մեծ էր: Գնալով ճյուղավորումը բազմա-  
նում էր և ժառանգների կալվածքները համապատասխանաբար  
փոքրանալու հետևանքով նրանց միջև պայքար էր սկսվում իրար  
ձեռքից հողեր խլելու համար: Հաղթողները պահպանում էին  
իրենց իշխանական կարողությունն ու գիրքը, իսկ անհաջողութ-  
յան մատնվողները, որպես կանոն, ընկնում էին մանր կամ միջին  
կալվածատերերի վիճակի մեջ, թեև ավանդույթի ուժով երբեմն  
պահպանում էին «իշխան» կոչումը: Նրանք քայքայվելու և կա-  
րողությունից ամբողջովին զրկվելու հետևանքով հաճախ ընդ-  
հանրապես դուրս էին ընկնում տիրող դասակարգի շարքերից: Բե-  
րենք բնորոշ օրինակներ՝ իշխանական սերունդները ժառանգական  
պայքարի կամ այլ պատճառների հետևանքով, աղատների դասի  
մեջ հայտնվելու վերաբերյալ: Փիլիպպե իշխանը, երբ 839 թ. Ար-  
ծիլ և Բերդկաներից դյուղերը վաճարում է Տաթևի վանքին՝ որ-  
պես հաստատող վիաներ հանդես են գալիս Սյունիքի նշանավոր  
իշխանները, աղատները և ցածրաստիճան հոգևորականները:  
Բնադրի այդ հատվածում կարդում ենք. «վկայութեամբ Ատրնե-  
սէհի՝ Միւնեսան տեառն, Վասակայ որդւոյ, և տեառն Հրահատայ՝  
տեառն Սահակայ որդւոյ, և տեառն Ատրնեսէհի՝ տեառն Վարդա-

<sup>285</sup> Կանոնգիրք Հայոց, էջ 170:

նայ որդւոյ, Արշակայ՝ Վահանա որդւոյ. Ռաբբէի՝ Սարգսի որդւոյ...»<sup>286</sup>:

Ինչպէս տեսնում ենք, սկզբի վկայողներն իշխանական ծագում ունեցող խոշոր ֆեոդալներ են և նրա անվան ու հայրանվան առաջ դրված է տեր տիրոջ, իսկ նրանցից հետո եկող Վահանի որդի Արշակը և Սարգսի որդի Ռուբենը, ինչպէս բերված հատվածից էլ երևում է՝ ազատներ են և միայն այս վկայութեան մեջ են հանդես գալիս: Չնայած այս հատվածում չի ասված, սակայն մի քանի էջ հետո, այլ կապակցութեամբ այդ երկու ազատի հայրերը՝ Վահանը և Սարգիսը, հիշվում են որպէս իշխաններ: Նշանակում է, որ Արշակն ու Ռուբենն իշխանի որդիներ են, սակայն արդեն ընկել են ազատների շարքը:

Հինգ տարի հետո նույն Ֆիլիպե իշխանը Տաթև դուղը նվիրում է նույնանուն վանքին: Այդ առթիվ կազմված արձանագրութեանը հաստատող տարբեր կարգի վկաների թվում հիշատակվում են նաև տասներեք ազատներ<sup>287</sup>: Անուն, հայրանունով հիշատակվող այդ ազատները մանր ազնվական ծագում ունեն, որովհետև նրանց հայրերն էլ առանց տիրոջ են հանդես գալիս և միայն հիշատակվում են այդ վկայութեան մեջ: Ազատներից միայն երկուսը՝ Ներսեսի որդի Հովհանը և Տիրոցի որդի Մուշեղն իշխանական ծագում ունեն, քանի որ նրանց հայրերն այլ առթիվ իշխան են անվանվում: Իշխան Տիրոցը հենց նույն վկայութեան մեջ էլ «տեր» է անվանվում: Պարզ է, որ այս երկու իշխանի որդիները ևս, իշխանական ծագում ունենալով հանդերձ, ընկել են մանր ազնվականութեան շարքը:

Խոշոր ֆեոդալական տների անդամներից մանր կալվածատերերի՝ ազատների շարքն ընկնելու հետ մեկտեղ կատարվում էր նաև հակառակ պրոցեսը՝ նպաստավոր պայմաններում գտնվող ազատները տնտեսապէս հզորանալով իշխանների կարգն էին անցնում: Հավանական է, որ ազատ կոչվող իշխանների մի մասն

<sup>286</sup> Տես Ստեփանոս Օրբելյան, էջ 205:

<sup>287</sup> Նույն տեղում, էջ 267-268:

այս ճանապարհով էր իշխան դարձել և շարունակում էր իշխան կոչման հետ միաժամանակ կրել նախնիին ազատ անվանումը:

Սակայն խոշոր ֆեոդալական տները հաշվին մանր ազնվականությունից շարքերի համալրումն ավելի կանոնավոր և համեմատաբար լայնորեն էր կատարվում, քան հակառակը: Որոշ դեպքերում աղբյուրները շատ համեստ կարողություն ունեցող ֆեոդալների նրանց իշխանական ծագումից ելնելով իշխան են անվանում, ինչպես ասենք, ժառանգական պալքարի հսուկանքով մանր կալվածատիրությունից շարքն ընկած իշխանների որդիներին, որոնք, սակայն իրենց անտեսական կարողությունը և հասարակական-քաղաքական դիրքով հիմնականում հավասար էին ազատներին: Մանր ազնվականությունից դասը համալրվում էր նաև շատ հարըստացած, հետևաբար և բարձր դիրք ձեռք բերած տանուտերների կամ գեղջավազների, ձեռնավորների և այլ հասարակական շերտերի հաշվին:

## 2. Մանր հողատերերի սոցիալական և իրավական վիճակը

Ազատները հողային կարողություն տեսակետից ֆեոդալական միջին հասարակական շերտ հանդիսանալով, իրենց սոցիալական վիճակով ևս նույնպիսի դիրք էին գրավում: Նրանք որպես իշխող դասակարգի առանձին խավ, օգտվում էին նրա գրեթե բոլոր իրավունքներից ու արտոնություններից: \*

Ազատները, սովորաբար, անձամբ չէին մասնակցում անմիջական ֆիզիկական աշխատանքին և իրենց իշխանությունից տակ ունեին գյուղի մի մասը կամ ամբողջ գյուղը, իսկ, երբեմն, նույնիսկ գյուղերը, որոնց բնակչությունն էլ աշխատեցնում էին: Նրանց համար որոշ չափով աշխատող ուժ էին նաև կնիթակա ղինվորները, որոնք պատերազմի ժամանակ նրանց հետ մասնակցում էին կռիվներին, իսկ խաղաղ շրջանում զբաղվում երկրագործությամբ:

Ազատներն իշխաններից ավելի ցածր, նրանց նկատմամբ ստորադաս վիճակում են եղել: Զանազան առիթներով հասարա-

կական տարբեր շերտերի թվարկման ժամանակ, որը սովորաբար ըստ սոցիալական դիրքի էր կատարվում, ազատները միշտ իշխաններից հետո էին հիշատակվում: Տաթևի վանքի կառուցումն ավարտելու առթիվ Գագիկ Արծրունին գալիս է «իւրով եպիսկոպոսօք և իշխանօք և ազատօք»<sup>288</sup>: Բուղայի արչավանքից հետո մնացին միայն մի քանի իշխաններ «ի տանէն Արծրունեաց և ազատք նոցա»<sup>289</sup>, կամ «ժողովեցան ամենայն իշխանք և ազատքն»<sup>290</sup>: Այդուհանդերձ ազատները մտնում էին տիրող դասակարգի մեջ և որպես այդպիսին միշտ առանձնացվում ու բարձր էին դասվում անմիջական արտադրողներից շինականներից: Նրանք մասնակցում էին իշխանների գործարքներին, իսկ շինականները զրկված էին նման իրավունքներից: Այս առթիվ բավական է հիշել միայն Տաթևի վանքի տիրույթների սահմանների ու Փիլիպպե իշխանի նվիրատվութան առթիվ կազմված վերը հիշատակած 844 թ. արձանագրութունը: Այն որպես հաստատող վկաներ տարբեր խավերի պատկանող մարդիկ են հանդես գալիս: Սկզբում հիշատակվում և իրենց մատանիով նվիրատվութունը հաստատում են Սյունիքի իշխանները, ապա ազատները, իսկ վերջում ազատների դիրքում և նրանցից ավելի ցածր աստիճանում գտնվող հոգևորականները, որոնք սակայն, մատանիով չեն վավերացնում<sup>291</sup>: Նմանօրինակ դեպքերում, երբ խոսքն իշխող դասերին է վերաբերվում, նրանց թվում ազատներն էլ են հիշատակվում, իսկ ընդհանրապես հասարակական տարբեր շերտերի թվարկման ժամանակ շինականները միշտ ազատներից հետո են հիշատակվում:

Ազատների հասարակական միջին դիրք գրավելու և մանր ազնվականական դաս կազմելու հանգամանքը պարզորոշ արտացոլվել է նաև Մխիթար Գոշի Դատաստանագրքում: Աշխարհիկ օրենքի Ա հոդվածի առաջին մասում հեղինակը խոսելով այն մա-

<sup>288</sup> Նույն տեղում, էջ 226:

<sup>289</sup> Թովմա Արծրունի, էջ 311:

<sup>290</sup> Սասրեոս Ուտհայեցի, էջ 52:

<sup>291</sup> Ստեփանոս Օրբելյան, էջ 206-208: Նմանօրինակ փաստեր տես նաև 205, 220, 222, 231, էջերում:

սին, որ թագավորի կողմից իշխաններին բերդ կամ աման շինելու համար հող հատկացնելու գեպքում վերջիններս առանց նրա թույլատրութեան այն փոխանակելու իրավունք չունեն, վերջում ավելացնում է. «Սոյնպէս ընդ ձեռամբ իշխանաց ազատք լիցին և ընդ ազատաց ձեռամբ շինականք»: Ուրեմն ինչպես իշխանները կարող են որևէ տարածք ստանալ իրենցից բարձր կանգնած թագավորից. նույն կերպ էլ ազատները կարող են ստանալ իշխանից, իսկ շինականները՝ ազատներից:

Գոչը Դատաստանագրքի երկրորդ մասի ՄԺԴ հոդվածում տարբեր խավերի պատկանող մարդկանց պատժելու հետևյալ կարգն է սահմանում: Եթե իշխաններն են մեկին թագավոր կարգում և նա իրեն չի արդարացնում, ապա նրանք իրավունք ունեն թագավորին հանելու: Իսկ եթե իշխանն է կարգվում թագավորի կողմից, ապա վերջինս իրավունք ունի նրան և՛ հանելու, և՛ պատժելու: Իշխանաց-իշխանը կարող է իշխանին ու ազատին հեռացնել և պատժել: Ազատները զինվորներին և շինականներին կարող են միայն հանել, իսկ նրանց պատժել կարող է իշխանը<sup>292</sup>:

Այս հոդվածներից պարզ երևում է Ֆեոդալական հասարակարդին հատուկ, տարբեր հասարակական դիրք գրավող դասերի հաջորդական աստիճանավորումը՝ Ֆեոդալական հիերարխիան: Ինչպես տեսնում ենք, դրա վերջին աստիճանում կանգնած էին ազատները, որոնցով էլ վերջանում էին շահագործող դասերը: Այսպիսով, եթե խոշոր հողատիրութեան կապակցութեամբ տրված Ֆեոդալական դասային աստիճանավորմանն ավելացնենք նաև ազատներին, ապա Ֆեոդալական հիերարխիան Բագրատունյաց շրջանում կընդունի հետևյալ տեսքը: Թագավոր կամ թագավորներ, երկրորդ աստիճանում՝ իշխանաց-իշխան, մեծ, գահազուլուխ, գահերեց իշխաններ, հաջորդ աստիճանը կազմում էին շարքային իշխանները և չորրորդ աստիճանը՝ ազատները:

<sup>292</sup> Մխիթար Գոչ, Դատաստանագիրք, էջ 422: Դատաստանագրքի հրատարակիչ Վ. Բատառյանը գտնում է, որ հեղինակին այս հոդվածը հորինելու տեղիք է տվել մեր երկրի պատմության Բագրատունյաց քաղաքային հատկապես վերջին շրջանը, երբ ուժեղացել էին գահակալական կռիվներն ու իշխանական խռովությունները: Տե՛ս նույն տեղում ծան. 942:

Եկեղեցու մասին խոսելիս, արդեն նշվել է, որ մոտավորապես նույնպիսի աստիճանավորում գոյություն ունեւր նաև հոգևորականութեան միջև:

Ինչպես տեսանք, մանր ֆեոդալները, որպես իշխող դասակարգի առանձին խավ, իրենց սոցիալական իրավունքներով խոշոր ֆեոդալներից անմիջապես հետո են դրվել և որոշակիորեն բարձր են դասվել շահագործվող շերտերից: Մեր պատմագիրները որոշակիորեն նկատել են այդ տարբերությունը և պատահական չէ, որ նրանք ազատներին «պատվավոր» մարդկանց շարքում են դասում: Հովհաննես Դրասխանակերտցին պատմելով կաթողիկոս Մաշտոց Ա Եղիվարդեցի (898–899) մասին, որն իրեն զրկում էր ամեն տեսակ վայելքներից, ավելացնում է. «Ընդ որ հաճեալ հաւանեալ թագաւորն և դահամեծար իշխանքն և պատուական արքազատք...»<sup>293</sup>:

Այս բոլորով հանդերձ մանր ֆեոդալական դասը միևնույն ժամանակ վասալական կախման մեջ գտնվող հասարակական խավ էր, քանի որ հողին տիրում էր պայմանական եղանակով: Այդ դասը խոշոր ֆեոդալներից հողային կալվածքներ էր ստանում, որի դիմաց պարտավոր էր վասալական պարտավորութեւոյններ կատարել: Դրանք կարող էին արտահայտվել տուրքեր վճարելու և ծառայութեւոյններ կատարելու միջոցով:

Ազատների կողմից իշխաններին տուրքեր վճարելու վերաբերյալ փաստեր չունենք: Գուցե դրա պատճառն այն է, որ պատմիչների համար դա այնքան սովորական է թվացել, որ անհրաժեշտ չեն համարել հիշատակել, կամ թերևս որոշ դեպքերում այդ տուրքերը նվերների բնույթ են ընդունել: Համենայնդեպս պետք է կարծել, որ ազատները, որպես վասալներ, իրենց իշխաններին հավանաբար որոշ տուրքեր են վճարել: Անշուշտ, նրանց վասալական կախումն արտահայտվել է ոչ միայն տուրքեր վճարելով, այլ առավել ևս զինվորական պարտականութեւոյններ կատարելով, որոնք պայմանական եղանակով ստացված հողի հատուցումն են եղել:

<sup>293</sup> Հովհաննես Դրասխանակերտցի, էջ 182:

Զինվորական ուժն ամեն մի իշխանի համար առաջնակարգ նշանակություն ուներ, որովհետև յուրաքանչյուր Ֆեոդալի կալվածքի պահպանումն ու ընդարձակումը ռազմական ուժի միջոցով էր կատարվում, չխոսելով այլևս արտաքին հարձակումներից պաշտպանվելու համար զինվորական ուժ ունենալու անհրաժեշտությունը մասին: Ազատների դերն իշխանական ռազմական ուժի մեջ այնքան մեծ էր, որ այն նրանց անուշով հաճախ կոչվում էր «ազատագունդ զորք», «ազատանի» և նման այլ տերմիններով:

Այս հիմնական ծառայությունից բացի, ազատները վարչական-գործակալական ֆունկցիաներ էլ են կատարել: Վերհիշենք թեկուզ նախորդ գլխում բերված Դերենիկ և Գուրգեն Արծրունիների միջև Մուշեղ Անձապացու ժառանգության շուրջը սկսված սլայքարի փաստը: Դերենիկին հաջողվում է իր գործակալների միջոցով նվաճել Նորաբերդ ամրոցը, իսկ Մարդաստան գավառը գրավում և իր գործակալներն է թողնում Գուրգենը: Դերենիկը դուրս է հանում Գուրգենի գործակալներին, սակայն դրանից քիչ հետո վերջինիս հաջողվում է դուրս քշել նրա գործակալներին և Անձևացու ամբողջ ժառանգությունը վերցնել իրեն<sup>294</sup>: Անհավանական չէ, որ իշխանների կողմից նվաճված հողերում թողած այս գործակալները հենց ազատները լինեին: Եթե անգամ ազատները չեն կատարել այդ ֆունկցիաները նրանք իրավական առումով մոտավորապես հավասար են եղել իշխաններին ենթակա մանր ֆեոդալական կատեգորիայի մեջ մտնող մարդկանց:

Ինչպես տեսնում ենք, Հայաստանում ազատները ոչ թե պետություն, այլ առանձին ֆեոդալների կողմից էին վարձատրվում, որոնց էլ ծառայում էին: Այդ է պատճառը, որ մանր հողատերերն ընկնում էին իշխանների հովանավորության տակ և վարչական կախման մեջ գրվում նրանցից: Ուրիշ, մասնավորապես արևմտակրոնական երկրների ֆեոդալիզմի պատմությունից հայտնի է, որ կենտրոնական պետությունն ընդգեմ խոշոր ֆեոդալների անջատողական ձգտումների վարձատրում և ամեն կերպ պաշտպանում ու հովանավորում էր մանր ազնվականությունը, որպես

<sup>294</sup> Տես Թովմա Արծրունի, էջ 379:

պետութեան հենարանի: Սովորաբար, մանր ազնվականութիւնն էլ շահագրգռված էր իրեն վարձատրող ու հովանավորող կենտրոնական պետութեան հղորացման մեջ և նրա հենարանն էր դառնում խոշոր ֆեոդալների դեմ պայքարելու գործում:

Հայտնի է, որ Բագրատունիները թագավորական իշխանութեան հասնելու ժամանակաշրջանից սկսած պետութեան կենտրոնացումն ուժեղացնելու նպատակով մոտավորապես նույնպիսի քաղաքականութիւնն էին վարում: Նրանք հողեր էին հատկացնում ու հովանավորում որոշ թվով մանր ազնվականների, սակայն այդ ուղղութեամբ նրանց գործադրած ջանքերն ապարդյուն անցան, որովհետեւ մանր հողատիրութեան զարգացումն այլ բանի էր հանգեցնում: Նրանք ոչ միայն Բագրատունիների համար սոցիալական հենարան չհանդիսացան, այլև կարճ ժամանակում դարձան խոշոր հողատերեր և բոլորովին շահագրգռված չէին պետութեան կենտրոնացման մեջ, եթէ չասենք հակառակը: Այսպիսով, ուսումնասիրվող էպոխայում մեզ մոտ մանր ազնվականութիւնն ամբողջովին կապված էր խոշոր ֆեոդալների և ոչ թէ պետութեան հետ: Նա իշխանների կողմից էր հողով վարձատրվում և այդ պատճառով էլ ծառայում էր նրանց տնտեսական ու քաղաքական ձգտումների իրականացմանը:

Ազատներն անձամբ էլ սերտորեն կապված էին իշխանների հետ, և պատական չէ, որ աղբյուրներում հաճախ հիշատակվում են իրենց որդիների հետ միասին: Նրանք իրենց դիրքով հավասար էին համարվում իշխանի սոհմի անդամներին: Իզուր չէ, որ պատմական դեպքերում՝ որևէ փաստ հաստատելու կամ վկայութիւն տալու ժամանակ նրանք միասին էին հանդես գալիս: Փիլիպպե իշխանի նվիրատվութիւնը մեծամեծ իշխաններից ու հոգևորականներից հետո որպէս հաստատող վկաներ միասին հիշվում են նաև ազատներն ու իշխանների ժառանգները: Այդ բոլորի վերջում Փիլիպպեն ավելացնում է. «Եւ վասն արուեստի հաստատութեան զիմ սովորական մատանիս ի վերայ եդի և զիմ որդեաց և զայլ ազատաց»<sup>295</sup>: Փիլիպպեն նույն ձևով նրանց արգելում է իր

<sup>295</sup> Ստեփանոս Օրբելյան, էջ 208:

վանքին նվիրած գյուղը հետագայում հետ խլել. «և չիշխէ ոք հե-  
ռացնել ո՛չ եղբայր և ո՛չ որդի և ո՛չ յիմ խոստակդարաց»<sup>296</sup>: Ինչ-  
պես տեսնում ենք, այստեղ ևս ազատները (խոստակդարները) և  
իշխանի որդիները նույն դիրքի ու աստիճանի մեջ են դիտվում:

Իշխանների ժառանգները, ինչպես նաև ազատները, որպես  
կանոն, դեմ էին առաջինները իրենց հոր, իսկ երկրորդները՝ տիրոջ  
ժառանգությունից վանքերի օգտին կատարող նվիրաբերությունը:  
Այդ պատճառով էլ վալիբրագրերում միշտ շեշտվում է, որ նրանք  
հետագայում՝ նվիրող Ֆեոդալի մահից հետո իրավունք չունեն  
եկեղեցուն անցած գյուղերը կամ այգիները հետ վերցնելու<sup>297</sup>:  
Ֆեոդալի ժառանգները դեմ էին, որովհետև այդ ժառանգությունը  
հետագայում պետք է իրենց մեջ բաժանվեր, իսկ նրա փոքրանալու  
դեպքում քիչ բաժին կստանային: Նրանք շատ հաճախ հոր մահից  
և հայրական ժառանգությունը բաժանելուց հետո վանքից հետ  
էին խլում նրա նվիրած հարստությունները՝ մանավանդ եթե  
իրենց բաժնեմասը փոքր էր լինում: Ազատներն էլ իրենց հերթին,  
հատկապես վանքի համար ստեղծված աննպատակ, խառը դրության  
չրջանում, աշխատում էին նրանից հողամաս կամ այգի ձեռք  
բերել, օգտագործելով այն հանգամանքը, որ այն մի ժամանակ  
պատկանել է իրենց իշխանին: Անշուշտ, գործնական կյանքում  
կատարվող այդպիսի դեպքերի պատճառով էլ արձանագրությունե-  
րի վերջում հատուկ շեշտվում էր, որ սվյակ իշխանի ժառանգները  
կամ ազատները նվիրվող վայրի նկատմամբ զրկվում են ամեն մի  
իրավունքից:

Այսպիսով, ինչպես տեսանք, 9-14-րդ դդ. Ֆեոդալական մանր  
հողատիրական դասը, նախորդ էպոխայի նման սղատներն էին,  
որոնք իրենց հիմնական զբաղմունքի՝ զինվորական ծառայության  
զիմաց խոշոր Ֆեոդալներից պայմանական-ժառանգական ձևով  
հող էին ստանում և վասալական կախման մեջ գտնվում նրանցից:  
Ազատները, որպես իշխող հասարակական շերտ, օգտվում էին բա-  
վական լայն իրավունքներից ու արտոնություններից և միշտ  
բարձր դասվում անմիջական արտազրոդներից:

<sup>296</sup> Նույն տեղում, էջ 206:

<sup>297</sup> Տե՛ս նույն տեղում, էջ 206, 210, 233 և այլն:

## ԳԼՈՒԽ ՉՈՐՐՈՐԴ

### ՖԵՈՂԱԼԱԿԱՆ ՀՈՂԱՅԻՆ ՌԵՆՏԱՆ ԵՎ ԴԱՍԱԿԱՐԳԱՅԻՆ ՊԱՅՔԱՐԻ ՍՐՎԵԼԸ

#### 1. Շահագործվող դասակարգը. նրա իրավական և սոցիալական վիճակը

Ֆեոդալական հողատիրությունը և նրա տարրեր ձևերի ուսումնասիրությունը միակողմանի, մակերեսային բնույթ կընդունենր առանց անմիջական արտադրողների սոցիալ-տնտեսական դրության լուսաբանման: Ֆեոդալների հողային տիրութեները խարսխվում էին գյուղացիության ֆիզիկական աշխատանքի անմիջական շահագործման վրա: Այդ պատճառով էլ գյուղացու, արտադրության հիմնական միջոցի՝ հողի, սեփականատիրոջ հանդեպ ունեցած պարտավորությունների և նրանց իրավա-սոցիալական դրության հարցերի հնարավորին պարզաբանումը չափազանց կարևոր ու անհրաժեշտ խնդիր է:

Ֆեոդալական հասարակարգի հիմնական արտադրող դասակարգը՝ գյուղացիությունը, միատարր չի եղել և բազկացած է եղել խայտաբղետ շերտերից:

Գյուղացիության ամենաստվար դասն անմիջական արտադրողների այն խավն է եղել, որն աղբյուրներում հայտնի է «չինական» անունով: Խ. Սամուելյանը կարծում է, թե «չինական» տերմինն առաջացել է շինել բայից, որը նշանակում է կառուցել, մշակել, ռևտի, ըստ նրա, շինական նշանակել է ընդհանրապես կառուցող, մշակող<sup>298</sup>: Մեր կարծիքով, ճիշտ է Բ. Հարությունյանը<sup>299</sup>

<sup>298</sup> Տե՛ս Խ. Սամուելյան, նշվ. աշխ., էջ 955:

<sup>299</sup> Տե՛ս Բ. Арутюнян, Социально-экономическое положение крестьян в Армении XII в. по «Судебнику» Мхитара Гоша, էջ 51:

և ընդհանրապես մեր պատմագիտության մեջ ընդունված այն կարծիքը, որը «շինական» բառն առաջացած է համարում «շէն» – գյուղ արմատից: Այստեղից էլ շինական նշանակել է «շէն»-ի բնակիչ, այնպես, ինչպես գյուղի բնակիչը կոչվել է գեղջուկ: Քանի որ «շէն» և «գիւղ» տերմինները համազոր նշանակություն են ունեցել, շինականն էլ գործածվել է գյուղի բնակչի, գյուղացու առումով:

Շինականները համարվում էին ճնշվող խավ և զրկված էին իշխող դասերի իրավունքներից ու արտոնություններից: Նրանք, ինչպես նաև շահագործվող մյուս սոցիալական շերտերը, «անազատ» էին կոչվում, ի հակադիր իշխող խավերի, որոնք «ազատ» էին համարվում: Շինականների այս անազատությունը հարաբերական իմաստով պետք է հասկանալ: Դա նշանակում է, որ նրանք շահագործող դասակարգի նման ազատ չէին ֆիզիկական հարկադրական աշխատանքից ու հարկեր վճարելուց և չէին օգտրվում այդ դասերին հատուկ արտոնություններից ու իրավունքներից: Ասկայն դրանից չի հետևում, թե նրան զրկված էին ամեն մի իրավունքից և հավասարեցված էին ճորտերին<sup>300</sup>:

Շինականների սոցիալական և իրավական գրություն ուսումնասիրությունը բավական դժվար հարց է: Պատմիչների մոտ այդ առթիվ տեղեկություններն այնքան ազոտ ու կցկատուր են, որ հնարավոր չէ դրանց հիման վրա որևէ եզրակացություն գալ: Որոշ նյութ կա վիմական արձանագրություններում ու վավերագրերում:

Շինականների մասնավորապես իրավական գրությունն ավելի լավ արտացոլվել է Մխիթար Գոշի Դատաստանագրքում: Ճիշտ է, այդ Դատաստանագրքը մեղ հետաքրքրող ժամանակաշրջանից ավելի քան մեկ դար ուշ է հանդես եկել, սակայն կազմվել և իրավական նորմերի է վերածել գյուղություն ունեցող սովորութային

<sup>300</sup> Խ. Դամոնյանն իր վերոհիշյալ աշխատության մեջ (էջ 249-259), աշխատում է ցույց տալ, որ միջնադարյան Հայաստանում շինական է կոչվել ճորտային դրոստյան մեջ գտնվող գյուղացին, այսինքն նա հավասարության նշան է դնում ճորտի և շինականի միջև: Նրա այս սխալ տևական իրավացի քննադատել է Բ. Հարությունյանն իր վերջ հիշատակած հոդվածում, ուստի կրկնությունից խուսափելու նպատակով ավերորդ ենք համարում այստեղ քննության անել այն:

իրավունքի հիման վրա, որը ձևավորվում է դարերի ընթացքում: Հետևաբար, Գոչի Դատաստանագիրքի մեջ արտացոլվել են նաև Հայաստանի 9–11-րդ դդ. սովորույթային իրավունքն ու սոցիալական հարաբերությունները: Էլ չեմ խոսում այն մասին, որ ինչպես մասնագիտական ուսումնասիրություններն են ցույց սալիւ, Դատաստանագրքի որոշ հոդվածներ, (Թագավորի մասին եղած հոդվածները) կազմվել են զուտ Բագրատունյաց ժամանակաշրջանում գոյություն ունեցող իրավական նորմաների հիման վրա: Ինչ խոսք, որ Դատաստանագիրքը հիմք է հանդիսանալու ոչ միայն 12-րդ դ., այլև որոշ վերապահումներով հանդերձ նաև 9–11-րդ դդ. իրավասոցիալական հարաբերությունները լուսաբանելու համար:

Մենք արդեն տեսանք (երկրորդ գլխում), որ աշխարհիկ ու եկեղեցական խոշոր հողատիրություն աճը կատարվում էր գերազանցապես գյուղական համայնքի հաշվին: Իշխանները և վանքերն իրենց վարելահողերն ու այգիները մեծացնում էին գյուղական համայնական հողերի հաշվին: Նրանք Բազրատունյաց էպոխայում համայնքում աստիճանաբար գերիշխանություն ձեռք բերեցին և այն իրենց տնտեսական և քաղաքական իշխանությունը ենթարկեցին: Դրա հետևանքով գյուղական համայնական կարգը չքայքայվեց:

Մխիթար Գոչի Դատաստանագրքի երկրորդ մասի ձՁ «Յաղագս դատաստանաց գեղից նորագապէս շինողաց» հոդվածը հետևյալ կարգն է սահմանում: Նոր գյուղեր հիմնելու դեպքում նրա հողի ու ջրի բաժանումն օրինական չէ, եթե չի հավաքվում բավարար քանակով բնակչություն: Սակայն, երբ քանդված գյուղն է վերականգնվում և ամեն մեկը ճանաչում է իր հին սահմանը, յուրաքանչյուրը պարտավոր է զբաղեցնել իր հողաբաժինը, ըստ հին սահմանի: Իսկ եթե ավերվելուց հետո երկար ժամանակ է անցել, փոխվել է տիրապետությունը և սահմանները մոռացվել են, պետք է նոր բաժանում կատարել, բոլորին հավասար ընդունելով, սակայն նախ եկեղեցու բաժինն առանձնացնել և մնացածից մի բաժին ավելի տալ գեղջավազին, որովհետև նա ուրիշների համար հոգ է տանում: Այս հոդվածից երևում է, որ հողի համայնական բաժանումը դեռևս գոյություն ուներ և այդ սկզբունքը թեև

մասնակի դեպքերում, բայց և այնպես այնքան ամուր էր պաշտպանվում, որ եթե համայնքի անդամների մի զգալի մասը չէր հավաքվում, հողի կամ ջրի բաժանումն օրինական չէր համարվում: Ուշադրավ է, որ հողվածի վերջին մասում պահանջվում է հողերի նոր բաժանման ժամանակ համայնքի բոլոր անդամներին հավասար բաժին տալ: Հողվածի երկրորդ մասի այդ պահանջը համայնքի անդամների հողային իրավահավասարությունը պահպանելու նպատակ ուներ: Սակայն մեկ մոտ Դատաստանագրքի հանդես գալուց դեռ դարեր առաջ այդ սկզբունքը խախտվել էր և համայնքները շերտավորվել էին: Գոչի այդ հողվածը վերաբերվում էր միայն նոր դյուղեր հիմնելու կամ հները վերականգնելու մասնավոր դեպքերին: Նույն հողվածի վերջին մասի մի վկայությունից պարզ երևում է, որ համայնքը ոչ միայն շերտավորվել, այլև արդեն Ֆեոդալների գերիշխանություն տակ էր անցել. «Իսկ թէ բազմաժամանակեայ իցէ եւ անգլխտելի, եւ տէրութեան փոփոխումն եղեալ, նորոգ արասցեն բաժանումն հաւասարադատութեամբ, նախ եկեղեցւոյն եւ ալա ալոցն մասն աւելի տալով որ գլխաւորն իցէ գեղջն վասն հոգալոյ զայս»<sup>301</sup>: Այստեղ «եւ տէրութեան փոփոխումն եղեալ» դարձվածքը պետք է հասկանալ այն իմաստով, որ դյուղը մի կալվածատիրոջ իշխանությունից մյուսի տիրապետություն տակ է անցել:

Մխիթար Գոշը Դատաստանագրքի երկրորդ մասի Ժ հողվածով համայնքին իրավունք է վերապահում իր սահմաններում գտնվող անտառի հատաստուղը հավաքել, իսկ եթե հավաքուղը դյուղական համայնքի անդամ չէ՞ տվյալ համայնքի շինականներն իրավունք ունեն պահանջելու հավաքածի մեկ տասերորդ մասը: Ըստ այդ հողվածի նույն կերպ պետք է մոտենալ նաև որսի, շինափայտի, արտափայլի, խտոհարքի և վարելահողերի նկատմամբ: Այս հողվածից նմանապես երևում է, որ դյուղական համայնական կազմակերպությունը դեռևս ամուր էր: Այս դեպքում ևս ինչպես երևում է, համայնքն այս կամ այն չափով ենթարկված էր իշխանների տիրապետությունը, որովհետև ձյուլթի,

<sup>301</sup> Սյնիսար Գ-ոշ, Դատաստանագիրք, էջ 415:

խնկի, բժշկական խոտերի և նմանօրինակ այլ նյութերի վաճառքից ստացված եկամուտի մեկ տասերորդ մասը պետք է տրվեր նրանց:

Հայտնի է, որ Համայնքի կարևոր առանձնահատկություններից մեկն էլ իր անդամների իրավունքները պահպանելու, նրանց տնտեսական օժանդակություն ցույց տալու և քայքայումից փրկելու սկզբունքն էր: Մխիթար Գոշի Դատաստանագրքում կան հոգվածներ, որոնք նվիրված են իր աղքատացած «եղբորը» փրկելու համար բարեկամի պարտավորություններին: Դատաստանագրքի երկրորդ մասի ԺԲ հոգվածում ասվում է, որ եթե մեկն աղքատության պատճառով վաճառում է իր հողաբաժինը, ապա նրա մերձավորները պետք է չեղարկեն այդ վաճառքը և իրավունք ունեն հետ այն վերագարձնելու վաճառման ժամանակվանից մինչև յոթ տարի անցնելը: Եթե վաճառողը մերձավոր մարդ չունի, բայց հետագայում բավական միջոցներ է կուտակում, կարող է նույն արժեքով հողաբաժինը հետ գնել: Երկրորդ մասի ԾԳ հոգվածով նույն կերպ քաղաքում վաճառված տան համար հետ գնելու ժամանակ է սահմանվում մեկ տարի: Գյուղի տան համար ժամանակ չի սահմանվում, իսկ հաջորդ հոգվածով վաճառված ջրաղացի համար սահմանվում է մեկ տարի:

Ինչպես տեսնում ենք, քաղաքում վաճառվող զույքի համար ավելի կարճ ժամանակ է սահմանվում, քան գյուղում: Անշուշտ, դա կապված էր քաղաքներում առևտրի ու դրամական տնտեսության զարգացման հետ և կարճ ժամանակ սահմանելն ուներ առևտրին չխոչընդոտելու, այն ավելի դյուրին դարձնելու նպատակ:

Այս հոգվածներից միաժամանակ երևում է, որ Համայնքն արդեն շերտավորման էր ենթարկվել, որի հետևանքով նրա անդամների մի մասն աղքատանում և քայքայվում էր:

Դատաստանագրքի երկրորդ մասի ՃԷ հոգվածով Գոշը գյուղական հողը վաճառելու արգելքներ է սահմանել: Եթե հայրն է վաճառում, անհրաժեշտ է հողի ժառանգորդներին՝ որդիներին, դուստրերին և եղբայրների համաձայնությունը, իսկ եթե վերջիններս չեն համաձայնվում, երբ ցանկանան կարող են վաճառված

հողը հետ պահանջել գնողից: Նույն ձևով էլ, եթե որդին է վաճառքը կատարում, պետք է հոր և քույրերի համաձայնությունը լինի: Այս հողվածից, ինչպես Բ. Հարությունյանն է ցույց տալիս<sup>302</sup>, երևում է դեռևս պահպանվող նահապետական տնային համայնքի կամ գերգաստանի ամբողջունը:

Գյուղացու իրավասոցիալական դրությունն պարզաբանման համար հիմնական հարցը այդ նրա հողին ամրացած լինելն է: Այս խնդրին է նվիրված Գոշի Դատաստանագրքի երկրորդ մասի Գ հոդվածը («Յաղագս դատաստանաց շինականաց»): Այնտեղ ասվում էր, որ մարդը բնականից սզատ է ստեղծվել, տերերին ծառայելն առաջացել է հողի ու ջրի պատճառով: Լավ է այն դատը, որ թողնի մարդուն ուր ուզում է ապրի, իսկ եթե տերերից ուրեք մեկը դա չհանդուրժի և հեռացողին ստիպի կրկին վերադառնալ, ապա հոր մահվանից հետո նրա որդիները, որոնք ծնվել են ոչ այդ վայրում, ազատ են: Այս հոդվածի հիման վրա պատմաբանների մի մասը (Խ. Սամուելյան<sup>303</sup>, Ս. Երևմյան<sup>304</sup>) գտնում է, որ 12-րդ դ. դյուղացին արդեն իրավաբանորեն ամրացված էր հողին: Բ. Հարությունյանը, հենվելով Գոշի Դատաստանագրքի հրատարակիչ Վ. Բասաամյանի բերած ձևագրերի տարբերակներից<sup>305</sup> և Մատենադարանում պահվող Դատաստանագրքի 36 ձևագրերի վրա, ցույց է տալիս, որ այդ հոդվածի վերջին մասը պետք է հակառակ իմաստով հասկանալ: Սակայն ենթադրելով, որ հոդվածի վերջին տարբերակը կարող է հետապնդել ավելացված լինել՝ հայտնական է համարում, որ շինականների ճորտացումը կատարվել է երկրի տնտեսապես ավելի հասունացած, վրաստանին մերձավոր շրջաններում միայն, որտեղ զարգացած էր կուլային

<sup>302</sup> Տևս Ե. Մ. Арутюнян, Социально-экономическое положение крестьян в Армении XII в. по «Судебнику» Мхитаря Гоша, էջ 53:

<sup>303</sup> Տևս Խ. Սամուելյան, նշվ. աշխ., էջ 258-259:

<sup>304</sup> Տևս Ս. Երեմյան, Опыт периодизации истории Армении эпохи феодализма. «Вопросы истории», 1951, № 7, էջ 63:

տնտեսութիւնը, իսկ հարավային Հայաստանում ճորտացումը թույլ է արտահայտվել<sup>305</sup>:

Մեզ թվում է, որ հարցի իրավական կողմից անկախ, պահպանված տեղեկութուններից երևում է, որ Հայաստանում փաստորեն շինականն ամրացված է եղել հողին: Ինչպես տեսանք վիճական արձանագրութուններից ու վավերագրերից, մեզ հետաքրքրող շրջանում, ինչպես և հետագայում, գյուղերն օտարվել են իրենց բնակչութամբ և արտադրութան մյուս միջոցներով ու գյուղացին չի առանձնացվել իրեն պատկանող հողամասից: Արեւիկեքում այդ թիվում նաև միջնադարյան Հայաստանում համայնական կարգերն ամուր են պահպանվել և համայնքի անդամ շինականն իր հողաբաժինը թողնելու անհրաժեշտութուն չի զգացել: Նա շահագրգռված չէր իր հողամասը թողնելու մեջ, որովհետև համայնքը պահպանում էր նրա իրավունքները և տնտեսական օժանդակութուն էր ցույց տալիս: Այնպես որ շինականը եթե ոչ իրավաբանորեն, ապա փաստորեն ամրացած է եղել իր հողաբաժինին, այգուն, բանջարանոցին ու համայնքին: Դրանից, իհարկե, չպետք է հետեւեցնել, թե համայնական գյուղացին իսպառ զրկվել էր ամեն մի իրավունքից ու ազատութունից և լրիվ ճորտացվել էր: Համայնք-գյուղը 9-11-րդ դդ. կորցրել էր իր նախկին ազատութունների մեծ մասը և անցել էր իշխանների կամ եկեղեցու տիրապետութեան տակ, սակայն, դեռևս ճորտական վիճակի մեջ չէր ընկել:

Այս ժամանակաշրջանում ուժեղանում է համայնքի ներքին շերտավորումը, որի հետեւանքով նրա հարստացող մասն իր ունեցվածքով ու զիրքով ավելի է անջատվում համայնքի մյուս անդամներից:

Համայնքը սովորաբար ունենում էր իր ընտրովի առաջնորդը, որը հետեւում ու մարում էր նրա ներքին գործերը: Խոշոր հողատիրութեան զարգացման ընթացքում համայնքն ընկնում է Ֆեոդալի գերիշխանութեան տակ, որը, սակայն, ոչ միայն չի ոչնչացնում

<sup>305</sup> Տե՛ս Բ. Մ. Арутюнян, Социально-экономическое положение крестьян в Армении XII в. по «Судебнику» Мхитара Гоша, էջ 53-55:

Համայնքի վարչական-տնտեսական կազմակերպությունը, այլև այն պահպանում ու հարմարեցնում է իր կալվածատիրական շահերին: Համայնքի առաջնորդ գեղջավազը կամ տանուտիրը, որը մինչ այդ կազմակերպում էր գյուղի համար անհրաժեշտ ընդհանուր աշխատանքները (ճանապարհաշինություն, առուներ անցկացնել և այլն), լուծում նրա առանձին անդամների միջև վիճելի հարցերը և ընդհանրապես հետևում ամբողջ համայնքի ներքին կարգուկանոնին, այժմ աստիճանաբար վեր է ածվում նաև իշխանի գործակալի տվյալ համայնքի սահմանում: Ահա մի վկայություն տանուտերների կատարած ֆունկցիաներից մեկի մասին: Դավիթ Ալավիկա Որդու դատաստանագրքի ԽԲ կանոնում կարդում ենք. «այլ թէ վարձկան ոք լինի և ասիցեն ցտանուռաէրն. թէ առաքեայ զիս և կամ տուր ինձ գործ զի արարից»<sup>306</sup>:

Այս կանոնից պարզ երևում է, որ տանուտերներն են աշխատանքի պահանջ ունեցող մարդկանց համապատասխան գործի նշանակել: Նրանք հետևել են նաև աշխատանքի որակին, օգնել կալվածատիրոջը՝ հավաքելու հարկերը և այլն: Նրանք օգտվելով իրենց իրավունքներից ու ֆեոդալի հովանավորությունից՝ ավելի են հարստանում համայնքի մյուս անդամների շահագործման միջոցով: Ստեփանոս Օրբելյանը 895 թ. Տաթևի եպիսկոպոս ընտրված Հովհաննեսի մանկություն մասին խոսելիս հայտնում է, որ նրա աղքատ հայրը կնոջ մահից հետո ամուսնացել էր մի այրու հետ, որը «պահէր գերամս ընտանի թուչնոց սեառն գեղջն»<sup>307</sup>: Ինչպես տեսնում ենք, գյուղի ավազը կամ տանուտերն ուներ թռչունների նրամ (որպիսի հարստություն հավանաբար չունենին համայնքի մյուս անդամները կամ նրանց մեծ մասը), որը պահելու համար հատուկ մարդիկ էին պահում, այլ խոսքով ասած՝ շահագործում համայնքի մյուս անդամներին:

Եթե տանուտերները համայնքի ընտրովի առաջնորդներն էին և համայնքի ներքին գործերը վարելով կալվածատիրոջ համար վարչական աշխատողի դեր էին կատարում, ապա ձեռնավորները

<sup>306</sup> Մատենադարան, ձեռ. № 839, էջ 57ա:

<sup>307</sup> Մսելխանուս Օրբելյան, էջ 221:

միայն ու միայն Ֆեոդալի գործակալներ էին: Մեծ մասամբ նրանք էին կալվածատիրոջ անձնական տնտեսության մեջ կազմակերպում ու դեկավարում աշխատանքը, հետևում տիրոջ հանդեպ շինականների ունեցած պարտավորությունների կատարմանը՝ Ձեռնավոր բառն առաջին անգամ օգտագործվել է 906 թ. Տաթևի նոր սահմանները հաստատելու առթիվ կազմած արձանագրությունում<sup>308</sup>, ապա 11-րդ դ. մի արձանագրություն մեջ<sup>309</sup> և նույն իմաստով ավելի հաճախ օգտագործվել է 13–14-րդ դդ. վավերագրերում:

Ձեռնավորների հիմնական պարտականությունը հարկերի հավաքումն է եղել: Նրանց այս կարևոր ֆունկցիան ավելի ցցուն հանդես է գալիս 13–14-րդ դդ: Ամբերդի անթիվական մի արձանագրության մեջ կարդում ենք. «Ողորմութեամբ Աստուծոյ եւ Մխիթար ... ձեռնաւորս թողի տանն կէս կապիճ հաց եւ տարին հակ ձեռնաւորին յիշատակ մեզ եւ յարեւշատութիւն պարոնացն թէ ոք ի մերոց»<sup>310</sup>: Պարոն բառի հիշատակությունից ելնելով ենթադրելի է, որ այս արձանագրությունը պատկանում է 13-րդ դ.: Վկայությունից նախ երևում է, որ ձեռնավորները հարկ են գանձել նաև իրենց օգտին և օգտվել են բավական մեծ իրավունքներից, քանի որ կարողացել են ինքնակամ հարկային որոշ զիջումներ կատարել:

Ձեռնավորների հարկահանության ֆունկցիան և իրավունքները պարզորոշ հրևում են նաև Օշականի 1288 թ. արձանագրությունից, ուր ասվում է. «ի պարոնութեանն Սահմադինին եւ իւր որդւոցն Ամիրբէկին Հալարբէկին, եւ Գէշմարդս էի ամիրայ եւ Հաւիկս ձեռնաւոր, թողաք զՍուրբ Կարապետին այգեացն զՅաւշականու, զՄիրինու, զձեռնաւորին զհարկն գինչ որ կայր, վասն փրկութեան հոգոց մերոց եւ յարեւշատութեան Պարոնացն»<sup>311</sup>:

<sup>308</sup> Նույն ակտում, էջ 233:

<sup>309</sup> Նույն ակտում, էջ 327:

<sup>310</sup> Օգտվում ենք Կ. Լախադարյանի Արձանագրությունների ժողովածու ձեռագիր աշխատությունից:

<sup>311</sup> Գ. Ալիշան, Այրարատ, Վենետիկ, 1890, էջ 190:

Ինչպես տանուտերները, այնպես էլ ձեռնավորներն ունեցել են բավականաչափ իրավունքներ ու արտոնություններ: Եկեղեցու առաջնորդների ընտրությունների, հողերի նվիրման կամ փոխանակման ժամանակ դրանք հաստատող վկաների թվում խոշոր ֆեոդալների ու ազատների հետ հանդես են եկել նաև տանուտերներն ու ձեռնավորները:

Բերենք համապատասխան վկայություններ: Սյունիքի եպիսկոպոս Սողոմոնի մահից հետո (895 թ.) «ժողովեալ տէրանցն Սիւնեաց և ամենայն ազատաց նոցա, և վանաց երիցունք աշխարհիս, նա և աւագ տանուտեարք... առնեն ընտրութիւն նորոգ հայրապետի»<sup>312</sup>: Տաթևի տիրույթների սահմանները հաստատող Հայաստանի նշանավոր մարդկանց անունները նշելուց հետո Ստեփանոս Օրբելյանն ավելացնում է. «այլ եպիսկոպոսաց և քահանայից և ազատաց և տանուտերաց արարաք զայս գիր պայմանի հաստատուն և անխախտ»<sup>313</sup>: Ապա գրում է. «Եթէ ոք ընդ հակառակս ելան: Ի մերոց կամ յօտարաց, յաւադաց կամ ի ձեռնաւորաց և ի խոստակդարաց կամ ի տանուտէրաց, ի սուրբ Երրորդութենէն սրոշեալ լիցի»<sup>314</sup>:

Ուշագրավ է, որ վանքի տիրույթների սահմանների հակառակորդների թվում հանդես են գալիս ոչ միայն համայնքի առաջնորդ տանուտերերը, այլ նաև վանքի տիրույթներին սահմանակից համայնական դյուղերը. «և մի ոք իշխեսցէ այսմ հակառակել մի Բազացիք և մի Որոտնեցիք և մի Վաղանդացիք, մի Շնհէրացիք և մի Նորեցիք»<sup>315</sup>:

Վավերագրերի վերջում նվիրատվությանը հավանական հակառակորդ համարվողների թվում հաճախ կարելի է հանդիպել ձեռնավորների հիշատակությանը<sup>316</sup>:

Տանուտերերը և ձեռնավորները, ինչպես երևում է բերված փաստերից, ոչ միայն պաշտոնական դեպքերում հանդես էին գա-

<sup>312</sup> Ստեփանոս Օրբելյան, էջ 222:

<sup>313</sup> Նույն տեղում, էջ 231:

<sup>314</sup> Նույն տեղում, էջ 233:

<sup>315</sup> Նույն տեղում, էջ 232–233:

<sup>316</sup> Տես նույն տեղում, էջ 327, 362, 367:

լիս իշխող դասերի հետ ու հիշատակվում աղատներից անմիջապես հետո, այլև նպաստավոր պայմաններում, հավանաբար, նվիրվող հողամասի կամ այգու նկատմամբ իրավունքներ են բանեցնում, ուստի նվիրաբերութունը խախտողներին նգովելիս հիշատակվում են նաև նրանք:

Այսպիսով, տանուտերերը և ձեռնավորները բավականաչափ իրավունքներ ունեցող շահագործող սոցիալական խումբ էին և իրենց սոցիալ-տնտեսական դրությամբ ընդհուպ մոտենում էին մանր ազնվականության դասին: Նրանց մեջ առավել հարստացողներն ու ավելի մեծ կշիռ ձեռք բերողներն աստիճանաբար ընկնում էին մանր ազնվականության դասի մեջ և դրանով իսկ համալրում նրա շարքերը:

Եթե համայնքի շերտավորման հետևանքով նրա առաջնորդներն ու շինականների մի մասն աստիճանաբար հարստանում և սկսում են շահագործել մյուսներին, ապա համայնքի անդամների մի մասը գնալով աղքատացման և նույնիսկ ունեզրկման է ենթարկվում:

Աղբյուրներում, մասնավորապես Գոշի Դատաստանագրքում այս կամ այն առիթով հիշատակվում և որոշ հոդվածներ կն նվիրվում վարձով աշխատող մարդկանց՝ վարձկաններին: Նրանք բոլոր վկայութուններում հանդիսանում են աղքատ, ընչազուրկ, սևագործ աշխատողներ: Այսպես օրինակ, Գոշի Դատաստանագրքի երկրորդ մասի ԶԳ հոդվածի երկրորդ մասում կարդում ենք. «Յայտ է զի յաղագս աղքատութեան եղև վարձկան եւ աւուրն պիտոյից. զի թէ ոչ հատուցէ յաւուր գործոյն, դատաստանաւ է աւելի քան որ վարձն իցէ հատուցանել»<sup>317</sup>:

Վարձկաններին է նվիրված նաև ԺԳ հոդվածը, որի առաջին մասում ասվում է. «Այլ թէ վարձկան ոք լինի եւ ասիցէ ցտանուտէր տանն թէ՛ առաքեա զիս եւ կամ տուր ինձ գործ վի արարից, իսկ նա յառաջապատրաստ ծանուցանէ նմա զորոգայթ վնասուն եւ վարձկանն առ կարիս հարկի լւրոյ յանձն առնուցու, եւ սա կրկին զանպարտութեան բանն ասիցէ նմա, եւ անդ պատահի

<sup>317</sup> Մխիթար Գ.ոշ, Դատաստանագիրք, էջ 395:

վարձկանին մահ, անուարտ է»<sup>318</sup>: Այս հոգևածից ևս կրկնում է, որ վարձկանությունը քայքայման ու ծայրահեղ աղքատացման հետևանքով էր առաջանում:

Այժմ տեսնենք, թե ո՞րն էր վարձկանության առաջացման աղբյուրը: 10–11-րդ դդ., ինչպես ասացինք, գյուղական համայնքը բավականաչափ շերտավորել էր: Համայնքի ներսում առաջ էին եկել հարուստ գյուղացիներ, որոնք յուրացրել էին համայնական հողերի գլխի մասը և դարձել ժառանգական սեփականություն:

Տնտեսապես թույլ ոչ սակավ գյուղացիներ այս կամ այն պատճառով իրենց հողաբաժինը սեփական ուժերով մշակելու կարողությունից զրկված լինելով հարկադրված էին վաճառել կամ թողնել այն: Այդպիսի հողամասն անցնում էր տնտեսապես ավելի ուժեղ հարևանի ձեռքը: Հողաբաժնից զրկված գյուղացին դառնում էր վարձու աշխատող: Ուրեմն, վարձկանները հիմնականում առաջանում էին ունեղուրկ շինականներից, իսկ շինականների հողադրկումը տեղի էր ունենում համայնքի ներքին շերտավորման և, հատկապես, ֆեոդալական խոշոր հողատիրության զարգացման հետևանքով: Շինականների շերտավորումն ու հողադրկումն այս օրինաչափ կղանակից բացի կատարվում էր նաև այլ միջոցներով:

Պատերազմները (հատկապես Ատրպատականի էմիրության դեմ մղված) քայքայում էին երկիրը: Բնակչությունը դրա հետևանքով զրկվում էր ունեցվածքից և հաճախ թողնում էր իր բնակավայրն ու տեղափոխվում այլ վայր: Անգամ չտեղափոխվելու պարսպայում, միևնույնն է, այն զբաղվում էր վարձկանությամբ, որովհետև զրկվում էր սեփական տնտեսություն վարելու ամեն մի միջոցից: Այս եղանակը, իհարկե, տարածված կրկնվեց էլ վարձկանության առաջացման աննշան աղբյուր էր: Գյուղատըն-

<sup>318</sup> Նույն տեղում, էջ 421: Գոշի Դատաստանագրքի հրատարակիչ Վ. Բաստամյանը հենվելով այս հողվածի երկրորդ մասում «կանոնական» բառի հիշատակության վրա, գրում է. «Հեղինակի այս խոսքերից այնպես է երևում, որ հողվածի սկիզբը համաժ է ուրիշ աղբյուրից և իբր թե եկեղեցական կանոնից, բայց մենք չկարողացանք գտնել թե ո՞րտեղից» (նույն էջ, ծանոթ. 941): Մենք ճշտեցինք, որ Գոշը այս հողվածը գրեթե բառացիորեն վերցված է Դավիթ Ալվկա Որդու կանոնգրքից) սեն Մատենադարան, ձև. № 5607, էջ 205թ), որը, ինչպես հայտնի է, կազմվել է 12-րդ դ. սկզբներին, ուստի ընդհուպ վերաբերվում է մեզ հետաքրքրող շրջանին:

տեսութեան մեջ վարձու աշխատանքի դերն այնքան էլ մեծ չէր և աշխատանքների փոքրագույն մասն էր միայն վարձկանների միջոցով կատարվում:

Վերջիններս իրավական տեսակետից թեև ազատ էին, սակայն այն աստիճան ազատութեան ու կարիքի մեջ էին, որ այդ ազատութունը սոսկ ձևական բնույթ էր կրում: Վարձու աշխատանքը դեռևս սերտորեն կապված էր ֆեոդալական արտադրական եղանակի հետ:

Ծառաները (իգական սեռի նկատմամբ օգտագործվում էր աղախին տերմինը) ամենաշահագործվող ու իրավազուրկ սոցիալական շերտն էին: Խ. Սամուելյանը ծառաներին համարում է ֆեոդալի տանը ծառայող տնային ստրուկներ<sup>319</sup>: Ծառաների իրավական դրուժյան ուսումնասիրութունը ցույց է տալիս, որ նրանք իրոք ստրուկի վիճակում էին և ի տարբերութուն շինականների ու սոցիալական մյուս շերտերի՝ առանձնապես պատկանում էին տիրոջը: Մխիթար Գոշի Դատաստանագրքի երկրորդ մասի և Հոգվածի համաձայն, եթե տերն իր ծառայի ատամը ջարդում է կամ աչքն է հանում ու կուրացնում՝ որպես տուգանք պարտավոր է նրան ազատ արձակել<sup>320</sup>: Շինականի վնասվելու դեպքում տերը պարտավոր էր վճարել նրա աշխատանքի ու բուժման համար (իններորդ մաս, Հոգված ԺԴ): Աշխարհական օրենքի ի՛նչ Հոգվածի համաձայն, եթե տիրոջ փայտի հարվածից մեկ կամ երկու օր հետո ծառան մահանում է, ապա տերը քրեական պատասխանատվության չէր ենթարկվում, այլ եկեղեցում ապաշխարում էր: Եթե նման բան կատարվում էր շինական հանդես, ապա տերը պարտավոր էր նրա արյան գինը վճարել մահացողի որդիներին կամ ազգականին: Երկրորդ մասի ԼԱ Հոգվածի համաձայն եթե ցուլը հարվածում և սպանում է ծառային, ապա ցուլի տիրոջից դրամական հատուցում է ստանում ծառայի տերը: Այլ խոս-

<sup>319</sup> Տե՛ս Խ. Սամուելյան, նշվ. աշխ., հ. I, էջ 302-304:

<sup>320</sup> Տե՛ս Մխիթար Գոշ, Դատաստանագիրք, էջ 343: Այս հոդվածից միաժամանակ երևում է, որ ֆեոդալի համար այն աստիճան է շահավետ եղել ծառայի գյուրե՛ն ձրի աշխատանքը, որ նրան ազատելը սուղանք է համարվել:

քով՝ ծառայի սպանության դեպքում դրամական հատուցում էին ստանում ոչ թե նրա հարազատները, այլ՝ տերը:

Մառան կարող էր տիրոջ մոտից ազատվել իր դնման համար ծախսած գումարի չափով տիրոջն օգուտ տալու դեպքում: Եթե նա կնոջ հետ էր անցել տիրոջ տրամադրության տակ, ապա կինն էլ էր ազատվում իր հետ, իսկ եթե ամուսնացել էր տիրոջ մոտ աշխատանքի անցնելուց հետո, ապա կինը և որդիները չէին ազատվում: Նրանք կարող էին ազատվել միայն համապատասխան փրկագին վճարելուց հետո<sup>321</sup>: Այս և նախորդ հոդվածներից կարելի է եզրակացնել, որ ծառաներն իրենց իրավունքներով և սոցիալական դրությամբ պարզորոշ կերպով տարբերվում էին շինականներից, ինչպես նաև ճորտերից: Նրանք իսկական ստրուկի վիճակում էին, այն տարբերությամբ միայն, որ ամուսնանալու իրավունք ունեին և տնային ծառայության մեջ էին: Տերը նրանց հետ վարվում էր այնպես, ինչպես սովորաբար վարվում էին ստրուկի հետ:

Մառաների առաջացման աղբյուրները երկուսն էին՝ սլատերագմները և մարդկանց աղքատացումն ու իսպառ ունեղրկումը: Բավականաչափ փաստեր կան, որոնցից երևում է, թե ինչպես պատերազմի ժամանակ ձեռք բերած դերիներին դարձնում էին ծառաներ: Թովմա Արծրունին վկայում է, որ Աբուսեթի որդի Յուսուֆը «եւ դընակիչս աշխարհին վարեաց ի գերութիւն, վաճառակուր առնել ի կողմանս Ասորոց և յամենայն սահմանս տէրութեանն Տաճկաց. և զկէս դերւոյն ընդ իւրեանց ունելով ի քաղաքն, լինել իւրեանց ջրկիրս և փայտակոտորս. և չարչարէին գնոսս ի գործս խիստ սաստկասառոյց ձմերանն դառնութեան»<sup>322</sup>: Բուղայի Դվին մտնելու առթիվ էլ գրում է. «Եւ եղև ի մտանելն նորա ի քաղաքն, ունելով ընդ իւր կապեալս բազումս և գերեալս որոց ոչ գոյր թիւդորս վաճառակուր արարեալ յօտար աղզս, վարել ի ծառայութիւն,

<sup>321</sup> Տե՛ս նույն տեղում, էջ 335–336:

<sup>322</sup> Թովմա Արծրունի, էջ 199–200:

զնալ Հեռանալ մերժել ի տան Հայրենի ժառանգութենն: Իւրնանց»<sup>323</sup>:

Պատերազմի ժամանակ վերցրած գերիներին ստրկացնելն այնքան տարածված է եղել, որ Մխիթար Գոշը Հասուկ Հոգվածով (երկրորդ մաս, Հոգված ԻԲ՝ «Յաղագս դատաստանաց այլազգի ծառայից, նմանապէս եւ աղախնաց») <sup>324</sup> կարգավորում է նրանց և տերերի Հարաբերության Հարցը: Դատաստանագրքում կան վկայություններ ծառաներ վաճառելու մասին, իսկ երկրորդ մասի ԻԱ Հոգվածում խոսվում է նյութական կարիքից դուրս գալու լինելու դեպքում իրենց դատերն աղախնության վաճառելու և Հետագայում նրան փրկելու միջոցների մասին <sup>325</sup>: Դավիթ Ալավկա Որդին իր Դատաստանագրքի կանոններից մեկում խոսելով փախած դերիների և նրանց պատժի մասին՝ տարբերություն է դնում աղքատ և գերի ծառաների միջև. «բայց զանազանութիւն է աղքատաց և գերեաց քանզի աղքատք անկեալ են առաջի բռնաւորաց և Հարկահանաց» <sup>326</sup>:

Նշանակում է, որ ռազմագերիներին՝ այդ թվում գերված բնակչությանը և տնտեսապես քայքայված ու ամեն ինչից զրկված մարդկանց տնային ստրուկ էին դարձնում: Հավանական է, որ տնտեսապես քայքայվող շինականների մի մասը վարձու աշխատանքով էր զբաղվում, իսկ մյուսն ուղղակի ծառաների էր վերածվում:

Պետք է ենթադրել, որ տնային այդ ստրուկները տիրոջ տանը միմիայն նեղ իմաստով ծառայի դեր չէին կատարում: Եթե այդպես լիներ, ապա առանձին անհատներով Հարցը կլուծվեր և այդ եզակի դեպքերի համար հարկ չէր լինի ոչ ռազմագերիներին այն աստիճան ստրկացնելու, որ Մխիթար Գոշը նրանց Հասուկ Հոգված նվիրեր և ոչ էլ աղքատության Հետևանքով ծառաներ դառնալու ու նրանց վաճառելու մասին Հոգվածներ կգրվեին: Ծառաները Հատուկ սոցիալական շերտ էին, թեև նվազ տեսակարար

<sup>323</sup> Նույն տեղում, էջ 276:

<sup>324</sup> Մխիթար Գոշ, դատաստանագիրք, էջ 337:

<sup>325</sup> Նույն տեղում, էջ 336:

<sup>326</sup> Սատենագարան, ձեռ. № 839 ք, 61ա:

կշիռ ունեցող: Շատ հավանական է, որ նրանք Ֆեոդալի տանը ոչ միայն տնային ծառայողի, սպասավորի պարտականություններ էին կատարում, այլև հանդիսանում էին արհեստավորներ, դերձակներ, անասնապահներ, այգեգործներ և այլն: Անհավանական է, որ, մանավանդ վանքապատկան խոշոր տնտեսություններում, գուցե նաև իշխանական կալվածքներում նրանց օգտագործեին որպես աշխատող ուժ: Դա հատուկ ուսումնասիրության հարց է:

Այսպիսով մենք 9-11-րդ դդ. Հայաստանում անմիջական արտադրող դասակարգի այս խայտաբղետ շերտերին համապատասխան տեսնում ենք աշխատանքի մի քանի ձևերի համակցում: Գյուղատնտեսության և անասնապահության մեջ հանդիպում ենք համայնական կախյալ գյուղացու, մասամբ նաև ազատ համայնականի, վարձու աշխատողի, կապալառուի և տնային ստրուկների աշխատանքին: Հիմնական աշխատանքները, սակայն, կատարվում էին Ֆեոդալի գերիշխանության տակ անցած կախյալ, աստիճանաբար ճորտացող համայնականի (մասամբ նաև կիսանկախ գյուղացիներին) միջոցով:

Անմիջական արտադրողների սոցիալական վիճակը, նրանց և Ֆեոդալ-իշխանների փոխհարաբերությունը լիովին պարզ կդառնա Ֆեոդալական ռենտայի ուսումնասիրության միջոցով:

## 2. Ֆեոդալական ռենտա

Ի

Անմիջական արտադրողի անվճար հավելյալ աշխատանքը կամ դրա շնորհիվ արտադրված մթերքները, որոնք անցնում էին հողատիրոջը, կոչվում էին Ֆեոդալական ռենտա:

Ռենտայի սկզբնական և ամենապարզ ձևի՝ աշխատավճար ռենտայի ժամանակ անմիջական արտադրողը շաբաթվա մի մասն աշխատում էր իր հողամասում, իսկ մյուս օրերին մշակում կալվածատիրոջ հողը կամ նրա տնտեսության մեջ այլ աշխատանքներ էր կատարում: Ռենտայի այս ձևի ժամանակ հողատիրոջ կողմից ուրիշի հավելյալ աշխատանքի յուրացումն ավելի ահնահայտ էր կատարվում, որովհետև անմիջական արտադրողի աշխատանքը:

ժամանակի և տարածույթյան տեսակետից իրարից անջատվում, բաժանվում է երկու մասի՝ տիրոջ և իր համար տարբեր հողամասերում կատարած աշխատանքի: Կոռային աշխատանքը սովորաբար հենվում էր արտադրողական ուժերի հետամնացության և աշխատանքի պարզունակ եղանակի վրա:

Արդյունավճար (բնամթերային) ռենտան ֆեոդալական հողային ռենտայի զարգացման հաջորդ, ավելի բարձր աստիճան էր և աշխատանքի արտադրողականության բարձրացման ավելի լայն հնարավորություններ էր ստեղծում:

Հողային ռենտայի այս ձևի ժամանակ անմիջական արտադրողն իր բանվորական օրվա տնօրինողն էր, թեև առաջվա նման այդ աշխատանքի ամբողջ հավելուրդային մասը հողի սեփականատիրոջ օգտին էր գնում: Հետևաբար, անմիջական արտադրողի աշխատանքը ժամանակի և տարածության տեսակետը շոշափելիորեն չէր անջատվում: Նա ձգտում էր հավելյալ աշխատածամանակում ավելի շատ մթերքներ արտադրել, որպեսզի կալվածատիրոջը հարկեր մուծելուց հետո իրեն էլ որոշ «ավելցուկ» մնա: Այլ խոսքով՝ այս հարաբերության ժամանակ գյուղացու շահագրգռվածությունն աճում էր և դրա շնորհիվ բարձրանում աշխատանքի արտադրողականությունը: Այնուամենայնիվ, ռենտայի այս և նախորդ ձևի ժամանակ տնտեսությունը դանդաղ էր զարգանում: Այն գերազանցապես նատուրալ բնույթ էր կրում, որի հետևանքով էլ արտադրությունը գրեթե չէր ընդլայնվում:

Արդյունավճար ռենտային փոխարինում է դրամական ռենտան, որը ֆեոդալական ռենտայի վերջին ձևն է և իր բնույթով զգալի չափով տարբերվում է ռենտայի նախորդ կրկու ձևերից: Դրամական ռենտայի առաջացումը կապված էր դրամաապրանքային տնտեսության զարգացման հետ, որը սկսում էր քայքայել կալվածքային տնտեսության նատուրալ հիմքերը: Աշխատանքի հասարակական բաժանման աճը, ներքին ու արտաքին սոււետրի աշխուժացումը և արհեստագործությունների դրանցով սլայմանավորված զարգացումն անհրաժեշտ էին դարձնում դրամական ռենտայի առաջացումը: Այս երևույթների զարգացման հետևանքով մեծանում ու բարդանում էին հողատիրոջ պահանջները, որի համար

նա կապվում էր շուկայի հետ և մշտապես դրամ ստանալու կարիք զգում: Կալվածատիրոջ դրամական այդ պահանջները բավարարելու համար անհրաժեշտ էր, որ գյուղացու արտադրած մթերքների մի մասը մշտապես փոխարինվի դրամի, այսինքն՝ արտադրվի որպես ապրանք: Ուրեմն դրամական ռենտայի դարգացման անհրաժեշտ պայման է շուկայի հետ գյուղատնտեսության կապվելը:

Դրամական ռենտան իր առաջացման ու զարգացման սկզբնական շրջանում ամբողջովին պատկանում էր ֆեոդալական հասարակարգին ու հակասության մեջ էլ էր նրա հետ: Սակայն հետագա զարգացման ընթացքում նպաստում էր ֆեոդալական հասարակարգի աստիճանական քայքայմանն ու նոր հարաբերությունների կազմավորմանը:

Ծիշտ էլ էր լինի ասել, որ ֆեոդալական ռենտայի որևէ ձևի առաջացումից հետո այն անընդհատ աճում, մեծ չափեր է ընդունում: Ինչպես հայտնի է, ֆեոդալական արտադրությունը հատուկ է ցածր ու հետամնաց տեխնիկան, տնտեսական կյանքում՝ դանդաղաչարժությունն ու պարզ վերարտադրությունը, իսկ այդպիսի պայմաններում սովորույթն ու ավանդույթը պերակշռող դեր էին կատարում: Գյուղացիության սկզբնական հարկադրումը, որը համեմատաբար մեղմ էր լինում, սովորութային իրավունքի հիման վրա ամրանալով ու օրինական դառնալով, որոշ իմաստով արդեւլակում է հարկերի հետագա ծանրացումը: Եթե կոռային աշխատանքի ժամանակ գյուղացուց պահանջվում էր շաբաթվա մեջ մեկ օր աշխատել ֆեոդալի տնտեսության մեջ, ապա այդ մեկ օրն ավանդաբար կրկնվելով անփոփոխ մեծություն էր դառնում ու ամրապնդվում սովորութային իրավունքով:<sup>5</sup> Իմիջիայլուց, նաև համայնքի դերն այն է, որ գյուղացիության իրավունքների պահպանման դործում սովորութային իրավունքի հիման վրա պահպանում էր ֆեոդալական ճնշման սկզբնական ձևը և դրանով իսկ խանգարում, որ այդ շահագործումն աստիճանաբար ուժեղանա: Սակայն, սխալ կլիներ սովորութային իրավունքի կատարած դերի հիման վրա կարծել, թե ֆեոդալական հասարակություն մեջ գյուղացիության շահագործումը չի ուժեղանում, այլ միշտ անփոփոխ էր մնում: Նախ, պետք է հաշվի առնել, որ այդ սովորությունները

ձեավորվում են հօգուտ շահագործող դասերի և ի վնաս անմիջական արտագրողների: Այդ պատճառով էլ իշխող խավերն աշխատում էին իբրև օրենք սրբագործել այն, ինչ գոյություն ունի ավանդույթի ու սովորույթի ձևով. երկրորդ, ֆեոդալներին, այնուամենայնիվ, որոշ չափով հաջողվում էր գյուղացիության շահագործումն աստիճանաբար մեծացնել: Սակայն դա չէր գյուղացիության շահագործման ուժեղացման հիմնական եղանակը:

Փորձենք պարզաբանել ֆեոդալական հողային ռենտայի և նրա տիրապետող ձևի հարցը 9–11-րդ դդ. Հայաստանում:

Մեր աղբյուրներում կան բավական փաստեր, որոնք դրական պատասխան են տալիս Հայաստանում ռենտայի առաջին ձևի՝ աշխատավճար ռենտայի գոյության խնդրին: Անիի վիմական արձանագրություններից մեկում, որը թվագրվում է 1057–1063-ով, կարդում ենք. «Կամ եղել իմ՝ Բագրատայ, մագիստրոսիս եւ Արևելից կատապանիս վիկացոյս, առնել ողորմութիւն մայրաքաղաքիս Անույ, յորժամ առին գտանուտրութիւնս՝ Մխիթար իպատոսն, Կրտին որդին, եւ Գրեգոր Հապտատակայ որդին... եւ ազատեցին զվեցկէ կող. եւ զսայլին եւ զկամին, եւ զանդարիսն»<sup>327</sup>:

Այս կարևոր վկայությունից, ինչպես արդեն նշել ենք, երևում է, որ կողային աշխատանքը բազմազան ընույթ է կրել: Գյուղացին տիրոջ համար աշխատանքի է դուրս եկել իր սեփական գործիքներով ու քաշող ուժով: Նա երեք լուծ եզներով վարել է տիրոջ հողը՝ «վցկէ կող» (այս դեպքում, հավանաբար, մի քանի գյուղական տնտեսություններ միասին էին դուրս գալիս աշխատանքի, այլապես ամեն մի տնտեսություն չէր կարող երեք լուծ եզներ դուրս բերել), իր կամով ու քաշող ուժով կալսել տիրոջ կալը՝ «կամին կող» և ցորենն իր սայլով տեղափոխել տիրոջ ամբարը՝ «սայլին կող»:

Մրենի 999 թվակիր արձանագրության մեջ ասվում է. «Յանուն Աստուծոյ այս իմ հրամանք են Գագկա Շահխաղնչահի ազատեալ եմ զՄրենոյ զկողն, որ ի նախճաւանի էր զմարդոյ եւ զե-

<sup>327</sup> Ա. Բասմաջեան, նշվ. աշխ., էջ 35–36, № 23:

զին»<sup>328</sup>: Այս արձանագրության համաձայն շինականը կոռ պետք է կատարել իր սեփական աշխատութով «մարդոյ կոռ» և իր քաշող ուժով «եզին կոռ»:

Սյունիքի եպիսկոպոս Սաղոմոնը 881 թ. գրած կտակի մեջ հայտնում է, որ «յառաջ ժամանակաց զՍոտոյ կոռավարն Տեառն Գէորգեայ սուրբ նշանին հոգեցատուր էր արարեալ, զինչ պատճառօք և էր՝ այլ յափշտակեալ էին»<sup>329</sup>:

«Կոռավար» կոչվում էր այն հողը, որը վարվում էր, գուցե նաև մշակվում, կոռային աշխատանքի միջոցով<sup>330</sup>: Այս տերմինը 12–13-րդ դդ. ավելի հաճախ է պատահում:

Սրանք են կոռի ու կոռային աշխատանքի մասին եղած փաստերը: Ուսումնասիրողների մի մասը (Ն. Ադոնց<sup>331</sup>, Ի. Պետրուշևսկի<sup>332</sup>) գտնում են, որ մեր աղբյուրներում գործածվող «բեկար»-ը Հինջ կոռային աշխատանքն է, իսկ մյուս մասը (Հ. Մանանդյան<sup>333</sup> և ուրիշներ), ընդհակառակը, այն տուրքի իմաստով են մեկնաբանում: Իմ կարծիքով ճիշտ են այն պատմաբանները, որոնք «բեկար»-ին կոռի իմաստ են վերագրում: Անհրաժեշտ է, սակայն, զրահեա մեկտեղ նշել կոռի համեմատությամբ բեկարի ունեցած որոշ յուրահատկությունը:

Բեկարն այնպիսի կոռային աշխատանք էր, որը էլը գործադրվում ֆեոդալների անհատական տնտեսություններում: Պատահական է, որ աղբյուրներում չկան այդպիսի փաստեր և ոչ մի տեղ բեկարը չի տարբերակված այնպես, ինչպես կոռը (մարդի կոռ,

<sup>328</sup> Ղևոնդ Այիշան, Շիրակ, էջ 139:

<sup>329</sup> Ստեփանոս Օրբելյան, էջ 215:

<sup>330</sup> Հ. Մանանդյանը հավանական է համարում, որ կոռավար հողերն օտարվելու դեպքում օտարվում էին նաև կոռային աշխատանքները, այսինքն հողի հետ նրա նոր տերը ստանում էր նաև հողի մշակման պարտադիր ծրի աշխատանքները (տես Հ. Մանանդյան, Հայաստանի արքունի հարկերը մարզպանության շրջանում, «Տեղեկագիր», գիտության և արվեստի ինստիտուտի, Յերեվան, 1926, № 1, էջ 42–43):

<sup>331</sup> Տես Н. Адонц, *изв. аш.»,* էջ 484:

<sup>332</sup> Տես И. Петрушевский, *Очерки по истории феодальных отношений в Азербайджане и Армении в XVI – начале XIX вв.*, Ленинград, 1949, էջ 284–289:

<sup>333</sup> Տես Հ. Մանանդյան, Հայաստանի արքունի հարկերը մարզպանության շրջանում, էջ 32–37:

սայլի կոռ և այլն): Բեկար կոչվում էին միայն պետական ու հասարակական ընդհանուր բնույթի կոռային աշխատանքները: Այն կարող էր զործադրվել Խալիֆայության համար ու արաբների պահանջով ռազմական ճանապարհների, բերդերի, կամուրջների շինարարության կամ էլ տեղական ֆեոդալների պահանջով ջրանցքների, ամրոցների, վանքերի և նման տիպի այլ շինարարությունների ժամանակ: Բերենք ասվածը հավաստող մի վկայություն: «Ապա ոստիկան ոմն ի Հայս առաքեալ, որ Ալի արմանի անուանիւր՝ ըստ հրամանի ամիրապետին իշխան իշխանացս Հայոց զնա կացուցանէր (խոսքը Աշոտ Բագրատունուն 862 թ. իշխանաց իշխան դարձնելու մասին է – Վ. Բ.), բազում զգեստիւք և արքունական պատուով ճոխացուցեալ՝ ի նա հաւատալով զսակս Հայոց և զամենայն բեկար արքունի»<sup>334</sup>:

Սակը մեծ մասամբ հավաքական, ընդհանրապես հարկի իմաստ է ունեցել: Մասնավորապես այս կապակցության մեջ «սակս Հայոց» ասելով հասկացվել են Հայաստանից արքունիքի համար հավաքվող հարկերը: Հասկանալի է, որ բեկարն էլ Խալիֆայության համար կատարվող այդ ընդհանուր պարտադիր աշխատանքն է եղել: Հակառակ դեպքում բեկարը տուրքի իմաստով մեկնաբանելու դեպքում, կստացվեր ոչնչով չհիմնավորված կրկնություն:

Սյունիքի Գրիգոր Սուփան իշխանը կոթ գյուղաքաղաքում եկեղեցի կառուցելու առթիվ գրում է. «զԱստուածածնի քահանայքն նախնեաց իմոց և այլ սպասաւորս բազումս սղատ արաբի յարքունական ծանրութենէ և ի բեկարէ»<sup>335</sup>:

Այստեղ «արքունական ծանրություն» ասելով հասկացվել են արքունիքին տրվող հարկերը, իսկ բեկարը, ինչպես ճիշտ նկատել է Գ. Հովսեփյանը, արքունական հարկադիր ծառայությունն է եղել<sup>336</sup>: Գրիգոր Սուփան իշխանը քահանաներին սզատել է արքունական հարկերից և հարկադիր ծառայությունից: Ինչպես

<sup>334</sup> Հովհաննես Դրասխանակերտցի, էջ 133:

<sup>335</sup> Ստեփանոս Օրբելյան, էջ 178:

<sup>336</sup> Գ. Հովսեփյան, Չագախանի փողովը, Շողակաք, Էջմիածնի հայագիտական ժողովածու. գիրք առաջին, Վաղարշապատ, 1913, էջ 36:

տեսնում ենք, այս վկայությունում ևս բեկարը հարկադիր աշխատանքի իմաստ ունի, սակայն այն, քահանաների նկատմամբ փոխարինվել է հարկադիր ծառայությամբ:

Երբ Ատրպատականի էմիր Յուսուֆը երկրորդ անգամ է պահանջում նույն հարկերը, Հայաստանում որոշում են «տալ կրկին կամ երեքկին զսակ հարկին և զամենայն բեկարս արքունի և ոչ հարկանիլ ընդ միմեանս սրակոխ կոտորածիւ ի պատճառս քինախնդրութեան վրիժուց»<sup>337</sup>: Այս վկայությունում էլ սակը և բեկարը նույն ձևով են գործածված: Սակայն, եթե այստեղ բեկարն անգամ տուրքի իմաստով հասկանանք (որովհետև վկայությունում ասվում է «տալ»), ապա պետք է ընդունել, որ արաբներն ամենայն հավանականությամբ բեկարի փոխարին համապատասխան չափի տուրք են գանձել: Ուշագրավ է, որ բեկարը մեկ անգամ օգտագործվել է Դվինի 645 թ. եկեղեցական ժողովի 8-րդ կանոնում «ազատ ի հարկէ և ի բեկարէ» ձևով, որից պարզ ու մեկին երևում է, որ այն տուրքի իմաստ չի ունեցել<sup>338</sup>:

Հայ ֆեոդալներն ընդհանուր առմամբ ձրի պարտադիր աշխատանքի շատ են դիմել, ինչն աղբյուրներում սակավ է արտացոլվել: Ուսումնասիրվող շրջանում կամուրջների, քաղաքի պարիսպների, ջրանցքների և, մանավանդ, վանքերի ծավալված շինարարությունը մեծ մասամբ կատարվում էր պարտադիր անվճար աշխատանքով: Այսպես օրինակ, հայտնի է, որ 895 թ. սկսվել և 906 թ. ավարտվել է Տաթևի մայր եկեղեցու և նրա օժանդակ շինությունների կառուցումը: Հարց է առաջանում, թե ինչպիսի աշխատող ուժով կառուցվեց վանքը: Ինչ խոսք, որ Սյունիքի գյուղացիության ձրի աշխատանքով: Նույն կերպ հոգևոր ու աշխարհիկ ֆեոդալներին ենթակա գյուղացիության ձրի աշխատանքով են այդ շրջանում կառուցվել վանքերի մեծ մասը: Հոգևորականությունը գյուղացիության կատարած այդ աշխատանքը համարել է սուրբ գործ, քանի որ նրանք «Աստծու տուն» են կառուցել, դրա համար էլ երբեք այդ աշխատանքը բեկար չի անվանել, ինչպես կոչվել է Ուլիֆայության համար կատարվող ընդհանուր ձրի

<sup>337</sup> Հովհաննես Դրասխանյանի, էջ 330:

<sup>338</sup> Կանոնգիրք Հայոց, էջ 125:

աշխատանքը: Այդ է պատճառը, որ բեկարը ժամանակի աղբյուրներում հիշատակվում է միմիայն Խալիֆայության կապակցութամբ և ոչ երբեք հայ Ֆեոդալների համար կամ նրանց ցանկութամբ կատարվող շինարարական աշխատանքների վերաբերյալ:

Միջնադարյան ֆեոդալական երկրներում սովորաբար կոռային պարտադիր աշխատանքի քանակական չափը ստույգ որոշված, իրավական տեսակետից օրինականացված է եղել: Տարբեր երկրներում ֆեոդալական շահագործման աստիճանին համապատասխան այն տարբեր չափեր է ընդունել՝ տատանվելով շաբաթվա մեջ մեկից մինչև երեք օրվա սահմաններում: Հայաստանում կոռի տևողության մասին ուղղակի փաստ չունենք, բացի Մխիթար Գոշի մի վկայութունից: Նա իր Դատաստանագրքի աշխարհական օրենքի Ա հոդվածում գրում է. «Այսպես եւ յաւուրս շաբաթու յեօթնէ մին գործիցի իշխանին ու տէրունի. այլ աւելի աշխատելն զձեռամբ անկեայն անիրաւութիւն մեծ է»<sup>339</sup>: Սա նշանակում է, որ կոռային աշխատանքը Հայաստանում սահմանված է եղել շաբաթվա մեջ մեկ օր: Հավանաբար, իշխանները խախտում էին այդ ընդունված կարգը և ավել էին աշխատեցնում, քանի որ Մխիթար Գոշը հարկ է համարել հատուկ զգուշացնել ու արգելել նման դեպքերը:

Կոռի բովանդակության մասին նույնպես մանրամասն փաստեր չունենք: Սակայն պարզ է, որ շինականն աշխատում էր ամբողջ տարվա ընթացքում՝ հողի վարից սկսած մինչև բերքի կալսումն ու նրա տեղափոխումը: Նա ոչ միայն անձամբ էր աշխատում, այլև օգտագործում էր իր քաշող ուժը և գյուղատնտեսական արտադրության մյուս միջոցները: Գոշը նույն այդ հոդվածում ասում է. «Զիոյ եւ ջորւոյ և իշոյ մի լիցի հարկ, դի նոքօք բազում անգամ ծառայէ զտէրունիսն»<sup>340</sup>: Այս ուշադրամ փաստից երևում է, որ կալվածատերը կոռային աշխատանքներում օգտագործում էր ոչ միայն շինականի լծկանը, այլ նաև ձին, ջորին և էջը՝ որպես փոխադրամիջոցներ:

<sup>339</sup> Մխիթար Գոշ, Դատաստանագիրք, էջ 315:  
<sup>340</sup> Նույն տեղում, էջ 316:

կալվածատերը հատուկ գործակալներ ուներ, որոնց կալվածքում հսկում էին կոռի կատարմանը. եկեղեցապատկան կալվածքներում, հավանաբար, նման դեր էին կատարում միջին դիրք դրավող հոգևորականները:

Գրդ դ. սկսած Հայաստանում խոշոր կալվածքային տնտեսութունների վարդացման շնորհիվ կողը տարածվեց, քանի որ խոշոր կալվածքներում ավելի շատ էր նման աշխատանքի պահանջ զգացվում: Կողը սովորաբար առաջանում և տարածվում էր հացահատիկային կուլտուրաների մշակման հիման վրա: Այդ տնտեսականից պատահական չէ, որ կոռի մասին մեզ հասած փաստերը Հայաստանի հացահատիկային կուլտուրաներով զարգացած շրջաններին են վերաբերվում (Անի, Մրեն և այլն):

Աղբյուրների տվյալներից որոշակիորեն երևում է, որ արդյունավճար ունեւտան անհամեմատ ավելի լայն տարածում ու գործածութուն է ունեցել: Անգամ սահմանված է եղել հատուկ կարգ՝ ունեւտայի այս ձևի դանձումն օրինական ճանապարհով իրագործելու համար:

Ըստ Միթար Գոշի հարկադրումը կատարվում էր հետևյալ կերպ: Շինականը պարտավոր էր որպես հարկ վճարել բերքի մեկ հինգերորդը, եթե մշակում էր արհեստականորեն ոռոգվող հողը, իսկ անջրդի հողերը մշակելու դեպքում՝ բերքի մեկ տասերորդը: Այդիններն ու բանջարանոցները հարկվում էին բերքի մեկ տասերորդով: Արոտից առանձին հարկ չէր վերցվում. որովհետև հարկվում էին այդ արոտավայրերում արածող անասունները: Եղների համար առանձին հարկ չէր պահանջվում, քանի որ արդեն հարկվել էր այն հողը, որի վրա նրանց աշխատեցնում էին: Զին, ջորին, էշը, ինչպես տեսանք, ազատվում էին հարկադրանքից՝ տիրոջը բողմիցս ծառայելու համար: Դրա փոխարեն հարկադրվում էր կովը (մեկ լիտր յուղ), իսկ մանր եղջերավոր անասունները տասնորդվում էին՝ տաս ոչխարից մեկն անցնում էր հողատիրոջը<sup>341</sup>: Հավանաբար, իրական կյանքում էլ հարկադրումը հիմնականում

<sup>341</sup> Տես նույն տեղում, էջ 314-316:

այս ձևով էր կատարվում, որովհետև եղած կցկտուր փաստերը չեն հակասում սրան:

9-11-րդ դդ. Հայաստանում տարածված են եղել արքունի հարկ, արքունական չար, արքունի նեպակ, աշխարհական հարկ, շարիատ, թաստակ, պախտ-տանց, հաս, սակ, բաժ, բեկար, խալա, ծուծ, մրուր, կապիճ և պտուղ հարկերը:

Արքունի հարկ, արքունական չար և արքունի նեպակ հարկերի մասին եղած վկայությունների քննությունից և այլ տերմինների ծագումից ու լեզվական իմաստից՝ հետևում է, որ դրանց տարբեր տեսակի հարկեր համարելու չկա որևէ հիմնավոր պատճառ, ինչպես արվում է սովորաբար:

Նախ արքունի հարկի մասին: Այս հարկի մասին եղած վկայություններից (չառ է օգտագործվում Թովմա Արծրունին, ավելի սակավ Ստեփանոս Օրբելյանը և Հովհաննես Դրասխանակերտցին), պարզ երևում է, որ այդպես են կոչվել ընդհանրապես արաբական արքունիքի համար հավաքվող հարկերը: Այս տեսակետից պատահական չէ, որ արքունի հարկը հիշատակվում է դլխավորապես Խալիֆայության հետ առնչվող այս կամ այն խնդրի կամ նրա կողմից պահանջվող հարկերի կապակցությունը: Խալիֆայության հարկային լուծը վերանալուց հետո արքունի հարկը հավաքվում էր Բագրատունիների օգտին, սակայն անհամեմատ ավելի պակաս չափերով:

Թովմա Արծրունին պատմում է, որ երբ Արուսեթը Վասպուրական էր եկել տեղի արքունի հարկերը հավաքելու («առնուլ զհարկս արքունի»), Աշոտ Արծրունին նրանից պահանջում է չապատակել երկիրը, քանի որ իրենք չեն հրաժարվում վճարել պահանջվող հարկը<sup>312</sup>: Բուղայի արշավանքի ժամանակ, ավերածություններից խուսափելու նպատակով, նույն Աշոտ Արծրունին խորհրդակցում է իր մերձավորների հետ, որ արաբական զորավարին տան «հարկս արքունիս և պատանդս իաղաղութեան»<sup>313</sup>:

Ատրպատականի էմիր Յուսուֆը «չարժեալ բարկութեամբ մեծաւ ի վերայ Սմբատայ վասն բեկանելոյ նորա զհարկս արքու-

<sup>312</sup> Տես Թովմա Արծրունի, էջ 189:

<sup>313</sup> Նույն տեղում, էջ 222:

նի»<sup>344</sup>, իսկ «ինքն Սմբատ ոչ խնդրեաց երթալ զհետ խաղաղութեան, տալ զհարկս արքունի»<sup>345</sup>:

Խալիֆը «իբրև դիտաց թագաւորելն Գագկայ (Արծրունի – Վ. Բ.) ի վերայ Հայաստանեայց՝ առաքն նմա թագ և Հանդերձս զարդուց զարմանալիս և յանձն առնէ նմա զհարկս արքունի»<sup>346</sup>:

Հովհաննես Դրասխանակերտացին վկայում է, որ Սմբատ Ա Բագրատունին հարձակվում է Դվինի էմիրության վրա, որովհետև «ոչ ետևս զնոսա հնազանդեալս ի ծառայութիւն ինքեան և զսակ արքունի հարկաց և մաքսից նուազեցուցեալ»<sup>347</sup>:

Փիլիսպպե իշխանը 943 թ. երկու դյուղ է նվիրում Տաթևի վանքին և շեշտում, որ «ազատ են դոքսս յամենայն արքունի հարկաց»<sup>348</sup>: Նույն ձևով Սյունիքի Սենեքերիմ թագավորի հրամանով Հասան իշխանը 1086 թ. Տաթևին է վերադարձնում նրա նախկին դյուղերը «ազատ յարքունի հարկաց»<sup>349</sup>:

Մեջբերված վկայություններում արքունի հարկը միշտ հոգնակի օգտագործելուց անգամ պարզ երևում է, որ ստվորաբար Խալիֆայության օգտին հավաքվող ամբողջ տուրքերն են հարկային այս տերմինով անվանվել և ոչ թե նրանցից մեկը:

Արքունի չար կամ չար տերմինը մեզ հետաքրքրող շրջանում օգտագործվում է երկու անգամ Ստեփանոս Օրբելյանի մոտ և մեկ անգամ Հռոոմոսի 1036 թվակիր արձանագրության մեջ: Գրիգոր Սուփան իշխանը կոթում եկեղեցի կառուցելու և այնտեղ քահանաներ ու սպասավորներ հաստատելու կապակցությամբ գրում է. «գԱստուածածնի քահանայքն նախնեաց իմոց և այլ սպասաւորսս բազումս ազատ արարի յարքունական ծանրութենէ և ի բեկարէ»<sup>350</sup>: Մի քանի էջ հետո պատմիչը նման դեպքը հիշատակելով ավելացնում է «գԱստուածածնին քահանայքն ազատ արարաք

<sup>344</sup> Նույն տեղում, էջ 463:

<sup>345</sup> Նույն տեղում, էջ 465:

<sup>346</sup> Նույն տեղում, էջ 466:

<sup>347</sup> Հովհաննես Դրասխանակերտացի, էջ 160:

<sup>348</sup> Ստեփանոս Օրբելյան, էջ 270:

<sup>349</sup> Նույն տեղում, էջ 327:

<sup>350</sup> Նույն տեղում, էջ 178:

յամենայն արքունի չարէ»<sup>351</sup>: Ինչպես տեսնում ենք, արքունական ծանրությունն ու բեկարը հավասարազոր են համարվել ու նույնացվել «արքունական չար» հարկին: Այսինքն վերջինս պարունակել է արքունիքին վճարվող հարկերի ու բեկարի իմաստ: Այդ իսկ տեսակետից իրավացի է Գ. Հովսեփյանը, երբ գրում է. «Միջնադարյան լեզվով «թեթև պահել է չարէ» կամ «ազատ յամենայն չարէ» նշանակում է ազատել հարկից և արքունական ստիպողական ծառայություններից»<sup>352</sup>:

Սյունաց Վասակ թագավորը 1015 թ. Տաթևի վանքին է վերադարձնում Գրվակ գյուղը՝ «ազատ յամենայն չարէ և հարկաց»<sup>353</sup>, ինչն ունի հարկերի և պարտադիր աշխատանքի կամ ծառայության իմաստ: Հաճախ նույն նշանակությամբ էր գործածվում նաև արքունի հարկը: Սյունաց Սենեքերիմ թագավորի (1072–1094) հրամանով Հասան իշխանը 1086 թ. Տաթևի վանքին է վերադարձնում նախկինում նրան պատկանած գյուղերը՝ «ազատ յարքունի հարկաց»<sup>354</sup>: Սակայն եթե առաջին դեպքում Օրբելյանը նվիրվող գյուղերի մասին գրում է «ազատ յամենայն չարէ և հարկաց» ապա վերջին դեպքում՝ «ազատ յարքունի հարկաց»<sup>355</sup>: Հասկանալի է, որ երկու դեպքում էլ վանքին նվիրվող գյուղերն ազատվում են արքունի հարկերից ու պարտավորություններից, չնայած պատմիչն օգտագործում է տարբեր տերմիններ ու արտահայտություններ: Արքունի հարկեր և կար ասելով հաճախ հասկացվել են արքունական տուրքերն ու պարտավորությունները: Դրանց նույնիմաստություն հետևանքով է, որ Օրբելյանն օգտագործում է մեկ այս մեկ այն ձևը: Հավանաբար, այդ լայն իմաստի հետևանքով է, որ Թովմա Արծրունին այդ հարկի մասին բազմիցս խոսելով ոչ մի անգամ չի օգտագործում «բեկար» տերմինը: Չար տերմինը օգտագործվել է նաև միմիայն հարկերի նկատմամբ: Հովհաննես-

<sup>351</sup> Նույն տեղում, էջ 181:

<sup>352</sup> Գ. Հովսեփեան, Չագավանից ժողովը, էջ 35–36:

<sup>353</sup> Ստեփանոս Օրբելյան, էջ 306–307:

<sup>354</sup> Նույն տեղում, էջ 327:

<sup>355</sup> Տես Թովմա Արծրունի, էջ 58:

Սմբատ Թագավորը Կողբի աղահանքից Հոռոմոսի վանքին է նվիրում «ճ. բեռն աղ յամենայն ամի ազատ յամենայն չարէ»<sup>356</sup>:

Նեպակը մեկ անգամ օգտագործել է Թովմա Արծրունին՝ հին շրջանի վերաբերյալ: Հ. Աճառյանը գտնում է, որ նա օգտվել է Եղիշեից<sup>357</sup>, որի շրջանում նեպակը պարսկական արքունիքի կողմից դրված վնասակար միջատներ ոչնչացնելու հարկ է կոչել<sup>358</sup>: Բացի այդ, նեպակն աղբյուրներում հիշատակվում է ընդամենը երկու անգամ, այն էլ մեղ հետաքրքրող շրջանում՝ Ստեփանոս Օրբելյանի մոտ: Փիլիպպե իշխանը կատարելով Տաթևի եպիսկոպոս Դավթի խնդրանքը վերցնում է 10.000 դրամ «և տայ ի ձեռս նորա զԱրծիւ գիւղ և զԲերդկաներէջ որ ի վերոյ վանիցն, բոլորն ընդ ջրթակովն՝ աղատ յամենայն աշխարհական հարկաց և ի նեպակաց»<sup>359</sup>:

Ջունաշեր իշխանը Սողոմոն եպիսկոպոսից վերցնում է Բեխ գյուղը և նրա փոխարեն վերադարձնում Արուքսը՝ արձանագրելով հետևյալը. «Առաք գԲեխ իւր սահմանովն և արքունի նեպակովն եւ տուաք զԱրուքս իւր սահմանովն և արքունի նեպակովն որ էր 12 դրամ»<sup>360</sup>:

Առաջին վկայության մեջ չնայած նեպակի առաջ արքունի բառը չի դրված, սակայն օգտագործման ձևից երևում է, որ այն արքունի հարկերի իմաստով է գործածվել և դրա համար էլ առանձնացվել է աշխարհական հարկերից: Ինչպես վկայություններից երևում է նեպակ կոչել են նաև արքունիքին վճարվող հարկերը:

Այսպիսով, արքունի հարկ, արքունի չար, արքունի նեպակ տերմինները տրվել են ամբողջ Հայաստանից Խալիֆայությանը վճարվող հարկերին, հաճախ նաև պարտավորություններին: Այդ միևնույն հարկային պարտավորությունը տարբեր հեղինակներ զանազան անունով են կոչել: Ավելի ճիշտ, վիճակա՛ն արձանա՛տ-

<sup>356</sup> Վիմական տարեգիր, էջ 21:

<sup>357</sup> Եղիշեի Պատմութիւն Վարդանանց, Թիֆլիս, 1913, էջ 67-68:

<sup>358</sup> Հ. Աճառյան, Հայերեն արմատական բառարան, Երևան, 1931, հ. Ե, էջ 86-87:

<sup>359</sup> Ստեփանոս Օրբելյան, էջ 204-205:

<sup>360</sup> Նույն տեղում, էջ 218:

գրությունների սակավ բացառությունները չհաշված, միայն Ստեփանոս Օրբելյանն է, որ արքունի Հարկ տերմինին զուգահեռ օգտագործել է նաև չար և նեպակ տերմինները՝ միևնույն կամ գրեթե նույն իմաստով:

Արքունի Հարկերը վճարվում էին բնամթերքով, անասուններով, արհեստագործական արտադրանքով ու դրամով: Օրինակ, Սմբատ Ա թագավորը Յուսուֆին որպես արքունի Հարկ վճարում է. «...արծաթ և ոսկի և կարասիս բազումս և ձիս և ջորիս...»<sup>361</sup>:

Խալիֆայության Հարկային լուծը թոթափելով վերանում է նաև աղբյուրներում նեպակ Հարկային տերմինի հիշատակությունը, արքունի Հարկ տերմինը պահպանվում է մինչև 11-րդ դ. վերջերը, իսկ արքունի չարը ստանում է տեղական Հարկի իմաստ և «չար» ձևով հիշատակվում նաև հետագա դարերի վիճական արձանագրություններում<sup>362</sup>:

Աշխարհական Հարկ տերմինն օգտագործվել է երկու իմաստով: Նախ նա ունեցել է շատ ընդհանուր նշանակություն և տրվել է բոլոր ոչ եկեղեցական, աշխարհիկ Հարկերին: Այսպես օրինակ, Վասակ իշխանի կին Մարիամը «գնեալ ի հագարացի մարդկանէ զգեօղն Շողուագայ ընդ 60,000 դրամի ազատ յամենայն աշխարհական Հարկաց՝ ընծայէ ի սեպհական ժառանգութիւն սուրբ եկեղեցւոյն»<sup>363</sup>: Այստեղ աշխարհիկ Հարկ ասելով հասկացվել են բոլոր Հարկերը, բացի եկեղեցուն վճարվողներից: Աշխարհական Հարկի մյուս իմաստն ավելի նեղ է, սակայն դարձյալ օգտագործվել է ընդհանուր նշանակությամբ, տրվել Հարկերի մի ամբողջ տեսակին: Ինչպես հիշատակեցինք, Փիլիպպե իշխանը Արծիվ և Բերդկաներն է գյուղերը վաճառում է Տաթևի վանքին «ազատ յամենայն աշխարհական Հարկաց և ի նեպակայ»: Այս վկայության մեջ աշխարհական Հարկ են կոչվել աշխարհիկ ֆեոդալներին տրվող բոլոր տուրքերը, այսինքն՝ Հարկերը, բացի արքունիքի և եկեղեցու օգտին Հարկերից: Աշխարհական Հարկը նույն իմաստով է օգտագործվել Նորավանքի 1296 թ. արձանագ-

<sup>361</sup> Հովհաննես Դրասխանակերտցի, էջ 330:

<sup>362</sup> Տե՛ս Վիմական տարեգիր, էջ 137, 247:

<sup>363</sup> Ստեփանոս Օրբելյան, էջ 174:

բուլթյան մեջ, ուր ասվում է «Ետու ... սուրբ եկեղեցւոյս զՉավայ զիւզն իւր բոլոր սահմանաւքն ազատ յամէն աշխարհական հարկաց յի դիւանէ ի խալանէ եւ յամէն չարէ»<sup>364</sup>: Աշխարհական հարկն առանձին հարկ չի եղել: Այն ունեցել է ընդհանուր, հալիս-քական իմաստ, ուստի բոլոր վկայություններում էլ հոգնակի թվով է օգտագործվում:

Շարիատը չորս անգամ հիշատակվում է մեզ հետաքրքրող ժամանակաշրջանի վիմագրերում<sup>365</sup> և մի քանիցս 13-րդ դ. երկրորդ կեսի արձանագրություններում<sup>366</sup>: Բոլոր այս վկայություններից երեւում է, որ «շարիատ»-ը ինչպես 10–11-րդ, այնպես էլ 13-րդ դ. կալվածատիրոջ համար բերքի տարբեր տեսակներից և յուզից բնամթերքով պանծվող հարկ է եղել: Այսպես օրինակ, Տեկորի 971 թ. արձանագրության մեջ կարգում ենք. «Ես Խաւսրեւանուշ Հայոց թագուհի հաստատեալ եմ զՏեկորոյ շարյատն յեղն կայթ մի [«յեղն կայթ մի»]<sup>367</sup>, իսկ նույն եկեղեցու 1008 թ. վիմական արձանագրության մեջ ասվում է. «կամ եղեւ ինձ կատրանիդէ Հայոց թագուհի, դուստր Վասակայ եւ ամուսին Գադկա, թողեալ եմ զՏեկորոյ շարյատն»<sup>368</sup>:

Աղբյուրները «շարիատի» չափը որոշելու հնարավորություն չեն տալիս: Հ. Մանանդյանը հենվելով Տեկորի 971 թ. վերոհիշյալ արձանագրության «շարյատն յեղն կայթ մի» դարձվածքի, Գոշի Դատաստանագրքի այն վկայության վրա, ըստ որի յուրաքանչյուր կովից վերցվում էր մեկ լիտր յուղ և դրանք համարժեք ընդունելով Երրակացու ժամանակաշրջանի «կայթ»-ին, որը հազասար էր բյուզանդական վաթսուն լիտրին, ենթադրում է, որ յուզից վճարվող «շարիատ»-ը հավասար է եղել 408 գրամի<sup>369</sup>: Այս կարծիքը հավանական չի թվում, և, բացի այդ, վերաբերվում է միայն

<sup>364</sup> Վիմական տարեգիր, էջ 137:

<sup>365</sup> Տես նույն տեղում, էջ 8, 13, 14, 26:

<sup>366</sup> Տես նույն տեղում, էջ 107, 126, 127, 130, 138, 142, 247:

<sup>367</sup> Նույն տեղում, էջ 8:

<sup>368</sup> Նույն տեղում, էջ 13:

<sup>369</sup> Տես Հ. Մանանդյան, Նյութեր հին Հայաստանի տնտեսական կյանքի ցրամուրյան, Յերեւան, 1928, հ. II, էջ 15–16:

յուզղից վերցվող հարկին և ոչ թե ընդհանրապես բերքից դարձվող «շարիատ»-ին:

Թաստակ հարկը հիշվում է ընդամենը չորս անգամ՝ 11-րդ դ. վիմական արձանագրություններում<sup>370</sup>: Այդ վկայություններից առանձնապես ուշագրավ է Անիի 1045–1054 թվակիր արձանագրությունը, ուր ասվում է. «Ես Առաւնս... Բերի ոսկի մատանեաւ գիր ազատութեան զինքնակալ ծիրանեծին թաղուհոյն վասն պախտից տանց քաղաքիս եւ թաստակին, զոր տային ամ յամէ չափ ութից լտերց..., զոր տայր մութսիբն այս ամէն»<sup>371</sup>: Հ. Մանանդյանն այս վկայության հիման վրա գտնում է, որ «թաստակ»-ը լրացուցիչ հարկ է եղել և գանձվել է գյուղի և քաղաքի հարկահանների «ձեռնավոր»-ների և «մուխթասիր»-ների համար: Նա միաժամանակ գտնում է, որ «թաստակը», ինչպես երևում է մեջբերված բնագրից, գանձվել է հիմնական ընահարկի՝ շարիաթի, մեկ չորրորդ մասի չափով:

Այս նույն վկայության մեջ հիշատակված «պախտտանց» հարկը, որը «թաստակի» նման գանձվում էր մթերքով, Հ. Մանանդյանը նույնանիչ է համարում «շարիատին»<sup>372</sup>:

Հաս հարկային տերմինը գործածվել է մարզպանական շրջանից սկսած՝ մինչև 14-րդ դ.: Մեկ անգամ այն օգտագործվել է Անիում 1036 թ. Պետրոս Ա կաթողիկոսի թողած արձանագրության մեջ՝ այգիներից վերցվող հարկի նշանակությամբ<sup>373</sup>:

Թովմա Արծրունու երկում հաճախ ենք հանդիպում այս տերմինի գործածությանը: Այսպես օրինակ, ըստ նրա Աշոտ Արծրունին և Բագարատ Բագրատունին արաբական հարկահան Աբուսեթին են հանձնում «զհարկս և հասս արքունի և դարձուցանեն զնա ընդ նոյն ուստի եկն»<sup>374</sup>: Մի այլ առիթով պատմիչը գրում է. «մեք տացուք քեզ հասս հարկացն և հաճեսցուք զմիտս քո»<sup>375</sup>:

<sup>370</sup> Տե՛ս Վիմական տարեգիր, էջ 9, 13, 14, 27:

<sup>371</sup> Նույն տեղում, էջ 27:

<sup>372</sup> Տե՛ս Հ. Մանանդյան, Նյութեր հին Հայաստանի տնտեսական կյանքի պատմության, էջ 18–23:

<sup>373</sup> Տե՛ս Վիմական տարեգիր, էջ 20:

<sup>374</sup> Թովմա Արծրունի, էջ 183:

<sup>375</sup> Նույն տեղում, էջ 189:

Հատ նրա Գուրգեն Արծրունին Բուղային հայտնում է, որ «կացցե ինքն և իւրքն ամենեքեան ի հնազանդութեան արքունի, ի հարկս և ի հասս չափոյ սակի արքունական աւանդութեանց»<sup>376</sup>: Խոսելով ծառաների մասին, Թովմա Արծրունին նշում է, որ նրանք բնակվում էին «յամուրս լեռնականս, յանհոգս խաղաղացեալք յարտաքին թշնամեաց, և հարկ և հասք արքունի ի յինքեանս մնալով»<sup>377</sup>:

Ինչպես տեսնում ենք, Թովմա Արծրունին տարբեր տեսակ տուրքերին տրվող և հավաքական իմաստ կրող հարկ ու հաս տերմիններն օգտագործում է իրար կողք կողքի և գրեթե նույն նշանակութեամբ: Այս առումով իրավացի է, ինչպես Հ. Մանանդյանը, երբ «հաս»-ին վերագրում է բերքից կամ եկամուտից մթերքով տրվող ընդհանուր հարկի իմաստ<sup>378</sup>, այնպես էլ Թ. Ավդալբեգյանը, որը «հաս»-ը բացատրում է հասանելիք, տուրք ու հարկ ձևով<sup>379</sup>:

Աղբյուրներում բավական առատորեն հանդիպող սակ հարկային տերմինն օգտագործվել է մարդպանական ու արաբական ժամանակաշրջանում, ինչպես նաև Բագրատունյաց տիրապետութեան առաջին շրջանում: Այս հարկը հիշատակվում է գերագանցապես Խալիֆայութեանը մուծվելիք տուրքերի կապակցութեամբ և նրա մասին եղած վկայութունները 10-րդ դ. առաջին կեսից այս կողմը չեն անցնում: Այս երկու կարևոր հանգամանքները հիմք են տալիս եղբակացնելու, որ «սակը» եղել է արաբական արքունիքին վճարվող հարկ և իբրև այդպիսին Խալիֆայութեան հարկային սիստեմը վերանալու հետ մեկտեղ վերացել է:

Այն հաճախ գործածվել է ոչ թե հարկի որևէ տեսակի, այլ ընդհանրապես հարկի իմաստով: Դրա օգտին են խոսում, օրինակ հետևյալ վկայութունները: Խալիֆը Սմբատ Ա թագավորի ընծա-

<sup>376</sup> Նույն տեղում, էջ 238:

<sup>377</sup> Նույն տեղում, էջ 286:

<sup>378</sup> Տես Հ. Մանուսյան, Հայաստանի արքունի հարկերը մարզպանության շրջանում, էջ 29–32:

<sup>379</sup> Թ. Ավդալբեգյան, Հաս, սակ ու բաժ, «Տեղեկագիր», ՀՍՍՀ Գիտության և արվեստի ինստիտուտի, Ֆերեվան, 1926, № 1, էջ 52–54:

ները ստանալով «թեթեաբեռ զսակն արքունի արարեալ»<sup>380</sup> Ասլըր-պատականի հմիր Յուսուֆը «զսակն արքունի կամս անձին նորա (Սմբատի – Վ. Բ.) ըստ կարի և կամաց թողացուցեալ...»<sup>381</sup>, իսկ մի քանի տարի հետո «ուժգնապես հայցեալ տալ զսակն արքունի»<sup>382</sup> և այլն: Հ. Մանանդյանը փորձել է ցույց տալ, որ «սակ»-ը գլխահարկ է եղել<sup>383</sup>, սակայն դա համապատասխան փաստերով չի հիմնավորվում:

«Սակը» գործ է ածվել նաև չափի կամ նախորոշված հարկագումարի իմաստով: Օրինակ, «կացցէ ինքն և իւրքն ամենեքեան ի հնազանդութեան արքունի, ի հարկս և ի հաստ չափոյ սակի արքունական աւանդութեանց»<sup>384</sup> կամ «Իսկ արքայ Սմբատ ընդ կրունկն դարձեալ հասանէր ի մայրաքաղաքն Դիլին: Եւ վասն զի ըստ առաջնոյ կիտին եղելոյ ոչ ետես զնոսս հնազանդեալս ի ծառայութիւն ինքեան և զսակ արքունի հարկաց եւ մաքսից նուազեցուցեալ, ապա դուռն ևս քաղաքին փակեցաւ ընդդէմ նորա»<sup>385</sup>:

Բաժը մեզ հետաքրքրող շրջանում գործ է ածվել 10–11-րդ դդ. երկու վիմական արձանագրութեան մեջ<sup>386</sup> և մեկ անգամ Ասողիկի կողմից<sup>387</sup>: Առաջին վկայութեան Արուճի 987 թ. արձանագրութեան մեջ կարդում ենք. «Ես Սմբատ Շահնշահ, որդի Աշոտոյ Շահնշահի, ազատեցի վասն իմ հաւրն հոգւոյն եւ իմ արեւշատութեան եւ մեղաց թողութեան զշալակաւոր բաժէ»<sup>388</sup>: Երկրորդ վկայութեան մեջ, որը գտնվում է Անիի 1057–1063 թ. նշանավոր արձանագրութեան մեջ ասվում է. «Եւ գինեւոր Անեցի, եթէ սայլով, եթէ գրաստով (բաժն – Վ.Բ.) ազատէ. Եւ Անեցի որ իւրենն մորթելիք

<sup>380</sup> Հովհաննես Դրասխանակերտցի, էջ 193:

<sup>381</sup> Նույն տեղում, էջ 196:

<sup>382</sup> Նույն տեղում, էջ 204:

<sup>383</sup> Հ. Մանանդյան, Հայաստանի արքունի հարկերի մարզավանութեան շրջանում, էջ 28–29:

<sup>384</sup> Թովմա Արծրունի, էջ 238:

<sup>385</sup> Հովհաննես Դրասխանակերտցի, էջ 160:

<sup>386</sup> Վիմական տարեգիր, էջ 9, 27:

<sup>387</sup> Ասողիկ, էջ 256: Բաժ տերմինն ընդհանրապես հարկի և մարսի իմաստով գործ է ածվել հիմ մատենագիրների (Կորյունի, Եղիշեի, Անանիա Շիրակացու) կողմից: Այդ մասին տես թ. Ավդալբեգյան, Հաս, սակ ու բաժ, էջ 73–92:

<sup>388</sup> Վիմական տարեգիր, էջ 9:

զնէ, բաժն ազատ է, և. շալակաւոր Անեցի ... բաժին կէան ազատէ: Եւ մսագործի, եթէ պախրէի լինի գլուխ, եթէ ոչխարի, կեսն տա, կէան ազատ է»<sup>389</sup>:

«Բաժը», ինչպես երևում է բերված փաստերից, մաքսային տուրքի իմաստ է ունեցել: Երկրորդ վկայության համաձայն, սայլով կամ դրաստով քաղաք դինի բերող կամ մսացու դնող անեցիներն ազատվում էին «բաժից»: Շալակավոր անեցիները վճարելու էին «բաժի» կեսը: Նույն ձևով նաև մսագործները պախրի և ոչխարի համար պեաք է տային սովորական պահանջվող հարկի կեսը: Շալակավորները ևս վճարելու էին բաժի կեսը:

Այսպիսով, «բաժը» կարող էր լինել մաքսային հարկ, վաճառահարկ և առևտրահարկ, այլ խոսքով, այն վերցվում էր ինչպես ապրանքի տեղափոխության, այնպես էլ ասեարից ու արհեստագործական արտադրանքից: Մական Բազրատունյաց շրջանում «բաժի» վերջին այս երկու ձևերի մասին փաստեր չունենք, ուստի և դա չենք պնդում:

«Խալա» հարկային տերմինը մեկ անգամ օգտագործվել է Անիի 1036 թ. արձանագրության մեջ: Պետրոս Ա կաթողիկոսը Գրիգոր Պահլավունու որդի Ալպղաբիպին է նվիրում այգի «սպմով և ծառովք պտղաբերովք և անպտղովք և խոտապեանովք և գ. աւր ջուր ազատ ի խալաէ»<sup>390</sup>: Հասկանալի է, որ խալան պտղատու ծառերից, գուցե նաև խաղողից, այլ խոսքով՝ այգիներից վերցվող հարկ էր, որն ըստ երևույթին այս շրջանում լայն տարածում չէր գտել: Հետագայում՝ 13-րդ դ. այն այնքան է տարածվում, որ արդեն գանձվում էր ինչպես պտղատու այգիներից ու խաղողից, այնպես էլ դինուց: Այսպես օրինակ, Թալիհի 1267 թ. արձանագրության մեջ կարդում ենք. «այս իմ գիր է պարոն Աղպուղայիս, թոռն մեծին Շահանշահի... թողի վիմ հայրենիք վեղիս դթալնայ գինոյ խալէն»<sup>391</sup>:

Մրենի 1238 թ. արձանագրության մեջ Սահմադինը գրում է. «Ես պարոն Սէնոպ Սահմադինս և ամուսին իմ Մրենոյ հացին

<sup>389</sup> Նույն տեղում, էջ 27:

<sup>390</sup> Նույն տեղում, էջ 20:

<sup>391</sup> Նույն տեղում, էջ 110-111:

շարիատն թողել էաք և հայմալ թողաք զէգեց զինոյ եւ խաղողի իալէն»<sup>392</sup>:

Մուծ, մրուր, կապիճ հարկային տերմիններն օգտագործվել են ընդամենը մեկ անգամ՝ Մրենի 1041 թ. արձանագրության մեջ. «այս իմ հրամանքն են, Գագկա Շահանշահի, որդո Աշուտո, Կապտեալ եմ զՄրենոյ հարկն, զծուծ եւ մրուր, զկապիճքն»<sup>393</sup>: «Մրուրը» Հ. Աճառյանը համարում է արաբերենից փոխառված բառ, որը նշանակում է անցնել, անցուղարձ անել<sup>394</sup>: Այստեղից կարելի է եզրակացնել, որ այն եղել է մի Ֆեոդալի հողերից մյուսն անցնելու անցահարկ: Դժվար է «ծուծ» և «կապիճ» հարկերին, թեկուզ ենթադրաբար, որևէ բացատրություն տալ: Նույն կերպ անբացատրելի է նաև մեկ անգամ Տեկորի 1049 թ. արձանագրության մեջ օգտագործված «պաշղիստ» հարկը:

Աշխարհիկ հարկային այս սխտեմին զուգահեռ գոյություն ունեւր նաև եկեղեցական հարկատվություն: Եկեղեցուն կամ վանքին տրվող հարկը սովորաբար կոչվում էր «պտուղ»: Վանքը իրեն պատկանող գյուղերի բնակիչների նկատմամբ հանդես էր գալիս որպես տիպիկ ֆեոդալ, նրանց հարկադրում այնպես, ինչպես իշխաններն իրենց տիրույթներում գտնվող գյուղերին: Դրանից զատ, եկեղեցին հատուկ եկեղեցական հարկ էր ստանում նաև աշխարհիկ ու հոգևոր ֆեոդալների իշխանությունը ենթակա բնակչությունից: Ահա այդ զուտ եկեղեցական հարկն է, որ կոչվում էր պտուղ:

«Պտուղ» հարկի գանձման չափն ու տեսակը որոշելու համար շատ կարևոր է Ստեփանոս Օրբելյանի բերած՝ Սյունիքի գավառների եկեղեցական հարկացուցակը<sup>395</sup>: Նախ հարկացուցակի կազմման ժամանակ վերաբերյալ: Մեզ թվում է, որ Հ. Ութմազյանը ճիշտ է, գտնելով, որ այն կազմվել է ոչ թե 13-րդ, ինչպես ընդունված է կարծել, այլ՝ 10-րդ դ.: Նա ցույց է տալիս, որ Սյունիքի գավառանունները 12–13-րդ դդ. փոփոխություն էին ենթարկվել,

<sup>392</sup> Նույն անդում, էջ 130:

<sup>393</sup> Նույն անդում, էջ 22:

<sup>394</sup> Հ. Աճառյան, Հայերեն արմատական բառարան, հ. Գ, էջ 1199–1200:

<sup>395</sup> Տե՛ս Ստեփանոս Օրբելյան, էջ 509–523:

որոնք Օրբելյանի բերած հարկացուցակում չեն արտացոլվել: Բայց այդ, վերջինս պետք է որ 1006 թ. շուտ կազմված լինի, որովհետև այդ թվին Նախճավանը մտավ Սյունիքի կազմի մեջ: Եթե հարկացուցակը 1006 թ. ուշ կազմվեր, ապա դրանում Նախճավանը ևս կհիշվեր: Հարկացուցակը, ինչպես վկայում է Ստեփանոս Օրբելյանը, կազմվել է «ըստ հին սահմանաց», ինչը ևս ցույց է տալիս, որ այն 13-րդ դ. շուտ է ստեղծվել<sup>396</sup>:

Ավելի դժվար է սրոշել այն հարցը, թե ինչով էր դանձվում «պտուղ» կոչվող հարկը: Ինչպես հայտնի է, Ստեփանոս Օրբելյանի հարկացուցակում, առանց որևէ բացատրություն չհաղթում բերված են Սյունիքի 14 գավառներն<sup>397</sup>, իրենց գյուղերով, որոնցից յուրաքանչյուր գյուղի դիմաց դրված են հինգից մինչև հիսուսնի սահմանում աճող կամ նվազող արստրակտ թվանշաններ: Մի բան պարզ է, որ Ստեփանոս Օրբելյանի հարկային ցուցակում արտացոլվել են ոչ թե վանքի բոլոր հկամուսները, այլ միայն Սյունիքի բոլոր գյուղերից նրա օգտին դանձվող եկեղեցական «պտուղ» հարկը:

Հարկացուցակի այդ թվանշանների բովանդակություն մասին մեր պատմագիտություն մեջ իրարամերժ կարծիքներ են հայտնվել: Ղ. Ալիշանը հարկացուցակում բերված թվերին բեռ ցորենի

<sup>396</sup> Տե՛ս Ն. Ուրմազյան, նշվ. աշխ., էջ 279–286:

<sup>397</sup> Հեղինակը այս գլխի վերնագրում տասներկու գավառ է նշում է, սակայն բնագրում մեջ է բերված ոչ թե տասներկու այլ տասնչորս գավառ: Բ. Հարությունյանը այս հանգամանքը ճիշտ բացատրում է նրանով, որ այդ փոփոխությունները, հավանաբար, հետագա արտագրողներն են կատարել: Իր գրքի Գ գլխում Օրբելյանը գրում է, որ Սյունիքն ունի տասներկու գավառ և տալիս է նրանց անունները: Գ և ՀԳ գլուխներում բերված գավառների անունները համեմատությունից երևում է, որ վերջին ցուցակում (հարկացուցակում) ավելացված են երկու նոր գավառներ՝ «Այլախը» և «Քաշունիքը»: Այնհայտ է, որ այս գավառները հետագայում են կազմվել: Այլախն իր քսանվեց բնակավայրով, ըստ երևույթին, առաջացել է Մղոկ խոշոր գավառից անջատվելու, իսկ Քաշունիքը՝ Բաղը գավառը երկու մասի բաժանվելու և 1-ին Բաղը ու 2-րդ Բաղը կամ Քաշունիք առաջանալու հետևանքով: Այս նոր գավառների առաջացման պատճառով Սյունիքն ընդհանուր առմամբ տերիտորիալ փոփոխությունների չի ենթարկվել (տե՛ս Ե. Մ. Арутюнян, Крестьянские волнения в Сюнии в X веке, Ученые записки Ереванского Государственного русского педагогического института им. А. А. Жданова т. 2, Ереван, 1950, էջ 163, ծան. 1:

իմաստ է վերագրում<sup>398</sup>, իսկ Կ. Շահնագարյանը ցորեն ու դրամ է համարում<sup>399</sup>:

Նորագույն ուսումնասիրողներից այս հարցին անդրադարձել են Ս. Հակոբյանը և Հ. Ութմազյանը: Ս. Հակոբյանը հենվելով Մատենադարանի 18-րդ դ. պատկանող № 3409 ձեռագրի մի վկայության վրա, ըստ որի Սյունիքի տասներկու դավառների եկեղեցական պտուղը հավասար է 6700 ոսկու<sup>400</sup>, և այս թիվը համեմատելով Օրբելյանի հարկացուցակի թվերի ընդհանուր գումարի հետ ու տեսնելով, որ տարբերություն մեծ չի, եզրակացնում է հարկացուցակի թվերի դրամական նշանակություն ունենալու մասին<sup>401</sup>:

Հ. Ութմազյանն իր հերթին հիմք դարձնելով այն, որ 10-րդ դ. Սյունիքում զարգացել էին դրամական հարաբերությունները և «նեպակը» դրամով է դանձվել, գտնում է, որ հարկացուցակի գյուղերի դիմաց նշանակված «պտուղ» հարկի թվերը ևս դրամական գումար են արտահայտել<sup>402</sup>:

Այս կարծիքների հետ դժվար է համաձայնվել, քանի որ մենք ուղղակի փաստեր ունենք «պտուղը» բնամթերքով ցորենով, կտավատով, անասուններով, յուղով դանձնելու մասին: Ամբերդի 11-րդ դ. մի արձանագրություն մեջ կարդում ենք. «Ամին Նշե (1024 – Վ. Բ.) ես իշխան Վահրամ շ(ի)նեցի գկաթողիկեսս այժոռ հա(յ)րապետական և սահման եղի պտուղն ի (այ)գի տունն Բ. կապիճ ցորենս յԱրազածոտն եւ էգին Բ փասգի ի Բաղաքադաշտի Բաբաղին... յԱնրերդի պտուղ ի տունն Գ կապիճ ցորենս ա կատաւաւաւաւ»<sup>403</sup>:

Մխիթար Գոշը եկեղեցուն ու հոգևորականներին տրվող հարկերի մասին գրում է. «Եւ զպտուղս ցորենոյ եւ գգինոյ եւ զլուղոյ

<sup>398</sup> Տես Ղ. Ալիշան, Սիսական, Վենետիկ, 1893, էջ 23:

<sup>399</sup> Ստեփանոս Օրբելյան, Պատմութիւն Նահանգի Սիսական, Կ. Բ., Փարիզ, 1859, էջ 370, ծան. 190:

<sup>400</sup> Ս. Հակոբյան, նշվ. աշխ., էջ 477–480:

<sup>401</sup> Նույն տեղում, էջ 477–480:

<sup>402</sup> Հ. Ութմազյան, նշվ. աշխ., էջ 288:

<sup>403</sup> Օգտվում ենք Կ. Ղաֆադարյանի Արձանագրությունների ժողովածու ձեռագիր աշխատությունից:

քոյ, և զստուգս կարոց խաշանց ցոց տացես նմա»<sup>404</sup>: Եթե «պտուղը» դրամով դանձվելիս լիներ, ապա Դատաստանագրքի հեղինակը, որը մեծ տեղ է հատկացնում առևտրագրամական հարաբերություններին, կնշեր այդ: 16-րդ դ. պատկանող ձեռագրի մի վկայության համաձայն «պտուղը» վերցվում էր ցորենով և գինով»<sup>405</sup>:

Եթե անգամ 16-րդ դ. վերոհիշյալ ձեռագրի վկայության հիման վրա հարկացուցակի թվերը դրամական թվեր ընդունենք, ապա պետք է ենթադրել, որ վանքը դյուղացիներից հարկը ոչ թե դրամով էր վերցնում, այլ բնամթերքով գանձվող հարկն արտահայտվել է դրամական չափով: Դրամը այստեղ միայն հարկային չափի դեր է կատարել:

Մենք անառարկելիորեն չենք պնդում, թե Ստեփանոս Օրբելյանի հարկացուցակում գյուղերի դիմաց դրված թվերը բնամթերքային հարկի թվեր են եղել (այդ հարցը վերջնականապես պարզված չի կարելի համարել), այլ ելնելով «պտուղը» մթերքով գանձելու հանգամանքից, կարծում ենք, որ Սյունիքն այս հարցում բացառություն չի կազմել, ուստի և հարկացուցակի թվերն արտահայտել են Տաթևի վանքի համար մթերքներով հավաքվող եկեղեցական հարկը:

Վանքերը «պտուղից» զատ շատ ավելի մեծ չափերի բնամթերքային հարկեր՝ ցորեն, գարի, ոչխար, յուղ, մեղր, ընկույզ և այլ տեսակի մթերքներ էին ստանում իրենց սեփական հողերում բնակվող բնակչությունից:

Այս բոլոր հարկերի վճարումից բացի, անմիջական արտադրողները ֆեոդալների կողմից շահագործման էին ենթարկվում նաև գանապան այլ ձևերով: Երևականները և արհեստավորները պարտագիր ձրի աշխատանք էին կատարում մեծ շինությունների, հասկապես վանքերի կառուցման վրա:

Երևականները պարտավոր էին նշանավոր տոների առթիվ «նվերներ» սալ տերերին: Չանագան առիթներով գյուղացիներից

<sup>404</sup> Մխիթար Գոշ, Դատաստանագիրք, էջ 136:

<sup>405</sup> Սևտևնադարան, ձեռ. № 8017, էջ 8:

«նվերների» ձևով եկամուտներ դուրս կորզելու եղանակն այնքան տարածված է հղել, որ Մխիթար Գոշն իր Դատաստանագրքի երկրորդ մասի Ա հոդվածում անդրադարձել է այդ հարցին և անարդար համարել շինականի հնարավորութուններից վեր «նվերներ» պահանջելը:

Այսպիսով, ինչպես տեսանք, Հայաստանում ֆեոդալական հողային ռենտայի երեք ձևն էլ գոյություն ունեն: Կոռը կամ աշխատավճար ռենտան մեծ չափերով կիրառվում էր խոշոր կալվածքային տնտեսություններում, մանավանդ հացահատիկային տնտեսություններում: Հացահատիկային կուլտուրաների մշակման հիմնական աշխատանքները (վարել, կալսել, տեղափոխել) կոռային աշխատանքի միջոցով էին կատարվում:

Ավելի լայն տարածվել էր բնամթերային ռենտան: Հարկերի բացարձակ մեծամասնությունը գանձվում էր զանազան տեսակի մթերքներով ու անասուններով:

Հարկերից դրամով վճարվում էր արքունի հարկերի մի մասը: Մի քանի հարկերի վերաբերյալ էլ դա կարելի է ենթադրաբար ընդունել: Սակայն ընդհանուր առմամբ դրամական հարաբերությունները բավական զարգացած էին և ըստ երևույթին օգտագործվում էին նաև կապալառության մեջ: Սյունիքի Սուփան իշխանի արդեն հիշատակած արձանագրության մեջ կարդում ենք. «եսուռորս ձկանց գինոջաչեն սեղանոյն, և 700 դրամ ի Դեղձանազետոյ զապալէն, 200 դրամ ի կաթկայ, 350 յԱնմեռէն, որ լինի 1250 դրամ»<sup>406</sup>: Դրամը կիրառվում էր հողերի զնման (քսակազին) և ներքին ու արտաքին առևտրի մեջ:

Որոշ ուսումնասիրողներ դրամաապրանքային հարաբերությունների ու քաղաքային կյանքի այդ արտաքին նշաններից ելնելով հզրակացնում են, որ Բագրատունյաց էպոխայում Հայաստանում տիրապետող էր դրամական ռենտան: Սակայն ֆեոդալական հողային ռենտայի տիրապետող ձևը սրտել կարելի է միայն տվյալ երկրի սոցիալ-տնտեսական պատմության բաղմակողմանի ուսումնասիրության հիման վրա: Դրա համար անհրաժեշտ է

<sup>406</sup> Ստեփանոս Օրբելյան, էջ 179:

պարզել, թե արդյոք շուկայի հետ գյուղացո՞ւ, թե կալվածատիրոջ տնտեսութեան միջոցով էր կապ ստեղծվում: Այդ հարցի պարզաբանումը կարևոր է այնքանով, որքանով որ գրամասապրանքային հարաբերությունների զարգացմանը դրամական ռենտայի ուժեղացումը միշտ էի ուղեկցում: Կարելի է տեսնել այնպիսի դեպքեր, երբ աշխատանքի հասարակական բաժանման աճը և շուկայի առաջացումը հանգեցնում են ռենտայի առաջին երկու ձևերի պահպանմանը կամ նույնիսկ ուժեղացմանը: Նման դեպքերի հիմնականում հանդիպում ենք այն ժամանակ, երբ շուկայի հետ ֆեոդալական գյուղը կապվում է ոչ թե գյուղացու, այլ՝ կալվածատիրոջ տնտեսութեան միջոցով: Կալվածատերն աշխատում էր հարկերի ուժեղացման միջոցով ավելի շատ մթերքներ ստանալ, ասպա այն շուկայում դրամի վերածել, և ոչ թե գյուղացուց ուղղակի դրամական հարկ պահանջել: Նույն կերպ դրամասապրանքային տնտեսութեան զարգացումը կարող է խթանել կոռային աշխատանքի ուժեղացումը:

Մենք արդեն տեսանք, որ հարկերը մեկ կամ մի քանի բացառությամբ միայն, մոծվում էին մթերքներով: Սրանից հետևում է, որ գյուղացու տնտեսությունը շուկայի հետ կապված էր, նա իր մթերքները փողի վերածելու միջոցներ ու հնարավորություն չունենալով, տուրքերը մթերքով էր վճարում: Սակայն միաժամանակ վիճակաւն արձանադրություններից ու Ստեփանոս Օրբելյանի մեջբերած վավերագրերից տեսանք, որ աշխարհիկ ու հոգևոր ֆեոդալները գործ էին ունենում դրամի հետ: Այստեղից էլ հասկանալի է, որ կալվածատիրոջ տնտեսությունն էր կապվում շուկայի հետ ու որոշ չափով ապրանքային բնույթ ստանում և ոչ թե պատրաստի դրամ էր ստանում շինականից:

Ի դեպ, ի տարբերություն ֆեոդալական այլ երկրների, ուր սովորաբար եկեղեցին փակ նատուրալ տնտեսություն էր վարում, ընդհանրապես հայ իրականություն մեջ, մասնավորապես Բագրատունյաց ժամանակաշրջանում, նա դրամական գործառնության տեսակետից հետ էր մնում աշխարհիկ ֆեոդալներից, եթե չասենք ավելին:

Կալվածքային տնտեսությունների ապրանքային բնույթն էլ հարաբերական իմաստով պետք է հասկանալ: Շուկայի հետ կապվել էին գլխավորապես առևտրական ճանապարհների վրա կամ դրանց շատ մոտ գտնվող Հայաստանի կենտրոնական շրջանների աշխարհիկ ու եկեղեցական ֆեոդալական տնտեսությունները, իսկ ծայրամասային, հատկապես լեռնային շրջանների ֆեոդալական տնտեսությունները նատուրալ բնույթ ունեին:

Այսպիսով հաստատապես կարելի է ասել, որ Բագրատունյաց շրջանում ռենտայի տիրապետող ձևը բնամթերքայինն էր՝ կուլուրին ու դրամական ռենտայի գոյություն և վերջինիս անմահ հեռանկարներ ունենալու պայմաններում: Հարկային այս ծանր լուծը մի կողմից և համայնական հողերի հաշվին խոշոր ֆեոդալական հողատիրությունը՝ մյուս կողմից դասակարգային պայքարի սրման պարարտ հող էին ստեղծում:

### 3. Սոցիալական շարժումները Հայաստանում 10—11-րդ դդ.

10-րդ դ. Հայաստանի տարբեր մասերում Այրարատում, Սյունիքում և արևմտյան գավառներում գյուղացիական խոշոր ապստամբություններ ու շարժումներ են տեղի ունենում:

Երկրի տարբեր շրջաններում բռնկված այդ շարժումների պատճառներն ընդհանուր էին և ամբողջ Բագրատունյաց Հայաստանում գործող միևնույն տնտեսական պայմանների արդյունք էին: Ավելի ճիշտ, գյուղացիական շարժումներն այս ժամանակաշրջանում Հայաստանի տնտեսական հարաբերությունների մեջ կատարվող տեղաշարժերի սոցիալական արտահայտությունը հանդիսացան:

Երկրի տնտեսության մեջ տեղի ունեցող այդ փոփոխությունները երկու հիմնական ուղղությամբ էին կատարվում:

ա) Հողատիրության ձևերը, մասնավորապես խոշոր ֆեոդալական կալվածքը զարգանում էին, որի շնորհիվ ֆեոդալները տնտեսական ու քաղաքական կարողությունն անում էր: Ֆեոդա-

լաիան կալվածքի աճի հիմնական աղբյուրը գյուղական համայնական հողերն էին: Զանազան մեթոդներով ու ճանապարհներով իշխանները և հոգևոր ֆեոդալները տիրանում էին համայնական հողերին, հաճախ էլ նույնիսկ կցում անհատական սեփականություն հանդիսացող իրենց հողերին: Ազատ կամ կիսանկախ համայնքները տնտեսապես իրենց պերիշխանության ենթարկելուն հաջորդում էր նրանց վրա իրավաքաղաքական իշխանություն ձեռք բերելը: Հետզհետե գյուղական համայնքներն ընկնում էին ֆեոդալների տնտեսական ու քաղաքական իշխանության տակ: Միաժամանակ տեղի էր ունենում նաև այլ պրոցես՝ ուժեղանում է համայնքի ներքին շերտավորումը: Այլ խոսքով՝ խոշոր հողատիրության զարգացմանը զուգընթաց գյուղական բնակչության վիճակը փոփոխվում էր: Աստիճանաբար կրճատվում էր ազատ համայնականների թիվը և ֆեոդալական անմիջական ճնշման տակ ընկնելու հետևանքով նրանց տնտեսական ու քաղաքական դրությունը վատթարանում էր:

բ) Ինչպես հայտնի է, ագրարային հարաբերությունների մեջ կատարվող այդ սեղաչարժերից բացի, Բագրատունյաց Հայաստանին բնորոշ էր նաև առևտրի, դրամաապրանքային հարաբերությունների և քաղաքային կյանքի զարգացումը: Այս էպոխայում ֆեոդալական կալվածքներն ընդգրկվում են դրամաապրանքային հարաբերությունների մեջ և որոշ չափով ապրանքային բնույթ ստանում:

Առևտրի ու քաղաքային կյանքի ընդհանուր զարգացումն ազդում էր ֆեոդալի տնտեսության և նրա կենցաղային պայմանների վրա: Փեոդալ իշխանների պահանջներն աճում էին: Նրանք իրենց նստավայրերում նորանոր պալատներ էին կառուցում, զարդարում շքեղ իրերով, վարում բավական ցոփ կյանք, օգտագործում պերճանքի բաղմատեսակ առարկաներ ու զարդեր, որոնց զգալի մասը բերվում էր այլ երկրներից: Այս բոլորի հետևանքով իշխանները հետզհետե ավելի ու ավելի շատ էին դրամի պահանջ զգում, որը նրանք բավարարում էին ոչ թե մթերային հարկերը դրամականի փոխարինելու միջոցով, այլ կապվում էին շուկայի կամ առևտրականների հետ և իրենց մթերքների մի մասը մշտա-

պես դրամի վերածում: Պատահական չէ, որ մեզ են հասել փաստեր այլ երկրներում Հայաստանի գյուղատնտեսութեան հիմնական արտադրանքի՝ ցորենի վաճառքի մասին<sup>407</sup>:

Ֆեոդալները բավարար ցանկութեամբ մթերքներ ունենալու համար ավելացնում էին հարկերը, որոնք հաճախ այնքան էին ծանրանում, որ գյուղացին չքավորութեան ու աղքատութեան մեջ էր ընկնում: Բացի այդ, վերջիվերջո գյուղացիների ուսերի վրա էր ծանրանում մանր թագավորութիւնների և իշխանութիւնների ամբողջ պետական ապարատի ծախսերը, և այս շրջանում լայն ծավալ ստացած բերդերի ու զոյակների շինարարութիւնը:

Այսպիսով, ֆեոդալական հողատիրութեան աճի ու համայնքներն իրենց տիրապետութեանը ենթարկելու հետևանքով ուժեղանում էր գյուղացիութեան տնտեսական ճնշումը (կոռալին աշխատանքն ընդլայնելու և ուժեղացնելու, եկեղեցիների, կամուրջների, ֆեոդալական բերդերի և այլ խոշոր շինութիւնների վրա նրանց պարտադիր, ձրի աշխատացնելու միջոցով), որն ավելի քան ծանր էր դառնում հարկերի ավելացման հետևանքով: Եթե սրան ավելացնենք նաև համայնքի ներքին շերտավորման ուժեղացումը, ապա պարզ կդառնա, թե ինչու գյուղացիութեան մի մասն ուղղակի քայքայման էր ենթարկվում և վարձակալութեամբ զբաղվում կամ համալրում քաղաքի աշխատավոր բնակչութեան շարքերը:

Գյուղացիութիւնը ֆեոդալական շահագործման ուժեղացմանը պատասխանում էր ակտիվ սոցիալական պայքարով՝ ապստամբութիւններով:

Սոցիալական շարժումներ ծնող այս հիմնական պատճառներից բացի կար նաև արտաքին դրդապատճառ, որը արագացրեց ու խթանեց գյուղացիական ընդվզումները: Դա Ատրպատականի էմիր Յուսուֆի 909 թ. սկսած ավերիչ ու թալանչիական արշավանքներն էին: Յոթ տարի տևած այդ սարսափելի արշավանքների ընթացքում ամբողջ երկիրը քայքայվեց, ավերվեցին դուղերն ու քաղաքները, շատ տեղերում դադարեցին գյուղատնտեսական աշխատանքները: Դրութիւնն ավելի էր վատանում հայ իշխանների

<sup>407</sup> J. Laurent, Ուշվ. աշխ., էջ 38:

ներքին դժուրությունները ու կռիւլների հետեանքով: Նրանք փոխանակ միաբանելու և կազմակերպված դիմադրություն ցույց տալու Յուսուֆի հրոսակների, լքեցին Սմբատ Թագաւորին, որը մենակ մնալով չկարողացավ դիմադրել թշնամու գերագանց ուժերին, գերվեց ու սպանվեց:

Գյուղացիության առանց այն էլ ծանր վիճակը Յուսուֆի արշավանքների պատճառով առանձնապես անտանելի դարձանա չհանդուրժեց այդ ամենը և ապստամբեց: Գյուղացիական ապստամբություն բռնկվեց Այրարատում, իսկ երկրի հատկապես արևմտյան շրջաններում տարածվեց Թոնդրակյան սոցիալական շարժումը:

ա) Այրարատի գյուղացիական ապստամբությունը: Արարատում ապստամբությունը սկսվեց Յուսուֆի արշավանքների սկզբնական շրջանում՝ 909–910 թթ. և տևեց մինչև 918 թ.: Յավոթ գյուղացիական այս պայքարի մասին ժամանակի կաթողիկոս Հովհաննես Դրասխանակերտցու վկայություններից բացի այլ փաստեր չունենք: Վերջինս էլ լինելով տիրող դասակարգի գաղափարախոսը և իր ժամանակի ահտիվ եկեղեցական-քաղաքական գործիչը, ոչ թե պատմում է ապստամբության առողության, ընթացքի, նրա ղեկավարների ձգտումների ու նպատակների մասին, այլ բավարարվում է ապստամբներին հայհոյելով և մեղադրելով այն բանի մեջ, որ նրանք օտարի արշավանքի շրջանում դուրս են եկել իրենց տերերի գեմ: Պատմիչի այդ կշտամբալից խոսքերից անգամ երևում է, որ ապստամբությունը բավական սուր բնույթ է ունեցել:

Այսպես, նա կակիծով հայտնում է, որ հասարակ մարդիկ (նրանց հաճախ սրիկա, ավաղակ է անվանում) աշխատում էին իրենց տերերին տրեխներ հագցնել և գետնի վրա ման ածել, իսկ իրենք բարձրանալ ձիերի վրա, որ նրանք ձգտում էին իրենց թագաւորներին և իշխաններին տապալել, խլել նրանց բնակավայրերը և ըստ իրենց ցանկության նորերին ընտրել: Դրասխանակերտցին զրում է. «վասնզի նուազունքն քան զմեծամեծան ձեռներէց լինել ջանալին... զի դոտարս տրեխաւորեալ՝ ի գետնի գնացուսցին և ինքեանք ելցեն յերիվարս ահիպարանոցս և առաթուր հարողս՝

խորխտացեալք և սոնքացեալք մեծաւ ապստամբութեամբ: Իսկ թագաւորք մեր և պետք և իշխանք, զորս ի բնէ նախորարութիւնք էին՝ ջանային վարատել և խլել յիւրաքանչիւրոցն բնակութեանց, և ըստ ախորժից իմն ձեռական և նոր ստեղծանել պայազատս և սպասալարս»<sup>408</sup>: Ապա պատմիչը շարունակում է, որ եղբայրը եղբոր, ազգականն ազգականի դեմ դուրս գալով թշնամուց ավելի միմյանց արյուն էին հեղում և քաղաքները, գյուղերն ու ագարակները քանդում, ավերակ էին դարձնում. «Այլ և եղբայր ընդ եղբօր և ազգայինք ընդ ազգայինս ընդվզեալ... ընդ միմեանս հարեալք՝ հակառակութիւն և ի կռիվ պայքարէին. և միշտ սուր յաղղեր ունելով՝ բազում ևս քան զթշնամիսն հեղուին ի միմեանց զարեան ճապաղիս և առհասարակ զքաղաքս զգեօղս և վաւանս և զագարակս, այլ և զսուենս իւրեանց քանդէին ձեռօց իւրեանց»<sup>409</sup>:

Ճիշտ է, հայ ֆեոդալներին բռնի ուժի միջոցով հաջողվեց ճնշել այս ապստամբութիւնը, սակայն այն եղակի երևույթ էր, գյուղացիական ուժեղ ապստամբութիւն էր սկսվել նաև Այուսիքում:

բ) Այուսիքի գյուղացիական ապստամբութիւնը: Այս ապստամբութիւնը, որն ընդհատումներով տևեց մոտ մեկ դար, մեկ ավելի ծանոթ է շնորհիվ Ստեփանոս Օրբելյանի հաղորդած տվյալների և նրա Պատմութեան մեջ բերած հրովարտակների ու նզովագրերի: Եթե Այրարատում դասակարգային պայքարի ուղղակի պատճառ դարձավ հարկերի ուղղակի ծանրացման<sup>410</sup> ու արտաքին արշավանքների հետևանքով գյուղացիութեան դրութեան վատթարացումը, ապա Այուսիքում պայքարը բորբոքվեց հսկի համար՝ խոշոր ֆեոդալական հողատեր Տաթևի վանքի և հարեան գյուղերի միջև:

Ինչպես տեսանք դեռևս 9-րդ դ. 30-ական թթ. սկսած՝ Տաթևի վանքը զանազան մեթոդներով ու միջոցներով մեծացնում էր իր կալվածքները: Այն մեծ նվերներ է ստանում հատկապես 906 թ. մայր եկեղեցու կառուցումն ավարտելու կապակցութեամբ: Բազ-

<sup>408</sup> Հովհաննես Դրասխանակերտցի, էջ 258–259:

<sup>409</sup> Նույն տեղում, էջ 259:

<sup>410</sup> Տե՛ս Ստեփանոս Օրբելյան, էջ 230:

մաթիով գյուղերի ու այգիների թվում վանքին է անցնում նաև Սյունիքի գահերեց իշխան Աշոտի նվիրած Յուր (Յուրաբերդ) գյուղը: Այդ ժամանակներից սկսած, հակասություններ են սկսվում վանքի և Յուր գյուղի միջև: Ստեփանոս Օրբելյանն այդ նվիրումների առթիվ ավելացնում է. «Բայց թէպէտ զայս ամենայն սուրս արարին, զբնակիչս բերդին Յուրա ոչ կարացին հանել ի տեղւոյն. պի հին հայրենի տէրք էին և բարբարոսք և պիղծ մարդիկ»<sup>411</sup>:

Այս վկայության մեջ չափազանց ուշագրավ է այն փաստը, որ նրանց չի հաջողվում հանել Յուրի բնակիչներին, որովհետև «հին հայրենի տէրք էին»: Անշուշտ, հեղինակը «հին հայրենի տէրք» ասելով նկատի է ունեցել, որ Յուրի բնակիչները հնուց ի վեր այդ գյուղի ու նրա հողամասերի բուն տերերն են եղել: Ինչպես Յուրը, այնպես էլ ապստամբ մյուս երկու գյուղերը, ազատ համայնական գյուղեր են եղել և իրենց շրջակա հողերի սեփականատերն են հանդիսացել, դրա համար էլ «հայրենատէր» են կոչվել: Հենց սեփականատիրական իրավունք ունենալու հետևանքով է, որ գյուղացիները ոչ մի կերպ չէին համաձայնվում թողնել այդ վայրը: Չկարողանալով այլ միջոցներով գյուղացիներին վտարել, վանքի Հովհաննես եպիսկոպոսը բռնի ուժի է դիմում, որն էլ առաջացնում է գյուղացիության կատաղի զլմադրությունը:

Ստեփանոս Օրբելյանն իր երկի ԽԸ գլխում նկարագրում է Յուրի ապստամբությունը և մեջ է բերում Հովհաննես եպիսկոպոսի 915 թ. նդովադիրը, որտեղ փաստորեն արված է ապստամբության ճնշման և Յուրի ավերման պատմությունը: Նա պատմում է, որ ցուրաբերդցիները մի դիշեր հանկաճակի հարձակվում են վանքի վրա, փնտրում եպիսկոպոսին, որպեսզի սպանեն, սաչայն նրան չգտնելով եկեղեցու հողեորականներից մի քանիսին սպանում են, իսկ մյուսներին փախուստի մատնում և կողոպտում վանքն ու հետևում Յուրաբերդ: Իրենց հետ արծաթե սափորով տանում են մեռունն ու թափում քարի վրա: Առավոտյան գալիս է եպիսկոպոսն ու տեսնելով կատարվածը՝ նդովում է ցուրաբերդցի-

<sup>411</sup> Տես նույն տեղում:

ներին և չհամարձակվելով այլևս այդտեղ ապրել՝ վերցնում է սուրբ խաչն ու հեռանում:

Փաստորեն ապստամբները ժամանակավոր հաղթանակ են տանում վանքի նկատմամբ, որովհետև ինչպես եպիսկոպոսը, այնպես էլ մյուս հոգևորականները չհամարձակվելով այլևս վանքում ապրել, թողնում են այն ու հեռանում, այսինքն՝ վտարվում են ապստամբների կողմից:

Երբ հոգևորականներին հալածելու և վանքը կողոպտելու լուրը հասնում է Սյունյաց գահերեց իշխան Սմբատին, նա 915 թ. իր ազատների հետ եպիսկոպոսին համոզում է վերադառնալ, իսկ ինքը մեծամեծ պատիժներով հալածում ու ցրում է Յուրի բնակչուկթյանը և այն իր սահմանով սեփական ժառանգուկթյան իրավունքով հանձնում վանքին: Ապա Հովհաննես եպիսկոպոսին հանձնարարում է նյովադիր գրել և դնել եկեղեցում, որպեսզի ոչ ոք այլևս չհամարձակվի Յուրաբերդը հանել վանքի տիրապետուկթյունից կամ վերականգնել այն:

Տաթևի հոգևորականուկթյան այս հաղթանակը վերջը չէր: Շուտով՝ 930-ական թթ. ապստամբում են Ավելադաշու (Բելլո) և Տամալեկ գյուղերը: Նրանք ևս «բազում և մեծամեծ վիշտս և նեղուկթիւնս հասուցեալ էին վանիցն»<sup>412</sup>: Ստեփանոս Օրբելյանը շատ սակավ տեղեկուկթյուններ է հաղորդում այս երկու գյուղերի ապստամբուկթյան մասին<sup>413</sup>, սակայն նրա տված «ավազակ», «ելուզակ» և այլ ածականներից երևում է, որ հոգևորականուկթյան դեմ գյուղացիների պայքարն այս դեպքում ևս ունեցել է արմատական բնուկթյթ: Ապստամբուկթյունը կրկին ճնշվում է Սյունիքի գահերեց իշխանի բռնի ուժի միջոցով: Սակայն Տաթևի վանքի դեմ Սյունիքի գյուղացիուկթյան պայքարը դրանով չի ավարտվում:

10-րդ դ. վերջերին և 11-րդ դ. սկզբին վանքի՝ հատկապես նրա եպիսկոպոս Հակոբի ճնշումների դեմ Յուրը 1000–1002 թթ. կրկին ոտքի է կանգնում<sup>414</sup>: Յուրաբերդցիները այս երկրորդ

<sup>412</sup> Նույն տեղում, էջ 270–271:

<sup>413</sup> Նույն տեղում, էջ 257–270–271:

<sup>414</sup> 915 թ. Սմբատ իշխանի կողմից Յուրի ապստամբուկթյունը ճնշելու մասին խոսելիս Ստեփանոս Օրբելյանը հայտնում է. «Բայց յետ բազում ժամանակաց մինչ խան-

ապստամբութեան ժամանակ նորից հարձակվում և ավերում են վանքը: «Յարուցին մեծամեծ հալածումն և կեղեցւոյն յաւուրս Վասակայ թագաւորեցելոյն և Սեւդայի և Շահանդխտոյ՝ մօր նոցա. և կրկին աւերեցին զվանան»<sup>415</sup>: Նրանք դարան են մտնում Յուրի ձորում և սպանում Բաղքից վերադարձող Հակոբ եպիսկոպոսին: Ճիշտ է վարվել ի. Ջավախիշվիլին, երբ այս փաստին արժանավայել նշանակութուն է տվել, ասելով, որ միջնադարի պայմաններում վանականին ոչ միայն սպանելը, այլև վիրավորելը ծանր և անքավելի մեղք էր համարվում, իսկ եթե հարձակվողները դրա առաջ կանգ չառան, ապա դա, անշուշտ, գյուղացիական ապստամբութեան արմատական բնույթի ու նրանց զայրույթի ծայրահեղութեան ապացույցն է<sup>416</sup>:

Այս անգամ էլ վանքին օգնութեան է հասնում աշխարհիկ իշխանութիւնը: Հակոբ եպիսկոպոսի հաջորդ Գրիգոր եպիսկոպոսի

գարեալ էր հայրապետանոցն» (էջ 250) Յուրի բնակչները կրկին հարձակվեցին և սպանեցին Հակոբ եպիսկոպոսին (էջ 250): Ուսումնասիրողները էլենյով նրանից, որ Հակոբի եպիսկոպոսության շրջանն ընկնում է 10-րդ դ. վերջերը, ապստամբությունն էլ մոտավորապես այդ րվերին են վերագրում: Մեր կարծիքով դա ճիշտ չէ:

Ստեփանոս Օրբելյանը դժբախտաբար չի նշում ո՞չ Հակոբ եպիսկոպոսի, ոչ էլ նրա հաջորյ Գրիգորի եպիսկոպոսության տարիները կամ վերջինիս ընտրության րվակակնը: Շահանդուխտ Թագուհու կողմից 998 թ. Տեղ գյուղը Տաբևին նվիրելու առթիվ գրած արձանագրությունում Հակոբ եպիսկոպոսը հիշատակվում է: Նշանակում է, որ ապստամբությունն ու Հակոբի սպանությունը դրանից հետո պետք է կատարված լինեն: Այդ նվիրատվության դեպքից հետո պատմիչն ավելացնում է. «Եւ արդ այս Յուսկոբ կեցեալ ամս սակաւ վախճանի» (էջ 294): Երե այդ սակավ տարիներն ընդունենք 2-3 տարի, ապա կստացվի, որ ապստամբությունը տեղի է ունեցել 1000-1002 թթ.: 998 թ. հետո Հակոբի ապրած սակավ տարիները 2-3 տարուց պակաս չենք կարող ընդունել, որովհետև Օրբելյանը տարիներ է ասում և ոչ տարի, ավելի տարիներ էլ չի կարելի ընդունել, քանի՞չր Հակոբին հաջորդող Գրիգորի մասին պատմիչը հայտնում է, որ նա եպիսկոպոս ընտրվելուց հետո «կեցեալ... տակաւ ժամանակս՝ փոխի յաստեացս» (էջ 295): Գրիգորի եպիսկոպոսության սակավ ժամանակը երի 3-5 տարի ընդունենք, ապա կստացվի, որ նա Հակոբին փոխարինել է կրկին 1000-1002 թթ., որովհետև 1006 թ., Գրիգորը մահացած էր և Սարգիս կարողիկոսի միջնորդությամբ եպիսկոպոս էր ընտրվել Հովհաննեսը (Ազգապատում, էջ 1164): Այսպիսով՝ Յուրի երկրորդ ապստամբությունը պետք է գնել 1000-1002 թթ. միջակայքում:

<sup>415</sup> Ստեփանոս Օրբելյան, էջ 250:

<sup>416</sup> Տե՛ս Իվ. Ջավախիշվիլի, Նյուրեք Հայաստանի սոցիալական շարժումների պատմության համար, Լ. Մելիքսեթ-Քեկի բարձրամտությամբ, առաջաբանով ու ծանոթագրություններով, Յերեվան, 1937, էջ 17:

խնդրանքով Վասակ թագավորը ճնշում է Յուրի այս երկրորդ պատամբուլթյունը<sup>417</sup>:

Սյունիքում, ինչպես իրավացիորեն շեշտում է Բ. Հարությունյանը, պայքարը գյուղական համայնական հողերի շուրջն էր: Յուր, Տամայեկ և Ավելադաշտ գյուղերի բնակիչները ոչ մի կերպ չէին համաձայնվում հօգուտ վանքի հրաժարվել հնուց ի վեր իրենց սեփականութունը հանդիսացող հողերից: Այդ հողերի պաշտպանության համար, ինչպես տեսանք, ոտքի են կանգնում ոչ թե գյուղական առանձին տնտեսութուններ կամ խմբեր, այլ ամբողջ գյուղական համայնքը:

Հարևան գյուղերի համայնական հողերն իր տնտեսությանը միացնելու վանքի ձգտումն այնքան մեծ էր, ու տենչալից, որ Յուրը երկու անգամ ավերելով և նրա հողերին տեր դառնալով, այն ոչ միայն հոգ չէր տանում շահագործվող գյուղական բնակչության նկատմամբ, այլև հալածում ու քշում է տարբեր կողմեր<sup>418</sup>:

Այսպիսով, ի վերջո Փետդալական խոշոր հողատեր Տաթևի վանքին, աշխարհիկ Փետդալների սերտ համագործակցության ու օգնության շնորհիվ, հաջողվեց դաժան դատաստան տեսնել գրեթե մեկ ամբողջ դար իրենց հողային իրավունքների համար պայքարող գյուղացիների հետ: Նրանք գյուղացիներին վաւրեցին իրենց սեփական հողերից և դրանք կցեցին վանքի սեփական տնտեսությանը:

Սակայն դրանով տիրող դասերին չի հաջողվում վերջ տալ այս էպոխայի սոցիալական շարժումներին:

գ) Թոնդրակյան գյուղացիական շարժումը: 9-րդ դ. վերջերին և 10-րդ դ. սկզբին կրոնական քողի տակ հանդես եկավ Թոնդրակյան շարժումը և տևեց մինչև 11-րդ դ. կեսերը:

Թոնդրակյան շարժման հիմնադիր առաջնորդն ու գաղափարախոսը եղել է Սմբատ Զարեհավանցին: Ասողիկը նրա մասին

<sup>417</sup> Ստեփանոս Օրբելյան, էջ 251:

<sup>418</sup> Տիւ Ե. Մ. Арутюнян, Крестьянские волнения в Сюнии в X веке, Учёные записки Ереванского государственного института им. А.А. Жданова, т. II, էջ 135, 178-179:

գրում է. «Յաւուրս սորա (Հովհաննես Դրասխանակերտցու – Վ. Բ.) երեւցաւ Սմբատ Թոնդրակաց առաջինն ի Զարեհավան գեղջէ ի Ծաղկոտն գաւառէ, հակառակ ամենայն քրիստոնէական կարգաց»<sup>419</sup>:

Աղբրնական շրջանում շարժման կենտրոններն էին Ծաղկոտն գոյառւի Զարեհավան գյուղը և Ապահունիք գոյառւի Թոնդրակավանը<sup>420</sup>: Այս ավանի անունով էլ շարժումը կոչվել է Թոնդրակեցիների կամ Թոնդրակյան: Թոնդրակեցիներն իրենց պայքարն ուղղում էին հատկապէս եկեղեցու դեմ, որպէս ժողովրդին շահագործող ֆեոդալական զորեղ կազմակերպութեան և տիրող կարգերի ամուր հենարանի:

Եկեղեցին խոշոր կալվածքներ ունենալով և իր հոգևոր իշխանութեան տակ գտնվող գյուղական բնակչութունից եկեղեցական հարկ ստանալով չէր բավարարվում: Նա ամեն մի քայլափոխի զանազան ծիսակատարութիւնների և արարողութիւնների (մկրբատութիւն, պսակ, հուղարկավորութիւն, հաղորդութիւն, մեղքերի թողութիւն, ձևաւազութիւն, աղոթք, մատաղ և այլն) միջոցով հսկայական նյութական միջոցներ էր քամում ժողովրդից: Այս ժամանակ վանքերի, եկեղեցիների և հոգևորականութեան քանակական աճի պայմաններում զանազան առիթներով կատարվող եկեղեցական ծիսակատարութիւններն աշխատավորների համար սոցիալական չարիքի էր վերածվել: Այդ իսկ պատճառով Թոնդրակեցիների պայքարի սուր ծայրը ուղղում էին եկեղեցական ծեսերի ու արարողութիւնների դեմ:

Դժբախտաբար Թոնդրակյանների զաղափարախոսութիւնը ճիշտ վերարտադրող, անաչառ աղբյուրներ մեզ չեն հասել: Պահպանվել են միայն նրանց զաղափարական հակառակորդների կամ տիրող դասակարգի ներկայացուցիչների զործերը (Արիստակէս Լաստիվերտցի, Գրիգոր Մագիստրոս, Գրիգոր Նարեկացի)<sup>421</sup>, որոնք նրանց ուսմունքը ազավազված են ներկայացրել: Այնուամենայնիվ

<sup>419</sup> Ասողիկ, էջ 160:

<sup>420</sup> Տես Գրիգոր Մագիստրոսի բոքերը, Ալեքսանդրապոլ, 1910, էջ. 153–154:

<sup>421</sup> Տես Արիստակէս Լաստիվերտցի, էջ 142–151, 151–162, տե՛ս նաև Գրիգոր Մագիստրոսի բոքերը, էջ 147–164, Գրիգ Թորոց, Թիֆլիս, 1910, էջ 498–509:

մենայնիվ Հնարավոր է Հիմնական գծերով պատկերացում կադմել նրանց ուսմունքի մասին:

Թոնդրակեցիները ժխտում էին մկրտութունը, այն համարելով սովորական լվացում, իսկ մկրտության ավազանը՝ սովորական ջրաման: Հաղորդութունն ու պատարազը դատարկ ու սնուտի արարողութուն էին համարում: Ծաղրում էին մասադի սովորութունը: Մատաղացու անասունին դիմելով Թոնդրակյան առաջնորդներից մեկն ասում է. «Այ տառապեալ չորքոտանի, թո՞ղ թէ նա (մահացածը, որի համար մատաղ էր արվում – Վ. Բ.) գիւր ժամանակն մեզս արար և մեռաւ, դու զի՞նչ մեղար որ ընդ նմա մեռանիս»<sup>422</sup>: Նրանք ժխտում էին նաև ձեռնադրութունը, աղոթքը և եկեղեցական գրեթե բոլոր ծերերն ու արարողութունները: Հետևաբար նրանք դեմ էին նաև այդ եղանակով եկեղեցու ձեռք բերած հարստությանը: Սմբատ Զարեհավանցու հաջորդներից Կյուրեղն ուղղակի ասում էր. «մենք ոչ եմք նիւթապաշտ, այլ աստուածապաշտք»: Եվ քանի որ աստված ամենուրեք է, մարդիկ կարող են նրան պաշտել առանց եկեղեցու և ծիսակատարութունների:

Այսպիսով, Թոնդրակեցիները հանգում էին եկեղեցին ու եկեղեցական հիերարխիան ժխտելու գաղափարին: Նրանք գտնում էին, որ աստվածապաշտութունը պետք է ղերծ լինի նյութական բարիքներից, զեխութունից և ստեղծել էին նյութական դուրսնաբերության ու իրավահավասարության վրա հիմնված բազմաթիվ համայնքներ: Թոնդրակեցիները միաժամանակ գտնում էին, որ ամուսնութունը պետք է հիմնված լինի փոխադարձ սիրտ ու համաձայնության վրա և մերժում էին բռնության հիման վրա կառուցված ընտանիքը<sup>423</sup>:

Սմբատ Զարեհավանցուց հետո Թոնդրակյան շարժումն աստիճանաբար ավելի տարածվեց: 10-րդ դ. վերջերին այն ընդգրկեց Հայաստանի մի շարք գավառներ: Այս շրջանում շարժման վեկա-

<sup>422</sup> Արիստակես Լաստիվերոսյի, էջ 147:

<sup>423</sup> Տե՛ս Գրիգոր Մագիստրոսի թղթերը, էջ 160:

վարներէից հայտնի են Թողորոսը, Անանեսը, Արքան, Սարգիսը, Կյուրեղը, Հեսուն և ուրիշները<sup>424</sup>:

Նրա հիմնական ուժը կազմում էին ծանր դրուժյան մեջ գտնվող գյուղի և քաղաքի աշխատավորական մասսաները: Շարժմանը մասնակցում էին նաև սակավաթիվ հոգևորականներ ու մանր ազնվականներ, որոնց ձգտումները, սակայն, իրենց նեղ, դասային շահերից և հիկեղեցին մասնակի փոփոխությունների ենթարկելուց այն կողմ չէին անցնում:

Եկեղեցին ու խոշոր ֆեոդալները փորձեցին վերջ տալ Թոնդրակյան շարժմանը, սակայն դա նրանց չհաջողվեց, որովհետև Թոնդրակեցիների քարոզի սոցիալական բովանդակությունը մեծ համակրանք էր վայելում և ուժեղ պաշտպանություն գտնում աշխատավորական լայն շրջաններում:

11-րդ դ. առաջին կեսին շարժումն ավելի մեծ բռնկումներ տվեց հատկապես Ապահունիք, Հեր, Զարեանդ, Մանանդի գավառներում, Վասպուրականում և տարածվեց Բյուզանդական կայսրության արևելյան շրջաններում, Ասորիքում ու Աղվանքում:

Թոնդրակյան շարժմանը մասնակցում և նրա մեջ կարևոր դեր էին խաղում նաև կանայք: Մանանդի գավառի Շիրնի բերդաքաղաքում շարժման ղեկավարի դերում հանդես է գալիս Հրանուշը, ապա Ախնի և Կամարս քույրերը<sup>425</sup>:

Շարժումը գնալով ավելի մեծ չափեր էր ընդունում և ավելի ու ավելի վտանգավոր դառնում տիրող դասերի համար: Թոնդրակեցիների գեմ մղվող պայքարին միջամտում է Բյուզանդիան: Միջադեպի մագիստրոս Գրիգոր Պահլավունին 1051–1052 թթ. մեծ բանակով հարձակվում և դաժանորեն ճնշում է շարժումը<sup>426</sup>:

Ինչպես տեսնում ենք, Հայաստանում 10-11-րդ դդ. ծավալված գյուղացիական ապստամբություններն ու շարժումները շատ սուր և արմատական բնույթ ունեին: Այդ են վկայում ֆեոդների

<sup>424</sup> Տե՛ս նույն տեղում, էջ 154:

<sup>425</sup> Տե՛ս Արիստակես Լասալվերտցի, էջ 151–152:

<sup>426</sup> Տե՛ս Գրիգոր Սագխարոսի թղթերը, էջ 158:

ունեցավածքի բռնագրավման և բարձրաստիճան հոգևորականների սպանութեան փաստերը:

Փետրվարի սաստկացող շահագործման ծնունդ այս շարժումները, շատ ընդհանուր ու նման գծեր ունեին: Տիրող կարգերի դեմ մղվող պայքարում վերջի վերջո դրանց բոլոր մասնակիցների ձգտումներն ու նպատակներն նույնն էին: Սակայն չափազանց ուշագրավ է, որ այդ բոլոր ապստամբություններն ու շարժումները կատարվում են օտարի արշավանքների կամ նվաճողական քաղաքականութեան պայմաններում: Սյունիքի և Այրարատի գյուղացիական ապստամբությունները տեղի էին ունենում Ասրպատականի էմիր Յուսուֆի արշավանքների, իսկ Թոնդրակյան շարժումը՝ Բյուզանդիայի նվաճողական քաղաքականութեան ժամանակաշրջանում: Գյուղացիութունը կռվում էր երկու ուղղութեամբ՝ իրեն շահագործողների՝ տիրող դասերի և օտար նվաճողների դեմ: Եթե Սյունիքի ու Այրարատի ապստամբությունները նաև Յուսուֆի ավերիչ արշավանքներից Հայաստանը պաշտպանելու ձգտում ունեին, ապա Թոնդրակյան շարժումն իր մի կողմով ուղղված էր Բյուզանդիայի նվաճողական քաղաքականութեան դեմ: Այսինքն՝ 10–11-րդ դդ. գյուղացիական ապստամբություններն ունեին նաև ժողովրդապաշտպանական պայքարի բնույթ:

Այսպիսով, 9–11-րդ դդ. ուժեղանում է գյուղական համայնքի ներքին շերտավորումը, որի հետևանքով էլ խորանում է անմիջական արտադրող դասակարգի տարբեր խավերի միջև գոյություն ունեցող տնտեսական ու իրավական անհավասարությունը: Գյուղական համայնքի մեջ ընդգրկված մեծ մասամբ արդեն Փետրվարի գերիշխանութեանը ենթարկված, մասամբ դեռևս կիսանկախ ու ազատ շինականների կողքին հանդես են գալիս չքավորութեան գիրկն ընկած վարձկաններն ու նրանցից ավելի վատ դրություն մեջ գտնվող տնային ստրուկները:

Գյուղացիութեան դրությունն առանձնապես վատանում էր գոյություն ունեցող բավական ծանր հարկային սխտեմի հետևանքով: Ընդ որում, ինչպես տեսանք, գյուղացին մեծ մասամբ բնամթերքով ու մասամբ էլ դրամով հարկեր վճարելով չէր ազատ-

վում: Նա դրանից դատ հարկադրված էր նաև աիրոջ համար ֆիզիկական աշխատանք (կոռ) կատարելու:

Շահագործվող զասակարգը Ֆեսդալական այդ սաստիկ ճնշումը չէր հանդուրժում: Նա դրան պատասխանում էր ակտիվ սոցիալական պայքարով՝ գյուղացիական շարժումներով ու ապստամբություններով: 10-րդ դ. սկսվում և Հայաստանի գրեթե բոլոր մասերում տարածվում են գյուղացիական շարժումներ ու ապստամբություններ:

Ուսումնասիրվող էպոխան միջնադարյան Հայաստանի սոցիալական շարժումներով ամենից ավելի հարուստ ժամանակաշրջանն է:

## ԱՄՓՈՓՈՒՄ

Խալիֆայուլթյունն իր տիրապետությունը Հայաստանում հաստատուն դարձնելու նպատակով արարական քաղաքական քաղաքականաչափ ցեղեր էր գաղթեցրել ու բնակեցրել երկրում: Այդ ցեղերը տեղական ազդեցության հետևանքով աստիճանաբար ֆեոդալականացվելով և 9-րդ դ. սկզբներից հայ ֆեոդալների նման կենտրոնական իշխանությունից անկախանալու ձգտումներով էին հանդես գալիս: Խալիֆայուլթյան աստիճանական թուլացումն ու ծայրամասային երկրների, այդ թվում և Հայաստանի ինքնուրույնանալու ձգտումը գնալով ավելի է ուժեղանում: 9-րդ դ. կեսերին Հայաստանն օգտվում էր քաղաքականաչափ ինքնուրույնությունից, իսկ 886 թ. սեփական թագավորություն հիմնադրելով լրիվ անկախանում է:

Խալիֆայուլթյան տիրապետության տարիներին, մասնավորապես 8-րդ դ. կեսից 9-րդ դ. կեսերի ընթացքում հայ նախարարական տները խոշոր փոփոխությունների ենթարկվեցին: Նրանց մի մասը հողատիրության համար մղվող պայքարում պարտվելով՝ դադարեց երկրի տնտեսական-քաղաքական կյանքում քիչ թե շատ խոշոր դեր կատարելուց, իսկ մյուսները՝ ընդհակառակը, ավելի ընդլայնեցին իրենց ժառանգական տիրույթները և հսկայական կարողության տեր դառնալով՝ քաղաքական խոշոր դիրք ու հեղինակություն ձեռք բերին: Մամիկոնյան ֆեոդալական տունը Բագրատունիների դեմ պայքարելու ու այդ պայքարում ամբողջովին Բյուզանդիայի վրա հենվելու և հսկայաբանական քաղաքականություն վարելու հետևանքով, 8-րդ դ. վերջերին խոշոր հարված ստանալով դուրս եկավ պատմական ասպարեզից: Այդ նույն ժամանակ իրենց կալվածքներից զրկվեցին նաև Կամսարականները: Բագրատունիները, ընդհակառակը, հմտորեն օգտագործում էին Հայաստանի համար Բյուզանդիայի ու Խալիֆայուլթյան մրցակցությունը և աստիճանաբար ընդլայնում իրենց ժառանգական կալվածքները: 9-րդ դ. առաջին կեսին նրանք տեր

էին դարձել բայկական մեծ տիրույթները և իշխանաց իշխանի պաշտոն ստանալով մեծ հեղինակություն ու դիրք ձեռք բերել: Մի քանի տասնամյակ հետո նրանք խոշոր կալվածքներ ունեին արդեն կենտրոնական Հայաստանում և հասան թագավորական իշխանության:

Նույն ձևով Վասպուրականում էմիրությունների տերիտորիաների հաշվին, առավել ևս մյուս նախարարական տները նկատմամբ գերիշխանություն ձեռք բերելու միջոցով բարձրացան Արծրունիները, իսկ Սյունիքում՝ Սյունյաց նախարարական տունը:

Զ-րդ դ. վերջերին երկրի տնտեսական և քաղաքական կյանքում հիմնական տոն տվող ուժերն այս երեք խոշոր ֆեոդալական տներն էին: Նրանց մեջ Բագրատունիներն ավելի մեծ կարողություն և ազդեցություն ունեին և ձգտում էին իրենց ենթարկել ամբողջ Հայաստանն ու ստեղծել կենտրոնացված, միասնական պետություն: Աշոտ Բ Բագրատունին 922 թ. խալիֆից ստացավ «չահնչահ» տիտղոսը, որով ճանաչվում էր Բագրատունիների գերիշխանությունն ու առաջնությունը հայկական մյուս իշխանությունների, ինչպես նաև 908 թ. ստեղծված Արծրունյաց թագավորության նկատմամբ:

Այդ շրջանից սկսած վերանում են օտար արշավանքներն ու բռնությունները և երկրի խաղաղ տնտեսական զարգացման հնարավորություն է ստեղծվում: Աշխատանքի հասարակական բաժանման՝ գյուղատնտեսությունից արհեստների անջատման բազայի վրա զարգանում են արհեստագործությունը, առևտուրն ու քաղաքային կյանքը, ծավալվում կուլտուրական շինարարությունը:

Բագրատունիներն ավելի են ընդարձակում իրենց տիրույթները, տեր դառնում կենտրոնական Հայաստանի մեծ մասին և օգտագործելով նաև եկեղեցու հոգևոր ուժը՝ ձգտում երկիրը միավորել իրենց գերիշխանության ներքո: Սակայն նրանք իրենց քաղաքական ձգտումների մեջ հաջողություն չունեցան: Երկրի տնտեսական զարգացումը ոչ միայն միավորման պայմանները չէր ստեղծում, այլև, ընդհակառակը, տանում էր դեպի մասնատում: Այդ էր պատճառը, որ չնայած Բագրատունիների ջանքերին՝ հետզհետե ուժեղանում է մասնատման պրոցեսը և 10-րդ դ. երկրորդ կեսին Հայաստանում մի շարք մանր թագավորություններ

առաջացան՝ հիմնականում Բագրատունյաց թագավորության հաշվին:

963 թ. անկախացավ Վանանդը, Կարս կենտրոնով, 970 թ. հիմնադրվեց Սյունիքի թագավորությունը, նույն տասնամյակում անկախացավ Տաշիր-Ձորագետը (Կյուրիկյան թագավորություն), իսկ դեռ 908 թ. Վասպուրականում ինքնուրույն թագավորություն էին հիմնել Արծրունիները: Երկրի քաղաքական մասնատման անտեսական պատճառները ֆեոդալական ժառանգական հողատիրական իրավունքի ամրապնդման ու նրա հետագա զարգացման մեջ պետք է տեսնել:

Արդ՝ ի՞նչ է իրենից ներկայացնում ֆեոդալական հողատիրությունը. ի՞նչ ձևերով է հանդես գալիս և ինչպիսի էվոլյուցիոնապրոցեսս Բագրատունյաց տիրապետության շրջանում:

Հայաստանի անկախությունից հետո էլ հայ ֆեոդալների կողմից շարունակվեց արաբական էմիրություններին հայկական հողերից դուրս քշելու և ազատագրված հողերը ժառանգական սեփականություն դարձնելու քաղաքականությունը: Նրանք միաժամանակ իրենց իշխանություն սահմանները ընդարձակում էին գյուղական հողերի հաշվին:

Այնպես որ վերահիշյալ երեք խոշոր իշխանական տներից և համեմատաբար նվազ կարողություն ունեցող ֆեոդալական այլ բազմաթիվ տներից բացի, 10-րդ դ. կեսերին հանդես եկան նոր այնպիսի հզոր ֆեոդալական տներ, ինչպիսին, ասենք, Պահլավունիներն էին: Ֆեոդալական բուլլոյ այս իշխանությունները մասնավոր սեփականություն իրավունքով տիրապետում էին հսկայական հողային տարածությունների ու անտեսական միջոցների: Կոռույին բազմատեսակ աշխատանքների մասին եղած վկայություններից, Տաթևի վանքի օրինակից և մի քանի այլ փաստերից երևում է, որ ֆեոդալներն անհատական խոշոր անտեսություններ են ունեցել: Սակայն Հայաստանում գերակշռել են գյուղական առանձին համայնքների կողմից մշակվող ֆեոդալական մասնատված անտեսությունները: «Հայրենիք» կոչվող մասնատիրական այդ կալվածքները ժառանգական ընույթ են ունեցել:

Ֆեոդալական իշխանություններն ինքնուրույն անտեսական կյանքով էին ապրում և ունենալով սեփական զորքն ու հարկադ-

րանքի այլ միջոցներ, ոչ միայն շահագրգռված չէին կենտրոնական միասնական պետության ամրապնդման խնդրում, այլև ձգտում էին նրա քաղաքական մասնատմանը: Այսպիսով, երկրում առաջ եկած մասնատումը Ֆեոդալական արտադրական եղանակի զարգացման արդյունք էր: Այն արտադրական հարաբերությունների և արտադրողական ուժերի զարգացման առաջադիմական քայլ էր, կապված Ֆեոդալական հարաբերությունների խորացման և ծավալման, տեղական իշխանությունների ուժեղացման ու ամրապնդման հետ:

Գյուղատնտեսության մեջ զարգացումն արտահայտվեց նոր հողեր յուրացնելու և մշակելի հողային տարածություններն ընդլայնելու. բերքատվության բարձրացումը խթանող ցանքաշրջանառության եռադաշտային սիստեմը կիրառելու, հողերը մուլախոտերից մաքրելու, արհեստական ոռոգման ու հողերի պարարտացման եղանակին ավելի լայնորեն դիմելու միջոցով:

Աշխատանքի հասարակական բաժանման և արհեստագործության զարգացման հետևանքով կատարելագործվում էր մետաղների մշակման և գյուղատնտեսական գործիքների պատրաստման տեխնիկան, որն աշխատանքի մեթոդների կատարելագործման պատճառ էր հանդիսանում: Անհատական խոշոր տնտեսությունների կազմակերպումն իր հերթին արտադրողական ուժերի զարգացման նպաստավոր պայմաններ էր ստեղծում: Այդ շրջանում ծանր գույքանի կիրառմանը, որը գյուղատնտեսության ստաջադիմության տեսակետից մեծ նշանակություն ունի, նպաստում էին ֆեոդալական խոշոր անհատական տնտեսությունները:

Հողատիրության և հողագործության մեջ կատարվող փոփոխությունները նշանավորվում էին երկրի անցումը զարգացած ֆեոդալիզմի ժամանակաշրջանին: Ֆեոդալիզմի զարգացման այս նոր էտապը մի կողմից բնորոշվում էր արհեստագործության, դրամաուպրանքային տնտեսության ու քաղաքային կյանքի զարգացմամբ, իսկ մյուս կողմից՝ խոշոր հայրենիք-կալվածքների ձևավորմամբ ու նրանց հետագա զարգացմամբ:

Ֆեոդալական խոշոր կալվածքն, այս ժամանակաշրջանում դառնում է երկրի տնտեսական ու քաղաքական կյանքի հիմնական, վճռական ուժը: Այն ոչ միայն տնտեսական կազմակերպա-

կան գլխավոր ձև է դառնում, այլև Ֆեոդալական ամբողջ տնտեսական սիստեմի կենտրոնն էր: Խոշոր Ֆեոդալն իր կալվածքի ոչ միայն կազմակերպիչն ու ղեկավարն էր, այլև նրա անկախ, սուվերեն կարգադրիչը, իր տիրապետություն սահմաններում ապրող բնակչության տերն ու տնօրենը:

Խոշոր Ֆեոդալներից վասալական կախման մեջ էին մանր կալվածատերերը՝ ազատները: Նրանց հիմանական զբաղմունքը զինվորական ծառայությունն էր, որի դիմաց խոշոր Ֆեոդալներից պայմանական եղանակով հող էին ստանում: Սակայն քանի որ նրանց ուսումնական ծառայությունը ժառանգաբար փոխանցվում էր իրենց սերունդներին, պայմանական հողատիրությունն էլ ժառանգական հողատիրությունն էր ընդունում և իր բնույթով գրեթե հավասարվել էր նրան:

Ազատները, չահագործող դասակարգի մի առանձին շերտ լինելով, բավական մեծ իրավունքներ ու արտոնություններ ունեին և որոշակիորեն տարբերվում էին անմիջական արտադրող շինականներից: Նրանք մասնակցում էին իշխանների գործարքներին և հանդես գալիս զանազան պաշտոնական դիրքերում: Ազատները տիրող դասակարգի չահագործող վերջին շերտն էին:

Որքանով որ տիրող դասակարգի առանձին շերտերի քաղաքական դիրքը որոշվում էր հողատիրություն չափով, այնքանով էլ հողային սեփականությունը կրում էր հիերարխիկ բնույթ՝ Ֆեոդալական հիերարխիան արտահայտում էր տիրող դասակարգի առանձին շերտերի հողային սեփականությունը, ռենտային բաշխումը, ինչպես նաև իրար նկատմամբ նրանց ունեցած, լիակողմնական, իրավունքները: Իրանց հիման վրա Ֆեոդալական հիերարխիան 9-11-րդ դդ. արտահայտվում էր հետևյալ ձևով: Բոլորից վեր կանգնած էր թագավորը կամ թագավորները, որոնցից հետո հաջորդ աստիճանում էին մեծ, գահագլուխ, գահերես և իշխանաց իշխանը: Երրորդ աստիճանը կազմում էին շարքային իշխանները, իսկ վերջին՝ չորրորդ աստիճանն՝ ազատները:

Ֆեոդալական խոշոր հողատիրությունն աճը զգալի տեղաշարժեր է կատարում գյուղացիության ու գյուղական համայնքների կյանքում: Իշխանական հողերի ընդլայնման հետևանքով դուռևս ազատ, ինչպես նաև կիսազատ համայնքներն անցնում են նրանց

գերիշխանության տակ՝ կորցնելով նախկին ազատությունն ու ինքնուրույնությունը: Դրանով, իհարկե, համայնքը որպես տնտեսական կազմակերպական միավոր չի ոչնչացվում: Խոշոր կալվածատերերը հնարավոր չափով համայնքը հարմարեցնում են իրենց կալվածատիրական շահերին, սակայն հենվում, սահպանում ու ամրապնդում էին համայնական կազմակերպությունը:

Կալվածատիրոջ գերիշխանության տակ անցնելու և ներքին զարգացման հետևանքով համայնքի շերտավորումն ուժեղանում է: Նրա ավելի չքավոր մասն աստիճանաբար քայքայվելով և ամեն մի միջոցից զրկվելով վարձկանությամբ է զբաղվում: Համայնքի մյուս անդամների շահագործման միջոցով ավելի է հարստանում նրա վերին շերտը:

Անմիջական արտադրող գյուղացիությունը պետութայն ու ֆեոդալների կողմից հարկադրվում էր ծանրորեն՝ ռենտայի բոլոր երևք ձևերով: Ուսումնասիրվող ժամանակաշրջանում բավականին տարածված էր կոռային աշխատանքը: Գործում էր փողային ռենտան, որն դրամասպրանքային հարաբերությունների դարգացման շնորհիվ ավելի ու ավելի էր տարածվում: Սակայն դեռևս տիրապետող էր բնամթերքային ռենտան: Գյուղացիություն վրածանրացած հարկերի մեծագույն մասը մթերքով էր գանձվում:

Գյուղացիությունը ֆեոդալների տնտեսական ու արտատրնտեսական ճնշման ուժեղացմանը պատասխանում է սոցիալական ակտիվ պայքարով: 10-րդ դ. Այրարատում և Սյունիքում բռնվում են ուժեղ գյուղացիական ապստամբություններ, իսկ Երկրի արևմտյան գավառներում տարածվում է Թոնդրակյան գյուղացիական շարժումը: Տիրող դատակարգը միայն դիմվորական բռնի ուժի միջոցով է կարողանում ճնշել գյուղացիական այդ ապստամբությունները:

## ԲՈՎԱՆԴԱԿՈՒԹՅՈՒՆ

ԽՄԲԱԳՐԻ ԿՈՂՄԻՑ .....	3
ՆԵՐԱԾՈՒԹՅՈՒՆ .....	5
<b>ԳԼՈՒԽ ԱՌԱՋԻՆ</b>	
<b>ՀԱՅԱՍՏԱՆԻ ՏՆՏԵՍԱԿԱՆ ԵՎ ՔԱՂԱՔԱԿԱՆ ԴՐՈՒԹՅՈՒՆԸ 9–11-րդ դդ.</b>	
1. Երկրի անկախությունը երականգնումը .....	17
2. Արհեստագործության, առևտրի և քաղաքների զարգացումը .....	38
3. Միասնական համահայկական պետությունը և ստեղծելու փորձերը .....	51
<b>ԳԼՈՒԽ ԵՐԿՐՈՐԴ</b>	
<b>ԽՈՇՈՐ ՖԵՈԴԱԼԱԿԱՆ ՀՈՂԱՏԻՐՈՒԹՅՈՒՆ</b>	
1. Գյուղատնտեսությունը և գյուղատնտեսական տեխնիկան ..	65
2. Աշխարհիկ և եկեղեցական խոշոր հողատիրություն ..	73
ա. Հողի սեփականատիրության հարցը .....	73
բ. Աշխարհիկ խոշոր հողատիրեր. հողատիրության բնույթը ...	79
գ. Եկեղեցական խոշոր հողատերեր. եկեղեցական հողատիրության առանձնահատկությունները .....	94
դ. Ֆեոդալական կալվածք .....	106
3. Կալվածքային տնտեսության դերը և առանձնահատկությունները .....	132
<b>ԳԼՈՒԽ ԵՐՐՈՐԴ</b>	
<b>ՄԱՆՐ ՈՒ ՄԻՋԻՆ ՖԵՈԴԱԼԱԿԱՆ ՀՈՂԱՏԻՐՈՒԹՅՈՒՆ</b>	
1. Մանր ու միջին ֆեոդալական դասը .....	141
2. Մանր հողատերերի սոցիալական և իրավական վիճակը .....	161

**ԳԼՈՒԽ ԶՈՐՐՈՐԴ**

**ՖԵՆՈԴԱԿԱՆ ՀՈՂԱՅԻՆ ՌԵՆՏԱՆ ԵՎ**

**ԴԱՍԱԿԱՐԳԱՅԻՆ ՊԱՅՔԱՐԻ ՍՐՎԵԼԸ**

1. Շահագործվող դասակարգը. նրա իրավական և սոցիալական վիճակը .....	168
2. Ֆեոդալական ռենտա .....	183
3. Սոցիալական շարժումները Հայաստանում 10–11-րդ դդ. ....	208
Ամփոփում .....	222

Վ. Բ. ԲԱՐԵՈՒԴԱՐՅԱՆ

**ՖԵՈՒԱԼԱԿԱՆ ՀՈՂԱՏԻՐՈՒԹՅՈՒՆԸ  
ՀԱՅԱՍՏԱՆՈՒՄ 9-11-ՐԴ ԴԱՐԵՐՈՒՄ**

Համակարգչային ձևավորումը՝ Ն. Ադամյանի  
Համակարգչային շարվածքը՝ Ն. Բարթիկյանի,  
Թ. Սուքիասյանի և Հ. Առաքելյանի  
Տեխնիկական խմբագրումը՝ Մ. Գրիգորյանի  
Տպագրիչ՝ Լ. Մուրադյան

Ստորագրված է տպագրության 07.09.2017 թ.  
Տպաքանակը՝ 200 օրինակ

**ՀՀ ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԳԵՄԻԱ  
ՊԱՏՄՈՒԹՅԱՆ ԻՆՍՏԻՏՈՒՏ  
ИНСТИТУТ ИСТОРИИ ИАН РА  
INSTITUTE OF HISTORY OF NAS RA**

---

ՀՀ, 0019, Երևան, Մարշալ Բաղրամյան պող. 24/4  
ՐԱ, 0019, Ереван, пр. Маршала Баграмяна 24/4  
24/4, Marshal Baghramyan Ave., 0019, Yerevan  
[http //www.academhistory.am](http://www.academhistory.am)



$\pi$   
A 106902